


## এমন দিনে

infrustre Errese

ইপ্রিয়ান অে⊓সোসেয়িটেডে পাবলি শিং কোণে প্রিইভেটে লিঃ ৯৩, মহাসা গোদী বোডে, কলকি তা∮-৭







সাক্ষী ... প্রিয় চরিত্র ... সেই ঝামি ... স্ত্রী-ভাগা .. 20

40

এমন मित्र

व्यानिम ... '১११'

## এমন দিনে

দিনের পব দিন কাঠ-ফাটা গরম ভোগ করিয়া মান্ত্র যখন আশা ছাড়িয়া দিয়াছে তখন বৃষ্টি নামিল। শুণু বৃষ্টি নয়, বন্ধ্র বিহ্যাৎ ঝোড়ো-হাওয়া। শহরের তাপদক্ষ মান্ত্রগুলাকে শীতলভার স্থাসমূজে চুবাইয়া দিল।

বৃষ্টি আরম্ভ হইয়াছে বেলা আন্দান্ধ তিন্টার সময়। সন্ধ্যা ছ'টা নাগাদ দরবিগলিত ধারায় ভিজিতে ভিজিতে বাভাঙ্গের ঝাপ্টা থাইতে খাইতে সমীর গৃহে ফিরিল। শহরের প্রান্তে ছোট্ট একটি বাড়ী; নীচে ছটি ঘর, উপরে একটি। এইখানে সমীর তাহার বৌ ইবাকে লইয়া থাকে। ছটি প্রাণী। মাত্র বছর দেড়েক বিবাহ হইয়াছে। এখনও কপোতৃকুজন শেষ হয় নাই।

বাড়ীর দরজা-জানালা সব বন্ধ। সমীর দারের পাশে ঘটি টিপিতেই দার খুলিয়া গেল। ইরা দারের কাছেই দাড়াইয়া প্রতীক্ষা করিতেছিল। চকিত জভঙ্গী করিয়া বলিল,—'খুব ভিজেছ তো ?'

সমীর ভিতরে আসিয়া দ্বার বন্ধ করিয়া দিল, তারপর ভিচ্চা জামাকাপড় স্থন্ধ ইরাকে দৃঢ়ভাবে আলিঙ্গন করিয়া ধরিল। তাহার কোটপ্যান্টুলুন হইতে নির্গলিত জ্বল ইরার দেহের সন্মুখভাগ ভিজাইয়া দিল। সমীর বলিল,—'কী মজা! আজ থিচুড়ি থাব।'

ইরার মাথাটা সমীরের চিবৃক পর্যন্ত পৌছায়। সে সুর্বাঙ্গ দিয়া সমীরের দেহের সরসতা যেন নিজ দেহে টানিয়া জইল, তারপর ডিঙি মারিয়া তাহার চিবৃকে অধ্বর স্পর্শ করিয়া বলিল,— 'নিজে ভিজেছ, আবার আমাকেও ভিজিয়ে দিলে। ছাড়ো এবার। এমন দিনে ২

শীগ্সির জামা-কাপড় ছেড়ে ফেলো, বাধরুমে সব রেখেছি। যা তোমার ধাত, এখুনি গলায় ঠাণ্ডা লেগে যাবে।'

সমীর বলিল,—'কী, আমার গলার নিলে। শোন তবে—' বলিয়া গান ধরিল,—'এমন দিনে তারে বলা যায়—'

সমীরের গলা স্থারের ধার দিয়া যায় না। ইরা তাহার বুকে হাড দিয়া নিজেকে মুক্ত করিয়া লইল; বলিল,—'বাথরুমে গিয়ে গান গেও। কি খাবে—চা না কফি ?'

সমীর তান ছাড়িল,—'চা—চা—চা! যে চা মান্ত অতিথিদের জন্তে সঞ্চয় করা আছে, যার দাম সাড়ে সাত টাকা পাউও, আজ সেই চা থাব। সথি রে-এ-এ-এ'—সমীর গিয়া বাধরুমে ছার বন্ধ কবিল।

ইরা একটু দাঁড়াইয়া ভাবিল। সেও শাড়ী ব্লাউজ ছাড়িয়া ফেলিবে গ নাথাক, এ জল গায়েই শুকাইয়া যাক।…

বসিবার ঘরে আলো জ্বলিয়াছে। সমীর ও ইরা সামনাসামনি বসিয়া চা খাইতেছে। চায়ের সঙ্গে ডিম-ভাজা।

বাহিরে বর্ষণ চলিয়াছে। কখনও হাওয়ার দাপট বাড়িতেছে, বৃষ্টির বেগ কমিতেছে; কখনও তাহার বিপরীত। মেঘের গর্জন প্রশমিত হইয়া এখন কেবল গলার মধ্যে গুরুগুরু রব। কচিৎ বিছাতের একটু তৃপ্তহাসি।

এবেলা ঝি আসে নাই। বাঁচা গেছে। প্রত্যাহ সন্ধ্যার পর সমীরের এক বন্ধু তাহার বাসায় আসিয়া আড্ডা জমায়, সে আজ বৃষ্টিডে, বাহির হয় নাই। ভালই হইয়াছে। আজ বাড়ীতে শুধু তাহারা ছ'জন। এই জনাকীর্ণ নগরীর লক্ষ্ণ লক্ষ্মানুষের মধ্যে থাকিয়াও তাহারা সম্পূর্ণ পৃথক; বৃষ্টি তাহাদের নিঃসঙ্ক করিয়া দিয়াছে। পরস্পারের সঙ্ক-সরস নিবিভূ নিঃসঙ্কতা। আজ সকালে অফিস যাইবার সয়য় সমীরের সঙ্গে ইরার একট্
মনাস্তর হইয়াছিল। সমীর মুখ ভার করিয়াছিল, ইরার অধর একট্
স্কুরিত হইয়াছিল। তখন ছঃসহ গরম। তারপর—পৃথিবীর বাতাবরণ বদলাইয়া গেল। কী লইয়া মনাস্তর হইয়াছিল ? ইরা অলসভাবে স্মরণ করিবার চেষ্টা করিল, কিন্তু স্মরণ করিতে পারিল না।

চা শেষ হইলে ইরা ট্রে সরাইয়া রাখিয়া আসিয়া বসিল, সমীর সিগারেট ধরাইল। ছ'জনে পরিতৃপ্ত মনে কোনও কথা না বলিয়া মুখোমুখি বসিয়া রহিল।

পৃথিবীর সকল স্বামী-স্ত্রীর মধ্যে মনের মিল হয় না। যেখানে যেখানে মিল হইয়াছে সেখানেও ষোলোআনা মিল না হইতে পারে। দেহের স্তরে, হৃদয়ের স্তরে এবং বৃদ্ধির স্তরে মিল কোটিকে গুটিক মিলে। সমীর ও ইরার ভাগ্যক্রমে তাহাদের মধ্যে দেহ-মনও বৃদ্ধির মিল অনেকখানিই হইয়াছিল; তাহাদের দেহ-মন পরস্পরের মধ্যে পরিপূর্ণ পরিভৃত্তির স্বাদ পাইয়াছিল; বৃদ্ধির দিক দিয়াও তাহারা পরস্পরকে সাগ্রহে বৃদ্ধিবার চেষ্টা করিত এবং অনেকটা বৃদ্ধিয়াছিলও। তবু মাঝে মাঝে কোন্ অসমতার ছিল্লপথে হৃঃখ আসিয়া উপস্থিত হইত, ছ'জনকেই ব্যাকুল করিয়া তুলিও। বোধকরি দেহ-মন-বৃদ্ধির অতীত একটা স্তর আছে হয়তো তাহা পরিপূর্ণ আত্মসমর্পণের স্তর; সেখানে কেহ উঠিতে পারে না। তাই নিভ্ত মনের গোপন কন্দরে একটা শ্বাতা থাকিয়া যায়।

কিন্তু আজ, বর্ষণ-পরিপ্লুত রাত্রে, সমীর ও ইরার মনে কোনও শৃহ্যতাবোধ ছিল না। বস্থার জলে যখন দশদিক ভাসিয়া গিয়াছে তখন কুপে কতথানি জল আছে কে তাহা মাপিয়া দেখিতে হায়।

ত্ইজনে গন্তীর মুখে কিছুক্ষণ পরস্পারের পানে চাহিয়া রহিল, তারপর সমীর বলিল,—'অভ দূরে কেন, কাছে এসে বোসো।' हेत्रा विनन,--'ভূমি এস।' विनश्न मास्ना (नथाईन।

ত্'জ্বনে উঠিয়া গিয়া বেতের সোকায় পাশাপাশি বসিল। জানালার কাচের ভিতর দিয়া বিছ্যুৎ মুচ্কি হাসিল, মেঘ চাপ। স্বরে গুরুগুরু করিল। সমীর বলিল—'কেমন লাগছে গু'

সমীরের সিলের কিমোনোর কাঁধে গাল রাখিয়। ইর। অর্ধনিমীলিত নেত্রে চুপ করিয়া রহিল, শেষে অফুটফরে বলিল,— 'বলা যায় না।'

সমীর বলিল,—'কিন্তু কবি লিখেছেন বলা যায়।'

'কবি বলতে পারেন, তাই বলে কি আমরা পারি ?'

'পারি।' কিছুক্ষণ চুপ করিয়া থাকিয়া সমীর ইরাকে বৃকের কাছে টানিয়া লইল,—'আজ বলব তোমাকে। তুমি বলবে '

অনেকক্ষণ সমীরের বাছবেষ্টনের মধ্যে পড়িয়া থাকিয়া ইরা চুপিচুপি কহিল, 'বলব।'

সে-রাত্রে তাড়াতাড়ি আহার সারিয়া তাহারা দিতলের ঘরে শুইতে গেল।…

বাত্রি এগারোটা। বৃষ্টি মাঝে থামিয়া গিয়াছিল, আবার শুরু হইয়াছে। শিথিল বৃষ্টি, অবসন্ধ মেঘের শ্লথ মুষ্টি হইতে অবশে ঝরিয়া পড়িতেছে।

সমীর ও ইরা বিছানায় পাশাপাশি শুইয়া আছে। নীলাভ নৈশ দীপের মৃত্ প্রভায় ঘরটি স্বপ্লাবিষ্ট। ত্'জনে চোথ বৃজিয়া জাগিয়া আছে।

ইরার একটা হাত অলস তৃপ্তিতে সমীরের গায়ে পড়িল: সেকহিল,—'এবার বল।'

সমীর হাত বাড়াইয়া সূইচ টিপিল, নৈশ দীপ নিভিয়া গেল: অন্ধকারে ইয়া প্রতীক্ষা করিয়া রহিল। কিছুক্ষণ সমীরের সাড়া না পাইয়া ইরা আঙুল নাড়িরা তাহার পাঁজরায় সুড়স্থড়ি দিল। সমীর তথন ধীরে ধীরে বলিতে আরম্ভ করিল—

হিসেব করছিলাম কতদিন আগেকার কথা। মাত্র সাত বছর, আমার বয়স তথন কুড়ি। কিন্তু মনে হচ্ছে যেম কবেকার কথা। তথন আমি কলকাতায় থেকে থার্ড ইয়ারে পড়ি আর কলেজেন হোস্টেলে থাকি।

লম্বা ছুটিতে বাড়ী যেতাম, কিন্তু ছোটখাটো ছু'এক দিনের ছুটিতে বাড়ী যাওয়া হত না। ডায়মণ্ড হারবার লাইনে আমার এক পিসেমণাই থাকতেন, তাঁর কাছে যেতাম। বেশী দূর নয়, শিয়ালদা থেকে ঘণ্টা দেড়েকের রাস্তা; আধা-শহর আধা-পাড়ার্গা জায়গাটা। কলকাতা থেকে মাঝে মাঝে সেখানে গিয়ে থাকতে বেশ লাগত। গাছের ডাব, পুকুবের মাছ, পিসিমাব হাতের রায়া—

পিদেমশায়ের সংসাবে ওঁরা ছ'জন ছাড়া আর একটি মানুষ ছিল, পিদেমশায়ের ভাগ্না সরলা। পিসিমাদের একমাত্র ছেলে অজয়দা নদীয়ার কলেজে প্রফেসারি করতেন, বাড়ীতে বড় একটা আসতেন না। এঁদের সংসার ছিল এই তিনজনকে নিয়ে।

সরলা বাপ-মা-মরা মেয়ে, মামার কাছে মানুষ হয়েছিল।
বয়সে আমার চেয়ে ত্থক বছরের ছোট; বিয়ে হয়নি। রোপা লম্বা
চেহারা, ফ্যাল্ফেলে ত্থটো চোথ, মেটে-মেটে রঙ। কিন্তু সব
মিলিয়ে দেখতে মন্দ নয়। একটু যেন ভীক্ষ প্রকৃতি, সহজভাবে
কাক্লর সঙ্গে মিশতে পারত না। প্রথম প্রথম আমাকে দেখে
পালিয়ে বেড়াত। তারপর 'সমীরদা' বলে ডাকত, কিন্তু ঢ়োখে
চোথ মিলিয়ে চাইতে পারত না।

**अ**भन मिरन ७:

আমার তখন যে বয়স সে-বয়সে সব মেয়েকেই ভাল লাগে।
সরলাকেও আমার ভাল লাগত। কিন্তু মনে পাপ ছিল না।
তাছাড়া আমি কি রকম আনাড়ি ছিলাম তা তো তুমি জানো।
মেয়েদের যতই ভাল লাগুক, তাদের সঙ্গে ঘনিষ্ঠতা করবার কায়দাকান্থন জানতাম না।

যাহোক, একদিন পিসিমার বাড়ীতে গিয়েছি। সেটা ফাগুন কি চৈত্র মাস ঠিক মনে নেই। বিকেলবেলা পৌছে দেখি বাড়ীতে হৈ-হৈ কাগু। নবদ্বীপ থেকে টেলিগ্রাম এসেছে অজয়দার ভারি অস্থ : পিসেমশাই আর পিসিমা এখনি নবদ্বীপ যাচ্ছেন। আমাকে দেখে পিসিমা বললেন—তুই এসেছিস বাবা, ভালই হল। অজুর অস্থ, আমরা এখুনি নবদ্বীপ যাচ্ছি। ঠাকুরের দয়ায় যদি অজু ভাল থাকে, ভোর পিসেমশাই কালই ফিরে আসবেন। তুই তভক্ষণ বাড়ী আগ্লাস। সরলাগু রইল।

পিসিমা আর পিসেমশাই প্রায় একবস্তে ই**ন্টি**শানে চলে গেলেন। বাড়ীতে রয়ে গেলাম আমি আর সরলা।

ক্রমে সদ্ধ্যে হল, সদ্ধ্যে থেকে রাত্রি। আমার মনে যেন একটা কাঁটা বিঁধে আছে। সরলা রান্না করতে গেল। খাবার তৈরি হলে খাওয়া-দাওয়া সেরে নিলাম। সরলার সঙ্গে আমার তিনটে কথা হল কিনা সন্দেহ। সে আমার পানে কেমন একরকমভাবে ভাকাচ্ছে, আবার তথনি চোখ সরিয়ে নিচ্ছে। তার চাউনির মানে ধরতে পারছি না, কিন্তু মনটা অশান্ত হয়ে উঠছে। এক বাড়ীতে। আমি আর একটি যুবতী, আর কেউ নেই। আগুন আর ঘি—

রাত বাড়তে লাগল। আমি বাড়ীর দোড়তাড়া বন্ধ করে শুতে গেলামু। আমার শোবার ঘর নীচে, বৈঠকখানার পাশে; সরলা শোয় ওপরে। দরজা ভেজিয়ে দিয়ে আলো নিভিয়ে শুয়ে পড়লাম। খাটটা বেশ বড়; হাত-পা ছড়িয়ে শোয়া যায়। জানালা দিয়ে ঝিরঝিরে বাতাস আসছে। আমার মনটা বেশ শাস্ত হয়ে এল। তারপর ঘুমিয়ে পড়লাম।

হঠাৎ ঘুম ভেঙে গেল একজনের গায়ে হাত ঠেকে। চোখ চেয়ে দেখি সরলা আমার পাশে বিছানায় শুয়ে আছে। তারপর— তারপর সে-রাত্রির বর্ণনা দিতে পারব না। সারারাত্রি নিজের সঙ্গেলড়াই করতে করতে কাঠ হয়ে বিছানার একপাশে শুয়ে কাটিয়ে দিলাম। সরলাও বোধহয় সারারাত জেগে ছিল; ভোর হওয়ার সঙ্গে সঙ্গে গে উঠে ঘর থেকে বেরিয়ে গেল।

পরের দিনটা কাটল ছঃস্বপ্নের মতো। একসঙ্গে ওঠা-বসা, সে রাঁধছে আমি খাচ্ছি, অথচ কেউ কারুর মূখের পানে তাকাতে পারছি না। আজ যদি পিসেমশাই ফিরে না আসেন, যদি রাত্রে আবার কালকের মতো ব্যাপার ঘটে, তাহলে—

সরলার মনে কি ছিল জানি না। হয়তো সে ভূতের ভয়েই
আমার কাছে এসে শুয়েছিল। কিন্তু আমি নিজের কথা বলতে
পারি, ভূতের চেয়েও বড় ভূত আমার কাঁধে ভর করেছিল। সেদিন
যদি পিসেমশাই না আসতেন—

ভাগ্যক্রমে পিসেমশাই বিকেলবেলা ফিরে এলেন। অজ্ञরদা'র পান-বসস্ত হয়েছে, ভয়ের কোনও কারণ নেই। আমি সেই রাত্রেই কলকাতায় চলে এলাম। তারপর সরলাকে আর দেখিনি; ওদিকেই আর পা বাড়াইনি। তবে শুনেছি সরলার বিয়ে হয়ে গেছে।•

সমীর নীরব হইল। ইরাও কথা কহিল না। কিছুক্ষণ এইভাবে কাটিবার পর সমীর জিজ্ঞাসা করিল,—'কেমন শুনলে ?' ইরা সমীরের দিকে পাশ ফিরিয়া শুইল। বলিল,—'আনাড়ি ছিলে বলেই বেঁচে গিয়েছিলে। কিন্তু ভারি রোমান্টিক আর রহস্তময়।' তাহার কণ্ঠস্বরে একটু তরলতার আভাষ পাওয়া পেল।

সমীব প্রশ্ন করিল,—'আর ভোমার ?'

'আমার ভারি সীরিয়স ব্যাপার হয়েছিল।'

ইরা ধীরে ধীরে থামিয়া থামিয়া বলিতে আরম্ভ করিল—

আমার তথন সতরো বছর বয়স, বছর চারেক আগেকার কথা। সবে স্কুল থেকে কলেজে ঢুকেছি।

আমার প্রাণের বন্ধু সাধনা একবছর আগে কলেজে ঢুকেছে একদিন চুপিচুপি আমায় বলল, সে প্রেমে পড়েছে। এক গল্পলেখকের সঙ্গে। ভাদের মধ্যে চিঠি লেখালেখি চলছে। আমাকে চিঠি দেখাল।

দেখেশুনে আমার ভীষণ মন খারাপ হয়ে গেল। আমি যেন সব-তাতেই পেছিয়ে আছি। কী উপায় ? আমার বাপের বাড়ীতে মেয়েদের ওপর ভারি কড়া নজর। মেয়ে-কলেজে পড়ি, গাড়ি চড়ে শুড়গুড় করে কলেজে যাই, গুড়গুড় করে ফিরে আসি। ছোঁড়াদের সঙ্গে হল্লোড় করার সুবিধে নেই। বাবা জানতে পারলে কেটে ফেলবেন।

সাধনার কথাবার্তা থেকে মনে হয় প্রেমে না পড়লে জীবনই বৃথা। শেষ পর্যন্ত মরীয়া হয়ে প্রেমে পড়ে গেলুম। আমাদের কলেজের হিস্ট্রির প্রফেসর দিগস্বরবাবুর সঙ্গে।

তুমি যা ভাবছ তা নয়: দিগস্থরবাবুর নামটাই বুড়ো, তিনি মারুষটা বুড়ো নয়। তিশ-বতিশ বছর বয়স, পাতলা ধারালো মুখ, খাঁড়ার মতো নাকেব ওপর রিম্লেস চশমা। তাঁর কথা-বলার ভঙ্গীতে এমন একটা চাপা বিজ্ঞপ থাকত যে মেয়েরা মনে মনে তাঁকে ভয় করত, তাঁর সঙ্গে প্রেমে পড়ার সাহস কারুর ছিল না। আমিই বোধহয় প্রথম।

প্রফেসারদের মধ্যে দিগস্বরবাবুই ছিলেন অবিবাহিত। আর ধাঁরা ছিলেন তাঁরা আমার বাবার বয়সী; কারুর তিনটে ছেলে, কারুব পাঁচটা নেয়ে।

দিগস্বরবাবু যখন ক্লাসে আসতেন আমি একদৃষ্টে তাঁর মুখের পানে চেয়ে থাকতাম। তাঁর নাকের ফুটো ছিল ভীষণ বড় বড়, কানে খাড়া খাড়া লোম, মাথার ঠিক মাঝখানে ঘষা পয়সার মতো খানিকটা জায়গায় চুল পাতলা হয়ে গিয়েছিল, মাথা হেঁট করলেই চক্চক্ করে উঠত। বোধহয় টাকের পূর্বলক্ষণ। কিন্তু তিনি পড়াতেন ভারি চমংকার, শুনতে শুনতে মগ্ন হয়ে যেতুম।

কিছুদিন এইভাবে দূর থেকে প্রেম-নিবেদন চলল। কিন্তু এভাবে কতদিন চলে ? সাধনা প্রায়ই জিজেস করে—প্রেম কতদ্র ? আমি কিছুই বলতে পারি না। সাধনার প্রেম অনেকদ্র এগিয়েছে; তারা এখন লুকিয়ে লুকিয়ে একসঙ্গে সিনেমা দেখতে যায়, পার্কে বসে অনেক রাত্রি পর্যন্ত প্রেমালাপ করে। এদিকে আমার প্রেম যেখানে ছিল সেখানেই পড়ে আছে, এক পা এগুচ্ছে না। এগুবে কোখেকে ? দিগম্বরবাবুর কাছে গিয়ে কথা কইবার নামেই হাত-পা সাঞা হয়ে যায়।

শেষে এক চিঠি লিখলুম। হৃদয়ের আবেগ-ভরা লম্বা চিঠি। তারপর কলেজের ঠিকানায় প্রকেসর দিগম্বর ঘোষালের নামে পাঠিয়ে দিলুম। চিঠিতে সবই ছিল, কেবল একটা ভূল হয়ে গিয়েছিল। নিজের নাম দস্তখত করিনি।

পরদিন বিকেলবেলা হিন্ট্রির ক্লাস। দিগম্বরবাবু ক্লাসে এলেন।

লেক্চার আরম্ভ করবার আগে পকেট থেকে আমার চিঠিখানা বার করে বললেন,—'আমি আজ একটা প্রেমপত্র পেয়েছি, ভোমাদের পড়ে শোনাতে চাই।'

দিগস্বরবারু চিঠি পড়তে লাগলেন। মেয়েরা প্রথমে আড়েষ্ট হয়ে গিয়েছিল, তারপর মুখ-তাকাতাকি করতে লাগল। দিগস্বরবারুও চিঠি পড়তে পড়তে চোখ তুলে আমাদের মুখের ভাব লক্ষ্য কবতে লাগলেন।

আমার অবস্থা বৃঝতেই পারছ। মনে হল আমার বুকের হুমহুম শব্দ সবাই শুনতে পাচেছ। কেন যে তথনই ধরা পড়ে যাইনি তা জানি না। দিগম্বরবাবু কিন্তু চিঠির সম্বন্ধে কোন মন্তব্য করলেন না, চিঠি শেষ করে একটু মুচকি হেসে লেক্চার আরম্ভ করলেন।

কলেজে এই নিয়ে বেশ একটু হৈ-চৈ হল। দিগম্বরবাবু অক্স ক্লাদের মেয়েদেরও চিঠি পড়ে শুনিয়েছেন। সব মেয়েরা উত্তেজিত, কে চিঠি লিখেছে ? ভাগ্যিস, চিঠিতে সই করতে ভুলে গিয়েছিলুম, নইলে বিষ খেতে হত।

আমার প্রেম তখন মুমূর্, পুরুষ জাতটা যে কী ভীষণ হৃদয়হীন তা বুঝতে পেরেছি। কিন্তু সাধনা আমাকে বোঝাচ্ছেন যে, প্রেমের পথ কন্টকাকার্ণ, ওতে ভয় পেলে চলবে না। আমি কিন্তু ভয়ে কাঠ হয়ে গেছি। বাবা যদি জানতে পারেন—

দশ-বারো দিন কেটে গেল, তারপর এক নতুন থবর কলেজে ছড়িয়ে পড়ল—দিগম্বরবাব স্কলারশিপ নিয়ে বিলেত যাচ্ছেন। আমার খুবই ছঃখ হবার কথা, কিন্তু ছঃখ মোটেই হল না। ভাবলুম এবার বৃঝি প্রেমের দায় থেকে নিছ্তি পাব।

কিন্তু নিক্ষৃতি অত সহজ নয়। বিলেত যাবার আগের দিন

দিগম্বরবাব আমাকে ক্লাস থেকে ডেকে পাঠালেন। কাঁপতে কাঁপতে তাঁর অফিস-ঘরে গেলুম। তিনি টেবিলের সামনে বসে কাগজ্বপত্র সই করছিলেন, ঘরে আর কেউ ছিল না। আমাকে দেখে ঘাড় নেডে বললেন,—'বোসো'।

আমি তাঁর সামনের চেয়ারে বসলুম ৷ তিনি কাগজে সই করতে করতে বললেন,—'চিঠিখানা তুমি লিখেছিলে ৽ৃ'

আমি কেঁদে ফেললুম।

তিনি উঠে এসে আমার চেয়ারের পাশে দাঁড়ালেন; নরম স্থরে বললেন,—'তুমি সত্যি আমায় ভালবাস ?'

অত বড় উচ্ছাসময় চিঠির পর আর অস্বীকার করা চলে না। আমি ঘাড় নেড়ে জানলুম,—'হ্যা, ভালবাসি।'

তিনি তথন বললেন,—'কিন্তু আমি যে কালই বিলেত চলে যাচ্ছি, বছরখানেক সেথানে থাকতে হবে। তুমি একবছর অপেক্ষা করতে পারবে ?'

আমি ঘাড় নাড়লুম—'হ্যা, পারব।'

তিনি হেসে পিঠ চাপড়ে দিলেন; বললেন,—'বেশ বেশ। এখন যাও, মন দিয়ে লেখাপড়া করবে। আমি ফিরে আসি, তারপর দেখা যাবে।'

দিগম্বরবাবু বিলেত চলে গেলেন। প্রথম কিছুদিন খুব আনন্দে কাটল। তারপর ক্রমে ছুর্ভাবনা। যতই দিন ফুরিয়ে আসছে ততই ভয় বাড়ছে। এইভাবে একবছর যখন শেষ হয়ে এসেছে তখন দিগম্বরবাবুর এক চিঠি পেলুম। বোধহয় কলেজ থেকে আমার ঠিকানা যোগাড় করেছিলেন। এই তাঁর প্রথম এবং শেষ চিঠি। তিনি লিখেছেন—'কল্যাণীয়ামু, আমি শীঘ্রই দেশে ফিরব। তুমি শুনে মুখী হবে, আমি এখানে এসে একটি ইংরেজ মেয়েকে বিয়ে खमन मित्न ५२

করেছি। তার নাম নেলি। মিষ্টি নাম নয় ? আশা করি, তুমি মন দিয়ে লেখাপড়া করছ। ইতি—'

·কি আনন্দ যে হয়েছিল তা আর বলতে পারি না। তারপর আর কি শু আর প্রেমে পড়িনি। ছ'বছর পরে তোমার সঙ্গে বিয়ে হল।

সমীর হাত বাড়াইয়া নৈশ দীপ জালিল। ছইজনে কিছুক্ষণ মুখোনুখি শুইয়া রহিল। তারপর অতিদীর্ঘ নিশাস ফেলিয়া সমীর বলিল,—'দিগস্বরবাবু ভন্তলোক ছিলেন তাই বেঁচে গিয়েছিলে। কিন্তু ইরা, সত্যি যদি একটা নোংরা ব্যাপার হত ? তুমি আমাকে বলতে পারতে ?'

ইরা কিছুক্ষণ চোথ বুজিয়া রহিল। আজ মনকে চোথ ঠারিবার দিন নয়; সে মনের অস্তস্তল পর্যন্ত খুঁজিয়া দেখিল। না, আজিকার রাজে সে সমীরের কাছে কোনও কথাই লুকাইতে পারিত না। সে চোথ খুলিয়া বলিল,—'পারতাম।'

আবার বৃষ্টির জোর বাড়িয়াছে। জ্ঞানালার বাহিরে একটানা ঝরঝর শব্দ। ছইজনে অত্যস্ত ঘনিষ্ঠভাবে শুইয়া ভাবিতেছে। আজ তাহারা যেমন পরিপূর্ণভাবে পরস্পরকে পাইয়াছে এমন আর পূর্বে কথনও পায় নাই; তাহাদের মাঝখানে যেটুকু ফাঁক ছিল তাহা নিবিডভাবে ভরাট হইয়া গিয়াছে।

## সाक्रो

জেলা-কোর্টের দায়রা এজলাসে খুনের মামলা শেষ হইয়াছে।
আসামী বেকস্থর খালাস পাইয়াছে। আমরা যে-কয়জন কলিকাভার
সাংবাদিক লোমহর্ষণ পরিস্থিতির খবর পাইয়া এখানে আসিয়াছিলাম, তাহাদের মধ্যে অহা সকলেই ফিরিয়া গিয়াছে, কেবল
আমি রছিয়া গিয়াছি। মামলার নিষ্পত্তি হইয়া গিয়াছে এবং
আসামী স্থবিচার পাইয়াছে ভাহাতেও সন্দেহ নাই; তবু আমার
মন সন্তুষ্ট হইতে পারে নাই। কোখায় যেন একটি গুরুতর প্রশ্ব

শহরের ধনী এবং উচ্চু ভাল যুবক মোহিতমোহন রক্ষিত নিজের স্ত্রীকে হত্যা করিয়া কেরারী হয়, তারপর ধরা পড়িয়া যায়। প্রত্যক্ষ প্রমাণ অবশ্য ছিল না, কেহ মোহিতকে খুন করিতে দেখে নাই; কিন্তু জোরালো circumstantial evidence ছিল। মোহিতের স্ত্রী অন্নপূর্ণা ছিল কটুভাষিণী খাণ্ডার মেয়ে; মোহিতের সহিত প্রায়ই তাহার ঝগড়া হইত। এমন কি মাঝে মাঝে মারপিটও যে হইত, পাড়াপড়শী তাহার সাক্ষী ছিল। মোহিত দায়রা-সোপদ

মামলা যথন সঙীন হইয়া উঠিয়াছে, মোহিতের প্রাণরক্ষার কোনও রাস্তাই নাই, এমন সময় কালীময় ঘোষ নামক এক স্থানীয় ভদ্রলোক স্পেচ্ছায় কোর্টের পক্ষ হইতে সাক্ষী দিলেন। তিনি বলিলেন, যে-রাত্রে এগারোটার সময় অন্নপূর্ণা খুন হয় সে-রাত্রে সওয়া দশটা হইতে প্রায় বারোটা পর্যস্ত মোহিত কালীময়েব গৃহে ছিল, মোহিত তাঁহার স্ত্রীর উপপতি। সওয়াল জবাবের পর সক্ষেহ খাকে না যে কালীময় ঘোষ সত্য কথা বলিতেছেন। তাঁহার সাক্ষ্যের জোরে মোহিত মুক্তি পায়।

মফঃস্বলের মামলায় কলিকাতা হইতে সাংবাদিকেরা বড় একটা আদে না, স্থানীয় সংবাদদাতারাই খবর পাঠায়। এই মামলার শেষের দিকে আমরা টেলিফোনে খবর পাইয়া আসিয়া জুটিলাম। কাগজে খুব হৈ-হৈ হইল। তারপর মামলার নিষ্পত্তি হইলে সকলে ফিরিয়া গেল। আমি কেবল রহিয়া গেলাম।

পরদিন বৈকালে আন্দান্ধ পাঁচটার সময় আমি কালীময় ঘোষের বাড়াতে গেলাম। পাড়াটা নিরিবিলি, কয়েকঘর ভদ্র গৃহস্থের বাস। বাগান-ঘেরা একতলা ছোট ছোট বাড়ীগুলি, সবগুলিই প্রায় এক ছাঁচের। কেবল একটা বাড়া দ্বিতলের গর্বে মাথা উচু করিয়া আছে। সেটি মোহিত রক্ষিতের বাড়া। কালীময়বাবুর বাড়া হইতে মোহিত রক্ষিতের বাড়াটা ঘাট-সন্তর গজ দুরে। আমরা এখানে আসিয়া প্রথমেই ঘটনাস্থল পরিদর্শন করিয়াছিলাম, স্থানটার প্ল্যান জানাছিল।

কালীময় ঘোষের ছোট বাগান পার হইয়া বাড়ীর সামনে উপস্থিত হইলাম। বাড়ীটা নির্জন মনে হইল। একা কালীময়বাবু সম্মুখের বারান্দায় মাছরে বসিয়া বঁড়শিতে সূতা বাঁধিতেছেন। চারিদিকে মাছ-ধরার সরঞ্জাম, হুইলযুক্ত ছুইটা ছিপ, মুগার সূতা, ময়ুরপুচ্ছের ফাৎনা ইত্যাদি।

কালীময়বাবুর বয়স আন্দাজ প্রতাল্লিশ। দোহারা বলিষ্ঠ গোছের চেহারা, মাথার চুল ও গোঁফ ছোট করিয়া ছাঁটা। খাটো ধ্তির উপর ময়লা সোয়েটার পরিয়া তিনি বসিয়া আছেন; যে বয়সে মারুষ নিজের দৈহিক পারিপাট্য সম্বন্ধে উদাসীন হইয়া পড়ে সেই বয়স। আমাকে দেখিয়া হাঁটুর উপর একটু কাপড় টানিয়া দিয়া জ তুলিসেন,—'আপনি ?'

কালাময়বাবৃকে আমি ইতিপূর্বে আদালতে সাক্ষীর কাঠগড়ায় দেখিয়াছি। তাঁহার বাহু আচার ব্যবহার ও প্রকৃতি সম্বন্ধে আমার মনে বেশ স্পষ্ট ধারণা আছে, কিন্তু তাঁহার চরিত্র-চিত্র অঙ্কিত করা সহজ নয়। লোকটি ভদ্রপ্রেণীর, জাতিতে কায়স্থ, অভাবগ্রস্ত নয়, সচ্ছল স্মবস্থার মায়য়; অশিক্ষিত নয়, বি-এ বি-এল; তবু তাঁহার কথায় ও আচার ব্যবহারে কোথায় যেন একটু চাষাড়ে ভাব আছে। চাষাড়ে কথাটা হয়তো ঠিক হইল না, শহুরে পালিশের অভাব বলিলে ভাল হয়। পাড়াগাঁয়ের চণ্ডীমণ্ডপে তাঁহাকে বেমানান মনে হইবে না, কিন্তু কলিকাতার মাজিত সমাজের কোনও ছায়িংকমে তাঁহাকে ছাড়য়া দিলে তিনি হংসমধ্যে বকের স্থায় প্রভীয়মান হইবেন তাহাতে সন্দেহ নাই।

আমি নিজের পরিচয় দিলাম, তারপর তাঁহার কাছে গিয়া মাতুরের প্রাস্তে বসিলাম। তিনি একঝার রুক্ষ চোখে আমার পানে চাহিলেন; বলিলেন,—'সব তো চুকে-বুকে গেছে। আবার কেন ?'

আমি বলিলাম,—'না না, আমি সাংবাদিক হিসেবে আপনার কাছে আসিনি। নিতাস্তই ব্যক্তিগত কৌতৃহল; আপনার মতো চরিত্রবল আজ্কালকার দিনে দেখা যায় না। একটা ত্বশ্চরিত্র লম্পটের প্রাণ বাঁচাবার জন্য আপনি—'

তোয়াজে কাজ হইল না, তিনি দৃঢ়ভাবে বাধা দিয়া বলিলেন,—
'ওসব কথা ছাডান দিন। কি জানতে চান ?'

সম্কৃচিত প্রশ্ন করিলাম,—'আপনার জ্রী—?'

'সে পালিয়েছে'—কালীময়বাবু আবার বঁড়শি বাঁধিতে প্রাবৃত্ত হইলেন।

'দেকি! কোথায় ? কার সঙ্গে?' 'জানি না। খোঁজ করিনি।' কিছুক্ষণ নীরবে তাঁহার বঁড়শি-বাঁধা দেখিলাম। একটি মুগার সূতায় তু'টি বঁড়শি বাঁধিতেছেন। বর্ধমানের ভাল বঁড়শি। বঁড়শি বাঁধিবার বিশেষ কায়দা আছে, যেমন ভেমন করিয়া বাঁধা চলে না। প্রথমে একটি বঁড়শিকে সূতার এক ধারে বাঁধিয়া ছুই পাশের সূতা পাকাইয়া এক করিতে হয়। তারপর অন্ত বঁড়শি সূতার অন্ত প্রান্থে অনুরূপ প্রথায় বাঁধিতে হয়। তুইটি বঁড়শি পাশাপাশি মুলিতে থাকে।

'আপনি ছিপে মাছ ধরতে ভালবাসেন ?'

'Šī1 1'

'রাত্রে মাছ ধরেন কেন ?'

'মজা আছে। দিনে মাছ-ধরার চেয়ে ঢের বেশী মজা। কারবাইডের সাইকেল-ল্যাম্প জেলে জলেব ওপর আলো ফেললে মাছ আসে।'

'আজ রাত্রে মাছ ধরতে যাবেন নাকি ?'

'না, আজ আর হবে না।'

'আপনার বাড়ীতে এখন কে কে আছে ?'

'কেউ নেই, আমি একা। নিজে রেঁধে খাচ্ছি।'

কিছুক্ষণ বঁড়শি-বাঁধা দেখিয়া বলিলাম,—'আচ্ছা, মোহিত রক্ষিত তার স্ত্রীকে ধুন করেনি তা যেন প্রমাণ হল, কিন্তু কে ধুন করেছিল তা তো জানা গেল না।'

কালীময় আমার পানে একটি অবজ্ঞাপূর্ণ দৃষ্টি নিক্ষেপ করিয়া বলিলেন,—'আপনি আইনের কিছু জানেন না দেখছি। কে খুন করেছে এ-মামলায় তা জানবার দরকার নেই, মোহিত রক্ষিত খুন করেনি প্রাঞ্চলেই যথেষ্ট।'

<sup>---</sup> তুরু, কে খুন করেছে জানা দরকার তো।'

'সে ভাবনা পুলিসের।' 'তা বটে। তব—'

বঁড়শি-বাঁধা শেষ হইলে কালীময় স্তা তুলিয়া ধরিয়া নিরীক্ষণ করিতে করিতে যেন অন্তমনস্ক ভাবেই প্রশ্ন করিলেন,—'আপনি মদ ধান গ'

'মদ !'

'হ্যা—মদ। তুইস্কি ব্রাণ্ডি জিন। খান ?' সত্যকথা বলিলাম,—'পরের প্রসায় পেলে খাই।' 'তবে আস্কুন।'

কালীময় আমাকে বাড়ীব ভিতর বসিবার ঘরে লইয়া গেলেন।
কালীময়ের মনের মধ্যে অনেক কথা জমা হইয়া ছিল।
সে-রাকুত্রে আমরা হ'জনে মুখোমুখি বসিয়া একটি বোতল হুইস্কি
সাবাড় করিয়াছিলাম। সেই সঙ্গে তাঁহার মুখে যে বৃত্তাস্ত শুনিয়াছিলাম তাহার সহিত আদালতে প্রদত্ত এজেহার মিলাইয়া একটা গোটা কাহিনী খাড়া করা যাইতে পারে। তাঁহার পলাতকা স্ত্রী দামিনার একটি ফটোও দেখিয়াছিলাম। এমন কিছু আহা-মরি চেহারা নয়, কিন্তু বয়স কুড়ি-বাইশ; শরীরের বাঁধুনি আছে এবং চোখে আছে কপট ভালমানুষী।

কালীময় এই জেলারই লোক। ছেলেবেলায় পাড়াগাঁয়ে ছিলেন, তারপর শহরে আদিয়া লেখাপড়া শিখিয়াছেন, উকিল হইয়াছেন; গ্রামের জমিজমা বিক্রয় করিয়া শহরে বাড়ী কিনিয়া বাদ করিতেছেন। ওকালতিতে তাঁহার পদার বেশি নয়; জরীপের কাজ করিয়া অল্লস্বল্প রোজগার হয়। হাতে কিছু নুগুদ্ধ নি প্রাছে, লগ্নি কারবারেও মন্দ উপার্জন হয় না। মোটের উপর সক্তল অবস্থা।

্ৰথমন দিনে ১<del>৮</del>

প্রায় বিশ বছর শহরে আছেন। শহরের সকলের সঙ্গে পরিচয় আছে, কিন্তু বেশী ঘনিষ্ঠতা কাহারও সঙ্গে নাই। যে-ব্যক্তি একাধারে উকিল এবং মহাজন, তাহার সঙ্গে কাহারও বেশী ঘনিষ্ঠতা বোধহয় সম্ভব নয়।

কালীময়ের প্রথমপক্ষের স্ত্রী রুগ্না ছিলেন, বিবাহিত জীবনের প্রায় পনরোটা বছর নিরবচ্ছিন্ন শ্যাগত থাকিয়া নিঃসন্তান অবস্থায় পর্সারোহণ করেন। কালীময়ের বয়স তখন চল্লিশ পার হইয়া গিয়াছে; পুনর্বাব বিবাহ করিবার জন্ম তিনি বিশেষ উৎস্কুক ছিলেন না, পুরাম-নরকের ভয়ও তাঁহার ছিল না। কিন্তু কালীময়ের এক দূর-সম্পর্কের বোন ছিল, তাহার বিবাহ হইয়াছিল অন্ম জেলায়; কালীময় বিপত্নীক হইয়াছেন শুনিয়া সে আসিয়া দাদাকে ধরিয়া বিসল—তাহার স্থামীর এক দূর-সম্পর্কের ভাগনী আছে, মেয়েটি অনাথা, তাহাকে উদ্ধার করিতে হইবে। রূপবতী গুণবতী কন্মা, নেহাত অনাথা বলিয়াই দূর-সম্পর্কের ভায়ের গলায় পড়িয়াছে।

শেষ পর্যন্ত কালীময় দামিনীকে বিবাহ করিলেন। দামিনী সাধারণ বিচারে দেখিতে-শুনিতে ভালই, রূপ যত না থাক, চটক আছে। গুণের পরিচয় ক্রমে প্রকাশ পাইল। সংসারের কাজ জানিলেও সেদিকে স্পৃহা নাই। ভালমামুষের মতো ঘরে থাকে বটে, কিন্তু মন বাহিরের দিকে। ঘরের কাজ ফেলিয়া বিছানায় শুইয়া বোমাঞ্চকর উপত্যাস পড়িতে ভালবাসে, সাজ-গোজের দিকে নজর বেশি, সিনেমা দেখার দিকে প্রচণ্ড লোভ।

প্রথমে কালীময় কিছু দেখিতে পান নাই। ক্রমে নব-পরিচয়ের বোলা জল পরিষার হইতে লাগিল। কিন্তু নৃতন বৌয়ের যে দোষ ক্রিটি ডিছি ্দেখিতে পাইলেন সেগুলি তাঁহার মারাত্মক মনে হইল না। দামিনী সাধারণ মেয়ে, এইরূপ সাধারণ মেয়ের সাধারণ

লোষ**গুণ লইয়া সংসারস্থল লোক** ঘর করিতেছে। কালীময় বিশেষ উদ্বিগ্ন হইলেন না।

বছরখানেক কাটিয়া গেল। কালীময় ধারে ধীরে উপলব্ধি করিলেন, দামিনী সাধারণ মেয়ে নয়। সে অত্যস্ত স্বার্থপর, অস্থ্যের এখ-স্বিধা সামর্থ্যের কথা সে ভাবে না। তাহার একটা প্রচ্ছের ভাবন আছে; তাহার অতাত-জীবনে কোনও গুপু-রহস্ত আছে। সে অত্যস্ত সরল নিরীহ মুখ লইয়া অনর্গল মিথ্যা কথা বলে। সে লুকাইয়া লুকাইয়া কাহাকে চিঠি লেখে।

একদিন একটা সামান্ত ঘটনা ঘটিল। কালীময়ের বাড়ীর ঠিক সামনে রাস্তার ধারে একটা ডাক-বাক্স আছে; তুপুরবেলা কালীময় একটা দলিল লইবার জন্ম কোর্ট হইতে বাড়ী ফিরিতেছিলেন। পথঘাট শৃন্তা, মোড় ঘুরিয়া নিজের রাস্তায় পড়িয়া তিনি দেখিতে পাইলেন, দামিনী টুক্ করিয়া ফটকের বাহিরে আসিয়া একখানা খামের চিঠি ডাকে ফেলিয়া আবার সুট্ করিয়া বাড়ীতে ফিরিয়া গেল।

কালীময় গৃহে প্রবেশ করিয়া দামিনীকে বলিলেন,—'আজ তুপুরে ঘুমোওনি দেখছি। কাকে চিঠি লিখলে ?'

সরল বিস্ময়ে চক্ষু বিস্ফারিত করিয়া দামিনী বলিল,—'চিঠি! কৈ, আমি লিখিনি ভো!'

কালীময়ের ধোঁকা লাগিল। তবে কি তিনিই ভুল দেখিয়াছেন! তিনি আর কিছু বলিলেন না, দলিল লইয়া আদালতে ফিরিয়া গেলেন। কিন্তু তাঁহার মনটা অনিশ্চয়ের সংশয়ে প্রশ্নসন্থ্ল হইয়া উঠিল।

তুই তিন দিন পরে কালীময়ের দূর-সম্পর্কের সেই ভগিনীপতি আসিয়া উপস্থিত হইলেন; যাঁহার গৃহে দামিনী থাক্তিত ইন্দ্রিকিট্রিই। বয়সে কালীময়ের চেয়ে ছোট, শক্ত-সমর্থ চেহারা, চোথে শিকার্য্য বিড়ালের সতর্কতা। বলিলেন,—'কাজে এসেছিলাম, ভাবলাম দেখা করে যাই।'

তিনি কালীময়ের গৃহেই রহিলেন; কালীময় তাঁহাকে যথেষ্ট আদর যত্ন করিলেন। তুই দিন ও এক রাত্রি কালীময়ের গৃহে কাটাইয়া অতিথি বিদায় লইলেন। কিন্তু তিনি কী কাজে আসিয়াছিলেন তাহা ঠিক বোঝা গেল না, কারণ এখানে আসিয়া তিনি একবারও গৃহের বাহির হন নাই। কালীময় অবশ্য যথারীতি ত্বপুরবেলা কোটে গিয়াছেন।

অতঃপর তিনি মাঝে মাঝে আদেন, ত্'একদিন থাকিয়া চলিয়া যান। কালীময় সন্দিশ্ধ প্রকৃতির লোক নন, কিন্তু তাঁর মনেও থটকা লাগে। লোকটি সম্পর্কে দামিনীর ভাই, অথচ তাহাদেব সম্পর্কটা ঠিক যেন স্বাভাবিক নয়। কালীময়ের সম্মুথে তাহারা এমন সম্কৃচিত হইয়া থাকে কেন ? কোথায় যেন কিছু গলদ আছে।

যাহোক, এইভাবে আরও বছরখানেক কাটিয়া গেল। কালীম্য় দিনের বেলা কোটে যান, সন্ধার পর একটু হুইস্কি পান করেন। এ অভ্যাস তাঁহার আগে ছিল না, সম্প্রতি হুইয়াছে। তাঁহার ভাবি মাছ-ধরার শথ, আগে হপ্তায় অস্তত একবার চৌধুরীদের পুকুরে রাত্রিকালে মাছ ধরিতে যাইতেন, এখন আর অত বেশি যাওয়া হয় না; তবুও মাঝে মাঝে ্যান। জরীপের কাজ পড়িলে হুই তিন দিনের জন্ম বাহিরে যাইতে হয়। তখন দামিনী বাড়ীতে একলা থাকে। একলা থাকিতে তাহার ভয় নাই।

কালীময়ের বাড়ীতে বেশী লোকের আসা-যাওয়া নাই, যাহারা আসে, কাডেঃ হায়ে আসে; কদাচিৎ হু'একজন মকেল, কখনও খাতক টাকা ধার লইতে বা শোধ দিতে আসে। পড়শীদের সঞ্জে কালীময়ের নামমাত্র পরিচয়, কেবল মোহিত রক্ষিতের সহিত একটু ব্যবহারিক ঘনিষ্ঠতা আছে।

মোহিত রক্ষিত ফুর্তিবাজ্ক ছোকরা। স্থদর্শন চেহারা, মিষ্ট আচার ব্যবহার; কিন্তু প্রচণ্ড জুয়াড়ী। বন্ধুদের পাল্লায় পড়িয়া মাঝে মাঝে মাদকজব্য দেবন করে, কিন্তু নেশাখোর নয়। প্রকাশ্যে চরিত্রদোষ ছিল না, কারণ ঘবে ছিল খাণ্ডার বৌ। এই মোহিত রক্ষিত মাঝে-মধ্যে আসিত কালীময়ের কাছে টাকা ধার লইতে। তাহার পিতা তাহার জন্ম যথেষ্ট সম্পত্তি রাখিয়া গিয়াছিলেন, কিন্তু নগদ টাকা এমন ভাবে বাঁধিয়া দিয়া গিয়াছিলেন যে, প্রতি মাসে একটা বাঁধা বরাদ্দের বেশী সে হাতে পাইত না। তাই মাসের শেষের দিকে হঠাৎ টাকার ঘাট্তি হইলে মোহিত কালীময়ের নিকট রিস্ট-ওয়াচ বা আংটি বাঁধা রাখিয়া, কখনও বা শুধু হাতেই, টাকা ধার লইত। আবার হাতে টাকা আসিলেই ঝণ শোধ করিয়া দিত। কালাময় মোহিতকে মনে মনে পছন্দ করিতেন, কারণ সে জুয়াড়ী হইলেও মহাজনকে কাঁকি দিবার চেষ্টা করিত না।

একবার কালাময় জরীপের কাজে ত্র' তিন দিনের জন্ম গ্রামাঞ্চলে গিয়াছিলেন, ফিরিয়া আসিয়া দামিনীকে দেখিয়া তাঁহার মস্তিক্ষে সন্দেহের আগুন জ্বলিয়া উঠিল। দামিনী ভাল মেয়ে নয়, নষ্ট মেয়ে। তাহার গুপু নাগর আছে। সে লুকাইয়া ব্যভিচার করে।

সন্দেহ বস্তুটা যে সকল আণুবীক্ষণিক প্রমাণের উপর নির্ভর করে সে-প্রমাণ কাহাকেও দেখানো যায় না, এমন কি নিজের কাছেও তাহারা খুব স্পষ্ট নয়। তবুও এজাতীয় সন্দেহের হাত ছাড়ানো যায় না। কালীময় মাথার মধ্যে তৃষের আগুন জ্বালিয়া তারিতে লাগিলেন— সামিনী বিবাহের আগে হইতেই তুশ্চরিত্রা এইজ্মুই

কালীময় স্থির করিলেন, কেবল সন্দেহের তুষানলে দগ্ধ ছইয়া লাভ নাই, ধরিতে হইবে। হাতে-নাতে ধরিয়া তারপর নষ্ট জ্ঞীলোকটাকে দূর করিয়া দিবেন। কেলেঙ্কারি হইবে, শহরে কান পাতা যাইবে না—তা হোক।

শনিবার বিকালে আদালত হইতে ফিরিয়া জলযোগ করিতে করিতে কালীময় বলিলেন,—'আজ রাত্তিরে মাছ ধরতে যাব।' ভাঁহার বাহ্য ব্যবহার দেখিয়া মনের কথা অনুমান করা যায় না।

দামিনীর চোথের মধ্যে ঝিলিক খেলিয়া গেল। সে তৎক্ষণাৎ চোথের উপর পল্লবের আবরণ নামাইয়া বলিল,—'ও।—ভাহলে ভোমার রাত্তিরের খাবার তৈরি করি। ফিরতে কি রাত হবে ?'

কালীময় বলিলেন,—'যেমন হয়, একটা-দেডটা।'

রাত্রি সাড়ে আটটার পর কালীময় বাহির হইলেন। একটি চটের থলিতে মাছ-ধরার সরঞ্জাম; চার, টোপ, ভাজা খোল ও মেথিব গুঁড়া, একটি কারবাইডের সাইকেল-ল্যাম্প। সেই সঙ্গে একটি দেড় ফুট লম্বা লোহার ডাগু। রাত্রে মাছ ধরিতে গেলে এই ডাগুটি তাঁহার সঙ্গে থাকে। নির্জন স্থানে একাকী রাত্রি-যাপন, আম্মুরক্ষার একটা অস্ত্র সঙ্গে থাকা ভাল।

এক হাতে ছিপ, অন্ত হাতে থলি লইয়া কালীময় বাহির

হইলেন। তিনি ফটক পার না হওয়া পর্যস্ত দামিনী দারের কাছে দাঁড়াইয়া রহিল, তারপর দাব বন্ধ করিয়া দিল। বাড়ীতে আর কেহ নাই; ঠিকা ঝি দিনের বেলা কাজ করিয়া দিয়া চলিয়া গিয়াছে, আবার কাল সকালে আসিয়া রাত্তির এঁটো বাসন মাজিবে।

কালীময়ের বাড়ীর সম্মুখের রাস্তাটির ছইটি মুখ: একটি বাজারের দিকে, অক্যটি শহরের বাহিরে গিরাছে। কালীময় বাহিরের রাস্তা ধরিলেন। চৌধুরীদের বাগানবাড়ীটা শহরেব ছই মাইল বাহিরে। প্রকাশু পুকুর, পুকুরে খল্সে পুঁটি হইতে বড় বড় রুই কাংলা মুগেল চিতল সব মাছই আছে। চৌধুরীরা কালেভজে বাগানবাড়ীতে আমোদ করিতে যান; একটা মালী বাগানবাড়ীর তত্ত্বাবধান করে। চৌধুবীরা বড় জমিদার; কালীময় উাহাদের এস্টেটের একজন উকিল। পুকুরে মাছ ধরিবার ঢালাও ভকুম আছে।

কিছুদ্র চলিবার পব মোহিত রক্ষিতের বাড়ীর কাছাকাছি মোহিতের সঙ্গে তাঁহার দেখা হইয়া গেল। সে বলিল—এই 'যে ঘোষ মশাই! আপনার কাছেই যাচ্ছিলাম।'

কালীময় দাঁড়াইয়া বলিলেন,--'কি ব্যাপার গ'

'কিছু টাকার দরকার পড়েছিল।'

'কত গ'

'শ' ছুই ৷'

'তা এখন তো হবে না, কাল সকালে এস।'

'তাই যাব। কোথায় চলেছেন ? চৌধুরীদের পুকুরে ?'.

'ŽTI I'

'বেশ আছেন!' একটু গাসিয়া মোহিত চলিয়া গেল। নিজের বাড়ীতে ফিরিয়া গেল না শহরে কোনও জুয়ার আড্ডায় গেল। মোহিতের বাড়ীর সম্মুখ দিয়া যাইবার সময় কালীময় শুনিতে পাইলেন বাড়ীর ভিতর হইতে কাংস্থকঠের তীক্ষ স্বর আসিতেছে— '…বাড়ীতে মন বসে না, দিনরাত শুধু জুয়া আর জুয়া! লক্ষীছাড়ার দশা!…বাপ যা রেখে গেছে সব ছারে গোল্লায় দিয়ে তবে নিশ্চিন্দি হবে…'

চলিতে চলিতে কালীময় ভাবিতে লাগিলেন—মোহিতের বৌ স্বন্দরী এবং যুবতী; কিন্তু কী গলা! কী মেজাজ! ছনিয়ায় বিবাহ করিয়া কেহ স্থী হইয়াছে কি ় তিনি নিজে ছইবার বিবাহ করিয়াছেন: প্রথমটি চিরক্রা, দ্বিতীয়টি ভ্রষ্টা। মানুষ বিবাহ করে কেন গ

রাস্তাটা আরও আধ মাইল গিয়া মিউনিসিপাল এলাকার শেষ প্রান্তে পৌছিয়াছে, অতঃপর আর আলোকস্তম্ভ নাই। এইখানে পৌছিয়া কালীময় একটি গাছের তলায় উপস্থিত হইলেন। রাত্রি-কালে এ বাস্তায় লোকচলাচল খুবই কম, তবু কালীময় গাছের পিছনদিকে গিয়া ছিপটি গাছের গুঁড়িতে হেলাইয়া দিলেন; থলিটি মাটিতে রাখিয়া নিজে একটি উন্নত শিকড়ের উপর উপবেশন করিলেন। এখানে বসিলে রাস্তা দিয়া মোটর-গাড়ি যাইলেও ভাহার হেড-লাইটের আলোয় তাঁহাকে দেখা যাইবে না।

পকেট হইতে সিগারেট বাহির করিয়া কালিময় ধরাইলেন; ধরাইবাব সময় দেশলাইয়ের আলোতে হাতঘড়িটা দেখিয়া লইলেন। ন'টা বাজিয়া পাঁচ মিনিট।

আজ সিগারেট বড় শীভ্র শেষ হইয়া গেল। তিনি আর একটা সিগারেট ধরাইলেন। সেটা শেষ হইলে আর একটা…

দৃশ্টা বাজিলে কালীময় পায়ের জুতা খুলিয়া ফেলিলেন ; জুতা-জোড়া গাছের স্কন্ধে তুলিয়া বাখিলেন, শিয়াল-কুকুরে লইয়া না ষায়। তারপর থলি হইতে লোহার ডাগুটি লইয়া থলিও গাছের একটি গোঁজের মতো ডালে ঝুলাইয়া দিলেন। ছিপটি যেমন ছিল তেমনি রহিল। কালীময় লোহার ডাগুটি দৃচ্মুষ্টিতে ধরিয়া নিঃশব্দে ফিরিয়া চলিলেন। রাস্তায় জনমানব নাই।

নিজের পাড়ায় যখন ফিরিলেন তখন পাড়া নিষুতি; সব বাড়ীতে আলো নিভিয়া গিয়াছে, কেবল মোহিতের বাড়ীর একটা ঘরে আলো জ্বলিতেছে।

কালীময়ের নিজের বাড়ীও অন্ধকার, কোথাও সাড়াশন্দ নাই।
তিনি চোরের মত প্রবেশ করিলেন। বাড়ীর প্রবেশদার ছইটি—
)একটি সামনে, একটি পিছনে। কালীময় অনুভব করিয়া দেখিলেন,
ছইটি দ্বারই ভিতর হইতে বন্ধ। তিনি তথন নিঃশন্দপদে শয়নঘরের জানালার বাহিরে গিয়া দাড়াইলেন। জানালার একটি
কপাট অল্প থোলা রহিয়াছে; ঘরের ভিতর অন্ধকার। কান পাতিয়া
থাকিলে ফিসফিস গলার আওয়াজ শোনা যায়। কিছুক্ষণ কান
পাতিয়া শুনিবার পর কালীময় কণ্ঠস্বর ছ'টি চিনিতে পারিলেন—
একটি তাঁহার স্ত্রী দামিনীর, অপরটি তাঁহার খাতক মোহিত
রক্ষিতের।

পরদিন সকালবেলা পাড়ায় হুলস্থুল কাগু। মোহিত রক্ষিত নিজের স্ত্রীকে থুন করিয়া ফেরারী হইয়াছে। বাড়ীতে পুলিস আসিয়াছে।

মোহিতের বাড়ীর বাঁ পাশে গোপাল নিয়োগীর বাড়ী, ডান পাশে থাকেন প্রতাপ চন্দ। ছ'জনেই প্রোঢ় ব্যক্তি; তাঁহারা পুলিসের কাছে এজেহার দিলেন। মোহিত এবং অন্নপূর্ণার কলহ দৈনন্দিন ব্যাপার। কাল রাত্রি আন্দান্ধ এগারোটার সময় তাঁহারা মোহিতের বাড়ী হইতে অন্নপূর্ণার চীংকার ও গালিগালাজের শব্দ শুনিতে পান। মোহিত কোনও দিনই চেঁচাইয়া ঝগড়া করে না. কালও তাহার কণ্ঠস্বর স্পষ্ট শোনা যায় নাই। হঠাং অন্নপূর্ণা— 'মেরে ফেললে' 'মেবে ফেললে' বলিয়া ছুই তিন বার চীংকার করিয়াই চুপ করিল। বাপোর এতটা চরমে আগে কখনও ওঠে নাই। কিন্তু দাম্পত্য কলহে বাহিরেব লোকের হস্তক্ষেপ করিতে যাওয়া মূঢ়তা, তাই গোপাল নিয়োগী এবং প্রতাপ চন্দ অত রাত্রে আর বাড়ীর বাহিব হন নাই। বিশেষত অন্নপূর্ণা যখন হঠাং চুপ করিয়া গেল তথন তাঁহারা ভাবিয়াছিলেন মোহিত বৌকে পিটাইয়া শায়েস্তা করিয়াছে। সে যে বৌকে খুন করিতে পাবে এ সম্ভাবনা তাহাদের মাথায় আসে নাই। সারারাত্রি মৃতনেহ খোলা বাড়ীতে পড়িয়া ছিল, সকালবেলা ঝি আসিয়া আবিদ্ধার করিয়াছে। ঝিয়ের চেঁচামেচিতে গোপালবাব্ ও প্রতাপবাব্ এ বাড়ীতে আসিয়াছেন এবং মৃতদেহ দেখিয়া স্তম্ভিত হইয়াছেন।

কালীময় মোহিতের বাড়ীতে গেলেন। পাড়ায় এমন একটা কাশু হইয়া গেল, সকলেই গিয়াছে, তিনি না গেলে খারাপ দেখায়। পুলিস দারোগা তাহাকে জিজ্ঞাসা করিলেন—'আপনি কিছু জানেন গ'

এজেহার দিবার ইচ্ছা কালীময়ের ছিল না, তিনি ইতস্ততঃ করিয়া বলিলেন,—'কখন—এই ব্যাপার ঘটেছে গ'

দাবোগা গোপাল নিয়োগী ও প্রতাপ চন্দকে দেখাইয়া বলিলেন—'এঁদের কথা থেকে মনে হয় রাজি আন্দান্ধ এগারোটার সময় খুন হয়েছে। অভা সাক্ষী নেই, বাড়ীতে ঝি-চাকর কেট থাকত না।'

কালীময় বলিলেন,-- 'এগারোটার কথা জানি না, আমি

চৌধুরীদের পুকুরে মাছ ধরতে গিয়েছিলাম। কিন্তু রাত্রি আন্দাঞ্জ সাড়ে আটটার সময় মোহিতের সঙ্গে আমার দেখা হয়েছিল।'

দারোগা বলিলেন,—'ভাই নাকি! কোথায় দেখা হয়েছিল १' কালীময় গতরাত্তে মোহিতের সহিত পথে সাক্ষাতের বিবরণ বলিলেন। শুনিয়া দারোগা কহিলেন,—'হুঁ। আর একটা জোরালো মোটিভ পাওয়া যাচ্ছে। মৃত মহিলার গলায় দশ-বারো ভরি ওজনের সোনার হার ছিল, খুনী সেটা নিয়ে গেছে।—মোহিত রক্ষিত আপনার কাছে টাকা ধার নিতে যাচ্ছিল, কিন্তু আপনার কাছে ধার না পেয়ে শুধ্-হাতেই জুয়ার আডভায় গিয়েছিল। সেখানে বোধহয় আমল পায়নি, ভাই বৌয়ের গলার হার নিতে এসেছিল। ভারপর—'

দারোগা পাড়ার আরও অনেককে প্রশ্ন করিলেন, কিন্তু নৃত্নকোনও তথ্য পাওয়া গেল না। মোহিত জুয়াড়ী ছিল, দলে পড়িয়া
মাঝে মাঝে মদ খাইত, কিন্তু মোটের উপর মামুষ মন্দ ছিল না;
অন্নপূর্ণার সহাগুণ ছিল না, মুখের রাশ ছিল না, সামাহ্য কারণে
ঝগড়া বাধাইয়া পাড়া মাথায় করিত—এই তথ্যগুলিই সকলের
মুখে প্রকাশ পাইল।

তদস্ত শেষ করিয়া দারোগা লাশ লইয়া চলিয়া গেলেন। পলাতক মোহিত রক্ষিতের নামে পুলিসের হুলিয়া বাহির হুইল।

\* \*

গতরাত্তে প্রায় একটার সময় কালীময় মাছ ধরিয়া বাড়ী ফিরিয়া-ছিলেন। দামিনী ঘুমচোথে আসিয়া দোর খুলিয়া দিয়াছিল, জড়িতস্বরে জিজ্ঞাসা করিয়াছিল,—'মাছ পেলে ?'

कालीभग्न मः रक्करल विवाधित्वन-'ना।'

আর কোনও কথা হয় নাই। দামিনী গিয়া আবার শয়ন কবিয়াছিল; কালীময় হাত মুখ ধুইয়া তাহার পাশে শয়ন করিয়া ছিলেন। দামিনী কয়েকবার আড়মোড়া ভাঙিয়া ঘুমাইয়া পড়িয়াছিল, কালীময় সারারাত্রি জাগিয়া ছিলেন।

সকালবেলা ছ'জনের মধ্যে লুকোচ্রি খেলা আরম্ভ হইল। বাহিঃ-বাড়ীতে খুনের খবর পাইয়া কালীময় অন্দরে আসিলেন; লামিনীকে বলিলেন.—'কাল রাত্রে মোহিত রক্ষিত বৌকে খুন করে পালিয়েছে।'

দামিনী চা তৈরি করিতেছিল, তাহার মুখখানা হঠাৎ শুকাইয়া শীর্ণ হটয়া গেল, সে চকিত-ভয়ার্ত চক্ষু একবার তুলিয়া তৎক্ষণাৎ নত কবিয়া ফেলিল। কালীময় বলিলেন,—'মোহিতকে তুমি দেখেছ নিশ্চয়ঃ আমার কাছে আসতো টাকা ধার করতে।'

দামিনী চোথ তুলিল না, জড়াইয়া জড়াইয়া বলিল, 'কি জানি— মনে পড়ছে না—'

চা পান করিয়া কালীময় ঘটনাস্থলে গেলেন : সেখান হইতে ফিরিতে বেলা প্রায় ছপুর হইল : বাড়ী আসিয়া তিনি দামিনীকে বলিলেন,—'কাল রাত্তির এগারোটার সময় মোহিত তার বৌকে খুন করেছে :

দামিনীর চোথে ঝিলিক খেলিয়া গেল। সে অক্তদিকে চোথ ফিরাইয়া বলিল,—'তাই নাকি ?' কথাটা অত্যস্ত নীরস ও অর্থহীন শুনাইল। মনের স্পর্শহীন নিস্পাণ বাঁধা বুলি।

পরদিন সোমবার। মোহিতের হুলিয়া শহরের বাহিরেও জারি হুইয়া গিয়াছে, কিন্তু মোহিত এখনও ধরা পতে নাই।

শহর হইতে তিন স্টেশন দূরে বড় জংশন। সোমবার সন্ধ্যাবেলা

পুলিসের জমাদার অভয় শিকদার জংশনের সদর প্ল্যাটফর্মে পায়চারি করিতেছিল। সে একরাত্রির জন্ম ছুটি লইয়া ধৃতি-পাঞ্জাবি পরিয়া শ্বশুরবাড়ী যাইতেছে। তাহার বয়স সাতাশ-আটাশ, প্রথম পুত্র-সম্ভান জন্মিয়াছে; তাই পুত্রমুখ দর্শনের জন্ম সে একরাত্রির ছুটি পাইয়াছে। তাহার শশুরবাড়ী বৈশী দূরে নয়, ট্রেনে ঘণ্টা তিনেকের রাস্তা। কিন্তু জংশন পর্যন্ত আসিয়া সে আটকাইয়া গিয়াছে; ওদিকের ট্রেনের কি গোলযোগ হইয়াছে, আড়াই ঘণ্টা লেট;

অভয় শিকদার অধীর ভাবে প্লাটফর্মে পায়চারি করিতেছে।
সময় যেন কাটিতে চায় না। সে স্টেশনের পরিচিত মালবাবৃ
ও চেকারদের সঙ্গে গল্প করিয়াছে; স্টেশনের প্লাটফর্মে যে ছোট্ট
পুলিশ-থানা আছে সেথানে বিসয়া আড্ডা দিয়াছে, পলাতক খুনী
আসামী মোহিত রক্ষিত সম্বন্ধে আলোচনা করিয়াছে আসামীকে
ধ্স চেনে, কিন্তু এখন আর তাহাকে কোথায় পাওয়া যাইবে স সে
এতক্ষণে হিল্লী-দিল্লী মক্কা-মদিনা পার হইয়া গিয়াছে। কাল আবার
শেষরাত্রেই ট্রেনে চড়িয়া ফিরিতে হইবে। দারোগাবাবৃ বলিয়া
দিয়াছেন, পুত্রমুত্ত-দর্শনে আত্মহারা হইয়া দেরি করিলে চলিবে না,
ভোরবেলায় যথাসময়ে ডিউটিতে আসা চাই।

প্ল্যাটফর্মে অন্থ গাড়ি আসিতেছে যাইতেছে, যাত্রীরা উঠিতেছে নামিতেছে; একটা ট্রেন চলিয়া গেলে কিছুক্ষণের জন্ম প্ল্যাটফর্ম থালি হইয়া যাইতেছে। ক্রমে স্টেশনের আলোগুলি জ্বলিয়া উঠিল। এতক্ষণে শ্বশুরবাড়ী পৌছিয়া যাইবার কথা। ছত্তোর!

অভয় ক্লান্তভাবে একজন চেকারকে গিয়া বলিল,—'আরু কত দেরি দাদা ? গাড়ি আসছে ?'

চেকার ববিলেন,—'আসছে, আসছে, আর মিনিট কুড়ি।— তারপর, মিষ্টি খাওয়াচ্ছ কবে ?' অভয় ভ<sup>°</sup>-ভ্<sup>°</sup> করিয়া হাসিয়া বলিল,—'সব হবে দাদা, আগে ছেলেটাকে দেখে আসি। আপাতভঃ এই একটা চলুক।' বলিয়া সিগারেটের প্যাকেট বাহির করিয়া দিল।

চেকার সিগারেট লইয়া প্রস্থান করিলে অভয় অমুভব করিল তাহার ক্ষার উদ্বেক হইয়াছে। সম্ভবত মিষ্টি খাওয়ানোর কথায় ক্ষার কথা মনে পড়িয়া গিয়াছে। সে থার্ডক্লাস যাত্রীদের বিশ্রাম-মগুপের দিকে চলিল, সেখানে খাবার ও চায়েব স্টল আছে।

মগুপের প্রকাণ্ড চন্থরে ছুই-চারিজন যাত্রী, কেহ শুইয়া কেহ বিদিয়া সময় কাটাইতেছে; ইলেকট্রিক বাতির আলোতে অন্ধকার দূর হইয়াছে বটে, কিন্তু আবছায়া কাটে নাই। চায়ের স্টলে উজ্জ্বল ( আলো আছে। অভয় স্টলে গিয়া চা ও বিস্কুট চাহিল।

স্টলের সামনে কেবল একজন লোক দাঁড়াইয়া চা খাইতেছিল; মাথায় বর্মী ভঙ্গিতে রুমাল বাঁধা, মুখে ছু'তিন দিনের দাড়ি। অভর স্টলে আসিলে সে একটু সরিয়া গিয়া তাহার দিকে পিছন ফিরিয়া দাঁড়াইয়া চা খাইতে লাগিল।

অভয় প্রথমে তাহাকে লক্ষ্য করে নাই; বিস্কৃট সহযোগে চা খাইতে খাইতে সে একসময় লোকটার মূখের পাশ দেখিতে পাইল। গালে গভীর কালির দাগের মতো দাড়ি সত্ত্বেও অভয় চিনিতে পারিল; হাতে চায়ের পেয়ালাটা একবার পিরিচের উপর নাচিয়া উঠিল। তারপর ক্ষণেকের জ্বন্য সে নিশ্চল হইয়া গেল।

মাথার মধ্যে প্ল্যান ঠিক করিতে করিতে অভয় চা শেষ করিল, স্টল ধ্য়ালাকে পয়সা দিয়া অলসকঠে জিজ্ঞাসা করিল,—'পানের দোকানটা কোন্ দিকে ?'

স্ট্রতিয়ালা বলিল,—'পান-সিত্রেট আপনি প্ল্যাটফর্মে পাবেন— হকারের কাছে।' যেন কোনই তাড়া নাই এমনি মন্থরপদে অভয় প্ল্যাটফুর্মে ফিরিয়া গেল। তারপর ছুটিতে ছুটিতে থানার ঘরে প্রবেশ করিল।

পাঁচ মিনিট পরে সে আবার চায়ের স্টলে ফিরিয়া আসিল। মাথায় রুমাল-বাঁধা লোকটা চা শেষ করিয়া দোকানদারকে পয়সা দিতেছে। অভয় তাহার পিছনে গিয়া দাঁডাইল।

সে ফারতেই অভয়ের সহিত তাহার চোখোচোখি হইল। সে অভয়কে চিনিল না, পাশ কাটাইয়া যাইবার চেটা করিল। ইতিমধ্যে তুই দিক হইতে পুলিশের পোশাকপরা তুইজন লোক অগ্রসর হইয়া আসিতেছে।

্ অভয় বলিল,—'ভোমার নাম মোহিত রক্ষিত। তুমি **কেরারী** আসামী।'

মোহিত ক্ষণকালের জন্ম স্তম্ভিত হইয়া গেল, তারপর ভ**ড়কানো** বীড়ার মতো পালাইবার চেষ্টা করিল। কিন্তু পালাইতে <mark>পারিল না,</mark> তিন দিক হইতে তিন জন তাহাকে চাপিয়া ধরিল।

থানার ঘরে লইয়া গিয়া মোহিতকে সার্চ করা হইল। তাহার কাছে তাহার মৃত স্ত্রীর সোনার হার এবং কয়েক গণ্ড। পয়সা পাওয়া গেল। নগদ টাকাব অভাবে সে বেশীদূর পালাইতে পারে নাই।

সে-রাত্রে অভয়ের পুত্রমুখ দর্শন হইল না, গাড়ি আসিয়া চলিয়া গেল। অভয় মোহিতের হাতে হাতকড়া পরাইয়া ছুইজন কনেস্টবল সঙ্গে শহরে ফিরিয়া চলিল।

মোহিতের মামলা কমিটিং কোর্ট পার হইয়া দায়রা আদালতে উঠিল। মোহিতের পক্ষে একজন নামজাদা ফৌজদারী উকিল নিযুক্ত হইয়াছিলেন, তাঁহার সঙ্গে হুই তিন জন জুনিয়র। সরকারের পক্ষে ছিলেন স্থানীয় প্রবীণ পাবলিক প্রসিকিউটর। কালীময় যদিও কোনও পক্ষেই নিযুক্ত হন নাই, তবু তিনি বরাবর কোর্টে হাজির ছিলেন, অন্য আরও অনেক জুনিয়র উকিল উপস্থিত ছিল। তা ছাড়া শহরের কোতৃহলী জনসাধারণ ভিড় করিয়া মজা দেখিতে আসিয়াছিল।

আসামীর কাঠগড়ায় মোহিত রক্ষিত একমাথা রুক্ষ চুল ও একমুখ দাড়ি লইয়া নতনেত্রে দাড়াইয়া ছিলু।

হাকিম রামরাথাল সেন আসিয়া বিচারকের আসনে উপবিষ্ট হইলে মামলা আরম্ভ হইল। রামরাথাল সেন কড়া মেজাজের বিচারপতি, তাঁহাব এজলাসে উকিলেরা রথা বাক্যব্যয় বা চেঁচামেচি করিতে সাহস করে না। জুরীনির্বাচন সম্পন্ন হইলে সরকারী উকিল সংক্ষেপে মামলা বয়ান করিলেন—

মোহিত রক্ষিত উচ্চ্ছুখাল যুবক, জুয়া এবং আনুষ্ক্রিক নানা প্রকার কদাচারে পৈতৃক পয়সা ওড়ানোই তাহার একমাত্র কাব্ধ ছিল। তাহার সতীসাধ্বী স্ত্রী অন্নপূর্ণা তাহাকে সৎপথে আনিবার চেষ্টা করিত, কিন্তু পারিয়া উঠিত না। এই লইয়া স্বামী-স্ত্রীতে প্রায়ই বচসা হইত। নিজের রুচি ও প্রারুত্তি অনুযায়া কার্যে বাধা পাইয়া মোহিত স্ত্রীর প্রতি অতিশয় বিদ্বেষভাবাপন্ন হইয়া উঠিয়াছিল।

গত ১৭শে সেপ্টেম্বর শনিবার স্বামী-স্ত্রীর বিরোধ চরমে উঠিল। মোহিতের জুরা থেলিবার প্রবৃত্তি চাগাড় দিয়াছিল, অথচ মাসের শেষে তাহার হাতে টাকা ছিল না। সে প্রথমে টাকা ধাব করিবার চেষ্টা করিল, কিন্তু ধার না পাইয়া স্ত্রীর গলার হার বন্ধক দিয়া টাকা সংগ্রহ করিবার মতলব করিল। রাত্রি সাড়ে দশটার পর সে গৃহে ফিরিয়া স্ত্রীর নিকট হার চাহিল। অন্নপূর্ণা হার দিতে স্বস্থীকার করিল। তথন মোহিত স্ত্রীর মাথায় প্রচণ্ড আঘাত করিয়া

তাহাকে খুন করিল এবং তাহার গলা হইতে হার খুলিয়া লইয়া কেরারী হইল।

ছই দিন পরে সোমবার সন্ধ্যায় রেলওয়ে জংশনে পুলিস মোহিতকে গ্রেপ্তার করে। তাহার সঙ্গে তখনও তাহার মৃত স্ত্রীর হার ছিল। সেই হার পুলিশ কতৃ ক কেমিক্যাল-অ্যানালিস্টের কাছে প্রেরিত হয়। হার পরীক্ষার ফলে জানা গিয়াছে তাহাতে রক্ত লাগিয়া ছিল, এবং সেই রক্ত মোহিতের স্ত্রীর রক্ত; অস্তুত একই গুণের রক্ত। ডাক্তারিতে যাহাকে AB গুণের রক্ত বলে, সেই রক্ত।

খুনের প্রত্যক্ষদর্শী সাক্ষা অবগ্য নাই, কিন্তু সব প্রমাণ মিলাইয়!
অনিবার্যভাবে প্রতিপন্ন করা যায় যে, মোহিত নিজের স্ত্রীকে খুন
করিয়াছে, এ বিষয়ে reasonable doubt-এর অবকাশ নাই।
আসামীকে প্রশ্ন করা করা হইল, তুমি দোষী কি নির্দোষ !
মোহিত হাতজোড় করিয়া হাকিমকে বলিল,—'হুজুর, আমি মহাপাণী
কিন্তু আমি আমার স্ত্রীকে খুন করিনি।' বলিয়া অসহায়ভাবে
কালিতে লাগিল।

আসামী পক্ষের উকিল উঠিয়া বলিলেন,—'হুজুর, আমার মকেল বেকসুর, তাহার বিরুদ্ধে সাক্ষাসাবৃদ কিছুই নাই। সরকারী উকিল আগে নিজের কেস্ প্রমাণ করুন; আসামীর সাফাই এখন উহা রহিল, প্রয়োজন হইলে পরে হুজুরে দাখিল করিব।'

অতঃপর একে একে সাক্ষীরা আসিয়া জবানবন্দী দিতে লাগিল।
আনেক সাক্ষী। গোপাল নিয়োগী এবং প্রতাপ চন্দ সাক্ষ্য দিলেন।
কালীময়েরও সাক্ষ্য দিবার কথা, কিন্তু তিনি পূর্বেই পাবলিক
প্রসিকিউটারের কাছে গিয়া নিজেকে ছাড়াইয়া লইয়াছিলেন। তৃনি
উকিল, তাঁহার যে তেজারতির কারবার আছে এ কথা প্রকাশ্য

আদালতে প্রচার হইলে তাঁহার নিন্দা হইবে। পাবলিক প্রসিকিউটার বলিয়াছিলেন,—'আপনাকে না হলেও চলে যাবে। ছ'জন মাড়োয়ারী সাক্ষী আছে, তাদের দিয়ে কাজ চালিয়ে নেব।'

প্রথম দিন তিন চার জন সাক্ষীর এজেহার হইল। মোহিতের উকিল দীর্ঘকাল জেরা করিয়াও সাক্ষীদের টলাইতে পারিলেন না। সেদিনের মতো মোকদ্দমা শেষ হইলে মোহিতকে আবার লক্-আপে লইয়া যাওয়া হইল। সে জামানত পায় নাই।

আদালত হইতে ফিরিয়া কালাময় হাত মুখ ধুইয়া জলযোগ করিতে বদিলেন। ঘরে তিনি আর দামিনী ছাড়া আর কেহ নাই। দামিনী খাঁচায় ধরা-পড়া ইছরের মতো ঘরের এদিক হইতে ওদিক ছটফট করিয়া বেড়াইতেছে, বাহির হইবার পথ খুঁজিয়া পাইতেছে না। সে জানে আজ হইতে মোহিতেব মোকদ্দমা আরম্ভ।

কালীময় জলযোগ করিতে করিতে বলিলেন,—'আজ দায়রা এজলাসে লোকে লোকারণ্য, তিল ফেলবার জায়গা ছিল না। সবাই মোহিতের মোকদ্দমা শুনতে এসেছে।'

দামিনা কথা বলিল না, তাহার অস্থিরতা যেন আর একটু বাড়িয়া গেল।

কালাময় আবার বলিলেন,—'মোহিত বললো, সে মহাপাপী, কিন্তু বোঁকে খুন করেনি। তুহাতো দাত্যি কথাই বলেছে, হয়তো যে-সময় তার বৌ খুন হয় সে-সময়ে সে অন্য কোথাও ছিল। কিন্তু প্রমাণ করবে কি করে ?'

দামিনার ছটফটানি আরও বাড়িয়া গেল, কিন্তু মুখ দিয়া কথা বাহির হইল না।

কালীময় দামিনীর মুখের পানে চোখ তুলিয়া বলিলেন,—

'মোহিত যদি প্রমাণ করতে না পারে যে, খুনের সময় অন্ত কোথাও ছিল, তাহলে বোধহয় তার ফাঁসি হবে ৷ রাম-রাথালবাবু বড় কড়া হাকিম—'

দামিনা হঠাৎ ঘর হইতে বাহির হইয়া গেল, যেন খাঁচার ইতর পথ খুঁজিয়া পাইয়াছে।

পরদিন মোহিতের বিচারে আরও সাক্ষী আসিল। সরকারী ভালোর শব-বাবচ্ছেদের রিপোট দিলেন; মাধায় ভারী ভোঁতা অস্ত্রের আঘাতে অন্নপূর্ণার মৃত্যু ঘটিয়াছে; মৃত্যুর সময় মধ্য-রাত্রির কাছাকাছি। অন্নপূর্ণার রক্ত AB গুপের। AB গুপের রক্ত খুবই বিরল, শতকরা তিনজনের মধ্যে পাওয়া যায়। অতঃপর পুলিসের বে দারোগা তদন্তের ভার পাইয়াছিলেন তিনি সাক্ষী দিলেন। ছুই জন মাড়োয়ারী সাক্ষী দিলঃ খুনের রাত্রে আন্দাজ ন'টার সময় মোহিত ভাহাদের কাছে টাকা ধার লইতে গিয়াছিল; কিন্তু তাহারা জানিত মোহিত জুয়াড়া, তাই শুধ্-হাতে টাকা ধার দেয় নাই, বলিয়াছিল, বন্ধকী অব্যু পাইলে টাকা ধাব দিতে পাবে। মোহিত চলিয়া গিয়াছিল, আর ফিরিয়া আসে নাই।

সাক্ষীদের জেরা শেষ করিতে করিতে দ্বিতীয় দিনের শুনানা শেষ হইল। সাক্ষীরা অটল রহিল।

তৃতীয় দিনের সাক্ষীরা ভাল করিয়া মোহিতের গলায় ফাঁসির দড়ি পরাইল। প্রথমে অভয় সিকদার আসিয়া মোহিতকে গ্রেপ্তার করিবার ইতিহাস বলিল, গ্রেপ্তারের সময় মোহিত পালাইবার চেষ্টা করিয়াছিল তাহাও উল্লেখ করিল। জংশন স্টেশনের পুলিস দারোগা মোহিতের বডি সার্চ করিয়া সোনার হার পাইয়াছিলেন তাহা প্রকাশ করিলেন; সোনার হারে রক্ত-চিহ্ন লক্ষ্য করিয়া তিনি উহা থামে ভরিয়া তদস্তের ভারপ্রাপ্ত কর্মচারীর কাছে পাঠাইয়া দেন। হারটি একজিবিট রূপে কোর্টে দাথিল করা হইল।

অতঃপব আসিলেন সরকারী রাসায়নিক পবীক্ষক। তিনি বিলালেন, হারে যে-রক্ত লাগিয়াছিল তাহা তিনি পরীক্ষা করিয়া দেখিয়াছেন; উহা মানুষের রক্ত এবং AB গুণের রক্ত। শব-ব্যবচ্ছেদক ডাক্তারের সাক্ষ্যের সহিত মিলাইয়া কাহারও সন্দেহ রহিল না যে, মোহিত রক্ষিত রক্তাক্তদেহা মৃতা স্ত্রীর গলা হইতে হার খুলিয়া লইয়াছিল। এবং সে যদি খুন না কবিয়া থাকে তবে ফেরারী হইল কেন? Reasonable doubt-এর কোন অবকাশই নাই।

পাবলিক প্রসিকিউটার হাকিমকে বলিলেন,—'হুজুর, আমার সাক্ষী শেষ হয়েছে, এবার আসামী-পক্ষ সাফাই পেশ করতে পারেন।'

আসামীর উকিল উঠিয়া বলিবেন,—'গুজুর, সরকারী উকিল নিঃসংশয়ে প্রমাণ করতে পারেননি যে আসামী খুন করেছে<sup>ক্</sup> যাহোক, আছ আর সময় নেই। কাল আমি সাফাই সাজী দাখিল করব। ভারা প্রমাণ করবে যে খুনের রাত্রে আসামী অহাত্র ছিল।'

আসানীর কাঠগড়ায় মোহিত একবার ভীত-ব্যাকুল চক্ষে চারিদিকে চাহিল, যেন চীংকার করিয়া কিছু বলিতে চাহিল, তারপর ছ'হাতে মুখ ঢাকিল। -

উকিল কিরপে সাফাই সাক্ষা দিবেন তাহা সে জানিত না। উকিল মোহিতের কাছে সভ্যকথা জানিবার চেষ্টা করিয়াছিলেন, কিন্তু বিফল হইয়া নিজেই সাক্ষীর ব্যবস্থা করিয়াছিলেন। সে-রাত্রে শয়নের পূর্বে কালাময় আলমারি হইতে ছইস্কির বোতল বাহির করিলেন। গেলাসে হুইস্কি ঢালিয়া তাহাতে জ্বল মিশাইয়া গেলাস হাতে বিছানার পাশে আসিয়া বসিলেন। দামিনী শয়নের পূর্বে আয়নার সম্মুখে দাঁড়াইয়া মুখে ক্রীম মাথিতেছিল।

কালীময় বলিলেন,—'মোহিতকে দেখে ছঃখ হয়। কী যেন বলতে চাইছে কিন্তু বলতে পারছে না। মোকদ্দমার অবস্থা ভাল নয়, বোধহয় ওর ফাঁসি হবে।'

দামিনী কালীময়ের দিকে মুখ ফিরাইল না, ছ'হাতের আঙুল দিয়া মুখে ক্রীম ঘষিতে লাগিল।

কালীময় গেলাসে চুমুক দিয়া বলিলেন,—'আমার কি মনে হয় জানো? এর মধ্যে জ্রীলোক-ঘটিত ব্যাপার আছে। মোহিতের সঙ্গে বোধহয় কোনও কুলবধূর নটঘট ছিল। যে-রাত্রে খুন হয় সে-রাত্রে মোহিত তার কাছে গিয়েছিল, কিন্তু সে-কথা এখন বলতে পারছে না। এমন অনেক অপরাধ আছে যা সীকার করার চেয়ে কাঁসি যাওয়াও ভাল।'

দামিনী আলো নিভাইয়া দিয়া বিছানায় প্রবেশ করিল। কালীময় অন্ধকারে হুইস্কির গেলাস শেষ করিয়া শয়ন করিলেন। লেপের মধ্যে দামিনীর হাতে তাঁহার হাত ঠেকিল; দামিনীর হাত বরফের মতো ঠাণ্ডা।

কিছুক্ষণ নীরব থাকিয়া কালীময় বলিলেন,—'মোহিত লুচালন্দট হোক, ওর মনটা ভজ্ঞ। যার দক্ষে ওর পিরিত তার কিন্তু উচিত এগিয়ে আসা, সকলের সামনে দাঁড়িয়ে বলা—মোহিত খুনের রাত্রে কোথায় ছিল। নিন্দে হবে, কলঙ্ক হবে; তবু একটা নির্দোষ মানুষের প্রাণ তো বাঁচবে। উচিত কিনা তুমিই বল।'

দামিনী লেপের ভিতর হইতে কোঁস করিয়া উঠিল,—'আমি

এমন দিনে ৩৮

কি জানি।' মোহিতের মোকদ্দমা সম্বন্ধে এই দে প্রথম কথা বলিল।

কালীময়ের ইচ্ছা হইল শয্যা হইতে উঠিয়া গিয়া বাহিরের ঘরের চৌকির উপর রাত্রি যাপন করেন। কিন্তু—

সতীসাধ্বী স্ত্রী অপেক্ষা নষ্ট-স্ত্রীলোকের চৌম্বক-শক্তি আরও প্রবল।

চতুর্থ দিন মোহিতের উকিল আদালতে তিনটি সাফাই সাক্ষী পেশ করিলেন। সাক্ষী তিনটিকে দেখিলেই চেনা যায়, নাম-কাটা সেপাই। ভদ্দসন্তান হইলেও ইহারা সমাজের যে-স্তরে বাস করে তাহাকে সমাজের অধমাঙ্গ বলা চলে। নেশা, জুয়া এবং সর্ববিধ অসাধৃতা তাহাদের মুখে পোস্ট-অফিসের শিলমোহরের মতো কালো ছাপ মারিয়া দিয়াছে।

তাহারা একে একে আসিয়া সাল্য দিল যে, খুনের রাত্রে তাহাবা তিনজনে মোহিতের সঙ্গে রাত্রি সাড়ে ন'টা হইতে একটা পর্যন্ত ব্রিজ খেলীয়াছিল। ব্রিজ খেলা জুয়া নয়, game of skill, স্থতরাং জুয়াখেলা সম্বন্ধেও তাহারা নিষ্পাপ। শহরে একটি সিন্নো-মন্দিব আছে, তাহারই সংলগ্ন একটি কুঠুরীতে বসিয়া তাহারা ব্রিজ খেলিয়াছিল। সিনেমা-মন্দিবের অ্যাসিস্টান্ট পুরোহিত তাহাদের বন্ধু, তাই উক্ত কুঠুরাতে বসিয়া তাহার। প্রায়ই তাস-পাশা খেলে। সেদিন রাত্রি একটার সময় মোহিত উঠিয়া বাড়ী চলিয়া যায়। তারপর কী ঘটিয়াহে তাহারা জানে না।

ইহাদের সাক্ষ্য ধোপে টিকিল না, পাবলিক প্রসিকিউটারের ক্রের্নায় ভাঙিয়া পড়িল। দেখা গেল, ব্রিজ খেলায় হরতন বড় কি ক্রিড়িতন বড় তাহা তাহা**রা জানে** না ; সিনেমায় সেদিন কোন্ছবি প্রদর্শিত হইতেছিল তাহাও তাহারা স্মরণ করিতে পারিল না। একজন সাক্ষী বলিয়া ফেলিল, সেদিনটা শুক্রবার ছিল কি শনিবার ছিল তাহা তাহার ঠিক স্মরণ নাই।

তিনটি সাক্ষীর এজেহার শেষ চইতে অপরাহু গড়াইয়া গেল। হাকিম রামরাখালবাবুর ললাটে জ্রকুটি জমা হইতেছিল, তিনি আসামীর উকিলকে জিজ্ঞাসা করিলেন,—'এরকম সাক্ষী আপনার আর ক'টি আছে গ'

উকিল অপ্রতিভ হইয়া বলিলেন,—'আজে, আমার কেস্ ক্লোজ করলাম, আর সাক্ষী দেব না ।'

'ভাল।' হাকিম একবার দেয়াল-ঘড়িব দিকে দৃক্পাত করিলেন,
— 'এবার তাহলে আরগুমেন্ট সুরু করুন।'

—'হুজুর !'

শ আসামীর উকিল বহস্ আরম্ভ করিবার পূর্বে কাগজপত্ত নাড়াচাড়া কবিতে করিতে জুনিয়রদের সঙ্গে নিম্নস্বরে কথা বলিতেছেন,
এমন সময় কালীময় কোটের পিছনদিকের একটি বেঞ্জি হইতে উঠিয়া
দাঁড়াইয়া বলিলেন,—'হুজুর, আমার কিছু বক্তব্য আছে। আমি এই
মোকদ্দমায় কোটের পক্ষ থেকে সাক্ষী দিতে চাই।'

হাকিম চকিত ভ্রাভঙ্গী করিয়া মুখ তুলিলেন।

কালীময় কোটের সামনে আসিয়া সাক্ষীর কাঠগড়ায় উঠিলেন; হাকিমকে বলিলেন,—'হুজুর, আমি একজন উকিল, এই শহরের বাসিন্দা, আসামীর প্রতিবেশী। মামলা সম্বন্ধে আমি কিছু জানি, হুজুরে তা পেশ করবার অনুমতি দেওয়া হোক।'

হাকিম কিয়ৎকাল স্থিতিকে কালীময়কে নিরীক্ষণ করিলেন, তারপর ঘাড় নাড়িলেন।

কালীময়কে হলফ পড়ানে। হইল। তিনি হাকিমের দিকে

ফিরিয়া ধীর মন্থর কণ্ঠে বলিতে আরম্ভ করিলেন,—'গুজুর, এই মামলার গোড়া থেকে আমি কোটে হাজির আছি, সব সাক্ষীর জবানবন্দী শুনেছি। সরকারী উকিল সাক্ষী-সাবৃদ দিয়ে প্রমাণ করতে চেয়েছেন যে গত : ৭শে সেপ্টেম্বর বাত্রি আন্দাজ এগারোটার সময় মোহিত রক্ষিত তার স্ত্রী অন্নপূর্ণাকে খুন করেছে। গুজুর, অন্নপূর্ণাকে কে খুন করেছে আমি জানি না, কিন্তু আমি হলফ নিয়ে বলতে পারি সে-রাত্রে এগারোটার সময় মোহিত তার নিজের বাড়ীতে ছিল না।

কালীময় একটু থামিলেন। হাকিম গভীর জ্রাকুটি করিয়া প্রাণ্থ করিলেন,—'কোথায় ছিল গ'

কালীময় বলিলেন,—'আমার বাড়ীতে, ভজুর।'

হাকিম রামরাখালবাব্র অধরোষ্ঠ বিদ্রূপে বক্র হইয়া উঠিল, তিনি বলিলেন,—'রাতি এগারোটার সময় আসামী আপনার বাডীতে কি করছিল গ আপনাব সঞ্চে তাস খেলছিল গ'

কালীময় ঈবং গাঢ়স্বরে বলিলেন,—'না হুজুর, আমি বাড়ীতে ছিলাম নাঃ'

হাকিম জ তুলিলেন,—'তবে ?'

মাথা ইেট করিয়া কালীময় বলিলেন,—'আমি বাড়ী নেই জানতো বলেই মোহিত আমার বাড়ীতে গিয়েছিল। মোহিত আমার স্ত্রীর উপপতি।'

কোট-ঘরের মাথার উপর বজ্ঞপাত হুইলেও এমন লোমহর্ষণ পরিস্থিতির উদ্ভব হুইত না। কোটে উপস্থিত লোকগুলি যেন ক্ষণকালের জন্ম অসাড় হুইয়া গেল, তারপর পিছনদিকেব ভিড়ের মধ্যে একটা চাপা কলরব উঠিল। হাকিম রামরাখালবাবুর ক্ষায়িত নেত্রপাতে আবার তৎক্ষণাৎ কক্ষ নীরব হুইল বটে, কিন্তু দকলের উত্তেজিত চক্ষু পর্যায়ক্রমে একবার কালীময়ের ও একবার আসামী মোহিত রক্ষিতের পানে ফিরিতে লাগিল। মোহিত কালীময়কে কাঠগড়ায় উঠিতে দেখিয়া কাঠ হইয়া গিয়াছিল, এখন ছ'হাতে মুখ ঢাকিয়া বসিয়া রহিল।

রামরাথালবাবু সাক্ষীর দিকে ফিরিলেন,—'আপনি বলছেন আপনি বাড়ী ছিলেন না।'

'আজে না, আমি রাত্রি আন্দাজ সাড়ে আটটার সময় চৌধুরীদের পুকুরে মাছ ধরতে গিয়েছিলাম।'

'হুঁ। তাহলে আপনি জানলেন কি করে যে আসামী আপনার বাড়ীতে গিয়েছিল ?'

'আছে, আমি আবার ফিরে এসেছিলাম। আমি দ্বিতীয়পক্ষে বিবাহ করেছি। কিছুদিন থেকে আমার সন্দেহ হয়েছিল যে আমার ক্রীপ্র চালচলন ভাল নয়। তাই সেদিন যাচাই করবার জ্বতো মাছ-ধরার ছল করে বেরিয়েছিলাম।'

হাকিম কিছুক্ষণ স্তব্ধ হইয়া রহিলেন, ভারপর ক**ড়া সুরে** বলিলেন,—'এতদিন এ কথা বলেননি কেন গু'

কালাময় বলিলেন, — 'লজ্জায় বলতে পারিনি, হুজুর। নিজের জার কলজের কথা কে প্রকাশ করতে চায় ? তা ছাড়া, মোহিত আমার বন্ধু নয়, আমার শক্র, তাকে বাঁচাবার কোনও দায় আমার নেই। কিন্তু যথন দেখলাম তার ফাঁসির সম্ভাবনা অনিবার্থ হয়ে পড়েছে তথন আর থাকতে পারলাম না। যতবড় পাপীই হোক, সেখুন করেনি।'

এই সময় মোহিত চাপা গলায় কাঁদিয়া উঠিল।

সরকারী উকিল উঠিয়া দাঁড়াইয়া বলিলেন,—'হুজুর, সামি সাক্ষীকে জেরা করতে চাই!' হাকিম বলিলেন,—'অবশা। কিন্তু আজি আর সময় নেই। কাল স্কালে সাক্ষীর জ্বান্বন্দী নেওয়া হবে।'

সেদিন কোর্ট উঠিল।

সন্ধ্যার সময় কালীময় গৃহে ফিরিলেন। মফস্বলের শহরে পরের কেচ্ছা হাওয়ার আগে ছোটে। কালীময় বাড়ী ফিরিয়া দেখিলেন, শয়নঘরের দরজা ভিতর হইতে বন্ধ। তিনি কয়েকবার দরজায় ধাকা দিলেন, কিন্তু দামিনী বাহির হইল না।

কালাময় বাহ্নিরের ঘরে চৌকির উপর শয়ন করিয়া রাত্রি যাপন করিলেন।

আদালতের ভিড় প্রথম দিনের ভিড়কেও ছাড়াইয়া গিয়াছে; বিচার-গৃহ ছাপাইয়া, বারান্দা ছাপাইয়া উদ্বেল জনতা মাঠের উপর ছড়াইয়া পড়িয়াছে। আমরা কলিকাতার কয়েকজন সাংবাদিক রাত্রে ধবর পাইয়া আসিয়া জুটিয়াছি এবং বিচারকক্ষে স্থান করিয়া লইয়াছি।

আসামীর কাঠগড়ায় মোহিতকে দেখা যাইতেছে না, সে কাঠগড়াব খাঁচার মেঝেয় বসিয়া সর্বজনের চক্ষ হইতে নিজেকে বাঁচাইবার চেষ্টা করিতেছে:

কালীময়ের জবানবন্দী আরম্ভ হইল। তিনি নৃতন কিছু বলিলেন না, পূর্বে যাহা বলিয়াছিলেন তাহাই বিস্তারিত করিয়া বলিলেন।

মোহিতের উকিল অপ্রত্যাশিত সাক্ষী পাইয়া ভরাডুবি হইতে রক্ষা পাইয়াছিলেন, তিনি কালীময়কে জের। কারলেন না। পাবলিক প্রসিকিউটাব ডালকুতার মতো কালীময়কে আঁক্রমণ করিলেন, সমধর্মী উকিল বলিয়া রেয়াৎ করিলেন না। কিন্তু তাঁহার ক্রুমা ব্যর্থ হইল, কালীময়কে তিনি টলাইতে পাহিলেন না। সভয়াল জবাবের কিয়দংশ নিমে দিলাম।—

প্রশ্নঃ কতদিন হল আপনি দ্বিতীয়বার বিবাহ করেছেন ?

উত্তরঃ বছর ছই হল।

প্রশ্ন: কবে আপনি জানতে পারলেন যে আপনার স্ত্রীয় চালচলন ভাল নয় গ

উত্তর: জানতে পারিনি, সন্দেহ করেছিলাম।

প্রশ্নঃ কবে সন্দেহ করেছিলেন ?

উত্তরঃ এই ঘটনার তু'চার দিন আগে।

প্রশ্নঃ কীদেখে সন্দেহ হয়েছিল গ

উত্তরঃ চালচলন দেখে।

প্রশ্নঃ স্ত্রীকে এ বিষয়ে কিছু বলেছিলেন ?

উত্তরঃ না।

ৈ প্রাঃ কেন বলেননি ?

কীলীময় জিজ্ঞাস্তাবে হাকিমের দিকে চাহিলেন। হাকিম বলিলেন,—'প্রশ্ন অবাস্কর। অস্থাপ্রশ্ন করুন।'

প্রশ্নঃ আপনি বলেছেন সে-রাত্রে নিজের শোবার ঘরের জানলার বাইরে দাঁড়িয়ে আড়ি পেতেছিলেন ক'টা থেকে ক'টা পর্যস্ত আডি পেতেছিলেন গ

উত্তরঃ আন্দাজ সওয়া দশটা থেকে বারোটা পর্যস্তঃ

প্রশ্নঃ এই পৌনে ছ'ঘন্টা আপনি চুপটি করে জানলার বাইরে দাঁড়িয়ে রইলেন ?

উত্তরঃ ই্যা।

প্রশ্নঃ ঘর অন্ধকার ছিল, কিছু দেখতে পাচ্ছিলেন না ?

উত্তবঃ না।

শ্বপ্র: কিন্তু ওদের কথা শুনতে পাচ্ছিলেন ?

थमन पिरन 88

উত্তর: ই্যা।

প্রশঃ ওরা বেশ জোরে জোরে কথা বলছিল গ

উত্তরঃ না, চুপিচুপি কথা বলছিল।

প্রশ্নঃ চুপিচুপি কথা বলা সত্ত্বেও আপনি আসামীর গলা চিনতে পারলেন ?

উত্তরঃ শুধু গলা শুনে নয়, ওদের কথা থেকেও ব্রুতে পেরেছিলাম

প্রশ্নঃ কা কথা থেকে বুঝতে পেরেছিলেন ? ,

উত্তরঃ আসামী একবার বলেছিল—'মোহিত রক্ষিত ভদ্র-লোকের ছেলে, প্রাণ গেলেও ভদ্রমহিলার কলঙ্ক হতে দেবে না; মোহিত রক্ষিতের মুখ থেকে এ কথা কেউ জানতে পারবে না।'

প্রশ্নঃ আর কি-কি কথা শুনেছিলেন ?

কালীময় চক্ষু নত করিয়া নীরব রহিলেন। হাকিম উকিলকে বলিলেন,—'অহা প্রশ্ন করুন।'

প্রাশ্বঃ যাক। আপনি যখন জানতে পারলেন যে আপনার স্ত্রী ব্যভিচারিণী, তখন আপনার রক্ত গরম হয়ে ওঠেনি ? রাগ হয়নি ?

উত্তরঃ হয়েছিল। কিন্তু সেই সঙ্গে ভয়ও হয়েছিল।

প্রশ্বঃ ভয় কিদের ণু

উত্তরঃ রাণের মাথায় ইচ্ছে হয়েছিল দোর ভেঙে চুকে হ'জনকেই স্যাঙাই। কিন্তু ভয় হল, আমি একা, ওরা হু'জন— ওরা যদি আমায় খুন করে ?

প্রামার তাই ফিরে গিয়ে মাছ ধরতে লাগলেন ? ভিতর: হাা।

্রপ্রাক্ত ( ঘূণাভরে ) আপনি মানুষ না কেঁচো !

কালীময় নীরব রহিলেন। হাকিম কড়া স্বরে সরকারী উকিলকে বলিলেন,—'আপনি বার বার Evidence Act-এর বাইরে যাচ্ছেন। এসব প্রশ্ন অবাস্তর এবং অসঙ্গত। আপনার যদি আর কোনও প্রশ্ন না থাকে, আপনি বদে পড়ন।'

'আর একটা প্রশ্ন, হুজুর'—সরকারী উকিল সাক্ষীর দিকে ফিরিলেন।

প্রশ্নঃ আপনার স্ত্রী এখনও আপনার বাড়ীতেই আছে ?

উত্তরঃ আজ সকাল পর্যস্ত ছিল।

প্রশ্নঃ এই ব্যাপারের পর তার সঙ্গে আপনার সম্বন্ধ কী রকম । হাকিম আবার ধমক দিয়া উঠিলেন—'অসঙ্গত—অবাস্তর। কেসের সঙ্গে প্রশ্নের কোনও সম্বন্ধ নাই।'

কালীময় হাকিমের দিকে ফিরিয়া বলিলেন—'হুজুর, প্রশ্নের উত্তর দিতে আমার আপত্তি নেই।— আমি প্রোচ, যুবতীকে বিবাহ করা অমুমার উচিত হয়নি। তাই যথন স্ত্রীর স্বভাব-চনিত্রের কথা জানতে পারলাম তখন মনে মনে ক্রির করেছিলাম, কোনও রক্ম হাঙ্গামা না কবে চুলিচুলি ওকে ত্যাগ করব। কিন্তু নাঝখান থেকে এই খুনের মামলা এসে সব গণ্ডগোল করে দিল।'

সরকারী উকিল একবার হাকিমের মুখ দেখিলেন, একবার জুরীদের মুখ দেখিলেন: তাঁদের মনের ভাব বৃঝিতে তাঁহাব বিলম্ব হইল না। মামলার হাল একেবারে উপ্টাইয়া গিয়াছে। তিনি আর প্রশ্ন না করিয়া বিসিয়া পডিলেন।

ইতিমধ্যে মোহিতের উকিল গিয়া মোহিতের সঙ্গে কথা বলিয়া আসিয়াছিলেন, তিনি উঠিয়া বলিলেন,—'হুজুর, এবার আসামী! নিজের মুখে তার statement দেবে।'

কোর্টের সকলে শিরদাঁডা খাড়া করিয়া বসিল।

মোহিত ধীরে ধীরে কাঠগড়ায় উঠিয়া দাঁড়াইল। দাঁড়ি গোঁফ প্র ক্ষ চুলের ভিতর হইতে তাহার মুখখানা দেখিয়া মনে হয়, সে একটা পাগল ভিখারী। কাঁদিয়া কাঁদিয়া চোখছটো জবাফুলের মতো লাল। সে হাতজোড় করিয়া ভগ্নস্বরে বলিতে আবস্তু করিল, —'ধর্মাবতার, আমি মহাপাপী, কাঁসিই আমার উপযুক্ত শাস্তি। কিন্তু আমি আমার স্ত্রীকে খুন করিনি। কালীময়বারু যা বলেছেন তার একবর্ণপ্ত মিথো নয়। তিনি যদি এসব কথা না বলতেন তাহলে আমিও চুপ করে থাকতাম। কিন্তু এখন চুপ করে থাকার কোনও সার্থকতা নেই।

'দে-রাত্রে আন্দাজ বারোটার সময় আমি নিজের বাড়ীতে ফিরে যাই। গিয়ে দেথলাম, সদর দরজা খোলা, সামনের ঘরে আলো জ্বলছে, আমার স্ত্রী অন্নপূর্ণা মেঝেয় ম'রে প'ড়ে আছে। আমি ভয়ে দিশাহারা হয়ে গেলাম। ভাবলাম আমাকেই সবাই খুনী বুলে সন্দেহ করবে; অন্নপূর্ণার সঙ্গে আমার সন্তাব নেই, এ কথা সবাই জানে। প্রাণ বাঁচাবার একমাত্র উপায় পালিয়ে যাওয়া।

'কিন্তু আমার পকেটে মাত্র ত্ব'তিন টাকা আছে, ত্ব'তিন টাকায় কতদ্র পালাতে পারব ? আমি অন্নপূর্ণার গলা থেকে হার খুলে নিয়ে পালালাম। তাতে যে রক্ত লেগে আছে তা জানতে পারিনি।

'সেই রাত্রেই জংশনে পোঁছুলাম। কিন্তু সেখান থেকে দূর দেশে যেতে হলে টাকা চাই। জংশনে কাউকে চিনি না, কার কাছে হার বিক্রি করব ? রবিবার সারাদিন জংশনে লুকিয়ে রইলাম, কিন্তু হার বিক্রি করার সাহস হল না। ভয় হল, হার বিক্রি করতে গেলেই ধরাশিড়ে যাব।

🖵 'সো্মবার দিনটাও জংশনে কাটল। তারপর সস্কোবেলা ধর।

পড়ে গেলাম। হুজুর, এই আমার বয়ান। আমি যদি একটি মিথ্যেকথা বলে থাকি, আমার মাথায় যেন বজাঘাত হয়।'

রুদ্ধশাস বিচারগৃহে আসামীর উকিল ধীরে ধীরে উঠিয়া দাঁড়াইয়া বলিলেন,—'হুজুর, এর পর আমি আর একটা কথাও বলতে চাই না। সরকারী উকিল তাঁর ভাষণ দিতে পারেন।'

সরকারী উকিল দীর্ঘ ভাষণ দিলেন। ভাষণ শেষ হইবার আগেই লাঞ্চের বিরাম আসিল, বিরামের পর তিনি আবার ভাষণ চালাইলেন। কালীময় যে মিথ্যা-সাক্ষী, নিজের নাক কাটিয়া পরের যাত্রাভঙ্গ করিতেছেন, এই কথা তিনি বার বার জুরীকে বুঝাইবার চেষ্টা করিলেন। তাঁহার কথা কিন্তু কাহারও মনে স্থান পাইল না; তাঁহার বক্তৃতা শেষ হইলে হাকিম জুরীদের মামলার মোদ্দাকথা বুঝাইয়া দিলেন। জুরী উঠিয়া গিয়া পাঁচ মিনিট নিজেদের মধ্যে প্রামর্শ কবিলেন, তারপর ফিরিয়া আসিয়া রায় দিলেন—আসামী নিদিশ্যা

ভইস্কির বোতলটি নিঃশেষ হইয়া আসিয়াছিল, তলায় মাত্র তুই আঙ্ল পরিমাণ তরল জব্য ছিল। রাত্রি দশটা বাজিতে বেশী দেরি নাই। কালীময়বাবুর বসিবার ঘরে বোতল মাঝখানে রাথিয়া আমরা ত্'জনে মুখোমুখি বসিয়া আছি। আমার মাথার মধ্যে ক্রমঝুম মুপুর বাজিতেছে, কিন্তু বুদ্ধিটা পরিষ্কার আছে। কালীময় রক্ষাভ নেত্রে মদের বোতলটার দিকে চাহিয়া আছেন।

আমি বলিলাম,---'তার পর ১'

কালীময় বোতল হইতে চক্ষু সরাইলেন না, বলিলেন,—'কাল কোর্ট থেকে বাড়ী ফিরে এসে দেখলাম দামিনী পালিয়েছে। ক্লোথায় গেছে জানি না। হয়তো দূরসম্পর্কের ভায়ের কাছেই ফিরে গেছে।' **এমন দিনে** 8৮

'আর মোহিত ?'

'সে আছে। কাল রাত্রে এসেছিল, পায়ে ধরে মাপ চেয়ে গেল।'
কিছুক্ষণ কোনও কথা হইল না। আমার মাথার মধ্যে কুমঝুম
. শব্দের সঙ্গে একটা বেতালা চিন্তা ঘুরিতেছে। শেষে বলিলাম,—
'একটা প্রশের কিন্তু ফয়সালা হল না।'

কালীময় আমার পানে রক্তাক্ত চোথ তুলিলেন। বলিলাম,—'অন্নপূর্ণাকে থুন করল কে ?' কালীময় নির্নিমেষ আমার পানে চাহিয়া রহিলেন।

বলিলাম,—'আপনি সে-রাত্রে লোহার ডাণ্ডা নিয়ে আড়ি পাততে এসেছিলেন। আদালতে লোহার ডাণ্ডার কথা কিন্তু বলেননি।'

কালীময় আরও কিছুক্ষণ আমাকে স্থিরনেত্রে নিরীক্ষণ করিলেন.
—'তোমার বিশাস আমি অন্নপূর্ণাকে খুন করেছি!'

বলিলাম,—'বিশ্বাস নয়, সন্দেহ। আপনি পৌনে দু'ঘন্টা জানালার বাইরে দাঁড়িয়ে রইলেন, এ কথা মেনে নেওয়া শক্ত। আপনি কেঁচো নয়, মারুষ।'

হঠাৎ কালীময় হুইস্কির বোতলটা ধরিয়া নিজের গেলাসের মধ্যে উজাড় করিয়া দিলেন। তাহাতে জ্বল মিশাইলেন না, নিরস্থু তরল আগুন গলায় ঢালিয়া দিলেন। আমি অপেক্ষা করিয়া রহিলাম

তিনি বলিলেন,—'হাঁা, আরপুর্ণাকে আমি খুন করেছিলাম। তোমাকে বলছি, কিন্তু তুমি যদি অহা কাউকে বল, আমি অস্বীকার করব্। আমার বিরুদ্ধে কোনও প্রমাণ নেই।

আমার মাধার মধ্যে বেতালা চিস্তাটা এবার তালে নাচিয়া উঠিল। প্রশ্ন করিলাম,—'অন্নপূর্ণাকে খুন করলেন কেন । সে তো কোনও অপুরাধ করেনি।'

কালীময় বলিলেন,—'তাকে খুন করবার মতলব ছিল না। নিজের ঘরের ব্যাপার দেখে মাথায় আগুন জলে উঠেছিল। আমি গিয়েছিলাম প্রতিশোধ নিতে।'

'প্ৰতিশোধ নিতে!'

হাঁ। মোহিত আমার মুথে চুনকালি দিয়েছে, তাই আমি গিয়েছিলাম তার গালে চুনকালি দিতে। কিন্তু অন্নপূর্ণা অক্স জাতের মেয়ে, সে দামিনী নয়। আমার মতলব যখন সে বুঝতে পারল তখন আমার কোঁচা চেপে ধরে বললো,—"তবে হাড়-হাবাতে অলপ্পেয়ে মিন্সে, তোর মনে এত ময়লা! দাঁড়া তোর পিণ্ডি চট্কাচ্ছি!" এই ব'লে সে আমার কোঁচা ধরে প্রাণপণে চেঁচাতে লাগল—"মেরে ফেললে! মেরে ফেললে!"—তখন আর আমার উপায় রইল না, এখনি চাংকার শুনে পাড়াপড়শী এসে পড়বে। হাতে লোহার ডাঙা ছিলুই—'

অনেকক্ষণ নীরবে কাটিয়া গেল। শেষে আমি উঠিবার উপক্রম করিলাম; বলিলাম,—'আচ্ছা, রাত হয়ে গেছে, আজ তাহলে উঠি।' কালাময় চকিতে চোথ তুলিলেন, তাঁহার মুখ হইতে স্মৃতির গ্লানি মৃহুর্তে মুছিয়া গেল। তিনি বলিলেন,—'এত রাত্রে কোথায় যাবে ? আজ এথানেই থেকে যাও। খিলে পেয়েছে ? দেখি রাক্লাঘরে কিছু আছে কিনা।'

## প্রিয় চরিত্র

বড় মুশকিলে পড়িয়াছি। জনৈক সপ্পাদক জানিতে চাহিয়াছেন, আমার সৃষ্ট চরিত্রের মধ্যে আমি কোনটিকে বেশি ভালবাসি।

এ প্রশ্নের উত্তর দেওয়া কি সহজ ? তিশ বছর ধরিয়া গয় লিখিতেছি। কত চরিত্র ছায়াবাজির মত চোখের সামনে দিয়া চলিয়া গিয়াছে; তাহাদের মধ্যে ছই চারিটিকে কাগজের উপর কালির আঁচড় কাটিয়া ধরিয়া রাখিবার চেষ্টা করিয়াছি, কিন্তু ভালবাসিবার অবকাশ পাইলাম কৈ গ ভালবাসিতে হইলে ছ'চার দিন একসজে থাকিতে হয়, জীবনের শীত গ্রীয় শবৎ-বসন্ত একসঙ্গে ভোগ করিতে হয়, হাসি-কায়ার ভাগ লইতে হয়। তারপর, ভালবাসা যদি বা জ্মিল, ভালবাসা কতদিন থাকে ? সাবানের বৃদ্ধুদের মত নানা রঙের খেলা দেখাইতে দেখাইতে হচাৎ এক সম্পূর্ণাটিয়া নিশ্চিক্ত হইয়া যায়। আমার হাদয়েও কত বৃদ্ধু দ ফাটিয়াছে তাহার কি হিসাব রাখিয়াছি ? অতীতে কাহাকে ভালবাসিয়াছিলাম, এবং গ্রথন কাহাকে বেশী ভালবাসি তাহা কেমন করিয়া বলিব !

আমার অপবাদ আছে আমি গজ্বনন্ত স্তন্তের চূড়ায় বাস করি।
বাঁহারা আমাকে এই অপবাদ দিয়া থাকেন, তাঁহাদের চোথে যদি
ধূম কাঁচের চনমা না থাকিত তাহা হইলে তাঁহারা দেখিতে পাইতেন,
স্তন্তটা গজ্বনন্তের নয়, চুনকাম করা ইটপাথরের। বেশ মজবৃত স্তন্ত,
পাকানো সিঁড়ি দিয়া ইহার ডগায় উঠিলে অনেক দূর পর্যন্ত দেখা
যায়। তবে স্তন্তের মাথায় যাহার। বাস করে তাহাদের জীবনে
সঙ্গী সাখী বেশি জোটে না, আমার জীবনও একটু নিঃসঙ্গ।

একদা রাত্রিকালে আমি স্তম্ভণীর্ষে বসিয়া নিজের মুশকিলের ক্থা

চিস্তা করিতেছি, মৃৎপ্রদীপটি মিটিমিটি জ্বলিতেছে, এমন সময় সিঁ ড়িতে পায়ের শব্দ শুনিতে পাইলাম। বিশ্বিত হইলাম; দিনের বেলাই আমার কাছে কেহ আসে না, রাত্রে কে আসিল!

রোগাপানা একটি লোক । চেহারা দেখিয়া বয়স অনুমান করা যায় না ; চল্লিশ বছর হইতে পারে, আবার চার হাজার বছরও হইতে পারে। আমার সম্মুখে আসিয়া বসিল ; একদৃষ্টে আমার পানে চাহিয়া থাকিয়া বলিল, 'আমাকে চিনতে পারছেন না ?'

দিধাভরে মাথা নাড়িয়া বলিলাম,—'চিনি চিনি মনে হচ্ছে বটে —কিন্ত—'

সে বলিল—'আমি জাতিম্মর।'

মাথা চুলকাইয়া বলিলাম,—'জাতিম্মর! ইয়া হাঁা, অনেকদিন আগে তোমার সঙ্গে কয়েকবার দেখা হয়েছিল, মনে পড়েছে; তুমি তেলের কেরানী ছিলে—'

জ কৈ কেরানী ছিলাম এই কথাটাই মনে রেখেছেন। সোমদত্তাকে ভুলে গেছেন। উন্ধাকে ভুলে গেছেন।

উন্ধা—বিষক্তা উন্ধা—যাহাকে ভালবাসিয়াছিল তাহাকে দেহ দিতে পারে নাই। সোমদত্তা—নিজের ধর্ম দিয়া স্বামীর প্রাণ বাঁচাইয়াছিল। তাহাদের অনেকদিন আগে চিনিতাম, এক সময় উহারা আমার মন জুড়িয়া বসিয়াছিল। কিন্তু উহাদের ভালবাসিয়া-ছিলাম কি ? ভালবাসিলে কি ভুলিয়া যাইতে পারিতাম ?

विनाम,—'आमन कथांग कि जाता—'

জাতিমর লোকটার মাথায় ছিট আছে, সে লাফাইয়া উঠিয়া দাঁড়াইল, তর্জনী তুলিয়া বলিল,—'আপনি উন্ধাকে ভূলে গেছেন, সোমদতাকৈ ভূলে গেছেন, কমাকেও মনে নেই। আপনারা—এই লেখক জাতটা বড় লঘুচিত, ভালবাসতে জানেন না। শুধু কুৎসা রটাতে জানেন। ছিঃ।

জাতিস্মর ধিকার দিয়া চলিয়া গেল।

বিদিয়া বিদিয়া ভাহার কথাই ভাবিতে লাগিলাম। সে জন্মে জন্মে বারবার বহু নারীকে ভালবাসিয়াছিল। আমি যদি একই জন্মে পর্যায়ক্রমে বহু নারীকে ভালবাসি তবে তাহা ভালবাসা হইবে না, অতি নিন্দনীয় কার্য হইবে। কেন ় একটি নারীকে সারা জীবন ধরিয়া ভালবাসিব তবেই তাহা ভালবাসা হইবে—এমন কি কথা আছে! প্রাণে ভালবাসা থাকিলেই তো হইল।—

পায়ের শব্দ শুনিতে পাই নাই, চোথ তুলিয়া দেখি একটি যুবতী আমাব সামনে আসিয়া দাঁড়াইয়াছে। আনন্দময়ী মূর্তি কিন্তু বিহবলতা নাই। স্বাক্ষে সোনার গহনা, রূপের বুঝি অবধি নাই। বিভাপতির শ্লোক মনে পড়িয়া যায়—'নব জলধরে বিজুরি রেখা দৃন্দ প্রসারি গোলি।' গলায় আঁচল দিয়া আমাকে প্রণাম্ ক্রিল, ভারপর পায়ের কাছে বিসিয়া মুহুকঠে বলিল,—'আমি চুয়া।'

বলিলাম,—'পরিচয় দিতে হবে না, তোমাকে দেখেই চিনেছি। এত স্থলর মেয়েকে কি ভোলা যায়!'

চুয়া লজ্জারুণ মুখে জড়সড় হইয়া বসিয়া রহিল। প্রশ্ন করিলাম,—'চন্দন বেনে কেমন আছে গ'

চুয়া শক্কাভরা চোথ তুলিয়া বলিল,—'তিনি আবার সাগরে গেছেন।'

চুয়া একটি ছোট্ট নিশ্বাস ফেলিয়া বলিল,—'ঠাকুর সন্ন্যায়

নিয়েছেন। উনি তো আর মাত্রুষ ছিলেন না, দেবতা ছিলেন। কতদিন সংসারে থাকবেন।

'আর মাধাই ৽'

'তার সঙ্গে একবার দেখা হয়েছিল। তিনি আমাকে মা বলে ডেকেছেন।'

আমিও একটি দীর্ঘধাস ফেলিলাম—'বেশ বেশ। সব খবরই ভাল দেখছি। তা তুমি আমান কাছে এলে কেন বলো দেখি। তোমাকে ভালবাসি কি না জানতে চাও ?'

সে একটু নীরব থাকিয়া বলিল.—'আপনি আমাকে সর্বনাশের মুখ থেকে উদ্ধার ক্রেছিলেন তাই আপনাকে প্রণাম করতে এসেছি।'

দে আবার গলায় আঁচল দিয়া আমাকে প্রণাম করিল। বলিলাম,
— 'চিরায়ুম্মতী হও, পাকা মাথায় সিঁছর পর। তোমাকে উদ্ধার
করিছিল চন্দন আর নিমাই পশুত। কিন্তু আমিও তোমাকে
ভালবাসি শি আচ্ছা এস!'

চুয়া চলিয়া গেল।

ঘুরিয়া ফিরিয়া মাধাই-এর কথা মনে আসিতে লাগিল।
মহাপাষশু মাধাই মহাপুরুষের চরণস্পর্শে উদ্ধার হইয়া গেল। আমার
জীবনে এমনি কোনও মহাপুরুষের আবির্ভাব ঘটিবে কি ্ মনে ভো
হয় না। মহাপুরুষেরা বাছিয়া বাছিয়া অতি বড় পাষশুদেরই কুপা
করেন, ছোটখাটো পাষশুদের প্রতি তাঁহাদের নজর নাই।

আরে ব্যাস্ রে ! ব্যাপার কি । একসঙ্গে অনেকগুলি লঘুক্ষিপ্র পদধ্বনি ; তারপর এক ঝাঁক যুবতী আমার স্তম্ভগৃহে ঢুকিয়া পড়িল এবং আমাকে ঘিরিয়া বসিল।

প্রদীপ উস্কাইয়া দিয়া একে একে সকলের মুখ দেখিলাম। কেহ আনারকলি, কেহ রজনীগন্ধা, কেহ অ্পরাজিতা। সকলেরই মুখ চেনা, কিন্তু সকলের নাম মনে নাই। বলিলাম,—'রবীন্দ্রনাথ বলেছেন, তোমরা সবাই ভাল। গুরুদেবের কথার প্রতিবাদ করতে চাই না, কিন্তু তোমাদের কী মতলব বল দেখি। রাত্তির বেলা এক-জোট হয়ে নিরীহ বাহ্মণকে আক্রমণ করেছ কেন ?'

একটি মুখফোড় মেয়ে বেণী ছলাইয়া বলিল,—'আপনি মোটেই নিরীহ ব্রাহ্মণ নয়, খালি খোঁচা দিয়ে কথা বলেন।'

তাহার দিকে অঙ্গুলি নির্দেশ করিয়া বলিলাম,—'ভোমাকে চিনেছি। তুমি করবী। কিন্তু খোঁচা দিয়ে কথা কখন বললাম গ তোমাদের ঐ দোষ সভ্যি কথা সইতে পার না।—যাক, বিমলাকেমন আছে গ সুহাসকে দেখছি না!

করবী বলিল,—'বেণি এলেন না, তাই হাসি-দি'ও এল না। আমাদেরও আসতে দিচ্ছিল না, বলছিল কেন ভত্তলোককে জ্বালাতন করবি। আমরা জোর করে চলে এলুম।'

বলিলাম,—'তোমাদের মধ্যে ছু'একজনের সুকুনি আছে ভাহলে। কিন্তু এসেছ ভালই ক্বেছ। এখন বল মতলবটা কি °'

এবার অন্য একটি মেয়ে কথা বলিল; কালো মেয়ে, চোখের কৃলে কৃলে হাসি খেলা করিতেছে, বলিল,—'আমরা জানতে এলুম কেন আপনি আর আমাদের ভালবাসেন না, কেন আমাদের নাম পর্যস্ত ভূলে গেছেন।'

বলিলাম,—'তোমার নাম ভুলিনি ৷ তুমি, রুচিরা ৷'

আর একটি মেয়ে বলিল.—'আর আমি ? আমার নাম বলুন দেখি।'

অপ্রস্তুত হইয়া পড়িলাম। মেয়েটি চুয়ার মত স্থন্দরী নয়, কিন্তু ভারি স্থান্তী · · মনে হয় যেন ছেলেবেলায় স্নান্যাত্রার মেলায় হারাইয়া গিয়াছিল, এক মধ্যবিত্ত দম্পতী তাহাকে কুড়াইয়া পাইয়া মান্ত্রম করেন · · · তারপর • · · · বড়মান্ত্রমের একটা খেয়ালী ছেলে · · · একটা তোৎলা · · ·

মেয়েটি ফ্লান হাসিয়া বলিল,—'বলতে পারলেন না তো! আমি কেয়া।'

মনে ছঃখ হইল। সত্যই তো, মানুষ কেন ভুলিয়া যায় ? হে মহাকাল, তুমি তো কিছু ভোল না, আমাদের অস্থি-মজ্জায় তোমার অভিজ্ঞান অঙ্কিত আছে; তবে আমরা ভুলি কেন ? আমাদের কুজে হৃদয়ে একটি বৈ দ্ব'টি ভালবাসার স্থান নাই, তাই বুঝি একটিকে ঘরে আনিবার সময় আগেরটিকে বিদায় দিতে হয়!

করবী আবেগ-প্রবণ কণ্ঠে বলিল,—'বলুন, কেন আপনি আনাদের ভুলে গেছেন, কেন আর ভালবাসেন না!'

ক্ষীণকঠে বলিলাম,—'ভাখো, ভোমাদের সকলকেই তো আমি একটি একটি ভালবাসার পাত্র জুটিয়ে দিয়েছি, তবে আবার আমার ভালবাসা চাও কেন ? মেয়ের বাপ মেয়ের বিয়ে দিয়ে নিশ্চিন্দি হয়, মেয়েও নিজের স্বামী নিয়ে মনের সুখে ঘরকন্ন। করে। তখন আর বাইরের ভালবাসা চায় না। কিন্তু ভোমাদের এ কি ? ভালবাসায় কি ভোমাদের অকচি নেই ?'

সকলে মুখ তাকাতাকি করিয়া হাসিয়া উঠিল। একজন বলিল— 'অমৃতে নাকি অরুচি হয় ় আপনি হাসালেন।'

করবী বলিল—'কিন্তু আপনার ভালবাসার ওপর আমাদের দাবী আছে।'

বলিলাম,—'হাঁ। হাঁ।, তা আছে বৈকি। তোমাদের কাউকেই আমি ভুলিনি, সবাই আমার অবচেতনার তোষাধানায় জমা হয়ে আছো। তবে কি জানো, চোথের আড়াল প্রাণের আড়াল। তোমরাও তো এতদিন আমাকে ভুলে ছিলে; আজু মাসিক পত্রে প্রশ্ন উঠেছে, আমার প্রিয় চরিত্র কোনটি, তাই আমাকে মনে পড়েছে।

একটি মেয়ে, তার নাম বোধহয় আলতা, বলিল,—'মোটেই না, আপনার দিকে আমাদের বরাবর নজর আছে। আপনি যে-কাণ্ড করে চলেছেন! আজ রটা যশোধরা, কাল কুত্ত-গুঞ্জা-শিথরিণী, পরশু বীরশ্রী-যৌবনশ্রী-বান্ধুলি। আরও কত মনের মধ্যে লুকিয়ে রেখেছেন কে জানে।—গা জলে যায়।'

আমার অবস্থা থুব কাহিল হইয়া পড়িল। ভালবাসায় যাহাদের ছর্নিবার লোভ, অথচ অহাকে ভালবাসি দেখিলে যাহাদের গা জ্বলিয়া যায়, তাহাদের সহিত তর্ক করিয়া লাভ নাই। কি বলিয়া ইহাদের ঠাণ্ডা করিব ভাবিতেছি, হেনকাল পিছনদিকে পুরুষকণ্ঠের স্মিশ্ব-মধুর হাসি শুনিতে পাইলান। তারপরই সংস্কৃত ভাষায় সম্বোধন,—'অয়মহং ভো!'

ঘড়ি ফিরাইয়া দেখি, তেজঃপুঞ্জকান্তি এক পুরুষ দাঁড়াইয়া আছেন। একালের মান্ত্র নয় তাহা বেশবাস দেখিয়া বোঝা যায়। ক্ষোরিত মাথাটির মাঝখানে পরিপুষ্ট শিখা, স্কল্কে মুঞ্জোপবীত, গলায় শুজ ছকুলের উত্তরীয়, নিমাঙ্গে হাঁটু পর্যন্ত বস্ত্র; মুখখানি স্মিত-হাস্যোজ্জ্বল, চকুত্টি ভ্রমরের ক্যায় মেয়েদের মুখের উপর পরিভ্রমণ করিতেছে।

মেয়েরা পুরুষকে দেখিয়া ক্ষণেকের জন্ম যেন সন্তুত হইয়া রহিল, তারপর এক ঝাঁক প্রজাপতির মত ছুটিয়া পলাইল।

বর শৃন্য হইয়া গেলে আমি যুক্তকরে পুরুষকে বলিলাম—
'আফুন কবিবর, আপনার চরণস্পর্শে আমার স্তম্ভ পবিত্র হোল।'

কালিদাস উপবিষ্ট হইয়া এদিক ওদিক চাহিলেন, বলিলেন,— 'খাসা স্তম্ভটি। আমার যদি এমনি একটি স্তম্ভ থাকত, আরও অনেক লিথতে পারতাম। রাজসভার হট্টগোলে কি লেখা যায় ?'

বলিলাম,—'কবি, সাতটি গ্রন্থ লিখে আপনি সপ্তলোক জয় করেছেন। কী প্রয়োজন •ৃ'

কবি একটু বিমনা হইয়া বলিলেন, 'তা যেন হল। কিন্তু মেয়ে-গুলো আমাকে দেখে পালালো কেন বল দেখি।'

অপ্রতিভভাবে কাশিয়া বলিলাম,—'হেঁ হেঁ—কি জানেন, স্ত্রীলোকঘটিত ব্যাপারে আপনার একটু—ইয়ে—হর্নাম আছে কিনা —তাই—'

পরম বিশ্বয়ভরে কবি বলিলেন,—'ভাই নাকি! কিন্তু সেকালে তো কোনো তুর্নাম ছিল না। উজ্জ্বিনীর প্রধানা নগরনটা প্রিয়-দশিকার সঙ্গে আমাব ভাব-সাব ছিল, মালিনীকেও ভালবাসভাম: এমন কি রানা ভালুমতীও আমার প্রতি প্রীতিমতী ছিলেন। কিন্তু সেজতো আমাকে তুর্নাম ভো কেউ দেয়নি। আর তরুণীরাও আমাকে দেখে ছুটে পালাভ না, বরং ছুটে এসে ঘিরে ধরত।'

কবিকে ক্ষর দেখিয়া আমি বলিলাম,— 'একালের মেয়ের। আগের মত সাহসিনী নয়, ভারতবর্ষে যবন আক্রমণের পর থেকে আর্যনারীরা বড়ই ভীক হয়ে পড়েছে। উপরস্তু আপনার নামে নানারকম গল্প শুনেছে—'

কবিবর উত্তপ্ত হইয়া বলিলেন,—'এ তোমাদের কাজ। তোমরাই বানিয়ে বানিয়ে আমার নামে মিথ্যে গল্প রচনা করেছ। তাই স্থুন্দর স্থুন্দর মেয়েরা আমাকে দেখে পালিয়ে যায়।'

বলিলাম,—'তা কি করব ? আপনি নিজের সম্বন্ধে একটি কথাও লিখে যাননি, কাজেই আমাদের বানিয়ে বানিয়ে গল্প লিখতে হয়। আপনার সম্বন্ধে আমাদের কৌতৃহলের যে অস্ত নেই কবি।' কবি একটু প্রদন্ন হইলেন, বলিলেন,—'আমার জীবনের সব তথ্য জানা থাকলে কি এত কৌতৃহল থাকত ? কিন্তু ওকথা যাক। তুমি এ কি কাণ্ড করেছ ?'

'কী কাণ্ড করেছি ?'

'আমাকে নিয়ে তুটো গল্প বানিয়েছ। একটাতে পরম স্থালা কুস্তল-রাজকুমারীর সঙ্গে আমার বিয়ে দিয়েছ। অভাটিতে আমার জ্ঞাকৈ করেছ এক দজ্জাল খাণ্ডার মেয়েমানুষ। তুটোই কি করে সম্ভব হয় ?'

'কেন সম্ভব হবে না ? কুস্তলকুমারী কালক্রমে দচ্জাল খাণ্ডাব হয়ে উঠতে পারেন। এমন তো কতই হয়।'

কবি মিটিমিটি হাসিয়া বলিলেন,—'তোমার অভিসন্ধি বুঝেছি: অন্ধকারে হুটো ঢিল ছুঁড়েছ, যেটা লেগে যায়। কেমন ?'

আমি উত্তেজিত হইয়া বলিলাম,—'তাহলে একটা চিল লেগেছে !'

কালিদাস মাথা নাড়িয়া বলিলেন,—'উহু, এই ফাঁকে সত্য কথাটা জেনে নিতে চাও। সেটি হচ্ছে না। আমি উঠলাম।' বলিয়া উঠিবার উপক্রম করিলেন।

আমি করজোড়ে বলিলাম,—'কবিবর, আর একটু বস্তুন।
আপনি কেন এই দীনের কুলায়ে শুভাগমন করেছেন তা তো
বললেন না। আপনিও কি জানতে চান আমি আপনাকে
ভালবাসি কিনা? তাহলে মুক্তকণ্ঠে বলছি, আমি আপনাকে
ভালবাসি, আমার যতটুকু ভালবাসার ক্ষমতা আছে সব দিয়ে
আপনাকে ভালবাসি।'

কবি বলিলেন,—'কথাটা পরিষ্কার হল না। আমাকে ভালবাস, না আমার কাব্যকে ভালবাস ?' বলিলাম,—'আপনার কাব্য আর আপনি কি আলাদ। গ আপনাকে আপনার কাব্যের মধ্যেই পেয়েছি, আর তো কোথাও পাই নি। আমি আপনার যে চরিত্র গড়েছি সে তো আপনার ভাবমৃতি, আপনার কাব্যের মধ্যেই সে-মৃতি পেয়েছি। —কবি, বলুন আমার আঁকা সে-মৃতি যথার্থই কিনা।'

কবি বলিতে গিয়া থামিয়া গেলেন, মৃত্ হাসিয়া বলিলেন—'আর একটু হলেই বলে ফেলেছিলাম। তুমি বঙ্ ধৃত। নাঃ, আর নয়, এবার আমি উঠি।'

কিন্তু তাঁহার ওঠা হইল না, দারের দিকে একদৃষ্টে চাহিয়া রহিলেন। আমি ঘাড় ফিরাইয়া দেখিলাম ব্যোমকেশ বক্সী দাঁড়াইয়া আছে। আমার সঙ্গে চোখোচোখি হইতেই সে আসিয়া আমার সন্মুখে মহাকবির পাশে বসিল। তাঁহার প্রতি একটি তীক্ষ্ণ দৃষ্টি নিক্ষেপ করিয়া বলিল,—'অনেক পুরনো লোক মনে হচ্ছে। শীলভন্ত নাকি ? না, গলায় পৈতে আছে, বৌদ্ধ নয়। দীপক্ষরও নয়। তবে কি মহাকবি কালিদাস ?'

কবিবর ফ্যাল্ফ্যাল্ করিয়া চাহিয়া রহিলেন। আমি তথন পরিচয় করাইয়া দিলাম। বলিলাম,—'ব্যোমকেশ বক্সী একজন সত্যান্ত্রেষী। পরেব গুপ্তকথা খুঁচিয়ে বার করা ওর কাজ। কবিবর, আপনার জীবনে যদি কোনো গুপুক্থা থাকে, সাবধান থাক্বেন।'

কবি তড়িংস্পৃষ্টবং উঠিয়া দাঁড়াইলেন,—'আরে সর্বনাশ! আমার জাবনটাই তো একটা গুপুক্থা। এখানে আর বেশিক্ষণ থাকলে সব ফাঁস হয়ে যাবে। আমি চললাম। এ রকম লোক তোমার কাছে আসে জানলে—। আছো, স্বস্তি স্বস্তি।'

আমি দার পর্যন্ত কবিকে পৌছাইয়া দিয়া বলিলাম,—'নমস্কার কবি। পুনশ্চ ভূয়োপি নমোনমস্তে।' কবি ক্রত সিঁড়ি দিয়া নামিয়া অদৃশ্য হইলেন।

ফিরিয়া আসিয়া বসিলাম। ব্যোমকেশকে ভোলা আমার পক্ষে সম্ভব হয় নাই। তাহার সহিত আমার পরিচয় প্রায় ত্রিশ বছর। সে বিবাহ করিবার পর যোল-সতরো বছর তাহাকে কাছে ঘেঁষিতে দিই নাই, তারপর আবার আসিয়া জুটিয়াছে। লোকটাকে আমি পছনদ করি না। এত বৃদ্ধি ভাল নয়।

প্রশ্ন করিলাম—'তোমার ল্যাংবোট কোথায় ?'

ব্যোমকেশ বলিল,—'অজিত ় সে আপনার ওপর অভিমান করেছে, তাই এল না।'

'অভিমান কিসের ?'

'মাপনি তাকে ক্যাবলা বানিয়েছেন তাই। বেচারা সাহিত্যিক মহলে কলকে পায় না, সবাই তাকে দেখে হাসে।'

'হঁ। তোমাকে দেখে কেউ হাসে না এই আশ্চর্য। তোমরা হজনেই সমান। একজন বৃদ্ধির জাহাজ, অহাটি ক্যাবলা। হ্'চক্ষেদেখতে পারি না।'

ব্যোমকেশ সিগারেটে লম্বা টান দিয়া বাঁকা হাসিল, বলিল,— 'আমাদের তাহলে আপনি ভালবাসেন নাং মানে, আমরা আপনার প্রিয়-চরিত্র নই।'

দৃঢ়স্বরে বলিলাম,—'না, তোমরা আমার প্রিয়-চরিত্র নও। এ কথাটা ভাল করে বুঝে নাও।'

ব্যোমকেশ নির্বিকার স্থারে বলিল,—'আমি আগে থেকেই জানি। এবং আপনার প্রিয়-চরিত্র কে তাও জানি।'

ব্যোমকেশ বলিল,—'যে আপনার প্রত্যেক লেখার মধ্যে

সন্ত্রপ্রবিষ্ট হয়ে আছে, যাকে বাদ দিয়ে আপনি এক ছত্তও লিখতে পারেন না, তার কথা বলছি।

'কিন্তুলোকটাকে ? নাম কি ?'

'শুনবেন ?' ব্যোমকেশ আমার কানের কাছে মুখ আনিয়া চুপিচুপি একটা নাম বলিল।

চমকিয়া উঠিলাম। মনের অগোচর পাপ নাই, ব্যোমকেশ ঠিক ধরিয়াছে। কিছুক্ষণ মুখ-ব্যাদান করিয়া থাকিয়া বলিলাম,— 'তুমি কি করে জানলে ?'

ব্যোমকেশ অট্টহাস্ত করিয়া উঠিল, বলিল,—'আপনার প্রশ্নটাঃ অজিতের প্রশ্নের মত শোনাচ্ছে!'

আত্মসংবরণ করিয়া তাহার পানে কটমট তাকাইলাম, দারের দিকে অঙ্গুলি নির্দেশ করিয়া বলিলাম,—'তুমি এবার বিদেয় হও।'

ব্যোমকেশ হাসিতে হাসিতে উঠিয়া দাড়াইল, বলিল,—'ধ্রা পড়ে গিয়ে আপনাব রাগ হয়েছে দেখছি। আচ্ছা আজ চলি। আর একদিন আসব।'

সে চলিয়া গেলে দ্বার বন্ধ করিয়া দিলাম। আজ আর কাহাকেও ঢুকিতে দিব না। অনর্থক সময় নষ্ট।

প্রদীপটিকে কাছে টানিয়া খাতা পেন্সিল লইয়া লিখিতে বসিলাম। পূজা আসিয়া পড়িল। পূজার সময় একটা ব্যোমকেশের রহস্ত-কাহিনী না লিখিলেই নয়।

# সেই আমি

ষাট বছর বয়সে কবিতা লিখিয়াছি। আধ্যাত্মিক কবিতা নয়, রসের কবিতা।

আমার কবিতা কেহ পড়েনা, পত্রিকা-সম্পাদকেরা ছাপিতে চান না; তাই ইদানীং কবিতা লেখা ছাড়িয়া দিয়াছি। শুধু গভ লিখি। তবে আজ কবিতা লিখিলাম কেন, তাহার একটা কৈফিয়ত প্রয়োজন।

কাল সকালে চোথে চশমা আঁটিয়া লিখিতে বসিয়াছি, দারের সম্মুথে একটি ছায়া পড়িল। চোথ তুলিয়া দেখিলাম, কেহ একজন আসিয়া দাঁড়াইয়াছে। তাহার মুখ-চোধ দেখিতে পাইলাম না, কঃপড়ের রং দেখিয়া বুঝিলাম, স্ত্রী-জাতীয় জীব।

আমার ছটি চশমা; একটি দেখার জন্ম, অন্সটি লেখার জন্ম। যখন লিখিতে বসি, তখন বহির্জগৎ আবছায়া হইয়া যায়। আমি লেখার চশমা পরিধান করিলাম, তারপর চোখ তুলিয়া দারবর্তিণীর পানে অপলকে চাহিয়া রহিলাম।

সতরো-আঠারো বছরের একটি কুমারী মেয়ে। বর্ণনার প্রয়োজন নাই; স্থা স্থাস্থাবতী স্থানয়না মেয়ে, এইটুকু বলিলেই যথেষ্ঠ হইবে। ভাবভঙ্গীতে সহজ্ঞ স্বচ্ছন্দতা। কিন্তু আমি যে তাহার পানে নিষ্পালক চাহিয়া ছিলাম, তাহার কারণ তাহার স্নিগ্ধ-মধ্র যৌবনঞ্জী নয়, অহ্য কারণ ছিল।

সে বলিল, 'আসতে পারি ?' বলিলাম, 'এস।'

্দে আমার টেবিলের পাশে আসিয়া দাঁড়াইল। আমি নাকের

উপর চশমাটা ভালভাবে বসাইয়া আরও খানিকক্ষণ তাহাকে দেখিলাম। শেষে বলিলাম, 'কি দরকার, বল তো ?'

সে একটু লজ্জিত হইয়া বলিল, 'আপনি লিখতে বসেছিলেন, আমি এসে বিরক্ত করলুম !' লেখার খাতা সরাইয়া রাখিয়া বলি-লাম, 'তা হোক। তোমার নাম কি <sup>১</sup>

সে বলিল, 'আমার নাম মল্লী—মল্লী মিত্র। আমি মা-বাবার সঙ্গে দেশ বেড়াতে বেরিয়েছি, এখানে তিন চার দিন আমরা থাকব। আপনি এখানে থাকেন জানি, তাই কলকাতা থেকে বেরুবার আগে আপনার ঠিকানা যোগাড় করেছিলুম।'

মল্লীকে একটু পরীক্ষা করিবার ইচ্ছা হইল। বলিলাম, 'বোসো। তুমি কি বেথুন কলেজে পড়ো? আমি একবার বেথুন কলেজে গিয়েছিলাম, অনেক ছাত্রীদের সঙ্গে দেখা হয়েছিল। ভাবছি, তুমি হয়তো তাদেরই একজন।'

মল্লী বসিল না; বলিল, 'না, আমি গোখেলেতে পড়ি। আপনি আমাকে আগে দেখেন নি।'

আমি আবার থানিকক্ষণ তাহার মুখখানি দেখিয়া বলিলাম, 'ও কথা যাক। তুমি আমার মতন একটা বুড়োকে দেখবার জন্মে নিশ্চয় আনোনি। কি চাই, বলো।'

তাহার হাতে একটি শ্রীনিকেতনের চামড়ার ব্যাগ ছিল, সে তাহার ভিতর হইতে একটি মরকো-বাঁধানো থাতা বাহির করিয়া আমার সামনে রাখিল; বলিল, 'আমার অটোগ্রাকের থাতায় আপনার হাতের লেখা নেই।'

খাতাটি উপ্টাইয়া পাশ্টাইয়া দেখিলাম, অনেক মহাজ্বনের করাস্ক ভাহাতে আছে; কেহ উপদেশ দিয়াছেন, কেহ শুধুই দস্তথত মারিয়াছেন। এমন দিনে ৬৪

আমি কলম লইয়া নিজের নাম লিখিতে উভাত হইয়াছি, মল্লী বলিল, 'একটু কিছু লিখে দেবেন না ?'

কলম রাথিয়া কিছুক্ষণ চিস্তা করিলাম, শেষে বলিলাম, 'তুমি কাল বিকেলবেলা আর একবার আসতে পারবে ?'

মল্লী বলিল, 'আসব।'

বলিলাম, 'আচ্ছা। আমি তোমার জত্যে কিছু লিখে রাথব। আর দেখ, কাল যখন আসবে, তোমার খোঁপায় বেলফুলের বেণী প'রে এসো। বেণী কাকে বলে জানো দু এদেশে খোঁপায় পবার মালাকে বেণী বলে।'

সে ক্ষণেক অবাক্ হইয়া আমার পানে চাহিল। হয়তো ভাবিল. লেখকত ও পাগলামির মধ্যে বিশেষ প্রভেদ নাই। তারপর একটু হাসিয়া ঘাড় নাড়িয়া চলিয়া গেল।

শ্রেকার খাতাটি নাড়াচাড়া করিতে করিতে অনেক চিস্তা করিলাম, অনেক হিসাব-নিকাশ করিলাম। আঠারোতে আঠারো যোগ দিলে ছত্রিশ হয়, তাহাতে আঠারো যোগ দিলে হয় চুয়ার। ঠিক ধরিয়াছি। মল্লী শ্বাসন্তী শমিত্র অন্তর্গ গোত্র গোত্রান্তর দিদিমা শ্রেকারমা শ

তারপর কবিতা লিখিলাম-

তোমারে হেরিয়াছিত্ব একদিন কুন্ধুম-অরুণিত সন্ধ্যায় স্মরণ-সরণি ধরি' আধজিও সেদিন পানে মন ধায়।— তোমার নয়নে ছিল পল্লব-ছায়া-করা স্বপ্ন-মদির

সুখ-তন্দ্রা

কবরী ঘেরিয়া সথি ফুটিয়া উঠিয়াছিল মল্লীমুকুল মধুগন্ধা… কিন্তু আর বেশী কবিতা করিব না, পাঠক-পাঠিকারা চটিয়া যাইতে পাবেন।

আজ সূর্যান্তের সময় মল্লী আসিল। তাহার কবরীতে মল্লীমুকুলগুলি একটি একটি করিয়া ফুটিতে আরম্ভ করিয়াছে।

বলিলাম, 'বোদো।'

মল্লী বসিল, উৎস্ক চোখে আমার পানে চাহিল।

বলিলাম, 'এই নাও তোমার খাতা। কবিতা লিখে দিয়েছি। এখন প'ড়ো না, ফিবে গিয়ে প'ড়ো।

মল্লা কবিতাটি বত যত্নে ব্যাগেব মধ্যে রাখিল। তখন আমি বলিলাম, 'তুমি কাল বলেছিলে, আমি তোমাকে আগে দেখি নি। কথাটা ঠিক নয়। আমি ভোমাকে আগে দেখেছি।'

মল্লী বিস্ময়োৎফুল্ল মুখে বলিল, 'দেখেছেন! কবে ? কোথায় ?' বলিলাম, 'দেই যে—ানর্জন বালুচরের ওপর দিয়ে ছোট্ট শুক্টিনদা বয়ে যাচ্ছিল, পশ্চিমের আকাশে সূর্যান্তের হোলীখেলা চলছিল—দেইখানে আমি ভোমার দেখেছিলাম। তোমার মনে পড়ছেনা?'

মল্লা স্বপ্নাতৃর চক্ষে চাহিয়া বলিল, 'না, আমাব তো মনে পড়ছে না। করে—কভদিন আগে—>

মনে মনে আগেই হিসাব করিয়। রাথিয়াছিলাম, তবু হিসাবের ভান করিয়া বলিলাম, 'চল্লিশ বছর আগে।'

মল্লীর চোখ-তৃটি বিক্ষারিত হইয়া খুলিয়া গেল, তারপর সে কলস্বরে হাসিয়া উঠিল, 'চল্লিশ বছর আগে! কিন্তু আমার বয়স যে মোটে আঠারো বছর।'

বলিলাম, 'তা হবে। চল্লিশ বছর আগেও ভাূেমার বয়স ছিল আঠানো। তথন তোমার নাম ছিল বাসস্টা।' সে উচ্চকিত হইয়া প্রতিধ্বনি করিল, 'বাসস্তী! কিন্তু বাসস্তী যে আমার'—

'দিদিমার নাম।'

মল্লী কিছুক্ষণ অধরোষ্ঠ বিভক্ত করিয়া চাহিয়া রহিল, 'হ্যা। আপনি জানলেন কি ক'রে ?'

প্রশ্নের উত্তর দিলাম না, বলিলাম,—'আমার কাছে তোমার নাম মল্লী নয়, বাসস্তী। কাল তোমাকে দে'খেই চিনতে পেরেছিলাম।' 'আপনি জ্ঞামার দিদিকে চিনতেন!'

অতঃপর তাহাকে অনেক কথা বলিলাম যাহা লিখিবার প্রয়োজন নাই। কাহিনীতে প্রজনন-বিজ্ঞান বাঞ্নীয় নয়। শেষে প্রশ্ন করিলাম, 'তোমার দিদি ভাল আছেন গু'

মল্লী ছলছল চক্ষে বলিল, 'তু'বছর আগে দিদি মারা গেছেন।'
ক্রিনৈকক্ষণ পরে কথা কহিলাম। বলিলাম, 'না। তোমার দিদি
বেঁচে আছেন, চিরদিন বেঁচে থাকবেন। আমিও চিরদিন বেঁচে
থাকব। তোমার নাতনীর বয়স যখন আঠারো বছর হবে তখনও
আমরা বেঁচে থাকব। কে বলে গো সেই প্রভাতে নেই আমি।—
আচ্ছা, আজ তুমি এস। আবার দেখা হবে।'

দেখার চশমা খুলিয়া লেখার চশমা পরিয়া ফেলিলাম। গছ্ঠ লিখিতে হইবে। কবিতার দিন গিয়াছে।

# স্ত্রী-ভাগা

ধীরাজের বিবাহ ও দাম্পত্যজ্ঞাবন একটা হাসির ব্যাপার হইয়া দাঁডাইয়াছিল।

ধারাজ আমার ছেলেবেলার বন্ধু; তারপর বড় হইয়া কলিকাতার একই মেসে একই ঘরে বাস করিয়াছি, এবং একই শেয়ার-দালালের অফিসে কেরানীগিরি করিয়াছি। স্ত্তরাং তাহার হৃদয়-মনের একটা প্রপত্তী চিত্র আমার মনে থাকা উচিত। কিন্তু এখন মনে হয় তাহার হৃদয়ের মধ্যে একটা গোপন চোর-কুঠরি ছিল; সেখানে সে কীরাখিত আমি কোনোদিন জানিতে পারি নাই।

অথচ সে চাপা প্রকৃতির লোক ছিল না। তাহার ছিপ্ ছিপ্ লুক্ করা চেহারা দেখিলে ও ধারালো মুখের শাণিত কথাবার্তা শুনিলে মনে হইত সে বিজ্ঞানের ছাত্র: তাহাকে কেরানীশ্রেণীর মান্ত্র্যুষ্ট একেবারেই মনে হইত না। সাধারণ মান্ত্র্যুষ্ট যে-সকল প্রসঙ্গ সংকোচবশে এড়াইয়া যায় সে তাহা খোলাখুলিভাবে আলোচনা করিত। তথন আমরা ছজনেই অবিবাহিত, সম্পূর্ণ আত্মীয়স্কজনহীন এবং দরিজ কেরানা। আমি এখনো দরিজ কেরানাই রহিয়া গিয়াছি, কিন্তু ধীরাজের জীবনে এই ক্য়বছরে এত উত্থানপ্তন ঘটিয়াছে যে বিশ্বিত হইতে হয়।

ধীরাজের বৃদ্ধি ছিল অত্যন্ত প্রথর, কিন্তু তাহার দেহটা ছিল ঠিক সেই পরিমাণে অলস ও নিন্ধর্মা। ছুটির দিনে সারাদিন বিছানায় পড়িয়া থাকিত; ঘরে আড্ডা বসিলে সে বিছানায় শুইয়া শুইয়াই আড্ডায় যোগ দিত। অফিসে না গেলে চাকরি থাকিবে না তাই অফিসে যাইত। ভাও অফিসের কাজ এমন বেগার-ঠেলা ভাবে কবিত যে আমি তাহার অর্ধেক কাজ করিয়া না দিলে চাকরি থাকিত কিনা সন্দেহ।

ধীরাজের বিবাহ একটি বিচিত্র ঘটনা। একটা ছুটির দিনে সকালবেলা আমি বাজারে গিয়াছিলাম, তেল সাবান টুথ-পাউডার প্রভৃতি কিনিবার ছিল। বেলা দশটা নাগাদ ফিরিয়া আসিয়া দেখি, ধীরাক্ত শয়াত্যাগ করিয়াছে, দাড়ি কামাইয়াছে, কাপড়-চোপড় পরিয়া তৈরি হইয়া আছে। আমাকে দেখিয়া বলিল,—'চল্, এখনি বেরুতে হবে।'

আমি হাঁ করিয়া কিছুক্ষণ চাহিয়া থাকিয়া বলিলাম --- 'তোর আজ হল কি! কোখায় যেতে হবে '

সে বলিল,—'পরে শুনিস্। এখন চট্ করে ভালো কাপড়-চোগড় গ'বে তৈরি হয়ে নে।

পনরো মিনিটের মধ্যে বাহির হইলাম। রাস্তায় চলিতে চালতে জিল্লাসা কবিলাম,—'কোথায় যাওয়া হচ্ছে সেটা এবাল জানিতে পারি কি ?'

ধীলাজ বলিল, -- 'আমি যাচ্ছি বিয়ে করতে। সিভিল ম্যালিজ। তুই আমার সাক্ষা।'

রাস্তার মাঝ্থানেই দাঁড়াইয়া পড়িলাম—'বিয়ে! কার সঙ্গেণ কোথায়ণ

সে আমার বাহু ধরিয়া টানিয়া লইয়া চলিল—'বেশী দূর নয়, পাঁচ মিনিটের রাস্তান'

'কিন্তু পাত্রী কে ? কার মেয়ে ?'

'কার মেয়ে জানি না। পাত্রীকে জানি; নাম উষা পাঠিব স্বাধীন মেয়ে, ই**লিও**রেকের দালালি করে।

আবার নাড়াইয়া পড়িলাম।

'কে দালালি করে <sub>?</sub>' 'পাত্রী :'

অতঃপর আর কিছু বলিবার রহিল না। বীমার দালালি করে এমন মেয়ে নিশ্চয় আছে, নচেৎ ধীরাজ তাহাকে বিবাহ করিবে কেমন করিয়া ? কিছুক্ষণ নারবে চলিবার পর বলিলাম,—'বিয়ের কথা আগে বলিসনি কেন ?'

সে বলিল, — 'কা এমন মহামারী ব্যাপার যে ঢাক পিটোতে হবে ?'
নানা প্রশ্নের মধ্যে একটা প্রশ্ন প্রবলতর হইয়া উঠিল। জিজ্ঞাসা
করিলাম, — 'কোথায় তোদের দেখাশুনো হল তাও জানি না।
তা—প্রেম নাকি ? প্রেমে পডেছিস ?'

ধীবাজ প্রশ্নের উত্তর দিল না, ঠোঁট টিপিয়া একটু হাসিল।

ইতিমধ্যে আমরা একটি তিন্তলা বাড়ীর সামনে আসিয়া পৌছিলাম, স্ত্রাং আর প্রশ্ন কবাও হইল না। ধীরাজ আমাত্রে লইয়া তিন্তলা বাড়ীর ডগায় উঠিল।

ছিমছাম পরিচ্ছন্ন একটি ফ্ল্যাট। যে যুবতীটি ফ্ল্যাটের দরজা খুলিয়া দিল সেও বেশ ছিমছাম। প্রন্দরী নয়, মুখখানা টিয়াপাখীর মতো: কিন্তু চোখে আছে চটুল কটাক্ষ, পশিপক অধরে আছে খুনখারাবা রঙের হাসি। বেশবাস পরিবার ভঙ্গীতে দেহকে আচ্ছাদন করার চেয়ে উন্মোচন করার চেষ্টাই বেশী।

ধীরাজ পরিচয় করাইয়া দিল.— আমার বন্ধু মানিক ঘোষ। উষা পাঠক—আমার - '

উষা পাঠক আমার পানে চোথ বাঁকাইয়া হাসিল:

পড়ি স্থসজ্জিত ঘরে গিয়া বসিলাম ঘরের সাজসজ্জা দেখিয়া মনে য় ধীরাজের ভাবী স্ত্রীর পয়সা আছে, বীমার দালালি করিয়া অভি ক্ষয় আনেক টাকা রোজগার করে। অফি **अ**यन मिटन १०

ঘরে আরও ছটি মামুষ আছে। বিলাভী পোশাক-পরা ফিটফাট ছটি যুবক। একজন বাঙালী, অস্তুটি মাড়োয়ারী। ইহারা পাত্রীর বন্ধু, বিবাহে সাক্ষী দিবার জন্য উপস্থিত হইয়াছে।

অল্পকণ পরেই বিবাহের পুরোহিত, অর্থাৎ রেজিক্টার মহাশয় চাপরাসীর হাতে বিরাট খাতা লইয়া উপস্থিত হইলেন। পাত্র-পাত্রীকে হ'একটি সওয়াল-জবাব, খাতায় নাম লেখা, সাক্ষীদের সহি-দস্তখত। ব্যস্, বিবাহ হইয়া গেল। ঢাক-ঢোল নাই, বর্যাত্রীক্ষ্যাযাত্রীর কামড়া-কামড়ি নাই, উলু সাতপাক কুশগুকা নাই, অথচ পাক। বিবাহ। রেজিক্টার মহাশয় দক্ষিণা লইয়া প্রস্থান করিলেন। খাসা বিবাহ।

অতঃপর আমরা সাক্ষীরা জলযোগপুর্বক প্রস্থান করিলাম।
নববধু বঙ্কিম কটাক্ষপাত করিয়া খুনখারাবি রঙের হাসি হাসিল।
ধীরাজ বলিল,—'আছো, কাল অফিসে দেখা হবে।'

বাসায় ফিরিয়া আসিলাম। মন্টা খারাপ হইয়া গেল। একে তো বিবাহের পদ্ধতিটা নিতান্তই অনভ্যস্ত, তার ওপর উষা পাঠক মেয়েটাকেও ভালো লাগিল না। তাহার বন্ধু ছটিকে ভালো লাগিল না। তাহাদের চালচলন ভাবভঙ্গী খুবই পরিমাজিত, তবু ভালো লাগিল না

ছুটির দিনে বাসার অন্য অধিবাসীর। সকলেই বাসায় ছিলেন, পাশের ঘরে আড্ডা বসিয়াছিল। আমি ফিরিয়া আসিলে হুই তিন জন আমাদের ঘরে আসিলেন। একজন বলিলেন,— কি ব্যাপার বলুন দেখি! ধীরাজবাবু আজ ছুপুরের আগেই বিছানা ছেড়ে কোখায় গেলেন ?'

মনের ছঃথে ধীরাজের বিবাহের কথা বলিলাম। শুনিয়া সকলে চেঁচামেচি ক্রিতে লাগিলেন—'এ কি রকম কথা। ধীরাজবাবু বিয়ে

করলেন অথচ আমাদেব একবার জানালেন না! না হয় বর্ষাত্রী না-ই যেতাম, রস্গোল্লা না-ই খেতাম'—ইত্যাদি।

সুশীলবাব্ নামক এক ভদ্রলোক বলিলেন,—'বোধ হয় অসবর্ণ বিবাহ। পাত্রীর নাম কি গ'

विनाम,---'छेवा পाठक।'

সুশীলবাবুর ভ্রাযুগল গুণছেঁড়া ধনুকের মত লাফাইয়া উঠিল,—
'উষা পাঠক! বলেন কি মশাই! সে যে নামজাদা মেয়ে!'

'নামজাদা মেয়ে! আপনি তাকে চেনেন নাকি ?'

সুশীলবাবু বলিলেন,—'পরিচয় নেই। তবে কীর্তিকলাপ জানা আছে। ছি ছি জি, ধীরাজবাবু শেষে উষা পাঠককে বিয়ে করলেন! এইজন্মই বৃঝি কাউকে খবর দেন নি।'

'উষা পাঠকের কার্তিকলাপ সম্বন্ধে আপনি কী জানেন ?'

সুশীলবাবু অরুচিস্চক মুখভঙ্গা করিয়া বলিলেন,—'অনেক কিছুই জানি: শুধু আমি নয়, আরো অনেকে জানে। উষা পাঠক যথন কলেজে পড়ত তথন একটা ছেলের সঙ্গে নটবট করেছিল, পরে জানাজানি হয়ে যায়; কলেজ থেকে ছ'জনকেই তাড়িয়ে দেয়। তারপর উষা বীমার দালালি আরম্ভ করে। বীমার দালালিটা ছুতো, আসলে বড়মামুষের ছেলেদের মাথা খাওয়াই ওর পেশা।'

সুশীলবাবুরা চলিয়া যাইবাব পর গুম হইয়া বসিয়া রহিলাম। ধীরাজ কি জানিয়া-শুনিয়া একটা নই-মেয়েকে বিবাহ করিল ? কিন্তু কেন ? এই লইয়া মেসে টিটিকার পড়িয়া যাইবে ভাবিয়া মনটা বিভ্ষায় ভরিয়া উঠিল।

প্রদিন ধীরাজ আসিল না: মেসেও ফিরিল না। তারপর মাস-ছ্য়েক আর তাহার দেখা নাই। তাহার কাপড়-চোপড় বাক্স-বিছানা স্বই বাসায় পড়িয়া আছে। তাহার ১চরিত্র যতদূর • জানি তাহা হইতে অনুমান করিলাম সে নব-পরিণীত। স্ত্রীর বাসায় বিছানায় শুইয়া পরমানন্দে দিন কাটাইতেছে। রোজগোরে বৌ যখন পাইয়াছে তখন আব কাজ করিবে কেন ? এলা বাছল্য, চাকরি রহিল না।

আমি ইচ্ছা করিলে তাহার স্ত্রীর বাসায় গিয়া খোঁজথবর লইতে পারিতাম। কিন্তু তাহার স্ত্রীর সম্বন্ধে যাহা শুনিয়াছিলাম তাহার পর আর সেদিকে যাইবার উৎসাহ ছিল না। যাক্ গে, মরুক গে, আমার কা,—এইরপ মনোভাব লইয়া বসিয়া ছিলাম। বাসায় আমার হরে ধীরাজের বদলে অহা লোক আসিয়াছিল।

একদিন বিকালে অফিস হইতে বাহির হইয়া ফুটপাথে পা দিয়াছি, একটি ঝকঝকে নৃতন মোটর আসিয়া ফুটপাথ ঘেঁষিয়া দাঁড়াইল। গাড়ীর মধ্যে বসিয়া আছে ধীরাজ। ভাহার চেহারাও মোটরের মতোই ঝকঝক করিতেছে: পরিধানে পুরু সিল্কের প্যান্টুলুন ও মিহি সিল্কের বুশ-শার্ট, মাথার চক্চকে চুল ব্যাক্রাশ করা। গাড়া চালাইতেছে একজন ছোকরা শিখ। দেখিয়া শুনিয়া আমি কেমন যেন ভ্যাবাচাকা খাইয়া গেলাম।

ধীরাজ গাড়ার দরজা খুলিয়া দিয়া বলিল,— 'আয়, তোকে বাসায় পৌছে দিই।'

মনের আড়ষ্টতা দূর হইবার পূর্বেই গাড়ীতে উঠিয়া বসিলাম । গাড়ী চলিতে আরম্ভ করিল।

ধীরাজ আমার পানে কিছুক্ষণ চাহিয়া থাকিয়া পকেট হইতে সিগারেট বাহির করিল, সোনার সিগারেট-কেস আমার সামনে ধুলিয়া ধরিয়া বলিল,—'ভুই কি ঘাব্ডে গেলি নাকি গু'

দামী সিগারেট। আমি যে-সিগারেট খাই ভাহার এক প্যাকেটের ঠেন্তেও এই একটা সিগারেটের দাম বেশী। ধীরাজ লাইটার জ্বালিয়া দিগারেট ধরাইয়া দিল। আমি নীরবে ছই-তিন টান দিয়া বলিলাম,—'কার গাড়ী ?'

বারাজ জ তুলিয়া বলিল,—'আমার গাড়ী। আর কার ?' প্রশ্ন করিলাম,—'টাকা কোথায় পেলি ?'

ধারাজের চকু উত্তেজিত হইয়া উঠিল,—'টাকা—রোজগার করেছি। পাঁচ হপ্তায় সাঁইত্রিশ হাজার টাকা রোজগার ক্রেছি। বিশাস হয় ?'

'বিশ্বাস করা শক্ত। কিসে এত টাকা রোজগার করলি ?'

`শেয়ার-মার্কেটে। এতদিন মিছেই কেরানীগিতি কবে মরেছি। যদি গোড়া থেকে ফাট্কা খেলতাম—এতদিনে লাখপতি হয়ে যেতাম।

তাহার স্থাচাথের ভাব দেখিবা বৃঝিলাম, হঠাৎ অনেক টাকা রোজগার কথার উত্তেজনা সে এখনো কাটাইয়া উঠিতে পাকে নাই। মনে মনে একটু ঈধা যে অভ্তেব না করিলাম এমন নয়। বলিলাম, — শোকার-মার্কেটে জুয়া খেলতে হলে মূলধন দরকার। তুই মূলধন পেলি লোখায় গ

বারাজ তথন সমস্ত কথা খুলিয়া বলিল। বিবাহের পর তাহার জ্ঞা বলিয়াছিল.— 'কেরানীগিরিতে কি প্যসা আছে গুতুমি শেয়ার-মাকেটে যাতায়াত আরম্ভ করো।'

এই বলিয়া তাহাকে ছ'হাজার টাকা দিয়াছিল। ধীরাজ শেয়ারদালালের অফিসে চাকরি করিয়া শেয়ার বেচাকেনা সম্বন্ধে অল্পবিস্তর
জানিত, কিন্তু নিজে কখনো শেয়ারের খেলা খেলে নাই। সে ভয়ে
ভয়ে অগ্রসর হইল। কিন্তু এমনি তাহার জোর বরাত, প্রথম
হইতেই সে লাভ করিতে আরম্ভ করিল। বৌ তাহাকে শেয়ার
সম্বন্ধে 'উপ' সংগ্রহ করিয়া আনিয়া দিত। ক্রমে এমন দাঁড়াইল, ব

এমন দিনে 98

সে যে-শেয়ার কেনে সেই শেয়ারের দাম চড়চড় করিয়া চড়িয়া যায়। গত পাঁচ হপ্তায় সে সাঁইত্রিশ হাজার টাকা লাভ করিয়াছে; তারপর মোটর কিনিয়াছে, দেড়শো টাকা মাহিনা দিয়া ছাইভার রাথিয়াছে। এখন আরো কিছু টাকা হস্তগত করিতে পারিলেই রালিগঞ্জে বাড়ী কিনিবে।

কাহিনী শেষ করিয়া ধারাজ বলিল,—'একেই বলে পুরুষস্ত ভাগ্যঃ।'

মনে মনে ভাবিলাম, স্ত্রিয়াশ্চরিত্রং-ও বটে। মুখে বলিলাম,—
'খাসা বৌ যোগাড় করেছিস। কথায় বলে স্ত্রা-ভাগ্যে ধন। তা
ভূই তো আর আমাদের পচা মেসে ফিরে আসবি না; তোর জিনিসপ্র আমার কাছে পড়ে রয়েছে, সেগুলো নিয়ে যা।'

ধীরাজ তাচ্ছিল্যভরে বলিল,—'ও আর এখন কী হবে, তোর কাছেই থাক : পরে দেখা যাবে।'

গাড়ী আসিয়া মেসের সামনে থামিল। আমি নামিবার উপক্রম করিতেছি, ধীরাজ বলিল, —'তুই একটা লাইফ ইন্সিওরেন্স পনিসি নেনা।'

कितिया विननाम,—'नार्क रेनिएरतन भनिति !'

সে বলিল,—'হ্যা। আমি পঞ্চাশ হাজারের নিয়েছি। তুই অস্তুত দশ হাজারের নে। বিশ বছর পরে টাকা পাবি।'

বলিলাম,—'তা তো পাব, কিন্তু ততদিন খাব কি ? যা মাইনে পাই, প্রিমিয়ম দিয়ে কিছু বাঁচবে কি ?'

সে হাসিয়া বলিল,—'আচ্ছা, পাঁচ হাজারের নিস্। বেশী প্রিমিয়ম দিতে হবে না, আমার বৌ সব ঠিকঠাক করে দেবে। এক-দিন আসিস্ আমার বাসায়।'

আমি উত্তর দিলাম না, গাড়ী হইতে নামিয়া পড়িলাম। গাড়ী

চলিয়া গেল। ধীরাজের কপাল থুলিয়াছে, কিন্তু আমার ভো খোলে নাই। পেটে ভাত নাই—পাঁচ হাজার টাকার ইনিওরেন।

মেসের দোরগোড়ায় সুশীলবাব্র সঙ্গে দেখা হইয়া গেল। তিনি ভুরু তুলিয়া বলিলেন,—'ব্যাপার কি! কার মোটরে চড়ে অফিস থেকে ফিরলেন?' তিনি পদব্রজে অফিস হইতে ফিরিতেছিলেন।

বলিলাম—'ধীরাজের মোটরে চড়ে!'

তাঁহার মুথে বিশায় ও অবিশাসের সঙ্গে গভীর অসস্তোষ ফুটিয়া উঠিল : বলিলেন—'তাই নাকি ! ধীরাজবাব তাহলে এখন স্ত্রীর রোজগারে মোটর হাঁকাচ্ছেন ?'

বলিলাম—'পুরুষস্ত ভাগ্যং। কি করবেন, বলুন।'

স্শীলবাবু হঠাৎ দপ্ করিয়া জ্বলিয়া উঠিলেন—'ঝঁটাটা মাবি
অমন ভাগ্যের মুখে। ইজ্জতের বদলে মোটরগাড়ী! দুছাঃ।'
তিনি ঘুণাভরে পদদাপ করিয়া নিজের ঘরে চলিয়া গেলেন।
বুঝিলাম, ধীরাজের ববাহের সংবাদে তিনি ঘতটা ক্ষুক্ষ হইয়াছিলেন
তাহার ভাগ্যোদয়ের সংবাদে ততোধিক অসুখী হইয়াছেন।
আমাদের মত সামাল্য সাধারণ মানুষের পক্ষে ইহাই বোধ হয়
স্থাভাবিক। ধর্মের জয় এবং অধ্যের ক্ষয়় দেখিবার জন্য
আমাদের মন স্বদাই উৎস্তক; ইহার ব্যতিক্রেম দেখিলে মন
খারাপ হইয়া যায়।

ধীরাজের ভাগ্যোশ্ধতির থবর মেসে প্রচারিত হইল। ধীরাজের অমুপস্থিতিতে আমাকে লক্ষ্য করিয়াই বাক্যবাণ নিক্ষিপ্ত হইছে লাগিল; কারণ আমিই ছিলাম তাহার নিকটতম বন্ধু এবং সম্প্রতি তাহার মোটরগাড়ীতে চড়িয়াছি। আমি কিন্তু ব্যঙ্গবিজ্ঞাপে বিচলিত হইলাম না, বরং ব্যঙ্গকারীদের দলে ভিড়িয়া গেলাম । ভাষাতে প্রতিপক্ষের অভাবে ব্যঙ্গবীরের। একটু ভগ্নোছাম হইলেন বটে, কিন্তু পাঁয়তাড়া কষা একেবারে বন্ধ হইল না। বিশেষতঃ সুশীলবাবু উভোগী পুরুষ, তিনি মাঝে মাঝে বাহিব হইতে নৃতন থবর সংগ্রহ করিয়া আনিয়া স্তিমীয়মান জল্লনাকে চাঙ্গা করিয়া তুলিতেন।

একদিন তিনি অফিস হইতে ফিরিয়া আমায় ঘরে আসিলেন, তক্তপোশের পাশে বসিয়া বলিলেন,—'আজ এক জবর খবর শুনলান। উষা পাঠক, মানে ধারাজবাবুব সহধ্মিণী এখন এক মাড়োয়ারা ছোকরার সঙ্গে ধর্মকর্ম করে বেড়াচ্ছেন। রাত্রে বাড়ী খাকেন না, মাড়োয়ারার সঙ্গে হোটেলে রাত্রি যাপন করেন। মাড়োয়ারী ছোকরাটি নেহাত টেজিপেজি নয়, ভার বাপ বুলিয়ন-মার্কেটের একজন দিকপাল।'

বিবাহের সময় মাড়োয়ারী সাক্ষীকে দেখিয়াছিলাম মনে পড়িল; ইনি সভাবত তিনিই। কিন্তু সুশীলবাবুকে সে-কথা বলিয়া তাঁহার রসদ বাড়াইতে ইচ্ছা হইল না. হাসিয়া বলিলাম,—'তবেই দেখুন। ধারাজের বৌকে জাতিধর্ম-নির্বিশেষে স্বাই ভালবাসে। এমনকি মাডোয়ারী পর্যন্ত।'

স্থীলবাব্ বলিলেন.—'বলিহারি যাই! ছোঁড়াগুলো কি দেখে মজেছে তাও বৃঝি না। দাঁত উঁচু, ঠোঁট মোটা - রূপের ধুচুনি!'

বলিলাম,—'রূপ দেখে কেউ মজে না, সুশীলবাব্। যা দেখে মজে তার থাস বিলিতী নাম হচ্ছে—'যৌন আবেদন।'

'ঝাঁটা মারি!' বলিয়া-প্রশীলবাব উঠিয়া গেলেন।

এইভাবে দিন কাটিতে লাগিল। সুশীলবাব্ মাঝে মাঝে বাহির হইতে খবর আনিয়া শোনান; উষা পাঠক কোন্ পার্টিতে কত পেগ্ ছইক্ষি টানিয়াছে, কাহার সহিত কতবার নাচিয়াছে,—এই ধরনের থবব। কিন্তু যভাই দিন কাটিতে লাগিল, উষা-ধীরাজের কেছা ততই বাসী হইয়া পড়িতে লাগিল। ধীরাজের ভাগ্যোদয়ও গা-সভয়া হইয়া গেল। ধীবাজ আমাকে তাহার বাসায় যাইতে বলিয়াছিল, আমি অবশ্য যাই নাই; সেও আর আসে নাই। ধীরাজ আমাদেব জীবনের সংকীর্ণ গণ্ডীর বাহিরে চলিয়া গিয়াছে। ভালোই হইয়াছে: কুজ কেবানা আমরা, বড়মামুষের সঙ্গে

অতঃপর প্রায় তুই বছব পরে আবার তাহার সহিত দেখা হইল।
এবার আব মোটরগাড়ী নাই; আমার অফিসের সামনে একটা
ল্যাস্প্পোস্টে ঠেস দিয়া দাঁড়াইয়া ছিল। দেখিয়া চমকিয়া
উঠিলাম। ভাহার চেহারার সেই গিল্টি-করা চাকচিক্য আব নাই;
মুখে একটা শুক্ষ বিবর্ণ ভাব।

আমাকে দেখিয়া ফ্যাকাসে হাসিল. ল্যাম্প্পোস্ট চইতে মেরুদণ্ড বিযুক্ত করিয়া বলিল,—'কি রে, কেমন আছিস্ ?'

আমি এদিক-ওদিক চাহিলাম,—'তোব মোটর কোথায় ?'

'মোটর—' মে কথা পাল্টাইয়া বলিল,-- 'তুই বাসায় কিরবি তোপ বাদে যাবি. নাত্ইটো গ

'হেঁটে ৷ এখন বাসে চড়া অসাধ্য ৷'

'চলু তবে, আমিও থানিকদুর তোর সঙ্গে হাটি।'

হজনে পাশাপাশি চলিলাম। কথাবাতা নাই। তাহাং সহিত যেন মনের সংযোগ ছিঁড়িয়া গিয়াছে। শেষে সে নিজেই বলিল,— 'মোটরটা বিক্রি কর ফেলতে হল। তিন মাস ধরে ক্রমাগত লোকসান চলেছে। বাজারের ধার শোধ করতে হবে তো।'

'নগদ টাকাও শেষ হয়ে গেছে ?'

'ইয়া। নগদ বেশী ছিল না। বৌ—' বলিয়া ধীরাজ থামিয়া গেল। চকিতে তাহার পানে চাহিলাম,—'বৌ কোথায় ?'

ধীরাজ কুঠিত স্বরে বলিল,—'বৌ এখানে নেই। ব্যা**ছে জ**য়েণ্ট-অ্যাকাউন্টে টাকা ছিল, সে সব টাকা নিয়ে গেছে।'

'কোথায় গেছে ? কদ্দিন গেছে ?'

'মাস-তিনেক হল। বোধহয় বোম্বাই গেছে।'

'বোধহয় বোম্বাই গেছে—তার মানে ? তোকে কিছু বলে যায়নি ?'

ধীরাজ চুপ করিয়া রহিল। বুঝিলাম বৌ টাকাকড়ি হস্তগত করিয়া পালাইয়াছে। হয়তো মাড়োয়ারী নাগর সঙ্গে আছে।

মনটা নিষ্ঠুর হইয়া উঠিল; বলিলাম,—'কার সঙ্গে পালালো গ মাড়োয়ারীর সঙ্গে গু'

ধীরাজ আমার পানে একটা গুপ্ত কটাক্ষ হানিয়া মুখ ফিরাইয়া লাইল ; অঁম্পাষ্টম্বরে বলিল,—'না, না, তুই ভুল শুনেছিস। নাড়োয়ারী নয়। বৌ ইন্সিওরেন্সের কাজে গেছে, বম্বেতে ওদের হেডঅফিস—'

'তুই এখন আছিস কোথায় ?'

'বৌ-এর বাসাতেই আছি। বছরখানেকের ভাড়া আগাম দেওয়া ছিল, এখনো ছ'মাসের মেয়াদ আছে।'

'তাই সেখানেই পড়ে আছিস্ ? তোর মতন বেহায়া দেখিন। ভূই যদি মানুষ হতিস্, বৌকে ডিভোস করতিস্।' বলিয়া আমি সবেগে পা চালাইলাম। রাগে আমার গা জালা করিতেছিল।

ধীরাজ কিন্তু আমার সঙ্গ ছাড়িল না, সেও পা চালাইল। কিছুদ্ব চলিবার পর হঠাৎ বলিল,—'আমাকে পাঁচ-শো টাকা ধার দিতে পারিস ?'

প্রথমটা ধাধা লাগিয়া গিয়াছিল, তারপর হাসিয়া উঠিলাম,—
'ও—এইজন্তে আর্মাকে মনে পড়েছে! টাকা ধার চাই! তা আমি

কত মাইনে পাই তা তো জানিস্। পাঁচ-শো টাকা জলে ফেলে দেবার মতন অবস্থা আমার নয়।

সে বলিল,—'আমি বম্বে থেকে ফিরেই তোর টাকা শোধ করে দেব।'

'বৃঝেছি, বম্বে যাওয়ার জন্মে টাকা দরকার। বৌকে ফিরিয়ে আনবি! তা—ভালো কথা। কিন্তু আমি টাকা ধার দিতে যাব কন? আমার টাকা অত সস্তঃ নয়।'

আমি আরো জোরে পা চালাইলাম। এবার ধীরাজ আমাব নঙ্গে তাল রাথিবার চেষ্টা করিল না, আন্তে আন্তে পিছাইয়া পড়িল। আমি কিছুদূর গিয়া ঘাড় ফিরাইলাম; সে ফুটপাথের মাঝথানে দাঁড়াইয়া যেন কি চিন্তা করিতেছে। তারপর পিছু ফিরিয়া চলিতে আরম্ভ করিল।

বাসায় ফিরিতেই সুশীলবাবু ঘরে আসিয়া বসিলেন,—'আঁপনার বন্ধুপত্মীর নতুন খবর শুনেছেন গু'

বলিলাম,—'শুনেছি, বস্থে পালিয়েছে: খবর কিন্তু নতুন নয়, তিন মাসের পুরনো ≀'

সুশীলবাব্ একটু নিরাশ হইলেন, কিন্তু পরক্ষণেই সামলাইয়া লইয়া বলিলেন,—'তা যেন শুনেছেন। কিন্তু কার সঙ্গে পালিয়েছে তা জানেন কি ''

'না। কার সঙ্গে 🖓

সুশীলবাবু বিজয়দপিত কণ্ঠে বলিলেন,—'ওটাই তে। আসল খবর। পালিয়েছে ধীরাজবাবুর ডাইভারের সঙ্গে!'

'ছাইভার! মানে মোটর-ছাইভার ?'

'হাঁ৷ শা, একটা ঝুঁটি-বাঁধা শিথ ছোঁড়া ছিল, ৈতার সঙ্গে ভেরেশে <sup>উত্ত</sup> গলায় দড়ি—গলায় দড়ি! একটা বাঙালী জুটল না, এমন দিনে • ৮-

শেষকালে শিথ! বাঙালীর মুখে চুনকালি পড়তে আর কী বাকি রইল ১

উষা যদি শিখের বদলে বাঙালীর সঙ্গে পালাইত তাহা হইলে কিরপে বাঙালীব গোরবর্দ্ধি হইত বৃক্ষিলাম না। যাহোক, স্থালবাব উষ্ণ ক্ষোভ প্রকাশ করিতে করিতে প্রস্থান করিলে আমি ধীরাজের কথাই ভাবিতে লাগিলাম। যে-বৌ শিখ-ডাইভাবের সঙ্গে কুলতাগ করিয়াছে, ধীরাজ তাহাকে খুঁজিতে যাইতেছে। যদি খুঁজিয়া পায় তাহাকে ঘরে কিরাইয়া আনিবেন পতিব্রতা নানীব গল্প শুনিয়াছি, পঙ্গু স্থামীকে কাঁধে তুলিয়া বেক্যালয়ে গিয়াছিলেন; কিন্তু পুক্ষে সম্বন্ধে এরপ রপক্ষা শুনিয়াছি বলিয়া মনে পড়িতেছে নান ধীরাজ একটা নুতন আদর্শ সৃষ্টি করিল।

মাস-তিনেক পরে সুশীলবাবৃই আবার নূতন খবর আনিলেন। লোকটির সংবাদ সংগ্রহ করিবার ক্ষমতা অসামাল। কেন যে সংবাদপত্রের রিপোর্টার না হইয়া কেবানীগিরি করিতেছেন ভাহা তিনিই জানেন। বলিলেন,—'ধীবাজবাবৃ !শথ-ডাইভারের হাত ছাড়িয়ে বৌকে ফিরিয়ে এনেছেন, মনের হুখে ঘরকরা করছেন।'

'তাই নাকি! অবস্থা কেম্ন <sub>?</sub>'

'অবজা খুবই উন্নত । কিন্তু শিখ-ডাইভারকে বোধহয় ফিবিয়ে আনেননি, এখন নিজেই মোটর হাকাচ্চেন। আবি নতুন গাড়ী, কাঁচলোকার মতো রঙ!'

আমার বন্ধুৰ তালিকা হইতে ধীরাজের নাম কাটিয়া দিয়াছি। আমি যদি কোনোদিন বিবাহ করি, পাড়া-গাঁ হ<sup>></sup>হ্ঁ<sub>দী</sub> একটা 'হাবাগোবা মেয়ে দেখিয়া বিবাহ করিব। তথাপি যদি। গা আধির্ণ সহিত পলায়ন করে, তাহাকে ত্যাগ করিয়া আর একটা হাবাগোবা মেয়ে বিবাহ করিব। আমার জীবনাদর্শের সহিত ধীরাজের জীবনাদর্শের কোনো মিল নাই।

মাসথানেক পরে একদিন ধীরাজ-দম্পতিকে স্বচক্ষে দর্শন করিলাম। দিনেমা দেখিতে গিয়াছিলাম, ছবি শেষ হইলে ভিড়ের মধ্যে গুঁতাগুঁতি করিতে করিতে পথে বাহির হইয়াছি, দেখি ধীরাজ একটা কাঁচপোকা রঙের চকচকে নৃতন গাড়ীতে স্টীয়ারিং-ভইলের পিছনে উঠিয়া বিদিল, ভাহাব স্ত্রী পাশে বিদল। ধীবাজের চেহারা এবং বেশভ্ষায় আবার লক্ষ্মীশ্রী ফুটয়া উঠিয়াছে। কাঁচপোকা-রঙের মোটর মোলায়েম স্তরে হর্ম বাজাইয়া চলিয়া গেল। আমাকে বোধহয় দেখিতে পায় নাই।

তারপন আরো দেড় বছর কাটিয়া গিয়াছে, ধারাজকে প্রায় ভূলিয়া গিয়াছি। দে বালিগঞ্জে বাড়া কিনিল কিনা খবর রাখিনাই। সুশীলবাবুর অনুসন্ধিংসাও আর নাই, মেদে ধীরাজকে লইয়া ঠাট্টা-তামাসাও থামিয়া গিয়াছে। একই কেচ্ছা লইয়া মানুষ কতকাল ঘাটাবাটি ক্রিতে পারে ? অনেক নৃতন কেচ্ছা আসিয়া পুবাতনকে স্থানচ্যত করিয়াছে।

একদিন রবিবার তৃপুরবেলা দিবানিদ্রা হইতে জাগিয়া উঠিয়া দেখি ধীরাজ তক্তপোশের পাশে বসিয়া আছে। আবার সেই পুনমূষিক অবস্থা। বেশবাস অপরিচ্ছন্ন, চুলে তেল নাই, মুখ শুষ্ক।

কোনো কথা না বলিয়া উঠিয়া গেলাম। চোথেমুথে জল দিয়া আসিয়া তাহার পাশে বসিলাম।

'কী, আবার বৌ পালিয়েছে! এবার কার সঙ্গে পালাল ? গুজরাতী না মাজাজী ?'

দে উত্তর দিল না, মুখখানা কেমনধারা করিয়া বসিয়া রহিল।

বলিলাম,—'তা মুখ বুজে বসে থাকলে কি হবে, কোমর বেঁধে বেরিয়ে পড়, বৌকে খুঁজে ঘরে নিয়ে আয়। আমি কিন্তু টাকা ধার দিতে পারব না।'

ধারাজ আন্তে আন্তে বলিল,—'উষা কলকাতাতেই আছে… তাকে ফিরিয়ে আনবার চেঠা করেছিলাম, কিন্তু এল না—' পকেট হইতে একটুকরা কাগজ বাহির করিয়া আমার হাতে দিল।

কাগজের ভাঁজ খুলিয়া দেখিলাম, তাহাতে মেয়েলি অক্ষরে লেখা আছে—'তোমার সঙ্গে আর আমার পোষাচ্ছে না, আমি আর একজনের সঙ্গে চললাম। তুমি এই চিঠির জোরে ডিভোস নিতে পার। —উষা'

চিঠি ফেরত দিয়া বলিলাম,—'তবে তো রাস্তা থোলা। কার সঙ্গে পালিয়েছে গ

শীরাজ পূর্ববৎ মিয়মাণ সুরে বলিল,—'শিরাজ ব্যাঙ্কের ম্যানেজিং ডিরেক্টর, ভার ছেলের বাড়ীতে আছে। বাড়ার ফটকে দারোয়ানের পাহারা, আমাকে ঢুকতে দিচ্ছে না।'

'ভাহলে আবার বৌকে ফিরিয়ে আনতে চাস্! ধন্তি তুই । ধন্তি তোর ভালবাসা!'

সে ক্লান্তস্বরে বলিল,—'তুই সবই ভুল বুঝেছিস। ভালবাস।
নয়। কিন্তু যাক। আমাকে পুরনো চাকরিটা আবার জুটিয়ে
দিতে পারিস ? টাকাকড়ি সব গেছে, বাসাটাও হপ্তাথানেকের
মধ্যে ছেড়ে দিতে হবে।'

বলিলাম,—'চাকরি খোয়ানো যত সহজ, জোটানো তত সহজ নয়। চেষ্টা করে দেখতে পারি।'

'দেখিগ i বাক্স-বিছানা সব আছে তো ? আচ্ছা, আজ উঠি, কাল দেখা করব।—উষা বড় পয়মস্ত ছিল।' চাপা নিখাস ফেলিয়া ধীরাজ চলিয়া গেল।

প্রদিন বিকালে অফিস হইতে বাহির হইয়া দেখি ধীরাজ ল্যাম্প্পোস্টে ঠেস্ দিয়া দাঁড়াইয়া আছে। আমাকে দেখিয়া মুখে হাসি আনিবার চেষ্টা করিতেছে, এনন সময় একটা কাণ্ড ঘটিয়া গেল। ধীরাজের জীবন-শহসন যে এমন ট্রাজিক্ মুতে প্রিসমাপ্তি লাভ করিবে তাহা কল্পনা করিতে পারি নাই।

সবেমাত অফিস-আদালতের ছুটি হইয়াছে, রাস্তা দিয়া বাস্ ভ মোটরের উদ্ধাম স্রোত বহিয়া যাইতেছে। আমি ফুটপাথে তাহার পাশে গিয়া দাঁড়াইগাছি, হঠাৎ রাস্তায় একটা বিশেষ রকমের মোটর-হর্নের আওরাজ শুনিয়া ধীরাজ তীরবিদ্ধের স্থায় ঘুরিয়া দাঁড়াইল। তাহার দৃষ্টি অনুসবণ করিয়া দেখিলাম, একল প্রকাশু মোটর-গাড়ী মন্থরগতিতে যাইতেছে; গাড়ীতে বিলাভী বেশধারী মালিক-চালকের পাশে বসিয়া আছে ধারাজের স্ত্রী উষা। তাহাদের গাড়া আমাদের ছাড়াইয়া কিছুদ্র গিয়ছে, ধীরাজ চীৎকার করিয়া ফুটপাথ হইতে বাস্থায় নামিয়া গাড়ার পিছন পিছন ছুটল। তারপর—

বিকাল সাড়ে-পাঁচটার সময় সদর রাস্তা দিয়া পাগলের মত ছুটিলে যাহা অবশ্যস্তাবা তাহাই ঘটিল।

একটা ক্রুতগামী বাস্ তাহাকে ধাকা দিয়া রাস্তায় কেলিয়া দিল, বিপরীত দিক হইতে অহ্য একটা বাস্ তাহাকে মাড়াইয়া চলিয়া গেল।—

ধীরাজের মনস্তত্ত্ব ব্ঝিবার চেষ্টা করি। সে স্লুল্যাছিল— ভালবাসা নয় তবে কী ? সে বুদ্ধিমান এবং অলসপ্রকৃতিক মানুষ \* এমন हिटन ৮৪

ছিল। তাহার মনে টাকার ক্ষ্ধা ছিল, ভোগবিলাসের লোভ ছিল। বিবাহের পর তাহার কপাল খুলিয়াছিল; আবার বৌ পালাইবার সঙ্গে সঙ্গে অবস্থার দারুণ অবনতি হইয়াছিল। ধীরাজের বিশ্বাস জন্ময়াছিল বৌ তাহার ভাগ্যদাত্রী; তাই সে প্রাণপণে নষ্ট-চরিত্র জ্রীকে ধরিয়া রাখিবার চেষ্টা করিয়াছিল। ইহাই কি তাহার মনস্তব্ধ ও এ ছাড়া আর কি হইতে পারে ও কিংবা—হয়তো—

উষা পাঠক ধীরাজকে কেন বিবাহ করিরাছিল সে-রহস্থ আমি ভেদ করিতে পারি নাই। ফৈরিণী নারীর মন বোঝা আমার কর্ম নয়। তবে উষা যে ভাগ্যবতী নারী তাহাতে সন্দেহ নাই। ধীরাজের জীবন-বীমার পঞ্চাশ হাজার টাকা সে পাহয়াছে।

## **হেমনলি**নী

বৈভানাথবাবু বর্তমানে যে শহরটিতে বাস করিতেছেন তাহার নাম উহা রহিল। বৈভানাথবাবুর নামও বৈভানাথ নয়। অজ্ঞাত-বাস করিতে হইলে নাম-ধাম সম্বন্ধে একটু সতর্কতা প্রয়োজন।

শহরটি থুব বড নয়, মহকুমা শহর। বাঙালীর সংখ্যা মৃষ্টিমেয়। এইখানে একটি ছোট বাসা লইয়া গত ছয় মাস বৈছানাথবাব্ একাকী অজ্ঞাতবাস ক্রিতেছেন।

বৈজনাথবাবুর বয়স ছাপ্লার বছর, মাত্র এক বছর তিনি সরকারী চাকরি হুটতে অবসর প্রহণ করিয়াছেন। শুদ্ধ নীরস গোছের চেহারা; মাথার চুল ছোট করিয়া ছাটা; নাকের নীচে গোঁফের প্রজাপতি সাদা হুইয়া গিয়াছে! কিন্তু তাঁহার শ্বীর উপন্ত বেশ সতেজ ও সমর্থ আছে।

বৈভানাথবাব্র সংসারে গৃহিণী, এক পুত্র এবং পুত্রবধূ ছিল।
পুত্রটি ভাল চাকরি করে, পুত্রবধূও শাস্তানিষ্ট মেয়ে, কিন্তু গৃহিণীর
স্বভাব ছিল প্রচণ্ড। তব্ যতদিন বৈভানাথবাব চাকরিতে ছিলেন
ততদিন যুদ্ধবিপ্রহের অবকাশ বেশী ছিল না। কিন্তু তিনি যথন
অবসর লইয়া গৃহে আসিয়া বসিলেন, তথন রণরক্ষ প্রায় অইপ্রহরব্যাপী হইয়া উঠিল। বৈভানাথবাব্র হৃদয়ে যথেই তেজ থাকিলেও
রসনাব প্রাথর্যে তিনি গৃহিণীব সমকক্ষ ছিলেন না। প্রতি খণ্ডযুদ্ধে
ভাঁহার পরাজয় ঘটিতে লাগিল।

এইরপ পরিস্থিতি বৈভনাথবাবু ছয় মাস সহা করিলেন, তারপর একদিন পৃষ্ঠ প্রদর্শন করিলেন। চুপিচুপি ব্যাক্ষেব সহিত ষড়যন্ত্র করিয়া তিনি কেরারী হইলেন। ব্যাক্ষের সহিত ষড়যন্ত্রের কারণ, ত্রেপকানের টাকা যথাস্থানে পৌছানো চাই। তদবধি বৈজনাথবাবু শাস্তিতে আছেন। জগবঙ্গু নামক এক ভৃত্য পাইয়াছেন, সে রন্ধন করিয়া খাওয়ায়: কৃদ্র বাড়ীর চারিপানে কৃদ্র বাগান আছে, সকাল বিকাল তাহার পবিচর্যা করেন, দ্বিপ্রহরে খবরের কাগজ পড়েন; সন্ধ্যাব সময় পার্কে বেডাইতে যান; এবং রাত্রিকালে একাকী শ্যায় শ্যুন কবিয়া নিজা যান। তাঁহার মনে কোনও খেদ নাই; কেবল একটি আশহা মাঝে মাঝে তাঁহার মনে উকিঝুঁকি মারে: গৃহিণী সন্ধান করিয়া এখানে না আসিয়া জোটেন!

যাকোক, এখানে নিরুপজ্বে ছয়মাস কাটিয়া গিয়াছে; বৈছানাথ-বাবু অনেকটা নিশ্চিন্ত হুট্যাছেন! একদিন শীতের সন্ধ্যায় ছিনি বেড়াইতে বাহির হুইলেন। ভাঁহার বাড়ী হুইতে পার্ক মাইলখানেক দুরে; বেশি লোকের ভিড় নাই! প্রভাহ এখানে গিয়া বৈছানাথ-বাবু একটি বেঞ্চিতে বসিয়া বিশ্রাম করেন, তারপর পকেট হুইতে ছু'টি বিস্কৃট বাহির করিয়া ভক্ষণ করেন। ভারপর সন্ধ্যা ঘনীভূত হুইলে বাড়ী ফিরিয়া আসেন।

আজ শীতন বেশ চাপিয়া পড়িয়াছে, পার্কে লোক নাই বলিলেই হয়। বৈজনাথবাবু একটি বিস্কৃট শেষ করিয়া দ্বিতীয়টিতে কামড় দিতে যাইবেন এমন সময় পায়ের গোড়ালির কাছে বরফের মন্ড সিক্তে শীতল স্পর্শ অনুভব করিয়া চমকিয়া উঠিলেন। ইেট হইয়া বেঞ্চির তলায় দেখিলেন—

একটি ময়লা হল্দে রঙের কুকুরছানা তাঁহার পায়ের পিছনে বিদিয়া আছে এবং ঠুকঠুক করিয়া কাঁপিতেছে। কুকুর শাবকের বয়স তিন চার মাসের বেশী হটবে না; অন্থিসার কুখার্ড চেহারা, দীর্ণ ল্যাক্টি অল্প অল্প নড়িতেছে। বৈভানাথবাবৃর সঙ্গে চারি চক্ষুর নিল্ন চট্টতেই সে গলার মধ্যে কুঁই কুঁই শব্দ করিল।

বৈভনাথবাব একট বিব্রত হইলেন। কুকুরের সঙ্গে তাঁহাব কোনও প্রকার ঘনিষ্ঠতা ছিল না, কখনও কুকুর পোষেন নাই। রাস্তার ছই চাবিটা কুকুর দেখিয়াছেন, এই পর্যন্ত। তবে এই কুকুরটা তাঁহার সঙ্গে ঘনিষ্ঠতা করিতে চায় কেন । পা চাটিয়া দিল কোন্ উদ্দেশ্যে ।

তিনি কুকুরকে একটা ধমক দিলেন এবং কাছা দিয়া আসিতে বলিলেন। কুকুব কিন্তু নড়িল না, বেঞ্চির তলায় বসিয়া কুঁই কুঁই করিতে লাগিল। বৈভানাথবাব তখন তাহাকে সম্পূর্ণ অগ্রাহা করিয়া আবার বিস্কট মুখে দিবার উভাগে করিলেন।

অমনি কুকুরটা আবার তাহার পা চাটিয়া দিল। ভিজা জিভের স্পর্শে তিনি শিহরিয়া পা টানিয়া লইলেন। কি আনন্দ!

তাঁহার সন্দেহ হইল ক্ষার্ভ কুকুর তাঁহাকে 'ন্স্কুট খাইতে দেখিয়া লুক হইয়াছে। তিনি বিস্কুট অর্ধেক ভাঙ্গিয়া কুকুরের সামনে ফেলিয়া দিলেন। পলকের মধ্যে কুকুর বিস্কুট গলাধঃকরণ করিল এবং বেঞ্চির তলা হইতে বাহিরে আসিয়া বাকি বিস্কৃটের পানে নিষ্পালক চাহিয়া রহিল।

বিরক্ত হইয়া বৈভানাথবাব বিস্কৃটের অর্ধাংশ কুকুরের সামনে ফেলিয়া দিলেন এবং উঠিয়া গৃহে ফিরিয়া চলিলেন। রাত্রি হইয়া গিয়াছে, রাস্থার আলো জ্বলিয়াছে। নির্জন রাস্থায় কনকনে ঠাণ্ডা হাওয়া যেন আক্রমণ করিবার লোক খুঁজিয়া বেড়াইতেছে।

বৈভানাথবাব পশমের গলাবন্ধ ভাল করিয়া মাথায় ক্ষড়াইয়া লইলেন। কিছু দূর গিয়া একটা আলোক স্তন্তের কাচ্চে আসিয়া তিনি পিছু ফিরিয়া চাহিলেন। কুকুরটা ভাঁহার অনুসরণ করিয়াছে। দশ গন্ধ পিছনে আসিতেছে।

তিনি ফিরিয়া দাঁড়াইয়া তুই হস্ত আক্ষালন করিয়া তর্জন-

**अभन** मिरन bb

করিলেন। কুকুর দাঁড়াইয়া পড়িল, কিন্তু পলায়ন করিল না। তিনি আবার চলিতে আরম্ভ করিলেন। কুকুর দ্রম্ব রক্ষণ করিয়া পিছনে চলিল। বিস্কৃট তাহার ভাল লাগিয়াছে সন্দেহ নাই।

গৃহে পৌছিয়া ফটক খুলিতে খুলিতে তিনি পিছনের অন্ধকারে সন্দিশ্ব দৃষ্টি প্রেরণ করিলেন। দশ গজ দূরে একটা কিছু নজিতেছে। ঠাহর করিয়া দেখিলেন, কুকুরের ল্যাজ। তিনি চট্ করিয়া ভিতরে প্রবেশ করিয়া ফটক বন্ধ করিয়া দিলেন।

ঘারে গিয়া বসিতেই ভূত্য জগবন্ধু গ্রম চায়ের পেয়ালা আনিয়া সম্মুখে রাজিল। ভিনি এক চুমূক চা খাইয়া ভারি আরাম অনুভব কবিলেন। বলিলেন, 'জগবন্ধু, একটা বিস্কৃট এনে দ। আজ একটা বৈ বিস্কুট খাওয়া হয়নি।'

'আজ্ঞে'— বিলিয়া জগবন্ধু একবার প্রভুর মূখের পানে সপ্রশ্ন দৃষ্টিপাত করিল। বৈজনাথবাবু বলিলেন, একটা কুকুর। এমন জালাতন করল—'

জগবন্ধু প্লেটে করিয়া বিস্কৃট আনিয়া দিল! তিনি চা সহযোগে খাইতে খাইতে ভাবিতে লাগিলেন—কুকুরটা বোধহয় এখনও ফটকের সামনে দাঁড়াইয়া ল্যাজ নাড়িতেছে। কিংবা হয়তো ফটক বন্ধ দেখিয়া চলিয়া গিয়াছে।

রাত্রে আহারাদি করিয়া তিনি শয়ন করিলেন। তাঁহার অভ্যাস, রাত্রে শয্যায় শুইয়া তিনি একটি রহস্য কাহিনী পাঠ করেন। তু'একটা খুন-খারাপি রক্তারক্তি না হইলে তাঁহার ঘুম আসে না।

লেপের মধ্যে শরার বেশ গরম হইয়া আসিয়াছে। চোখের সামনে রহস্ত কাহিনীর পাতা ঝাপ্সা হইয়া যাইতেছে, এমন সময় ভাঁহার তব্দুজভিত চেতনায় একটি ক্ষীণ শব্দ অনুপ্রবিষ্ট হইল— ইকঁই কঁইকঁই— তন্ত্রা ছুটিয়া গেল। বৈভানাথবাবু কান খাড়া করিয়া রহিলেন। হ্যা, কুকুরই বটে। কোনও অজ্ঞাত উপায়ে ফটক পার হইয়াছে এবং তাঁহার শয়ন কক্ষের দরজার কাছে বসিয়া কুঁইকুঁই করিতেছে।

জালাতন! বৈজনাথবাব পাশ ফিরিয়া কানের উপর লেপ চাপা দিলেন, কিন্তু কুকুরের কাকুতি লেপ ভেদ করিয়া তাঁহার কর্পে প্রবেশ করিতে লাগিল। কোথাকার আপদ আসিয়া জুটিল। একটা কিছু করা দরকার, নহিলে সাররাত ধরিয়া হয়তো কুঁইকুঁই শব্দ চলিতে থাকিবে।

শয্যায় উঠিয়া বসিয়া বৈভনাথবাবু ডাকিলেন, 'জগবন্ধু!' কিন্তু জগবন্ধুর সাড়া পাওয়া গেল না। সে রাক্লাঘরে শোয়, সন্তবত কানে কম্বল চাপা দিয়া ঘুমাইতেছে।

তিনি তথন নানা প্রকার বিসক্তিস্চক শব্দ কাঁই ত করিতে লেপ ছাড়িয়া উঠিলেন। বাহিরের দরজা খুলিতেই এক ঝলক হাড়-কাঁপানো হাওয়া তাঁহাকে অভিষক্ত করিয়া দিল। তিনি দেখিলেন, সেই কুকুরটা অদূলে দাঁড়াইয়া ঘন ঘন ল্যাজ নাড়িতেছে। তাঁহার যেমন রাগ হইল তেমনি একট্ দ্য়াও হইল। আহা, এই শীতে একটা প্রাণী তাঁহার আশ্রয় চায়। কিন্তু তিনি তিরিক্ষি ভাবে বলিলেন,—'কি চাস্?'

কুকুরটা বোধসয় তাঁহার কণ্ঠস্বরে করুণার আভাষ পাইয়াছিল, সে বাক্যব্যয় না করিয়া ঘরে ঢুকিয়া পড়িল। বৈগুনাথবাবু ছরিতে দ্বার বন্ধ করিয়া ঠাণ্ডা হাওয়ার পথ রোধ করিলেন।

কুকুরটা দেয়াল ঘেঁষিয়া দাঁড়াইয়া আড় চোথে তাঁহার পানে চাহিতে লাগিল, তাহার ল্যাজটি সম্পূর্ণ স্বাধীনভাবে নাড়িয়া চলিল। বৈজনাথবাব ভাল করিয়া তাহাকে দেখিলেন। মাদি কুকুর, সরু ছুঁচোলে মুখ, কানছটা তীক্ষভাবে উচু হইয়া আছে, গায়ের কলদে

এমন দিনে ২০

লোম স্থানে স্থানে উঠিয়া গিয়াছে, একেবারে খাঁটি লেড়ি কুতা। ইহারা রাস্তায় জন্মগ্রহণ করে, রাস্তায় জীবন যাপন করে এবং অস্তিমে রাস্তায় প্রাণ বিদর্জন করে। ইহাদের গৃহ নাই।

বৈভানাথবাবু বিরাগপূর্ণ স্বরে বলিলেন,—'আজ থাকো। কাল সকালেই বিদেয় করে দেবো।'

শয়ন করিতে গিয়া তিনি থামিয়া গেলেন। কুকুরট। হয়তো সারা দিনে ওই একটা বিস্কৃট ছাড়া আর কিছুই খায় নাই। মাশ্রয় যথন দিয়াছেন তথন তাহার পেটের জালা নিবারণ করিলে দোয় কি ? তিনি রালাঘরে গিয়া এক টুক্রা পাঁটকটি আনিয়া কুকুরটার সামনে ফেলিয়া দিলেন। সে পাঁউরাটির উপর লাফাইয়া পড়িয়া খাইতে লাগিল, তাহার লাজেটা উন্নতভাবে তাণ্ডব নৃত্য পুরু করিয়া দিল।

ৈ বৈভানাথবাবু লেপ মৃড়ি দিয়া শয়ন করিলেন। তাঁহার থাটের পাশে একটা হরিণের চামড়ার পাপোষ ছিল, আলো নিভাইবার পূর্বে তিনি লক্ষা করিলেন, কুকুরটা আহার সম্পন্ন করিয়া দ্বিধাজড়িত পাদে আসিয়া হরিণের চামড়ার উপর কুগুলী পাকাইয়া শয়ন করিল।

### ছই

কুকুরটাকে কিন্তু তাড়ানো গেল না। বৈগুনাথবাবুর মনে বোধ হয় কেমন লোহকঠিন দৃঢ়তা ছিল না, উপরস্তু দেখা গেল জগবন্ধুর কুকুরের প্রতি বিশেষ আসক্তি আছে। সে বলিল,—'বাড়ীতে একটা কুকুর থাকা ভাল বাবু, বাড়ী পাহাড়া দিতে পারবে। আজকাল যা চোরের দৌরাত্ম্যি হয়েছে।

্বৈজনাথবাবু দোনা-মনা হইয়া সম্মতি দিলেন 'বেশ থাক।

কিন্দ্র আমি কুকুরের ভরিবং করতে পারব না। যা করবার ভুই করবি।'

জগবন্ধু বলিল, আজে। তরিবৎ আর কী, এঁটো-কাঁটা খাবে আর বাড়ীতে থাকবে। চারটে পয়সা দিন বাবৃ, একটা কারবলিক সাবান কিনে আনি।

সেদিন ছপুরবেলা কুকুর কারবলিক সাবান মাথিয়া গরম জলে স্নান করিল। বৈকালে জগবন্ধু কুকুবের গলায় দড়ি বাঁধিয়া আনিয়া বৈজনাথবাবকে দেখাইল। তিনি দেখিলেন সাবান দিয়া স্নান করিয়া কুকুরের শ্রী ফিরিয়াছে, গায়ের হল্দে লোমে সোনালি ঝিলিক খেলিভেছে। তিনি প্রশা করিলেন,—'ওকে দড়ি দিয়ে বেঁধেছিস কেন গ'

জগবন্ধু বলিল - - 'দিনের বেলা বেধে বাখলে বারিরে কুকুরের বোক বাডে বারু।'

বৈজনাথবাবু ভাবিলেন,—'ভঃ, লেড়িকুত্তার আবার বোক !'

দেদিন সন্ধাবেলা বেড়াইতে নাহিব হইয়া তিনি পার্কে গেলেন না, বাজারের দিকে গেলেন। বাজারের রাসায় ঘূরিতে ঘুরিতে তাঁহার চোখে পড়িল, একটা দোকানের সামনে লম্বা লম্বা শিকল ঝুলিতেছে। একটু ইতস্ততঃ করিয়া তিনি একটা শিকল কিনিয়া ফেলিলেন, দোকানিকে জিজ্ঞাসা করিলেন,—'ইয়ে— কুকুরের বকলস আছে নাকি ?'

'আজ্ঞে আছে'—দোকানি চামড়ার চ্কচকে বকলস বাহির কবিয়া দিল। বৈজনাথবাবু বকলস কিনিলেন। এই সময় তাঁহার পিছন হইতে ভারী গলায় একজন বলিল,—'এই যে বজিনাথবাবু! কার জন্যে বকলস কিনছেন গ'

বৈজনাথবাব ফিরিয়া দেখিলেন—শঙ্করাচার্য। এ শহরে আসিয়া°

**এমন দিনে** ১২

বৈভানাথবাবুর কেবল এই ব্যক্তিটির সহিত সামান্ত হাত্ত গ জামিয়াছিল। তাঁচার নাম শঙ্করনাথ আচার্য। শহরের ফাজিল ছেলেরা তাঁহাকে শঙ্করাচার্য বলিত। বিপুল চেচারা, মাথায় প্রকাণ্ড টাক; শঙ্করবাবু সকল বিভার পারঙ্গম ছিলেন। পৃথিবীতে এমন প্রশ্ন নাই যাহার উত্তর তিনি জানিতেন না। এবং তাঁহার মন্তব্য যত বিশ্বয়করই হোক তাহা খণ্ডন করিবার সাহস কাহারও ছিল না।

ৈবঅনাথবাবু থতমত হইয়া বলিলেন,—'এই—একটা কুকুর পুষেছি—তাই—.'

শঙ্কবিধাবু প্রশ্ন করিলেন,—'কী কুকুর পুষেছেন দু আগল্-সেশিয়ান্ ড্যাল্দেশিয়ান স্পেনিয়েল পিকেনিজ পুড্ল্—ং'

'ওসব নয়। রাস্তার কুকুর।'

শঙ্করবৃধবু গন্তীর ভর্মনার কঠে বলিলেন,—'রাস্তার কুকুর বলে কোনও কুকুর নেই, সব কুকুবই কুকুর, সব কুকুরেরই কুকুরছ আছে। চলুন দেখি গিয়ে।'

ত্'জনে ফিরিয়া আসিলেন। চা পান করিতে করিতে শঙ্করবাবু কুকুর পরিদর্শন করিলেন। কুকুরের নথ দেখিলেন, কান ধরিয়া টানিলেন, ল্যাজ মাপিলেন। তারপব বলিলেন,—'জাতের ঠিক নেই বটে কিন্তু ভাল কুকুর। অন্তর্ভো কুকুর।'

?বজনাথবাব বলিলেন,—'অস্তর্তেজা !'

শঙ্করবাব বলিলেন,—'বাইরে থেকে বোঝা যায় না কিন্তু ভেতরে তেজ আছে। পরিষ্কার দেখতে পাচ্ছি এর বাপ ছিল গোল্ডেন ককাব আর দাদামশাই ছিল অ্যাল্সেশিয়ান। আপনি পুষতে পারেন।'

রৈজনাথবাবু বলিলেন,—'ওর একটা নাম দরকার, কি নাম বাথি বলুন তো ং' ৯৩ হেমনলিনী

শঙ্করবাবু কুকুরের সোনালি লোম দেখিলেন, কিছুক্ষণ জ কুঞ্চিত করিয়া ভাবিলেন, তারপর বলিলেন,—'হেমনলিনী।'

#### তিন

হেমনলিনী বৈভানাথবাবুর গৃহে শশিকলার মত বাড়িতে লাগিল। শীত গিয়া বসস্ত আসিল, বসস্তের পর গ্রীষ্ম, হেমনলিনা সাবালিক। হইয়া উঠিল।

জগবন্ধু তাহার পরিচর্যা করে, স্নান করায়, খাইতে দেয়। কিন্তু হেমনলিনার সমস্ত ভালবাসা পড়িয়াছে বৈভনাথবাবুর উপর। সে দিনের বেলায় সামনের বারান্দায় বাঁধা থাকে, সন্ধ্যার সময় তাহাকে খুলিয়া দেওয়া হয়। কিন্তু সে কটকের বাহিরে পদার্পণ করে না। বৈভনাথবাবু খবরের কাগজ পড়িতে বসিলে সে অপলক নেত্রে তাঁহার পানে চাহিয়া থাকে। তিনি বেড়াইতে বাহির হইবার উপক্রম করিলে সে ল্যাজ নাড়িতে নাড়িতে তাঁহার আনেপাশে ঘুরিয়া বেড়ায়, কিন্তু বৈভনাথবাবু তাহাকে সঙ্গে লইয়া যান না। রাস্তার কুকুরগুলা ভারি বজ্জাত, হেমলিনাকে কামড়াইয়া দিতে পারে।

রাত্রে বৈভানাথবাব্র খাটের নীচে পাপোষের উপর হেমনলিনী শয়ন করে; সে অন্ত কোথাও শুইবে না। তিনি যতক্ষণ রহস্ত কাহিনী পড়েন ততক্ষণ সে মিটিমিটি চাহিয়া থাকে, তিনি আলো নিভাইয়া শয়ন করিলে সেও তৃপ্তির নিশ্বাস ফেলিয়া নিজা যায়।

হেমনলিনী তেজ্ঞ্বিনী কিনা এ বিষয়ে এখনও কোনও স্পষ্ট প্রমাণ পাওয়া যায় নাই। সামনের রাস্তা দিয়া প্যান্টুলুন-পরা মানুষ যাইলে সে একটু বকাবকি করে, এই পর্যস্ত। বাড়ীতে **अ**भन हिटन > ३

অপরিচিত লোক প্রবেশ করে ইহাও সে পছন্দ করে না। নচেৎ তাহার মেজাজ ভারি ঠাণ্ডা।

বৈভনাথবার আনন্দে আছেন। হেমনলিনীর প্রতি তাঁহার স্থেক জনিয়াছে। কা একটা অভাব তাঁহার জীবনে ছিল, তাহা যেন পূর্ণ হইয়া গিয়াছে।

কিন্ত অলক্ষিতে আকাশের ঈশান কোণে যে মেঘ সঞ্চিত চ্চতেছে তাহার থবর তিনি জানিতেন না। হঠাৎ কালবৈশাখীর ঝড় আসিয়া পড়িল।

সন্ধ্যাকালে বৈজনাথবাবু যথারীতি ভ্রমণে বাহির হইয়াছিলেন। পার্কের দিকে অর্থেক পথ যাইবার পর তিনি পকেটে হাত দিয়া দেখিলেন বিষ্কৃট আনিতে ভুলিয়া গিয়াছেন। তিনি ফিরিয়া চলিলেন।

চাবিদিক বোর-বোর হইয়া আসিয়াছে, তিনি নিজের বাড়ীর পঞ্চাশ গজের মধ্যে আসিয়াছেন, এমন সময় দেখিতে পাইলেন, একটা ছাকেড়া গাড়ী বিপরীত দিক হইতে আসিয়া তাঁহার বাড়ীর সামনে থামিল। গাড়ীর মাথায় কয়েকটা বাক্স পাঁটরা রহিয়াছে। বৈজনাথবাব্র বুকের মধ্যে ছাঁাং করিয়া উঠিল। তিনি রাস্তার পাশে একটা গুলমোর গাছের তলায় দাঁভাইয়া দেখিতে লাগিলেন।

গাড়ী হইতে একটি মহিলা অবতবণ করিলেন। গাছতলায় বৈজনাথবাবুর নিশ্বাস বন্ধ হইয়া আসিল। কি সর্বনাশ—গৃহিণী! গুপ্তগৃহের সন্ধান পাইয়াছেন! নিশ্চয় ব্যাস্ক বিশ্বাস্থাতকতা করিয়াছে। বাক্স পাঁটাবা লইয়া গৃহিণী কায়েমী ভাবে বসবাস করিবার জন্ম আসিয়াছেন। এখন উপায় ং

গলদ্ঘর্ম বৈভনাথবাবু দেখিতে লাগিলেন, গাড়ী দাঁড়াইয়া বহিল, গৃহিণী গজেন্দ্রগমনে ফটক খুলিয়া ভিতরে প্রবেশ করিলেন। তাঁহার তীক্ষ্ণ কণ্ঠস্বর শোনা গেল, কিন্তু কথাগুলা বোঝা গেল না। বোধকরি ভূত্য জগবন্ধুকে তিরস্কার করিতেছেন। এক মিনিট কাটিয়া গেল।

তারপর—তারপর হেমনলিনীর কণ্ঠস্বর শোনা গেল, বেউ— বেউ—বেউ। হেমনলিনার এমন ভয়স্কব ডাক বৈভানাথবাবু পূর্বে কথনও গোনেন নাই। তাঁচার স্বাল্য ক্টকিভ চইয়া উঠিল।

এবার হেমনলিনার কপ্ঠথরের সহিত গৃহিণীর কপ্ঠথর মিশিল—
'ওরে বাবারে! মেরে ফেললে রে!' তারপর গৃহিণী তীরবেগে
ফটক দিয়া বাহির হইয়া আসিলেন, পশ্চাতে কালরূপিনা হেমনলিনা। গৃহিণী গাড়ীর মধ্যে চুকিয়া পড়িলেন, হেমনলিনী
শেষবার তাঁহার গোড়ালিতে কামড়াইয়া ছিল।

গাড়ী ছুটিয়া বাহির হইয়া গেল।

শঙ্করাচার্যট ঠিক বলিয়াছিলেন—হেমনলিনী অন্তর্জো কুকুরই বটে! তাছাড়া সে বৈজনাথবাবুকে ভালবাসে। যতদিন হেমনলিনা আছে ততদিন বৈজনাথবাবুর ভয় নাট।

ঘটনাক্রমে সেইদিন উপরোক্ত ব্যাপারের ঘটাখানেক পরে শঙ্করবাবু আদিয়া উপস্থিত হইলেন। আদিয়া দেখিলেন, বৈছানাথ-বাবু হেমনলিনীকে কোলে লইয়া বদিয়া আছেন। তিনি বলিলেন, — 'কাগুটি কী ? কুকুর কোলে করে বসে আছেন যে!'

বৈভানাথবাবু গদগদ কঠে হাসিয়া বলিলেন,—'শঙ্করবাবু, আমি হেমনলিনার বিয়ে দেব। আপনাকে একটি সৎপাত্র যোগাড় করে দিতে হবে।'

# পতিতার পত্র

সুলোচনার নাম ভদ্রসমাজে পরিচিত হইবার কথা নয়। তবে ভদ্রসমাজে থাকিয়াও যাঁহারা সন্ধ্যার অন্ধকারে গা ঢাকিয়া সন্দেহজনক গলিঘুঁজিতে বিচরণ করেন, তাঁহাবা অবশ্যই তাহার নাম জানেন। আর জানি আমি।

শামি ডাক্তার, সুলোচনার মৃত্যুকালে তাহার চিকিৎসক ছিলাম। কঠিন ব্যাধিতে কয়েক মাস ভুগিয়া তাহার মৃত্যু হয়। মৃত্যুর সময় তাহার বয়স আটত্রিশ কি উনচল্লিশ হইয়াছিল।

মৃত্যুর কয়েক দিন পূর্বে সে একটি পুরু খাম আমার হাতে দিয়া বলিয়াছিল, "ডাক্তারবাবু আমার সময় ঘনিয়ে আসছে, আর বড় কোর ছ-চার দিন। এটা রাখুন, আমার মৃত্যুর পর খুলে পড়বেন।"

খামের মধ্যে একটি উইল ও একটি দীর্ঘ চিঠি ছিল। উইলে মুলোচনা আমাকে তাহার যথাসর্বন্ধ, আন্দাজ ত্রিশ হাজার টাকা, নিঃশর্তে দান করিয়াছে। চিঠিখানা তাহার আত্মকথা। এদেশে পান্তির আত্মকথা জাতীয় যে-সব লেখা বাহির হইয়াছে ইহা সেধরনের নয়। মানুষের জীবনধারা কোন্ বিচিত্র পথে কোথায় গিয়া উপস্থিত হয় এই কাহিনা তাহারই একটি উদাহরণ। নোংবামিও ইহাতে কিছু নাই। তাই নির্ভয়ে ছাপিতে দিলাম। ডাক্তারবাব,

জীবনে আমি অনেক পুরুষের সংসর্গে এসেছি। সবাই মন্দ লোক নয়, অনেকে দোষে-গুণে সাধারণ মারুষ। ছ-একজন 'সভ্যিকার সজ্জন ব্যক্তিও দেখেছি। আপনি ডাক্তার, এতে আংশ্চ্য হবেন না। কোনও মানুষ্ট নিখুঁত নয়, সত্যিকার সাধুসজ্জন ব্যক্তিরও দোষ-তুর্বলত। থাকে।

আপনি যেদিন প্রথম আমার চিকিৎসা করতে আদেন, সেদিন আপনাকে দেখে আশ্চর্য হয়ে গিয়েছিলুম। যেমন রুক্ষ চেহারা তেমনি কঠিন ব্যবহার। আপনি কী করে এতবড় ডাক্তার হলেন ভেবে অবাক হলুম। এখন জানি, আপনার কঠিনতার আড়ালে একটি করুণ সদয় হলেয় আছে, আর আছে রোগ সারাবার অসামান্ত কমতা। আমার বোগ আপনি সারাতে পারেননি, সে দোষ আপনার নয়। প্রথম দিন আমাকে পরাক্ষা করে আপনার মুথে যে-ভাব ফুটে উঠেছিল তা থেকে ব্রেছিলাম এ-বোগ সাব্বার নয়। আপনি আমাকে মিথ্যে আশ্বাস দেননি, বলেছিলেন, 'যন্ত্রণার উপশম করতে পারি। ভাব বেশী কিছু হবে না!

আপনার কথা মেনে নিয়েছিলুম। আপনি অন্য ডাক্তারকে' দেখাতে বলেছিলেন, আমি দেখাইনি। কেন দেখাইনি জানেন ? আপনার স্পষ্টবাদিতা ভাল লেগেছিল, ভেবেছিলুম যদি মরতেই হয় আপনার হাতেই মরব। আপনাকে ভাল লাগার আর-একটা কারণ, আপনাকে দেখে আর একজনকে মনে পড়ে গিয়েছিল, যিনি ছিলেন আপনার মতেই কঠিন আর কঠোর। তাঁর হাতে একবার মরেছি, এবার শেষ মরা আপনার হাতে মরব।

আমরে ঘরের দেয়ালে পাশাপাশি ছটি ছবি টাঙানো আছে।
ছিটি যুবাপুরুষ। বিশ বছর আগে ওঁরা যুবাপুরুষই ছিলেন:
একজনের মুখ ফুলের মত নরম, অক্সজনের মুখ পাথরেব মত শক্ত।
অপরিচিত নগণ্য মানুষ নয়, দেশ-জোড়া ওঁদের নাম। ছজনের
মধ্যে অবিচ্ছেত বন্ধুষ; স্বাধীনতার যুদ্ধে পাশাপাশি দাঁড়িয়ে ওঁরা
লড়েছিলেন।

যেদিন প্রথম আপনার দৃষ্টি ওই ছবিহুটির ওপর পড়ল সেদিন আপনি ভুক্ত তুলে আমার পানে চেয়েছিলেন। আপনার ভুক-ভোলা প্রশ্নের জবাব তখন দিইনি। আজ এই চিঠিতে জবাব দিচ্ছি। চিঠি পড়লেই বুঝতে পারবেন আমার এই পাপজীবনের সঙ্গে ওই ছটি মহাপ্রাণ দেশনেভার কী সম্বন্ধ।

মরবার আগে আমি আমার জীবনের কাহিনী একজন কাউকে শুনিয়ে যেতে চাই। অহা কাউকে শোনাতে গেলে সে মুখ বেঁকিয়ে হাসবে, হয়ত ওঁদের ছজনের নামে মিথ্যে রটনা করবে। কিন্তু আপনি তা করবেন না, আপনি ব্রবেন। ওই বোঝাটুকুই আমার দরকার।

আমি ভন্তবরের মেয়ে, বেশ্চার ঘরে আমার জন্ম নয়। বাবা ছিলেন বাংলা দেশের পশ্চিম সীমানায় এক শহরের উকিল। শুধু উকিল নয়, একজন স্থানীয় জননায়ক। রাজনৈতিক আন্দোলনে তিনি প্রাণ-মন ঢেলে দিয়েছিলেন। ওকালতি করার সময় পেতেন না, তাই আথিক অবস্থা তেমন ভাল ছিল না। কিন্তু স্থাম ছিল দেশজোড়া। বাবা অনেক দিন হল মারা গেছেন, কিন্তু জেলার লোক ভাঁর নাম এখনও ভোলেনি।

আমি স্কুলে লেখাপড়া শিখেছিলাম। কলেজে পড়িনি। বাড়িতে সংমা ছিলেন। তিনি আমাকে সহ্য করতে পারতেন না। তাঁর নিজের সস্তান ছিল না বলেই বোধ হয় আমার ওপর প্রচণ্ড আক্রোশ ছিল। বাবা আমাকে স্নেহ করতেন, আমি তাঁর একমাত্র সস্তান। কিন্তু সংসারের দিকে তাঁর দৃষ্টি ছিল না, তিনি সর্বদা রাজনীতি নিয়ে মেতে থাকতেন।

ষোল বছর বয়সে আমার বিয়ে হল। সংমা পাত্র যোগাড় `করেছিলেন। বাবা একটু খুঁত-খুঁত করলেন; কিন্তু নিজে ভাল পাত্র খুঁজে বার করার সময় নেই তাঁর। তিনি খুঁত-খুঁত করতে করতে রাজী হয়ে গেলেন।

বিষের মাস তিন-চার পরে স্বামী মারা গেলেন। তাঁর চালচুলো ছিল না, ছিল গুপু ক্যান্সার রোগ; বিষের পর ধরা পড়ল। সংমা নিশ্চয় রোগের কথা জানতেন না, জানলে যত আক্রোশই থাক, বিয়ে দিতেন না। আমাকে বিদেয় করাই ছিল তাঁর উদ্দেশ্য। কিন্তু চার মাস পরে বিধবা হয়ে আমি আবার বাপের বাড়া ফিরে এলুম। সংসাবের হাওয়া বিষয়ে উঠল।

সংসারের বিষাক্ত হাওয়া থেকে পালাবার একটা রাস্তা ছিল
আমার। রাজনৈতিক আন্দোলন উপলক্ষে শহরে প্রায়ই সভাসমিতি হত। ছেলেবেলা থেকেই আমি সভা-সমিতির অধিবেশনে
গান গাইতুম। আমার গলা ভাল ছিল, সবাই প্রশংসা করতেন।
বিধবা হবার পরও আমার সভায় গান গাওয়া বন্ধ হল না। থান
পরে যেতুম, গান গাইতুম। বাবা বলতেন, 'দেশের কাজে নিজের
ছংখ ভূলে যাও।' তিনি নিজে আমার অকালবৈধবাে ছংখ
পেয়েছিলেন, তাই আমাকে এবং নিজেকে ভোলবার চেষ্টা
করতেন।

আমার তথন ভরা যৌবন; যৌবনের স্বাদ পেয়েছি, কিন্তু সাধ মেটেনি। বাবার উপদেশ আমার কানে যেত, কিন্তু মন পর্যন্ত পৌছুত না। রাজনৈতিক আন্দোলনে অনেক যুবাপুরুষ ছিলেন। ভাঁদের দেখতাম, মনটা উন্মুখ উদ্গ্রীব হয়ে থাকত। কিন্তু আমি বিধবা; তাঁরা আমার পানে উৎস্ক চোখে তাকালেও কেউ এগিয়ে আসতেন না।

এইভাবে বছর দেড়েও কটিল। তার পর ছজন যুবাপুরুষ এলেন আমাদের শহরে। তরুণ বয়স, কিন্তু দেশজোড়া নাম। **अ**यन हिटन ) ००

দেশের সেবায় জীবন উৎসর্গ করেছেন; তাঁদের অগ্নিময়ী বক্তৃতা শোনবার জন্মে হাজার হাজার লোক ছুটে আসে; তাঁরা হাত পাতলৈ মেয়েরা হাজার হাজার টাকার গয়না গা থেকে খুলে দেয়। তাঁরা ছজন যেন জোড়ের পাথি; একসঙ্গে থাকেন, একসঙ্গে কাজ করেন; অনেকবার একসঙ্গে জেল থেটেছেন। লোকে বলত, মাণিকজোড়। কেউ বলত, রাম-লক্ষ্ণ। কেউ বলত, কানাই-বলাই।

আমি তাঁদের রাম-লক্ষ্মণ বলব। তৃজদের চেহাবা ছিল সম্পূর্ণ আলাদা ধরনের। রাম ছিলেন নরম-সরম, নবজলধর কান্তি; ভারি মিষ্টি চেহাবা। আর লক্ষ্মণ যেন গনগনে হোমেব আগুন; টকটকে বড়, লম্বা চওড়া কঠিন দেহ; মুথে হিমালয়ের গান্তীয়।

আমি ত্জনকেই ভালবেসে কেলেছিলাম। একথা সাধারণ লোক হয়ত বুঝবে না, কিন্তু আপনি বুঝবেন। আমার মনের কোমার্য তথনও নত হয়নি, হাদয় ভালবাসার জক্ষে উন্মুথ হয়ে ছিল। তাই এঁবা হজন যথন আমার চোথের সামনে এসে দাঁড়ালেন তথন বাছ-বিচার করতে পারল্ম না, হজনের পায়ের কাছেই আমার হাদয়-মন ঢেলে দিলাম। যিনি আমাকে পায়ের কাছ থেকে তুলে রেবন আমি তাঁরই।

সেবার আমাদের শহরে বিরাট সভার আয়োজন হয়েছিল।
চার-পাঁচ দিন ধরে অধিবেশন চলবে: দেশের গণ্যমাত্য সব নেতাই
এসেছেন। স্থানায় দেশ-সেবকদের বাড়াতে নেতাদের থাকবার
ব্যবস্থা হয়েছে; কারুর বাড়াতে ছুজন, কারুর বাড়াতে ভিনজন।
আমাদেশ বাড়াতে উঠেছেন রাম আর লক্ষ্মণ। বাইরের একটা ঘর
ওদের ছুজনকে ছেড়ে দেওয়া হয়েছে।

' আমি যেন বর্গ হাতে পেয়েছি। সারাক্ষণ তাঁদের সেবা করছি।

আমার সংমা ছিলেন সোঁড়াপ্রকৃতির মামুষ, পর্দার আড়াল ছাড়েননি; স্বাধীনতা-আন্দোলনেও বেশী সহারুভূতি ছিল না। তাই আমিই অপ্তপ্রহর অন্দর থেকে বাইরে ছুটোছুটি করতুম। যতক্ষণ রাম-লক্ষ্মণ বাড়াতে থাকতেন আমি তাঁদের আমোজন, মাথার ব্রেক্। তুম। তাঁদের থাওয়ার ব্যবস্থা, স্নানের আয়োজন, মাথার তেল, আয়না, চিরুনি, বিছানা পাতা, বিছানা তোলা—সব আমি করতম। শরীরে ক্লান্তি আসত না, মনে হত ধ্যা হয়ে গেলুম।

বাম-লক্ষ্মণ কেবল আমার সেবা গ্রহণ করেই ক্ষাস্ত ছিলেন না।
আমার সভায় যাবার অবকাশ ছিল না, তাই তাঁরা আমায় সভার
গল্প করতেন। লক্ষ্মণ ভারি গন্তীব মান্ত্য, তিনি বেশী কথা বলতেন
না; কিন্তু রাম বলতেন। ভারি মজার কথা বলতেন তিনি, মনটা
ছিল রঙ্গরসে ভরপুর। সভায় কে কত গরম বক্তৃতা দিলে, কার
ওপর পুলিসের নজর বেশী, এই সব কথা বেশ রঙ চড়িয়ে বলতেন।
আমার সঙ্গেও রঙ্গরসিকতা করতেন। বলতেন, 'গুলোচনা, তুমি
আমাদের খাইয়ে-দাইয়ে যে-রকম তাজা করে রেখেছ তোমাকেই
আগে পুলিসে ধরবে: কাঁট্যক করে ধরে হাজতে পুরবে।

লক্ষ্মণ ঠাট্টা-তামাদা করতেন না, কিন্তু তাঁর তাঁক্ষ্ণ চোথ ছটি
সর্বদা আমাকে লক্ষ্য করত, যেন আমাকে বোঝবার চেষ্টা করত।
আমার বুক গুরগুর করতে থাকত। কাকে যে বেশী ভাল লাগে,
বুবো উঠতে পারতুম না।

দ্বিতীয় দিন তুপুরবেলা রাম হঠাৎ সভা থেকে ফিরে এলেন।
আমি তথন ওদের ঘরেই ছিলাম, আসবাবপত্র ঝাড়ামোছা করছিলুম;
তাঁকে দেখে চমকে গেলুম। তিনি ক্লাস্কভাবে বিছানায় বসে বললেন,
'সুলোচনা, আজ্ল ঝাড়া তু ঘন্টা বক্তৃতা দিয়েছি, গলা, শুকিয়ে
কাঠ হয়ে গেছে। আমাকে এক পেয়ালা চা খাওয়াতে পারবে গু

এমন पिटन ५०२

আমি ছুটে গিয়ে চা তৈরি করে আনলুম। তিনি শুয়ে পড়েছিলেন, উঠে চায়ের পেয়ালা হাতে নিলেন। এক চুমুকে চা খেয়ে করুণ চোখে আমার পানে তাকিয়ে বললেন, 'জীবনের সদর-মহলে পঁয়ত্রিশটা বছর গেল। অন্দর-মহলের খবর নেওয়া হলনা।'

আমার বৃক ধড়াস ধড়াস করতে লাগল। তিনি আবার বললেন, 'এন্দর-মহলে যে এর মিষ্টি জিনিস আছে তা যাগে জানলে হয়ত সদব-মহলে আসাই হত না।'

এই সময় আমার সংমা দরজার বাইরে থেকে খাটো গলায় ডাকলেন, 'ফুলোচনা, এদিকে শুনে যাও।'

বুকের ধড়ফড়ানি আরও বেড়ে গেল; সেই সঙ্গে হাত-পা ঠাণ্ডা হয়ে এল। কোনও রকমে ঘরের বাইরে এলুম। সংমা আমাকে আমার শোবার ঘরে নিয়ে গেলেন, কিছুক্ষণ কঠিন দৃষ্টিতে আমার পানে তাকিয়ে থেকে কঠিন স্বরে বললেন, 'ভুলে যেও না তুমি বিধবা।'

এইটুকু বলে তিনি চলে গেলেন; আমি বিছানায় মুখ গুঁজে শুয়ে পড়লাম।

সত্যিই ভূলে গিয়েছিলুম আমি বিধবা।

শুয়ে শুয়ে মন বিজ্ঞাহ করল। বিধবা ত কী ? আমার রূপ, আমার যৌবন, আমার ভালবাসা, কিছুই মূল্য নেই এ-সবের ? আমি কি কাগজের ফুল, চীনেমাটিব পুতুল ? না, আমি চীনেমাটির পুতুল হয়ে বেঁচে থাকতে চাই না। আমি ভালবাসা চাই, শ্রদ্ধা চাই, সন্ত্রম চাই—

কতক্ষণ সময় কেটে গেছে খেয়াল করিনি। সংমার গলা শুনতে পেলাম $\stackrel{\leftarrow}{-}$  বিছানায় শুয়ে থাকলে সংসার চলে না। তোমার বাপ

সভা থেকে ফিরে এসেছেন, আরও সবাই এসেছেন। তাঁদের চা-জলখাবার দিতে হবে।

বাইরের ঘবে আট-দশ জন দেশনেতা জমা হয়েছেন। বেশীর ভাগই প্রবীণ; রাম-লক্ষণও আছেন। রাজনীতির তীব্র আলোচনা হচ্ছে। আমি স্বপ্লাচ্ছনের মত সকলকে চা-জলথাবার দিলুম। আমাকে কেউ লক্ষ্য করলেন না, এমন কি বামও না। কেবল লক্ষ্যণের ধারাল ,চাথ হুটি আমাকে অনুসরণ করে বেড়াতে লাগল।

অনেক রাত্রে বৈঠক ভাঙল। সে-রাত্রে আমি কিছু না থেয়ে ওয়ে পড়লুম, কিন্তু ভাল ঘুম হল না। আমার জীবনে যেন একটা প্রবল বক্সা আসছে, কোথায় ভাসিয়ে নিয়ে যাবে কিছু জানি না। ভয় ভয় করছে, আবার উত্তেজনায় মুখ-চোথ গরম হয়ে উঠছে বাম আর লক্ষণ হজনেই কি আমাকে চান ? ব্ঝতে পারছি না। আমি ওঁদেব মধ্যে কাকে চাই ? তাও ব্যতে পারছি না।

পরদিন সকালে ওঁরা সভায় চলে গেলেন। সভার কাজ শেষ হয়ে আসছে, আজ আর কাল ছু দিন বাকী। তার পর সবাই চলে যাবেন। আর আমি—?

তুপুরবেলা রাম ফিরে এলেন। আমাকে দেখে ক্লান্ত হেসে বললেন, 'আজ আর কোনও কাজ হল না, শুধু নিজেদের মধ্যে ঝগডাঝাঁটি। বিরক্ত হয়ে চলে এলাম।'

তিনি নিজেব বিছানায় চিত হয়ে শুয়ে চোথ বুদ্ধে রইলেন। আমি কাছে গিয়ে আস্তে আস্তে জিগ্যেস করলুম, 'চা আনব গ'

তিনি চোথ খুলে একটু হাসলেনঃ না, দরকাব নেই। তুমি বরং আমার মাথায় একটু হাত বুলিয়ে দাও।

ডাক্তারবাব্, মান্ত্ষের দেহ-মনের সব থবরই আপনি জানেন, তাই আমার তথনকার দেহ-মনের কথা বিস্তারিতভাবে লিখে এমন দিনে ১০৪

আপনার ধৈর্যের উপর জুলুম করব না। পরপুরুষের অঙ্গম্পর্শ সম্বন্ধে হিন্দু মেয়ের মনে তীক্ষ্ণ সচেতনতা আছে আপনি জানেন। আমি খাটের শিয়রে দাঁড়িয়ে তাঁর মাথায় হাত বুলিয়ে দিতে লাগলুম। ঘন কোঁকড়া চুল, সিঁথি নেই, কেবল কপাল থেকে পিছন দিকে বুকুশ করা। · · ·

তিনি ঘুনিয়ে পড়লেন না, মাঝে মাঝে চোথ খুলে আমার পানে তাকাতে লাগলেন। তারপর হঠাৎ বিছানায় উঠে বদে কতকটা বক্তৃতার ভঙ্গীতে বলে উঠলেন, 'আমাদের সমাজে বিধবার এত অমর্যাদা কেন ? কা অপরাধ বিধবার ? স্বামা মরে গেলেই স্ত্রীর জীবন শেষ হয়ে যাবে কেন ? তার কি সতন্ত্র সন্তা নেই ? আমাদের সমাজ নিষ্ঠুর, স্ত্রীজাতির প্রতি দয়ানায়া নেই; একটু ছুতো পেলেই তাদের দূরে সরিয়ে রাখতে চায়। অন্য সভ্য সমাজে কিন্তু এ-রকম নেই, বিধবা হবার দোষে কোনও মেয়ের জাত যায় না—'

আমি সমস্ত শরীর শক্ত করে শুনছি, এমন সময় লক্ষ্মণ ঘরে ফুকলেন।

তাঁর মূখ অন্ধকার: চোয়ালের হাড় লোহার মত শক্ত হয়ে ইঠেছে। তিনি রামের পানে একবার তাকালেন, তার পর আমার দিকে চোখ ফিরিয়ে মূখে একটু হাসি আনবার চেষ্টা করে বললেন, 'আমার জয়ে এক পেয়ালা চা আনতে পারবে ?'

আমি চোরের মত পালিয়ে গেলুম ঘর থেকে।

পনরে। মিনিট পরে ছুঁ পেরালা চা নিয়ে ফিরে এসে দেখলুম, ঘরের দরজা বন্ধ, ভিতর থেকে ছজনের চাপা গলার আওয়াজ আসছে। চাপা গলা হলেও আওয়াজ নরম নয়, করাতের শব্দের মত কর্কশ। তুঁদের মধ্যে চাপা গলায় বচসা হচ্ছে। কথা সব বোঝা যাচ্ছেনা, একবার মনে হল লক্ষ্মণ বলছেন, 'তুমি কোন্ পথে যাচ্ছ—'

দোরে টোকা দিতে সাহস হল না, চায়ের পেয়াল। নিয়ে ফিরে এলুম। রান্নাঘরে একলা বসে থরথর করে কাঁপতে লাগলুম। কী হচ্ছে কিছু ব্যতে পারছি না। আমার জন্যেই কি ছুই বন্ধুর মধ্যে—! তবে কি ওঁবা হুজনেই আমাকে চান ?

সন্ধ্যার পর আজও বৈঠক বসল, খুব তর্কাতর্কি হল। রাম আর লক্ষ্মণ কিন্তু ঘরের ছই কোণে গন্তার মুখে বসে রইলেন, আলোচনায় যোগ দিলেন না। কেবল আমি যথন সকলকে চা দেবার জত্থে ঘরে এলুম তাঁদের চোথ আমার পিছনে ঘুরে বেড়াতে লাগল।

রাত্রি নটা আন্দাজ বৈঠক ভাঙল, সকলে উঠলেন। বাবা আর বাম অভ্যাগতদের সঙ্গে কথা কইতে কইতে রাস্তা পর্যস্ত এগিয়ে গেলেন। বাড়ার সদরে লক্ষ্য আর আমি দাঁড়িয়ে রইলুম।

হঠাৎ লক্ষ্মণ আমার হাত চেপে ধরলেন। আমি চমকে প্রায় চীৎকার কবে উঠেছিলুম, কিন্তু তিনি আমার কানের কাছে মুখ এনে গাঢ়স্বরে বললেন, 'সুলোচনা, তোমার সঙ্গে আমার গোপনীয় কথা আছে। কিন্তু এখন নয়। কাল আমাদের সভার অধিবেশন শেষ হবে, তারপর বলব। তুমি তৈরী থেক। যাও, এখন ভেতরে যাও। কাউকে কিছু বোল না।'

আমার মাথাটা বনবন করে ঘুরে উঠল; অন্ধের মত হাতড়াতে হাতড়াতে বাড়ীর মধ্যে গেলুম।

সারা রাত জেগে শুধু ভাবলুম, কী কথা বলবেন আমাকে ? কিসের জন্মে তৈরী থাকব ?

পরদিন সকাল থেকে হৈ-হৈ লেগে গেল। আজ সভার শেষ অধিবেশন, এলোমেলো নানা কাজ হবে।. তার ওপর গুজব রটে গেছে যে, কয়েকজন নেতাকে পুলিস অ্যারেস্ট করবে। ভোর থেকে বাড়ীতে মানুষের যাতায়াত শুক হয়েছে। বাবা চা থেয়েই এমন দিনে ১০৬

রাম-লক্ষ্ণকে নিয়ে সভায় চলে গেলেন। আমাকে বলে গেলেন, 'ভূমিও এস। সভায় বন্দে মাত্রম্ গাইবে।'

সেদিন বন্দে মাতরম্ গাওয়া কিন্তু আমার হল না। সভায় উপস্থিত হয়ে দেথলুম, চারিদিকে পুলিস গিসগিস করছে; জনতা মুহুমুহু চীৎকার করছে—ইনক্লাব জিন্দাবাদ! বন্দে মাতরম!

তিন-চার জন বড় বড় নেতা গ্রেপ্তার হয়েছেন; তার মধ্যে রাম একজন। লক্ষ্মণ গ্রেপ্তার হননি। আমি যথন উপস্থিত হলুম তথন পুলিস বন্দীদের নিয়ে মোটরে তোলবার উপক্রম করছে। বন্দীদের সকলের মুখে উদ্দীপ্ত হাসি।

গাড়িতে উঠতে গিয়ে রাম ফিরে দাঁড়ালেন। জনতার মধ্যে চারিদিকে চোথ ফেরালেন, যেন কাউকে খুঁজছেন। তার পর তাঁর চোথ পড়ল আমাব উপর। তিনি একদৃষ্টে আমার পানে চেয়ে রইলেন, মুথের উদ্দীপ্ত হাসি মিলিয়ে গেল। তিনি আমাকে লক্ষ্য করেই বজ্রকণ্ঠে বলে উঠলেন, 'আমি শিগ্গিবই ফিরে আসব। ইংরেজের জেল আমাকে ধরে রাথতে পারবে না।'

বন্দীদের নিয়ে পুলিদের গাড়ি চলে গেল। তারপর সভায় কী হল আমি জানি না, চোথের জল ফেলতে ফেলতে বাড়ী ফিরে এলুম। সভায় আরও অনেক মেয়ে ছিল, তারা সবাই সেদিন কেঁদেছিল; আমার চোথের জল কেউ লক্ষ্য করেনি। আমার চোথের জলের উৎস যে আরও গভীর তা কেউ জানতে পারল না। কেবল, বাড়ী ফিরে আসবার পর, সংমা আমাকে কাঁদতে দেখে মুখ বেঁকিয়ে বললেন, 'চঙ দেখে আর বাঁচি না।'

ইচ্ছে হল, বাড়ী ছেড়ে ছুটে কোথাও চলে যাই। বিধাতা যে অলক্ষ্যে,সেই ব্যবস্থাই করছেন তা ত তথন জানতুম না।

তুপুরবেলা লক্ষণ বাড়ী এলেন। মুখ বিষয় কঠিন। আমার

পানে থানিক তাকিয়ে রইলেন, মুথ একটু নরম হল। সাবার বজ্ঞের মত কঠিন হয়ে উঠল। তাঁর মনের মধ্যে যেন প্রচণ্ড যুদ্ধ চলছে, কিন্তু কী নিয়ে যুদ্ধ বোঝা যায় না। আমি কেবল সম্মোহিতের মত চেয়ে রইলুম।

তিনি বললেন, 'আমাদের জীবনে জেলখানা ঘর-বাড়ী, ওতে বিচলিত হলে চলে না। আমাকেও হয়ত আজ নয় কাল যেতে হবে। কিন্তু তার আগে অনেক কাজ সেরে নেওয়া চাই—স্বলোচনা!'

ঘরে আর কেউ ছিল না। আমি তাঁর কাছে গিয়ে দাঁড়ালুম, মুখ তুলে তাঁর মুখের পানে চাইলুম।

তিনি আমার কাঁধে হাত রাখলেনঃ 'তুমি আমার দক্ষে পালিয়ে যাবে গ'

আমার মস্তিকের মধ্যে চিস্তার সব ক্রিয়া বন্ধ হয়ে গেল। শুশু বললাম, 'যাব।'

'স্বেচ্ছায় যাবে 🤊 আমি জোর করছি না।'

'যাব।'

'হয়ত যা আশা করছ তা পাবে না। ভবু যাবে ?'

'যাব ;'

তিনি গভীর দৃষ্টিতে আমার মুখের পানে চাইলেন; চোখ ছটি যেন করুণায় ভরে উঠল। তারপর আমার কাঁধ থেকে হাত নামিয়ে আমার দিকে পিছন ফিরে থানিক দাঁড়িয়ে রইলেন। সেইভাবে দাঁড়িয়েই বললেন, 'বেশ। এখন আমি যাচ্ছি। রাত্রে আবার ফিরে আসব। বারোটার পর। গাড়ি নিয়ে আসব। তুমি তৈরি থেক।'

'আচ্ছা।'

তিনি চলে গেলেন।

সেদিনের কথা এখন ভাবলে মনে হয়, কেন তাঁর কথার মানে

**এ**श्रम हिटन ५०৮

বৃথিনি। তিনি ত ইঙ্গিত দিয়েছিলেন। আমার ভবিশ্বতের কথা ভেবে তাঁর অটল হাদয়ও ক্ষণেকের জন্যে টলে গিয়েছিল। সেদিন যদি আমি 'না' বলতুম! যদি বলতুম—যাব না তোমার সঙ্গে, যিনিজেলে গেছেন তাঁর জন্যে প্রতীক্ষা করব, তা হলে আমার জীবনটাই অহা পথে যেত। কিন্তু তা ত হবার নয়। আমি যে ওদের হজনকেই সমান ভাবে চেয়েছিলুম। সংমা যে আমার ঘরে আগুন লাগিয়ে দিয়েছিলেন। পালান ছাড়া আমার গতি ছিল না।

ছুপুর রাত্রে তিনি গাড়ি নিয়ে এলেন। আমি তৈরি ছিলুম, গাড়িতে উঠে বসলাম। আমার নিরুদ্ধেশের পথে অভিসার শুরু হল।

প্রথমে রেলের স্টেশন, সেখান থেকে ট্রেনে চড়ে কাশী। ডাক্তারবাবু, শেষ কথাগুলো তাড়াতাড়ি শেষ করে ফেলি। সব কথা শুঁটিয়ে লিখতে ক্লান্তি আসছে।

লক্ষণ আমাকে কাশীর একটা সরু গলিতে অন্ধকার একটা বাড়ীতে তুললেন। আধবয়দী একজন স্ত্রীলোক এসে আমাকে বাড়ীর মধ্যে নিয়ে গেল, একটা সাজানো ঘরে বসাল। লক্ষ্মণ ঠিকে গাড়ির ভাড়া মেটাবার জন্মে পিছিয়ে ছিলেন, আমি তাঁর অপেকা করতে লাগলুম। কিন্তু তিনি এলেন না। আধবয়দী স্ত্রীলোকটাকে প্রশ্ন করলুম, সে বলল, 'আসবেন, বাছা আসবেন। কত বাব্ভায়েরা আসবেন। নাও, এই শরবত্টুকু থেয়ে ফেল। তেষ্টার সময়, শরীর ঠাণ্ডা হবে।'

দেই রাত্রে আমার জীবনে বেঁচে থাকার পালা শেষ হল, প্রেত-জীবন আরস্ত হল। ভজাযেরের মেয়ে ছিলুম, পতিতা হলুম।

পর্দিন সকালবেলা লক্ষ্মণ এলেন। তাঁকে দেখে আমি কেঁদে উঠলুম: 'আপনি আমার এই সর্বনাশ করলেন!' তিনি নীরস নিম্প্রাণ কঠে বললেন, 'আমি তোমার যে-সর্বনাশ করেছি তার জন্ম ভগবান আমাকে শাস্তি দেবেন। কিন্তু আমার বন্ধকে বাঁচাবার অন্য কোনও উপায় ছিল না।

'কিন্তু আমি কী অপরাধ করেছিলুম ?'

'অপরাধ কেউ করেনি। তুমি আমার বন্ধুকে চেন না, আমি তাকে চিনি। তার মন তোমার দিকে ঝুঁকেছিল: আমি যদি তোমাকে চিরদিনের জন্মে তার সামনে থেকে সরিয়ে না দিভাম, সে হয়ত তোমাকে বিয়ে করত।'

'তাতে কি এতই ক্ষতি হত ?'

'ক্ষতি হত। তার সর্বনাশ হত, দেশের সর্বনাশ হত। তাকে আমি জানি। তার মন একবার যেদিকে ঝুঁকবে সেদিক থেকে আর তাকে নড়ানো যাবে না। তার মনে প্রচণ্ড শক্তি আছে, কিন্তু সেই শক্তিকে পাঁচ ভাগ করে পাঁচ দিকে চালাবার ক্ষমতা তার নেই। সে যদি তোমাকে বিয়ে করত, তা হলে দেশের কাজ আর করত না, তোমাকে নিয়েই মেতে থাকত।

**'**কিন্ত আমার কী হবে গ'

'দেশেব জন্মে অনেকে আত্মবলি দিয়েছে; যথাসবস্থ খুইয়েছে, প্রাণ পর্যস্ত দিয়েছে। আমি আজ এই মহাপাতক করলাম। কিসের কী ফল হবে জানি না, নিজের বৃদ্ধি-বিবেচনা অমুযায়ী কাজ করে যাচ্ছি। আমার বস্কু যথন জেল থেকে বেদিয়ে ভোমাকে খুঁজতে আসবে তথন ভোমাকে পাবে না। পরে যদি ভোমাকে খুঁজে পায়ও ভোমার কাছে আসতে পারবে না। এই ভরসায় এত বড় পাপ করেছি। —চললাম। আর দেখা হবে না।'

তিনি চলে গেলেন।

ভারপর কুড়ি বছর কেটে গেছে। সেদিন আমার যে-জীবন

এমন प्रित ১১०

আরস্ক হয়েছিল তাও শেষ হয়ে আসছে। আমার ঘরের দেয়ালে যে-ছুটি ছবি দেখে আপনি ভুক্ত ভুলেছিলেন তার মানে বাধ হয় এখন ব্যুতে পারছেন। ভারত আজ স্বাধীন হয়েছে, ওঁরা ছজন ভারতের ভাগ্যবিধাতা। ওঁদের নাম জানে না এমন মানুষ পৃথিবীতে নেই। ওঁদের আমি আর দেখিনি, কেবল ছবি টাঙিয়ে রেখেছি নিজের ঘরে! মাঝে মাঝে ভাবি, আমার কথা কি ওঁদের মনে পড়েং দেশের কল্যাণে যিনি আমাকে নরকের মুখে ঠেলে দিয়েছিলেন আমার কথা মনে পড়লে তাঁর মন কি বেদনায় টনটন করে ওঠেং

কিন্তু আমার কারুর বিরুদ্ধে নালিশ নেই। সবই আমার ভাগ্য, আমার জন্মান্তরের কর্মফল। তবু মনে প্রশ্ন জাগে, আমার সর্বনাশ না হলে কি ভারতবর্ষ সাধীন হত না ?—

ত্রবার শেষ করি। ডাক্তারবার্, আমার পাপ-জীবনের সঞ্চয়
মূত্যুর পর যা অবশিষ্ট থাকবে তা আপনাকে দিয়ে গেলাম।
আপনার নিজের টাকার দরকার নেই জানি। কিন্তু আমার টাকাকে
আপনি ঘৃণা করবেন না। টাকা কখনও নোংরা হয় না ডাক্তারবাব্। যত নোংরা স্থান থেকেই আফুক, টাকার কলঙ্ক লাগে না।
আপনি আমার টাকা নিজের বিবেচনামত সংকার্যে ব্যয় করবেন।

আপনি আমার অন্তিম প্রণাম নেবেন।

ইভি—

স্থলোচনা

ভাক্তারের ফুটনোট:—স্লোচনার টাকা আমার হাতে আসিলে আমি তাহা 'লক্ষণের' নামে বেনামী টাঁদারূপে পাঠাইয়া দিয়াছি। 'লক্ষ্মণ', কেন্দ্রীয় শাসকমগুলের উচ্চস্থ ব্যক্তি, তিনি নিশ্চয় এই টাকার সদ্গতি করিতে পারিবেন।

## মানবা

কাহিনার স্ত্রপাত আজ হইতে পঞ্চাশ বছরেরও আগে। বিংশ শতাব্দীর বয়স তথন অনুমান ছয় বৎসর।

বাগবাজার নিবাসী কৃষ্ণকাস্ত দাসের গৃহে উৎসবের ধুম লাগিয়া গিয়াছে। তাঁহার একমাত্র পুত্র রাধাকান্তের বিবাহ। কৃষ্ণকাস্ত বিত্তবান ব্যক্তি, কাগজের ব্যবসা করিয়া তিনি ভাগ্যলক্ষীকে প্রসন্ধ করিয়াছেন। তাঁহার লক্ষাশ্রী দিনে দিনে বাড়িতেছে। কিন্তু তিনি বিপদ্ধীক। বয়স এখনও পঞ্চাশ পূর্ণ হয় নাই।

বিবাহ উপলক্ষে আত্মায়-কুট্নে ঘর ভরিয়া গিয়াছে। রস্থনটোকি বাজিতেছে। আজ বর-বধু গৃহে আদিবে। বাড়ীর দদর উঠানে আলপনা পড়িয়াছে; ফটকের মাথায় তোরণমাল্য। কস্থাপক কলিকাতারই বাদিনা, এখনি বর-কনে আদিবে। বাড়ীতে স্ত্রীলোকের সংখ্যাই বেশী, কারণ পুরুষ আত্মীয়েরা সকলেই বর্ষাত্র গিয়াছে।

রস্থনচৌকীর মিঠা আওয়াজ চাপা দিয়া মোড়ের মাথায় গোরার ব্যাপ্ত শোনা গেল। দমাদম শব্দে চারিদিক সচকিত করিয়া শোভাযাত্রা আসিয়া পড়িল। সামনে ব্যাপ্ত বাজাইতে বাজাইতে পদাতিক গোরার দল; পিছনে দীর্ঘ বিসপিত ঘোড়ার গাড়ির সারি। প্রথমেই একটি পুস্পমাল্যমপ্তিত ল্যাপ্তো গাড়ি, তাহাতে বর ও বরকর্তা শোভা পাইতেছেন। অনস্তর পিছনে মথমলের ঘেরাটোপ ঢাকা পালকি; ইহার মধ্যে আছেন নববধু। অতঃপর নানাজাতীয় যানবাহনের মধ্যে বর্ষাত্রীর দ্ল।

বাড়ীর বর্ষীয়সী মেয়েরা ফটকের বাহিরে উকি মারিয়া উত্তেজিত স্বরে বলিতে লাগিল—"এ আসছে—এ বর-কনে আসছে!" थमन मिरन >>২

শোভাষাতা বাড়ীর সমুখে থামিল, গোরার বাছও নীরব হইল। কৃষ্ণকান্ত লাফাইয়া ল্যাণ্ডো হইতে নামিয়া পড়িলেন, পিত্ন পিছন রাধাকান্তও নামিল। রাধাকান্তের মাথায় জরিদার টুপি, আগা-পান্তলা লাল ম্থমলের পোশাক। তাহার বয়স বারো বছর।

কৃষ্ণকান্ত একটু ব্যস্তবাগীশ লোক, গাড়ি চইতে নামিয়াই উচ্চকণ্ঠে হাঁকাহাঁকি শুরু করিলেন—"কোথায় গেল সব! বর-কনে নিয়ে এলুম, সবাই হাঁ করে দাঁড়িয়ে আছিস! চন্দ্রমুখী কৈ গুকেষ্টমণি!—ওরে, শিগ্গির ঘড়ায় করে জল নিয়ে আয়—মঙ্গলঘট —কনে বৌ-এর পালকির সামনে জল ঢাল—'

ত্ইজন সধবা স্ত্রীলোক কাঁথে কলসী লইয়া আগাইয়া আদিল এবং পালকির সামনে জল ঢালিয়া দিলে। কৃষ্ণকাস্ত তথন সগর্বে গিয়া পালকির ঘেরাটোপ তুলিয়া দিলেন এবং পালকির ভিতর ইইতে একটি মেয়েকে টানিয়া কোলে তুলিয়া লইলেন। মেয়েটির বয়স বড়জোর সাত বছর, সোনার গ্রনায় স্বাঙ্গ মোড়া। কৃষ্ণকান্ত মহানন্দে বলিলেন, "ভাখো, ভাখো, কেমন বৌ এনেছি ভাখো! যেমন দেখতে তেননি নাম—দেবী! সাক্ষাৎ দেবী—সাক্ষাৎ মা জগদ্ধাত্রী! কৈ রে রাধাকান্ত, কোথায় গেলি! শিগ্গির আয়, আমার পাশে এসে দাঁড়া।'

রাধাকান্ত ক্রেত আসিয়া বাপের পাশে বুক ফুলাইয়া দাঁড়াইল। কুষ্ণকান্ত হাঁকিলেন—"আরে, ফটোগ্রাফার কোণায় গেল গ শিগ্রির শিগ্রির ফটো তুলে নাও—"

কালো কাপড়ে মুখ ঢাকা ফটোগ্রাফার ত্রিপদ্বিশিষ্ট ক্যামেরা সম্মুখে লইয়া অগ্রসর হইল, ক্যামেরা কৃষ্ণকাস্তের সম্মুখে রাখিয়া ঘোমটা হইতে মুখ বাহির করিল, বলিল, 'স্থির হয়ে দাঁড়ান একেউ নড়বেন না এখুকি, একটু হাসো ভো—!' ফুলশয্যার রাত্রি। একটি ঘর ফুল দিয়া সাজ্ঞানো হইয়াছে। পালক্ষে ফুলের বিছানা। মৃত্ব আলো জ্বলিতেছে। রাধাকান্ত ও দেবীকে ত্ই হাতে ধরিয়া কৃষ্ণকান্ত প্রবেশ করিলেন। কয়েকটি পুরাঙ্গনা দ্বারের কাছে দাঁড়াইয়া কৌতুক-কৌতৃহলী চক্ষে এই দৃশ্য দেখিতে লাগিল।

কৃষ্ণকান্ত বর-বধুকে পালক্ষের কাছে লইয়া গিয়া বলিলেন— "আজ তোমাদের ফুল্শযাা। জীবনে সবচেয়ে স্থাপের রাত্তি। নাও, তু'জনে বিছানায় শুয়ে পড়।"

পালকটি বেশ উচু। রাধাকান্ত উঠিয়া লম্বা হইয়া শুইয়া পড়িল, কিন্তু দেবী উঠিতে পারিল না। কৃষ্ণকান্ত তথন তাহাকে ধরিয়া খাটে তুলিয়া দিলেন, সনিধাসে বলিলেন--"আহা, আজ যদি গিল্পী বেঁচে থাকতেন।"

দেবী রাধাকাস্থের পাশে বালিশে মাথা দিয়া শয়ন করিল। ক্ষেকান্ত তুইজনকৈ পরম স্নেহে নিরীক্ষণ করিয়া বলিলেন,— 'আচ্ছা, এবার তোমরা ঘুমোও। — রাধাকান্ত, মনে রেখো, দেবী তোমার জ্ঞী, তোমার সহধ্মিণী। ওর সঙ্গে ঝগড়া কোরো না।'

কৃষ্ণকান্ত দারের কাছে কোতৃহলী মেয়েদের দেখিয়া বলিলেন, 'তোৱা এখানে কেন ? যা সব পালা ! খবরদার, আড়ি পাতবি না।'

মেয়েরা হাসিতে হাসিতে সরিয়া গেল। কৃষ্ণকাস্ত ঘরের দ্বার ভেজাইয়া দিয়া ক্ষণেক কান পাতিয়া রহিলেন, যেন ঘদের ভিতরের কথাবার্তা শুনিবার চেষ্টা করিতেছেন।

খাটের উপর রাধাকান্ত ও দেবী পরস্পারকে নিরীক্ষণ করিতেছে, তাহাদের দৃষ্টিতে অনুরাগের চেয়ে বিরাগই বেশা প্রকাশ পাইতেছে। অবশেষে রাধাকান্ত বলিল—'আমি তোমার সামা, আমার সঙ্গে ঝগড়া করবে না।'

এমন দিনে ১১৪

দেবী তৎক্ষণাৎ জবাব দিল,—'আমি কারুর সঙ্গে ঝগড়া করি না। আমি লক্ষী মেয়ে।'

রাধাকান্ত তাহার দিকে একটা পা ছড়াইয়া দিয়া বলিল,—
'কুমি আমার বৌ। পা টিপে দাও।'

দেবা সতেজে বলিল,—'টিপবো না। আমি কি তোমার চাকর ?' রাধাকাস্ত বলিল, 'তবে তুমি লক্ষ্মী মেয়ে নয়। আমি তোমার সঙ্গে কথা কইব না।'

দেবী বলিল—'আমিও কথা কইব না। কাল আমি বাপের বাড়ী চলে যাব।'

হজনে হুদিকে মুখ ফিরাইয়া শুইল।

কৃষ্ণকান্ত দারের বাহিরে দাঁড়াইয়া নব-দম্পতির প্রণয়-সম্ভাষণ শুনিতেছিলেন, মুত্ব মুত্ব হাসিতে হাসিতে প্রস্থান করিলেন।

পরদিন প্রভাতে কৃষ্ণকাস্ত আবার আসিয়া দেখিলেন, বর-বধু
নিঃসাড়ে ঘুমাইতেছে: একজনের মাথা পশ্চিম দিকে, অন্তের
মাথা দক্ষিণ দিকে। দেবীর পদযুগল পতিদেবতার বক্ষের উপর
স্থাপিত। কৃষ্ণকাস্ত গভীর স্নেহে ঘুমস্ত দেবীকে কোলে তুলিয়া
লইলেন; গদগদ সরে বলিলেন,—'মা! মা জননী! ওঠো, তোমার
বাবা তোমাকে নিতে এসেছেন।'

সেদিন দেবী পিতৃগৃহে ফিরিয়া গেল। তারপর নয় বৎসর সামীর সঙ্গে তাহার আর কোনো সম্পর্ক ইছিল না। দেবী পিতৃগৃহে রহিল। কৃষ্ণকান্ত প্রতি সপ্তাহে একবার ছইবার গিয়া দেবীকে দেখিয়া আসেন। কিন্তু রাধাকান্তের পত্নীর সহিত দেখাসাক্ষাৎ করিবার তুকুম নাই। কৃষ্ণকান্ত স্থির করিয়াছেন, ছেলে বৌ বয়ঃপ্রাপ্ত না হওয়া পর্যন্ত তাহাদের মিলন ঘটিতে দিবেন না।

একুশ বছর বয়সে রাধাকান্ত পরম কান্তিমান যুবাপুরুষ হইয়। দাঁড়াইয়াছে। সে কলেজে পড়ে, এবার বি. এ. পরীক্ষা দিবে।

পড়ার ঘরে টেবিলের সামনে বসিয়া সে অত্যস্ত মনোযোগ সহকারে লিখিতেছে; দেখিলে মনে হয় থুব মন দিয়াই লেখাপড়া করিতেছে। কিন্তু যদি সন্তর্পণে তাহার কাঁধের উপর দিয়া উক্ মারা যায়, দেখা যাইবে সে যাহা লিখিতেছে তাহাব সহিত আসল পরীক্ষার কোনও সম্বন্ধ নাই। তাহার লিখনটি এইরূপ—

'প্রিয়তমাসু,

দেবা, তোমার জক্তে আমার মন সর্বদা ছটফট করছে। তোমাকে ছেড়ে আমি আর থাকতে পারছি না। এবার জামাইষষ্ঠীর সময় তোমাদের বাড়াতে নেমন্তন্ন খেতে গিয়ে তোমাকে একবারটি দেখেছিলাম। তাও দূর থেকে, মুহুর্তের জন্তো। আশা মিটল না।

বাবা এত নিষ্ঠুর কেন ? শৃশুরমশাই এত নিষ্ঠুর কেন ? কেন আমাদের দূরে রেখেছেন ? আমি যে আর থাকতে পারছি না। তোমার কি আমাকে দেখতে ইচ্ছে করে নাঃ

আছো, লুকিয়ে লুকিয়ে দেখা করলে কেমন হয় । বেশ মজা হয়, না । তুমি যদি রাজী থাকো আমি লুকিয়ে তোনার সঙ্গে দেখা করব। কেই জানতে পারবে না। তুমি চিঠি লিখো।

আমার একটা ফটোগ্রাফ এই সঙ্গে পাঠলোম। ভোমার ফটোগ্রাফ আমাকে পাঠিও। ভালবাসা নিও। অনেক অনেক ভালবাসা নিও। ইতি--

ভোমার বাধাকান্ত।

চিঠি শেষ করিয়া রাধাকান্ত নিজের একটি ক্ষুত্র ফটোগ্রাফ লইয়া চিঠির সঙ্গে খামের মধ্যে পুরিয়া খাম বন্ধ করিয়াছে, এমন সময় ছারের বাহিরে পিতার ফট্ ফট্ চটির শব্দ শুনিয়া চক্ষের নিমেষে খামখানি পকেটে লুকাইল। তারপর একটি বই খুলিয়া একাগ্র চক্ষে তাহার পানে চাহিয়া রহিল।

কুষ্ণকান্ত এই কয় বছরে আর এক**টু বৃদ্ধ হইয়াছেন**; পদসঞ্চার ও বাচনভঙ্গী মন্থর হইয়াছে। তিনি কক্ষে প্রবেশ করিতেই রাধাকান্ত সমস্ত্রমে উঠিয়া দাঁডাইল—'কি বাবা গ'

কৃষ্ণকান্ত বলিলেন—'কিছু নর, এই দেখতে এলাম। পড়াশুনো বেশ হচ্ছে তো ় পরীক্ষার আর মাত্র তিন মাস বাকি—'

রাধাকান্ত বলিল—'হ্যা, বাবা।'

কৃষ্ণকান্ত বলিলেন—এই বি. এ. প্রীক্ষাটা পাস করে নাও, ভারপর আর ভোমাকে পড়তে বলব না। অবশ্য ভোমাকে পেটের দায়ে চাকরি করতে হবে না। তবে কি জানো বাবা, বি. এ. 'ডিগ্রিটা হচ্ছে জীবন্যুদ্ধে একটা বড় হাতিয়ার। ওটা হাতে থাকা ভাল।'

ন রাধাকান্ত বলিলেন—'হ্যা বাবা।' কৃষ্ণকান্ত বলিলেন—'আজ কি ভোমার কলেজ নেই ণু' রাধাকান্ত বালল—'আছে বাবা। এখনি যাব।'

'হ্যা। চটপট খাওয়া-দাওয়া সেরে বেরিয়ে পড়। কলেজ কামাই করা ঠিক নয়। আর এই তিনটে মাস বৈ তো নয়। পরীক্ষা হয়ে গেলেই ব্যস্—নিশ্চিন্দি। তখন বৌনাকে ঘরে আনব। তিনটে মাস দেখতে দেখতে কেটে যাবে।' কৃষ্ণকান্ত ধীরে ধীরে চলিয়া গেলেন।

রাধাকান্ত বসিয়া পড়িল। ছুই হাতে মাথা চাপিয়া সনিশ্বাসে বলিল—'ভি-ন মা-স!' ওদিকে দেবীর কাভে রাধাকাস্টের চিঠি পৌছিয়াছিল। দেবী এখন পূর্ণযুবতী, রূপে, রুসে, লাবণ্যে যেন টলমল করিতেছে।

চিঠি দেখিয়া দেবী প্রথমটা বৃঝিতে পারিল নাকে লিখিয়াছে।
তাহাকে তো কেন্স চিঠি লেখে নাঃ একটু অবাক হইয়া সে খাম
ছিজিল। অমনি রাধাকাস্তের ফটো বাহির হইয়া পজিল। তখন
সে সচকিতে চারিদিকে চাহিয়া দেখিল কেন্স দেখিয়াছে কিনা।
তারপর আঁচলের মধ্যে চিঠি লুকাইয়া নিজের ঘরে গিয়া দার বন্ধ
করিল।

স্পন্দিত বক্ষে সে থাম হইতে ফটো বাহির করিয়া দেখিতে লাগিল। অধরে কখনো একটু হাসি খেলিয়া যায়, চোখছটি কখনো বাষ্পাচ্ছন্ন হইয়া ওঠে। জামাইষ্ঠার সময় দেবীও রাধাকান্তকে চকিতের ক্যায় দেখিয়াছিল: কিন্তু অত্টুকু দেখায় কি মন ভরে ? ছবিটা তবু সে কাছে পাইয়াছে, যতবাৰ ইচ্ছে দেখিতে পারিবে।

অবশেষে ছবিখানি বুকের মধ্যে লুকাইয়া রাখিয়া দেবী চিঠি
পিজিল। বুক তুরুত্বরু করিতে লাগিল, মুখ তপ্ত হইয়া উঠিল।
রাধাকান্ত যেন দেবীব মনের কথাই দেবীকে লিখিয়াছে। দেবী
যেমন সামীকে চায়, স্বামীও তেমনি দেবীকে পাইবার জন্ম পাগল।

কিন্তু এত আবেগ-বিহ্বলতার মধ্যেও দেবী স্থিরভাবে চিন্তা করিবার ক্ষমতা হাবায় নাই। সে স্বামীর চিঠিখানি মুঠিতে লইয়া আনেকক্ষণ চিন্তা করিল, তারপর বুকের তলায় বালিস দিয়া বিছানায় শুইয়া চিঠিব উত্তর লিখিতে প্রবৃত্ত হইল। চিঠিতে সলজ্জ অপটু ভাষায় দেবীর মনেব ভাব প্রকাশ পাইল—

## 'শ্রীচরণকমলেষু,

তোমার ছবি আর চিঠি পেয়েছি। আমার আর এখানে খাকতে ইচ্ছে করে না, ভোমার কাছে থাকতে ইচ্ছে করে। কবে **এমন দিনে** ১৮

তুমি আমাকে নিয়ে যাবে ? বাবা ত্বপুরবেলা অফিসে যান, বাড়ীতে ঝি-চাকর ছাড়া কেউ থাকে না। তুমি আমার প্রণাম নিও। ইতি—

ভোমার দেবী।<sup>\*</sup>

ভিঠির মধ্যে নিজের একটি ফটো দিয়া দেবী ঝিয়ের হাছে
চিঠি ডাকে পাঠাইয়া দিল।

চিঠি পাইয়া রাধাকান্ত একেবারে মাতিয়া উঠিল। চিঠিতে কথা বেশী নাই, কিন্তু মনের ভাব স্তুম্পষ্ট। রাধাকান্ত স্বভাবতই একটু ভাবপ্রবণ, একটু হঠকারী, অগ্রস্কাৎ বিবেচনা ক্রিয়া কাঞ্চ করা তাহার স্বভাব নয়। সে মনে মনে এক প্রচণ্ড সংকল্প করিয়া বিদিল—দেবাকে সে চুরি করিয়া লইয়া পলাইবে।

দংকল্প কার্যে পরিণত করিতে বিলম্ব হইল না: প্রদিন ছপুরবেলা ছাাকড়াগাড়ি চড়িয়া রাধাকান্ত খণ্ডর ভবনে উপস্থিত হইল। দ্বারের কড়া নাড়িতেই দেবী দ্বার খুলিয়া দিল। যেন দ্বারের কাছে দাঁড়াইয়া প্রভীক্ষা করিতেছিল।

প্রথম সমাগমের লজ্জ। কাটিতে একটু সময় লাগিল। রাধাকান্থ হর্ষরোমাঞ্চিত, দেবী বিনতভুবনবিজয়ীন না। ক্রমে ভাব হইল, চুপিচুপি ফিসফিস কথা হইল। রাধাকান্ত দেবীর হাত ধরিয়া নিজের বুকের উপর রাখিল—'তোমাকে ছেড়ে আর আমি থাকতে পারছি না। চল, ছজনে মিলে পালিয়ে যাই।'

দেবী চমকিয়া চোথ তুলিল—'পালিয়ে যাবে ? কোথায় পালিয়ে যাবে ?'

রাধাকান্ত বলিল—'যেদিকে ত্'চফু যায়: বাবাদের অভ্যাচার আর সহ্য হয় না।' দেবী ক্ষণেক চিন্তা করিল। পালাইয়া যাইবে! কিন্তু স্বামীর সঙ্গে পালাইয়া যাইতে দোষ কি ় সীতা রামের সঙ্গে বনবাদে গিয়াছিলেন, সুভজা—

একটি সিক্ষের চাদর গায়ে জড়াইয়া লইয়া দেবা বলিল—'চল।'
কেহ জানিল না, তুইজনে ছ্যাকড়া গাড়ি চড়িয়া কোথায় চলিয়া গেল।

দেবার বাবা হরিমোহন বৈকালে অফিস হইতে ফিরিয়া দেখিলেন দেবা গৃহে নাই, ঝি-চাকরেনা কিছু জানে না। হরিমোহন ভয় পাইয়া বেহাই-এর কাছে ছুটিনোন।

ওদিকে কৃষ্ণকান্তের গৃহে রাধাকান্তও অনুপত্তিত । দে কলেজে ধাতবৈ বলিয়া বাহির হইয়াছিল, আর ফিরিয়া আদে নাত। ব্যাপার ব্রিতে বৈবাহিক যুগলের বিলম্ব হইল না। তাঁহারা অবিমৃশ্যকারী যুবক-যুবতার উপর অতিশয় ক্রেন হইয়া চারিদিকে তল্লাদ আরম্ভ করিলেন।

চেনা পরিচিত কাহারো ঘরে ফেরারীদের পাওয়া গেল না। হোটেলেও তাহারা যায় নাই। এদিকে রাত্রি হইয়া গিয়াছে, টিপিটিপি বৃষ্টি পড়িতেছে। অবশেষে ্তি দশ্টার সময় নগরের প্রাস্থে একটি নির্জন পার্কে তাহাদেশ পাওয়া গেল। একটি বেঞ্চির উপর ছজনে পাশাপাশি বসিয়া আছে, দেবার সিজের চাদরটি ছজনের গায়ে জড়ানো। অবস্থা অতি করুণ।

কৃষ্ণকান্ত অপরাধীদের তিরস্কার করিতে গিয়া হাসিয়া ফোলিলেন। অপরাধীরা লজ্জার অধোবদন গ্রয়া রহিল। কৃষ্ণকান্ত হাসি থামাইয়া বলিলেন,— 'এহ যদি তোদের ইক্তে ছিল, আমাদের বলভেটি পারতিস। চল, এখন ঘরে চল।'

ছেলে-বৌ লইয়া कृष्णकाश्व গুতে ফিরিলেন।

রাত্রে দেবী ও রাধাকান্ত এক শ্য্যায় শ্যুন করিল। বিবাচের নয় বংসর পরে তাহাদের প্রকৃত ফুলশ্য্যা হইল।

বলাবাহুল্য রাধাকান্ত পরীক্ষায় ফেল করিল। কৃষ্ণকান্ত নিরাশ হুইলেন বটে, কিন্তু বলিলেন—'আমি জানতাম। যাহোক আর পড়াশুনোয় কাজ নেই, এবার কাজে চুকে পড়। আমার বয়স হয়েছে, কবে আছি কবে নেই; তুমি এইবেলা কাজকর্ম শিখে নাও। পৈতৃক ব্যবসাটা যাতে বজায় থাকে।

রাধাকান্ত পৈতৃক কাজে লাগিয়া গেল। সে বৃদ্ধিমান ছেলে, কাজে উৎসাহ আছে। অল্পকাল মধ্যেই সে কাগজের ব্যবসার নার-পাঁচ বৃঝিয়া লইল। কৃষ্ণকান্তের শরীব অল্পে অল্পে জীর্ণ হইতেছিল, তিনি আর অফিসে যান না, তাঁহার বদলে রাধাকান্ত অফিসের কাজ দেখে। কৃষ্ণকান্ত বাড়াতে থাকেন। বাড়ীর নীচের তলায় কাগজের গুদাম, তাহাবই দেখাশুনা করেন।

এদিকে দেবী সন্তান-সন্তবা। কৃষ্ণকান্ত পৌত্রমুখ দর্শনের আশায় অত্যন্ত আহলাদিত হইয়াছেন। খুব ঘটা করিয়। পুত্রবধ্র সাধ দিলেন।

তারপর একদিন কাজ করিতে করিতে কৃষ্ণকাস্ত হঠাৎ অজ্ঞান হইয়া পড়িয়া গেলেন। ডাক্তাব আসিয়া পরীক্ষা করিলেন। বলিলেন—'হালযম্ভ্রের হুর্বলতা। কাজকর্ম বন্ধ করে দিন। থুব সাবধানে থাকতে হবে।' ঔষদের ব্যবস্থা করিয়া দিয়া ডাক্তার চলিয়া গেলেন।

দেবী শশুরের শ্যাপাশে বসিয়া উদ্বেগভরা চোথে তাঁহার পানে চাহিয়া ছিল, কৃষ্ণকাস্ত তাহার প্রতি সম্প্রেহ দৃষ্টিপাত করিয়া বলিলেন—'নাতির মুখ দেখে যদি যেতে পারি, তাহলে আর আমার কোনো তুঃখ নেই।'

দেবী শশুরের পায়ে হাত বুলাইয়া দিতে দিতে অঝোরে কাঁদিতে লাগিল। শশুরকে সে সত্যই ভাল বাসিয়াছিল।

কৃষ্ণকান্ত ছচার দিনে একটু স্কুত্ত হইলেন। কিন্তু বেশী চলাফেরা করেন না, বাড়ীর উপর তলায় অল্লস্বল্ল ঘুরিয়া বেড়ান। নাতির মুখ দেখবার জন্মই যেন বাঁচিয়া আছেন।

তারপর একদিন দেবী একটি পুত্র-সস্তান প্রসব কঞ্চিল। কৃষ্ণকাস্ত আনন্দে আত্মহারা হইলেন। বাড়ীতে নহবৎ বসিল। আত্মীয়-বন্ধুগণের গৃহে মিষ্টান্ন বিতরিত হইল।

আঁতুড়ঘরে প্রবেশ করিয়া কৃষ্ণকান্ত নাতির মুখ দেখিলেন। বলিলেন—'চাঁদের মত ছেলে হয়েছে। ওর নাম রইল চন্দ্রকান্ত।' ভারপর শ্যায় শ্যান পুত্রবধুর হাতে চাবির গোছা দিয়া বলিলেন— 'তুমি ছেলের মা হয়েছ, আজ থেকে তুমি এ বাড়ীর গৃঙিণী। লোহার সিন্দুকেব চাবি ভোমার কাছে রইল। চিরায়ুম্বভী হও।' সেই াতে নিজাবস্থায় কৃষ্ণকান্ত প্রলোকে গ্যম করিলেন।

আরও পাচটি বছর মহাকালের নীল সমুদ্রে মিশিয়াছে।

বাধাকান্ত এখন বাড়ীব কর্তা; তিনটি সন্তানের পিতা। প্রথম ছটি পুত্র, চক্রকান্ত ও সূর্যকান্ত, তৃতীয়টি কলা, নাম গৌরী। প্রথম মহাযুদ্ধের বাজারে কাগজের ব্যবসা ফাঁপিয়া উঠিয়াছিল, রাধাকান্ত বিলক্ষণ লাভবান হইয়াছে। তাহাকে এখন রীতিমত বড়মানুষ বলা চলে।

দেবীর দেহমনও এই কয় বছরে পরিণতি লাভ করিয়াছে। সে আর এখন প্রণয়ভয়ভঙ্গুর তরুণী নয়, তিনটি সস্তানের জননী, ঘরের ঘবণী। দেহের যৌবন যেমন অটুট আছে, তেমনি চরিত্র আরও শাস্ত-ধীর ও দৃঢ় হইয়াছে। বিষয়বৃদ্ধিতে সে ধামীর সমকক, थ्यम हित्न ५२३

রাধাকান্ত অনেক সময় বিষয়কর্মে স্ত্রীর সহিত পরামর্শ লইয়া কাজ কিরে। রাধাকান্তের চরিত্রে যে অবিস্থাকারিতা আছে, দেবী তাহা সংযত করিয়া রাথে।

আজ দেবী ও রাধাকান্তে জীবনের একটি শ্বরণীয় দিন।
মোটরগাড়ি কেনা ইইয়াছে, রথের নত উচু প্রকাণ্ড একটি নিনার্ভা
গাড়ি। এতদিন ঘোড়ার গাড়িতেই কাজ চলিতেছিল। কিন্তু এখন
দিনকাল বদলাইয়া যাইতেছে। মোটর গাড়িনা থাকিলে মানমর্যালা রক্ষা হয় না। একজন ডাইভার রাখা হইয়াছে, সে
জগমগে পোলাক পরিয়া গাড়ি চালাইবে।

স নালবেনা গাড়ি আসিয়াছে, বাড়ীর সামনের উঠান আলো করিয়া দাঁড়াইয়া আছে । তিনটি ছেলেমেয়ে সকাল চইতে গাড়ির মধ্যেই বাস করিতেছে। ঝি চাকর পরন কৌত্ঠলের সহিত গাড়ি প্রদক্ষিণ করিতেছে। জগমণে পোশাক-পরা ডাইভার মাঝে মাঝে ঝাড়ন দিয়া গাড়ির ধুলো ঝাড়িতেছে

দশটার সময় রাধাকান্ত ও দেবী দোতলা হইতে নাখিয়া আসিয়া মোটরগাড়িতে উঠিল, চাকর এক চ্যাঙারি থাবার গাড়িতে তুলিয়া দিল। ছেলেনেয়েরা আগে হইতেই গাড়িতে ছিল, তাহারা কলহাত করিয়া করতালি দিয়া আনন্দ জ্ঞাপন করিল। রাধাকান্ত ও দেবা পরস্পরের পানে চাহিয়া পরম তৃত্তির হাসি হাসিল। ভালপর গন্তীর স্বরে ছাইভারকে ব্লিল—'চলো, শিবপুর ব্ঢানিকাল গার্ডেন।'

আজ মোটরগাড়ি কেনার প্রথমদিনে তাহার। বন-লোজনে যাইতেছে।

সারাদিন ভারি আনন্দে কাটিল। সন্ধ্যার সময় **ক্লান্ত** দেহ ও ভূপ্ত মন লইয়া তাহারা গৃহে ফিরিয়া আহিল। ভারপর অনাড়ম্বর গতামুগতিক স্থথের দিনগুলি একে একে কাটিতে লাগিল।

একদিন সন্ধ্যার সময় রাধাকান্ত মোটরে চড়িয় অফিস হইতে বাড়ী ফিবিতেছিল: একটি অপেক্ষাকৃত নির্জ্জন রাস্তান ভাষার মোটরের এঞ্জিন গোলমাল আরম্ভ করিল। ডাইভারমোটর থামাইয়া গাড়ির বনেট খুলিয়া ঠুকঠাক আরম্ভ করিল। গাড়ি আবার প্রস্কৃতিত সময় লাগিবে দেখিয়া রাধাকান্ত বাহিরে আফিল ফুটপাথে পায়চারি করিছে লাগিল।

সামনেই একটা চায়ের দোকান। এই অবকাশে এক পেয়ালা গরম চা সেবন করিয়া লটবার উদ্দেশ্যে রাধাকাস্ত দোকানে প্রবেশ করিল। দোকানে খদ্দে বেশা নাট: বাধাকাস্ত চা ফবমাশ করিয়া একটি টেবিলের সামনে বসিল।

ঘরে এখনো আলো জলে নাই। চায়ের পেযালায চুম্ক দিওে দিতে বাধাকান্ত লক্ষ্য করিল—গরের কোণে টোবল ঘিরিয়া বসিয়া চারজন লোক নিবিষ্টমনে ভাস খেলিতেছে।

নির্জন ঘরে ক্রীড়ারত ওই লোকগুলো ভাহাকে আকর্ষণ করিছে লাগিল। চায়ের পোয়ালা শেষ কবিয়া সে তাহাদের টোবিলের পাশে গিয়া দাঁড়াইল; লোকগুলা কেচ তাহাকে লক্ষ্য করিল না, আপন মনে খেলিয়া চলিল।

প্রেমারা খেলা চলিতেছে। জুয়া খেলা। কিন্তু ইহার: বেশী বড় দান দিয়া খেলিতেছে না হু চার আনা দিয়া খেলিতেছে। এ খেলা রাধাকান্তের পরিচিত; সে আগ্রহ সহকাবে দেখিতে লাগিল।

হঠাৎ খেলোয়াড়দের মধ্যে একবাক্তি মুখ তুলিয়া রাধাকান্তের পানে চাহিল, মৃত্ হাসিয়া বলিল—'এ খেলা কি দেখছেন বার,, নেহাত ছেলেখেলা। যদি সভ্যিকার 'বাঘের খেলা' দেখতে চান, এমন দিনে ১২৪

ঐ ঘরে যান।' বলিয়া পাশের একটি ভেজানো দরজা দেখাইল। রাধাকান্ত একটু ইতস্তত করিল, তারপর দরজা ঠেলিয়া ঘরে প্রবেশ করিল।

ঘরটি ছোট, আলো জ্বলিতেছে। গদি-পাতা মেঝের উপর বসিয়া পাঁচ-ছয় জন লোক জুয়া খেলিতেছে। প্রত্যেকের সম্মুখে টাকার স্তপ।

রাধাকাস্তকে দেখিয়া কেছ বিস্ময় প্রকাশ করিল না। একজন বলিল—'আসুন, বদে যান।'

রাধাকা স্কের পকেটে তুইশত টাকা ছিল। সে বসিয়া গেল।

ওদিকে দেবী উদ্বেগে বাড়ীময় ছটফট করিয়া বেড়াইতেছে। বাধাকাস্থ কোনদিন অফিস চইতে বাড়ী ফিরিতে দেরি করে না। তবে আজ কি চইল ?

া রাত্রি সাড়ে আটটার সময় রাধাকান্ত বাড়ী ফিরিল। মুখ শুষ্ক, অপরাধ-লাঞ্চিত। দে<sup>ক</sup> দেবীর কাছে বিলম্বের সত্য কারণ লুকাইবার চেষ্টা করিল, কিন্তু পারিল না। শেষ পর্যন্ত সব কথাই প্রকাশ পাইল। সে জুয়া খেলার লোভ সামলাইতে পারে নাই। পকেটে যে ছুশো টাকা ছিল, তাহা গিয়াছে।

শুনিয়া দেবী ভয়ে আতক্ষে দিশাহার। হইয়া গেল। ছুশো টাকা গিয়াছে যাক, কিন্তু জুয়ার নেশা সর্বনেশে নেশা। এ পথে চলিলে বিষয়-সম্পত্তি মান মর্যাদা কয়দিন থাকিবে। দেবী কাঁদিয়া ফেলিল — 'ওগো, এ তুমি কি করলে। জুয়া খেললে যে লক্ষ্মী ছেড়ে যায়।' বাধাকান্ত অধােমুখে রহিল। দেবা তথন চোখ মুছিয়া বলিল— 'দিবা কর, আৰ কথনা জ্য়া খেলবে না।'

রাধাকান্ত শপথ করিল। দেবীর কিন্তু প্রত্যয় জ**ন্মিল না।** মেজ ছেলে সুর্যকান্ত ঘরের মেঝেয় খেলা করিতেছিল, দেবী তাহাকে কোলে তুলিয়া আনিয়া স্বামীর সম্মুখে দাঁড়াইল—'ছেলের মাথায় হাত দিয়ে দিব্যি কর।'

রাধাকান্ত চার বছরের ছেলে সূর্যকান্তের মাথায় হাত দিয়া
. শপথ করিল জীবনে আর কখনো জুয়া খেলিবে না।

একটি একটি করিয়া বছর কাটিয়া যায়। ছেলেমেয়ের। বুড় হইয়া উঠিতে থাকে। রাধাকাস্তের প্রভাব-প্রতিপত্তি সামাজিক প্রতিষ্ঠা বধিত হয়; তাহার রগের কাছের চুলে একটু পাক ধরে। দেবীর শরীরও একটু ভারী হইয়াছে । কিন্তু মনের সজাগ সাবলীলতা অক্ষুধ্ব আছে। সংসাধের চারিদিকে তাহার সতর্ক মমতা।

বড়ছেলে চন্দ্রকাস্থেব বয়স এখন উনিশ, সে সরল ধীর প্রকৃতির ছেলে, কলেজে বি. এ. পড়ে। সূর্যকাস্থের বয়স সভরো, সাস্থাবান, একটু উগ্র প্রকৃতি; খেলাধূলার দিকে মন: লেখাপড়ায় মন নাই; স্থূল ও কলেজের মধ্যবর্তী উচু বেড়া পার হইতে পারে নাই। সর্বকনিষ্ঠা গোরী, বয়স চৌদ্দ, মায়ের মত লাবণ্যবতী নয়, কিন্তু যৌবনের ভোরণদ্বারে আসিয়া ভাহার আকৃতি বেশ একটি কোমল কমনীয়তা লাভ করিয়াছে। এই গোরীকে সূত্র ধরিয়া যে সংসারে মহা-বিপ্রয় প্রবেশ করিবে, ভাহা কেহ জানে নাঃ কিন্তু সেপরের কথা।

চল্রকান্ত লুকাইয়া প্রেমে পড়িয়াছিল, পাশের বাড়ীর মেয়ে অমিয়ার সঙ্গে। অমিয়া সদ্বংশের মেয়ে, কিন্তু তাহার বাবার অবস্থা ভাল নয়; কোনো রকমে দিন চলে। তুই পরিবারের মধ্যে মুখ-চেনাচিনি থাকিলেও সামাজিক মেলামেশা নাই। চল্রকান্তের শয়নঘরের জানালা দিয়া অমিয়ার শয়নঘরের জানালা দেখা যায়, মাঝথানে দশ-বারো হাত ব্যবধান। এই জানালা পথেই ভালবাসা।

জন্মিরাছিল। প্রথমে চোথাচোথি হইলে সলজ্জে মুখ কিরাইয়া লওয়া, তারপর চোথে চোথ মিলাইয়া হাসি, তারপর চাপাগলায় ছটি একটি কথা। 'তোমার নাম কি १' 'অমিয়া।' 'আমার নাম চন্দ্রকান্ত।' জানি।' তারপর ক্রমে হাতমুখ নাড়িয়া ইশাবা ইঙ্গিতে প্রেম নিবেদন। প্রেম নিবেদনটা চন্দ্রকান্তের পক্ষেই বেশী, অমিয়া ভাহার নাটুকে অঙ্গভঙ্গী দেখিয়া হাসে।

একদিন সকালবেলা চন্দ্রকাস্ত জানালার সম্মুথে দাঁড়াইয়া অঙ্গভঙ্গী সহকারে অমিয়াকে প্রাত্যহিক প্রেম নিবেদন করিভেছিল। ছংখের বিষয়, আজ সে ঘরের দরজা বন্ধ করিতে ভুলিয়া গিয়াছিল। দেবী কোনও একটা সাংসারিক কাজের উপলক্ষে ঘরে প্রবেশ করিয়া থমকিয়া দাঁড়াইয়া পড়িল, তারপর নিঃশব্দে জানালার দিকে অগ্রসর হইল। চন্দ্রকাস্ত মাকে দেখিতে পায় নাই, অহ্য জানালা হইতে অমিয়া দেখিতে পাইয়াছিল। সে চট করিয়া সরিয়া গেল।

চফ্রকান্ত ফিরিয়া দেখিল—মা ! মায়ের চোখে আগুন ঠিকরাইয়া পড়িতেছে। সে ভয়ে জড়সড় হইয়া পড়িল।

দেবী কঠিন স্বরে বলিল—চক্রকাস্ত ! তুই—তুই পাশের বাড়ির মেয়েকে ইশাবা করছিলি ! তোর এতদূর অধঃপতন হয়েছে ;'

চন্দ্রকান্ত ঠোঁটে চাটিয়া বলিল---'মা---আমি---'

দেবী ভাব্র ভর্ৎ সনার কঠে বলিয়া উঠিল—ছি ছি ছি চন্দ্রকান্ত, ভোর এই কাজ। এ বংশে কেউ কখনো এ কাজ করেনি। আমার ছেলে হয়ে তুই গেরস্তঘরের মেয়ের দিকে নজর দিলি!

চন্দ্রকান্ত মায়ের পদতলে পড়িয়া ব্যাকুল স্বরে বলিল—'মা, ভূমি আমাকে ভূল বুঝো না। আমি—আমি অমিয়াকে—বিয়ে 'করতে চাট—' দেবীর উগ্র ক্রোধ ধমকিয়া গেল, মৃথের ভাব একট্ নরম হইল— কি বললি •ৃ'

'মা — আমি-—অমিয়া — মানে— আমি ওকে বিয়ে করব।' ু দেবী তাহার চুল ধরিয়। নাড়িয়া দিল।

'হতভাগা। ওঠ। বিয়ে করবি তো আমাকে বলিস নি কেন।'

চক্রকান্ত উঠিয়া করুণস্বরে বলিল--'ওরা বড় গরাব, অমু্যার বাবার একটিও প্রসানেই। তাই—বলিনি। বাবা শুনলে রাগ করবেন।'

দেবীর ঠোঁটের কোণে একটু হাসি দেখা দিল—'ওরা গরীব, আর ভোর বাপ বৃঝি নবাব ? মেয়েটা দেখতে শুনতে তো ভালই। সত্যি ওকে বিয়ে করতে চাস্ ?

বিগলিত হল্যা চন্দ্রকান্ত বলিল— হাঁ। মা, তুমি বাবাকে রাজী কর।

'আচ্ছা আচ্ছা, সে তোকে ভাবতে হবে না। আমি আগে মেয়ে দেখব। যদি দেখি ভাল মেয়ে, তখন যা করবার করব।'—

ছপুরবেলা রাধাকান্ত অফিস হইতে আহার করিতে আসিলে দেবী ভাহাকে কথাটা শুনাইয়া াথিল। রাধাকান্ত ইতিমধ্যে গৌরীর বিবাহের ব্যবস্থা প্রায় পাকাপাকি করিয়া আনিয়াছিল, বিলল—'বেশ ভো। মেয়ে যদি ভোমার পছন্দ হয়, ছটো বিয়ে একসঙ্গে লাগিয়ে দাও।'

অপরাফে দেবী গায়ে চাদর জড়াইয়া পাশের বাড়ীতে গেল। পাশাপাশি ছুই বাড়া, কিন্তু দেবী এই প্রথম অমিয়াদের বাড়ীতে পদার্পণ করিল।

অমিয়ার মা বর্ষীয়দী মহিলা, অমিয়া তাহার শেষ সন্তান। দেবীকে দেখিয়া তিনি কুতার্থ হইয়া গেলেন, তাহার হাত ধরিয়া थमन निर∾ ३२৮

বলিলেন—'বোন, দূর দূর থেকে ভোমাকে দেখেছি, কাছে যেভে কখনো সাহস হয়নি। আমার ভাগ্যি, আজ সাক্ষাৎ লক্ষ্মী আমার ঘরে পা রাখলেন।' তিনি দেবীকে শয়নকক্ষে লইয়া গিয়া মাছ্র পাতিয়া বসাইলেন।

ছচার কথা পর দেবী বলিল—'আপনার মেয়ে অমিয়াকে একুবার ডেকে দিন। তার সঙ্গে ছটো কথা বলব।'

গৃহিণী কন্সাকে ডাকিলেন। অমিয়া দ্বিষয় জড়িত পদে কম্প্রবক্ষে আসিয়া দেবীকে প্রণাম করিল। দেবা তাহাকে পাশে বসাইয়া গৃহিণীকে বলিল—'আপনি কাজকর্ম করুন গিয়ে, আমি অমিয়ার সঙ্গেগল্প করি।'

গৃহিণী মনে মনে ঈষৎ শঙ্কিত হইয়া সরিয়া গেলেন। চব্দ্রকান্ত ও অমিয়ার প্রণয়-কাহিনীর খবর তিনি কিছুই জানিতেন না।

এটা সেটা গল্প করিতে করিতে দেবা অমিয়াকে লক্ষ্য করিতে লাগিল। অত্যস্ত লাজুক মেয়ে, প্রগল্ভা মুখরা নয়, ত্বার চোক গিলিয়া একটা কথা বলে। তার উপর ভয় পাইয়াছে। দেবা বুঝিল, প্রণয় ব্যাপারের জন্ম মূলতঃ চন্দ্রকান্তই দায়ী, অমিয়া ছলাকলা দেখাইয়া তাহাকে প্রলুক্ষ করে নাই। মেয়েটিকে তাহার পছন্দ হইল। সে তাহার চিব্ক ধরিয়া তুলিয়া বলিল—'চন্দ্রকান্ত ভোমাকে বিয়ে করতে চায়। তোমার মাকে তাহলে বলি ''

অমিয়া চকু মুদিয়া নিস্পান হইয়া বহিল। দেবী তখন হাসিয়া বলিল—'আমি কিছ ভাবি দক্ষাল শাশুড়ী, উন থেকে চুন খসলেল বকুনি খাবে।'

তারপর দেবী উঠিয়া গিয়া অমিয়ার মাকে বলিল—'আমি আপনার মেয়েটিকে নিলুম আমার বড় ছেলের জন্মে।'

'বোন, এ আমার স্বপ্নের অতীত। কিন্তু আমার যে আর কিছু নেই।'

দেবী বলিল—'আর কিছু তো চাই নি। শুধু নেটুটে চেয়েছি।—'

মাসখানেক পরে মহা ধুমধামের সহিত একজোড়া বিবাহ হইয়া গেল। চন্দ্রকান্তের সহিত অমিয়ার এবং গৌরীর সহিত লালমে ুহুন নামক একটি ধনীসস্তানের।

লালমোহন বনিয়াদী বংশের তুলাল। মোটর ছাড়া এক পা চলে না। যেমন ভাহার মেদ-সুকুমার দেহ, তেমনি তাহার রাজা-উজার-মারা বাক্যচ্ছটা। সে নিজেকে মস্ত একজন ব্যায়ামবার ও স্পোর্টসম্যান বলিয়া মনে করে।

বিবাহের পরদিন সকালবেলা বরকন্তা বিদায়ের পূর্বে রাধাকান্তের বৈঠকখানায় তরুণবয়স্কদের আসর জমিয়াছিল। নৃতন জামাই। লালমোহনই আসর জমাইয়াছিল। তাহার সঙ্গে ছিল সমবয়স্ক কয়েকজন বন্ধু, বাড়ীর পক্ষ হইতে সূর্যকান্ত উপস্থিত ছিল। চা সহযোগে বিপুল প্রাতরাশের সদগতি হইতেছিল।

তাহার তিন্টা রাইফেল আছে; সে ঘোড়ায় চড়িয়া বাং শিকার করিতে পারে, পোলো খেলাতেও দে নিতান্ত অপটু নয়, লালমোহন এইসব কথা বালতে বলিতে বন্ধুদের চিমটি কাটিতেছিল। শ্রোতাকে চিমটি কাটিয়া কথা বলা তাহার অভ্যাস। শুনিতে শুনিতে সূর্যকান্তের গা জালা করিতেছিল। তাহার ধৈর্য একটু কম, এ ধরনের নির্লজ্জ বড়াই সে সহ্য করিতে পারে না। কিন্তু নৃত্নভিন্নিপতিকে কিছু বলাও যায় না। অনেকক্ষণ নীরবে সহ্য করিয়া সে বলিল—'আপনি তো ভারি বাহাহ্র। আমার সঙ্গে পাঞ্জা লড়তে পারেন ?'

'পাঞ্জা!' লালমোহন অবজ্ঞায় নাক তুলিয়া বলিল—'ও সব "ছোটলোকের থেলা আমি খেলি না।'

্সূর্যকান্তও থোঁচা দিয়া বলিল—'গায়ে জোর আছে কিনা পাঞ্জা লড়লে বোঝা যায়।'

লালনোহন বলিল—'আমার গায়ের জোবের দরকার নেই। যত্রত পালোয়ানই আসুক, তাকে শায়েস্তা করবার ক্ষমতা আমার আছে!'

'ভাই নাকি! গায়ে জোর না থাকে কি দিয়ে শায়েস্তা করবেন গ'

'এই দিয়ে' বলিয়া লালমোহন পকেট হইতে একটি রিভলবার বাহির করিয়া দেখাইল,—'যন্তরটি দেখতে ছোট, কিন্তু এই দিয়ে তোমার মত ছ'জন গুণুাকে শুইয়ে দিতে পারি।'

সূর্যকাস্ত অত্যস্ত কুদ্ধ ও মর্মাহত হইল, কিন্তু বিতশু। আর বেশীদূব অগ্রদব হইতে পাইল না। রাধাকাস্ত এবং আরো লোকজন আসিয়া পড়িল। বর্কস্থাকে বিদায় করিবার সময় উপস্থিত।

লালমোহন বধু লইয়া গৃহে ফিরিয়া গেল। কিন্তু এই সুজ ঘটনাটি তাহাদের তুজনের মনে প্রচল্পর বিদেষের বীজ বপন করিল।

অতঃপর স্থা সচ্ছন্দে কয়েকমাস কাটিয়া গেল। দেবী অমিয়াকে বধুরূপে পাইয়া পরম তৃপ্ত, সে যেমনটি চাহিয়াছিল তেমনটি পাইয়াছে। কিন্তু যতই দিন যাইতে লাগিল, একথাও ধারে ধীরে স্পাষ্ট হইয়া উঠিতে লাগিল যে, গোরীর দাম্পত্য-জীবন স্থাথের হয় নাই। প্রথম সনাগমের আবেগ-মাধুর্য ক্রমে ক্রমে শিথিল হইয়া আসিতেছে। গৌরীর শভরবাড়া কলিকাতাতেই, সে মাঝে মাঝে বাপের বাড়ী আসে, তথন তাহার শুক্ত মূথে করুণ হাসি দেখিয়া

দেবীর বুকে শেল বিদ্ধ হয়। গৌরীকে প্রশা করিলে সে প্রাষ্ট্র এড়াইয়া যায়। তাহার স্বামী যে মত্যপান করে, বন্ধু বান্ধবশুরি লইয়া ঘোড়লৌড়ের মাঠে যায়, তাহার পৈতৃক বসত-বাড়ী বৃদ্ধক পড়িয়াছে—এ সব কথা সে নিজের মায়ের কাছেও বলিতে পারে না।

কিন্তু একদিন কিছুই আর ঢাকা রহিল না। ছুপুরবেলা গৌরী কাঁদিতে কাঁদিতে বাপের বাড়ী ফিরিল। তাহার দেহে একটিও গহনা নাই। সে মায়ের গলা জড়াইয়া কাঁদিতে লাগিল। লাল-মোহন অনেকদিন হইতেই তাহাব সহিত ছুর্ব্যবহার করিতেছে। আজ ব্যাপার চরমে উঠিয়াছে। গৌরীর বিবাহের যৌতুক আন্লাজ বিশ হাজার টাকার গহনা ছিল, এতদিন লালমোহন তাহাতে হাত দেয় নাই; আজ সে সেই গহনা চাহিয়া বসিল। গৌরী গহনা দিতে রাজী হইল না, তথন লালমোহন তাহাকে মার-ধোর করিয়া সমন্ত গহনা কাড়িয়া লইয়াছে, এমন কি গায়ের গহনাগুলাও ভাড়ে নাই। তারপর বন্ধুদের লইয়া কোথায় চলিয়া গিয়াছে।

বাড়ার সকলেই গৌরার কাহিনা শুনিল। রাধাকান্ত আহার করিতে আসিয়া শুনিল, তারপর অগ্নিশর্মা হইয়া লালমোহনের সন্ধানে ছুটিল। আজ সে দেখিয়া লইবে, এত বড় আস্পর্ধা।

লালমোহন বাড়ী ফেরে নাই। চাকর বলিল, বাবু রেস বেলিতে গিয়াছেন, সন্ধার সময় ফিরিবেন।

রাধাকাস্ত রেসকোর্দে গেল। কান ধরিয়া জামাইকে ঘরে ফিরাইয়া আনিবে। স্ত্রার গয়না বেচিয়া রেস খেলা!

রেসকোর্সে লোকারণ্য। রাধাকান্ত পূর্বে কখনও ঘোড়দৌড়ের থোঁয়োড়ে প্রবেশ করে নাই। সে ব্যাপার দেখিয়া চমৎকৃত হইয়া গোল। আধ্যন্টা অস্তর একদল ঘোড়া ছুটিতেছে, দর্শকেরা গগন- र्भन मिटन ' ১৩২

বেদারী চাঁৎকার করিতেছে; হাজার হাজার টাকা হাতে হাতে দ্যুনদেন হইতেছে। রাধাকাস্তের রক্ত চনমন করিয়া উঠিল। সে এদিন-ওদিক জামাইকে তল্লাস করিল, কিন্তু অত ভিড়ের মধ্যে কোথার জামাই ? তথন সে বেলিংএর পাশে দাঁড়াইয়া ঘোড়দৌড় দেখিতে লাগিল।

🏞 অনিবার্য ভাবেই একজন দালাল আসিয়া জুটিল !

'উর্বশী ধরেছেন ?'

'উর্বশী !'

'সামনের রেসে নৌজুবে । ঘোড়া নয় পক্ষীরাজ, আকাশে উড়ে চলে।'

'তাই নাকি! তা কি করে ধরতে হয়?'

'আপনার দেখছি এখনও হাতেখড়ি হয়নি। আজুন আমার সঞ্চে।' রাধাকান্তের সঙ্গে শ'তিনেক টাকা ছিল, তাই দিয়া সে বাকি সব ক'টা রেস খেলিল। রেসের শেষে দেখা গেল সে পঞ্চাশ টাকা জিতিয়াছে। সে উত্তেজিত মনে ভাবিতে লাগিল, সঙ্গে যদি আরও টাকা থাকিত, তাহা হইলে সে আরও জিতিতে পারিত।

সন্ধ্যার পর বাড়ী ফিরিয়া সে রেসের কথা উচ্চারণ করিল না, বলিল, লালমোহনকে কোথাও খুঁজিয়া পায় নাই। দীর্ঘ পারি-বারিক আলোচনার পর স্থির হইল, লালমোহন উচ্ছন্ন ঘাইতে চায় যাক, গৌরী বাপের বাড়ীতে থাকিবে।

পরের শনিবার রাধাকান্ত আবার রেস থেলিতে গেল। দেবী কিছুই জানিল না। এই ভাবে চুপি চুপি জুয়া থেলা চলিতে লাগিল। রাধাকান্তের রক্তে জুয়ার প্রচণ্ড নেশা ছিল; সে শপথ ভুলিয়া গেল, তাহার সহজ বিষয়বৃদ্ধিও লোপ পাইল।

শীতের শেষে ঘোড়দৌড়ের মরস্থম যথন শেষ হইল, তখন

রাধাকান্তের ব্যবসায়ের তহবিলে যত টাকা ছিল সব গিয়াছে, উপরস্ত আকণ্ঠ দেনা।

রেসের শেষ দিনে সন্ধাবেলা রাধাকান্ত বাড়ী ফিরিল না। দুর্দবী জানিত রাধাকান্ত অফিসে আছে, তাই বিশেষ উদ্বিগ্ন হয় নাই। কিন্তু রাত্রি নটা বাজিয়া যাইবার পরও যথন সে ফিরিল না এবং অফিসে টেলিফোন করিয়াও কোন খবর পাওয়া গেল না তথন দেবী হুই ছেলেকে লইয়া রাধাকান্তের অফিসে গেল।

শৃত্য অফিসে রাধাকান্তের মৃতদেহ পড়িয়া আছে। সে বিষ খাইয়া আত্মহত্যা করিয়াছে। মৃত্যুকালে নিজের সমস্ত অপরাধ স্বীকার করিয়া দেবীকে একটি চিঠি লিখিয়া গিয়াছে।

এই মর্মান্তিক আঘাতে দেবী প্রায় ভাঙিয়া পড়িল। কিছুদিন সে শ্যা ছাড়িয়া উঠিল না। তারপর উঠিয়া যম্বের মত গৃহকর্ম করিয়া বেড়াইতে লাগিল। অবসর কালে শ্য়নকক্ষে রাধাকান্তের ফটোগ্রাফের সামনে দাঁড়োইয়া একদৃষ্টে চাহিয়া থাকিত—মনে মনে প্রশ্ন করিত—কেন এ কাজ করতে গেলে দু কেন্দু টাকাই কিবড় সু আমরা কি কেউ নই দু

কিন্তু তাহার মাথার উপর নিয়াতর খড়গ যে এখনো উদ্যত হইয়া আছে, তাহা সে জানিত না।

শুন্তরের মৃত্যুসংবাদ জানাজানি হইবার পর হঠাৎ লালমোহন কোথা হইতে আসিয়া উপস্থিত হইল। কোন রহস্তময় উপায়ে আবার তাহার অবস্থা ফিরিয়া গিয়াছে। মুরুব্বিয়ানা চালে মোটর হইতে নামিয়া শুশুরগৃহে প্রবেশ করিল, গ্রাস্তারি মুখে সকলকে সাস্থনা দিয়া বলিল—'আমি আছি, তোমাদের কোনো ভয় নেই।'

গৌরী দীর্ঘকাল পরে স্বামীকে দেখিয়া বোধ করি আনন্দিত হইল, কিন্তু সূর্যকান্ত তাহার লম্বা লম্বা কথায় জ্বলিয়া উঠিল। কথা-কাটাকাটি আরম্ভ হইতে বিলম্ব হইল না। সূর্যকান্ত বলিদ →ু'তোমার জন্মেই বাবা আত্মহত্যা করেছেন। তুমি দায়ী।'

'`আলুলেমোহনও গরম হইয়া উঠিল—'ডেঁপোমি কেণরো না। ইস্কুলের ছেলে, লেখাপড়া কর গিয়ে।'

গোরী ও চন্দ্রকান্ত উপস্থিত ছিল, তাহারা ঝগড়া থামাইবার চেষ্ট্রাক্রিল; কিন্তু নিয়তির লিখন কে খণ্ডাইবে ? ঝগড়া চরমে উঠিল। সুর্যকান্ত বলিল—'বেহিয়ে যাও এখান থেকে।'

লালমোহন বলিল—'তোমার হুকুম নাকি ? যাব না। এটা আমার খণ্ডরবাড়ী, আমারও হক আছে।'

সূর্যকাস্ত ছুটিয়া গিয়া তাহাকে ধাকা দিল, লালমোহন পকেট হইতে পিস্তল বাহির করিয়া সূর্যকান্তের বুকে গুলি করিল। চক্ষের নিমেষে একটা ভয়স্কর ব্যাপার ঘটিয়া গেল।

বন্দুকের আওয়াজে ঝি-চাকর যে যেখানে ছিল ছুটিয়া আসিল।
হাহাকার পড়িয়া গেল। দেবী আসিয়া যখন পুত্রের রক্তাক্ত দেহ
কোলে তুলিয়া লইল, তখন সূর্যকাস্তের প্রাণ বাহির হইয়া গিয়াছে।
লালমোহন পিস্তল হাতে দাঁডাইয়া আছে।

অল্প শোকে কাতর, অনেক শোকে পাথর। দেবী ছেলের মৃত-দেহ বৃকে জড়াইয়া মেয়ে-জামাইয়ের পানে চোথ তুলিল, অকম্পিত স্বরে বলিল—'চলে যাও তোমরা, ছ'জনেই চলে যাও। আর ক্রথমো আমাকে মুখ দেখিও না।'

লালমোহন খুনের দায়ে দায়রা দোপদ হইল। মামলা কিছা টিকিল না।. দেবী আদালতে গিয়া সাক্ষ্য দিল যে, খেলাচ্ছলে হাত-কাড়াকাড়ি করিতে করিতে আচমকা লালমোহনের পকেটের বন্দুক কায়ার হইয়া গিয়াছিল।

আদালতে সকলেই উপস্থিত ছিল। লালমোহন খালান পাইবার পর গৌৰী আদিয়া মায়ের পা জড়াইয়া ধরিল। দেবী কিন্তু তাহান্ পানে চাহিল না, কঠিন স্বরে বলিল, 'আমাব সঙ্গে তোমাদের ের্শন সম্পর্ক নেই। যাও, আর আমার কাছে এস না। যতদিন বেঁচে থাকব, তোমাদের মুখ দেখব না।'

রাধাকান্তের মৃত্যুর পর হইতেই তাহার গৃহে মহাজনের।
যাতায়াত আরম্ভ করিয়াছিলেন। তাঁহার। আনেক টাকা ধার
দিয়াছিলেন, রাধাকান্তের সম্পত্তি হইতে সে টাকা উদ্ধার করা
যাইবে কিনা এই চিন্তা তাঁহাদের উদ্বিগ্ন করিয়া তুলিয়াছিল। এবং
যতই দিন যাইতেছিল, ভাঁহাদের ব্যবহার ততই কড়। হইয়া
উঠিতেছিল।

এদিকে দেবার হাতে যে নগদ চাকা আছে, ভাহাতে কোনমতে '
সংসার চলে, মহাজনের ধার শেষ করা যায় না। চন্দ্রকাস্থ পৈতৃক
ব্যবসায়ের কিছুই জানে না। তরু সে প্রাণপাত করিয়া বাবসাকে
আবার দাঁড় করাইবার চেষ্টা করিতেছে। কিন্তু একা নিঃসহায়
অবস্থায় স্বদিক সামলাইতে পারিবেছে না। ফুটা নৌকাধ মত
দেবার সংবাধ ধারে ধারে মজিবার উপক্রম ক্রিতেছে।

এই বিশ্বরের মধ্যে অনিয়া একটি পুত্রসন্তান প্রস্ব কণিয়াছে।
অন্ধকারের নিশু, তাহার জন্মকালে নহবৎ বাজে নাই, নিগান্ন বিভরিভ
হয় নাই। কিন্তু এই নাতিকে কোলে পাইয়া দেবা যেন নবজীবন
লাভ করিয়াছে। সে এখন আর সংসারে কাজ দেখে না, নাতিকে
কোলে লইয়া বসিয়া থাকে আর চিন্তা করে। অনিয়া নিঃশব্দে
সংসারের সমস্ত ভার নিজের মাথায় তুলিয়া এইয়াছে।

একদিন দেবী চন্দ্রকান্তকে ডাকিয়া বলিল-- পাওনাদারদের

**এমন मिटन** ১৩৬

সকলকে খবর দে, তারা যেন কাল সকালে আসে। আমি তাদের বুঁক্তে কথা বলব।'

তিক্রকাস্ত চমৎকৃত হইয়া মায়ের মুখের পানে চাহিল। এতদিন সে সংসারসমুদ্রে হাবুড়ুবু খাইতেছিল, এখন তাহার বুক নাচিয়া উঠিল। আর ভয় নাই, মা তাহার পাশে আসিয়া দাঁড়াইয়াছেন। শপরদিন সকালে পাঁচ-ছয় জন পাগুনাদার আসিয়া বৈঠকখানায় বসিলেন। তারপর দেবী নাতিকে কোলে লইয়া তাঁহাদের সম্মুখে আসিয়া দাঁড়াইল। বিধবার শুল্র বেশ, মুখে শাস্ত গাস্তীর্য; সকলে সমন্ত্রমে উঠিয়া দাঁড়াইলেন।

দেবী ধীর কণ্ঠে বলিল—'আপনারা বলুন। আমি কুলস্ত্রী আজ লজ্জা ত্যাগ করে আপনাদের সামনে দাঁড়িয়েছি। আমার কথা আপনাদের শুনতে হবে '

একজন বলিলেন—'বলুন বলুন, কি বলবেন বলুন।'

দেবী বলিল—'আমার স্থামী আপনাদেব কাছে টাকা ধার করেছিলেন। আমার স্থামার ঋণ আমি শোধ করব; এক প্রসা বাকী রাখব না। কিন্তু আমাকে একটু সময় দিতে হবে।'

পাওনাদারেরা চুপ করিয়া বহিলেন।

দেবী আবার বলিল—'আমি আজই আপনাদের পাওনা শোধ করতে পাবি। আপনাদের আদালতে যেতে হবে না, ডিক্রিজারি করতে হবে না। আমার এই বাড়িখানা আছে, আবও কিছু স্থাবর সম্পত্তি আছে, গায়ের গয়না আছে; সে সব বিক্রি করে আপনাদের টাকা চুকিয়ে দিতে পাবি। কিন্তু তাতে, আমার ছেলেপিলে খেতে পাবে না, আমার এই নাতি এক ঝিতুক হুধ পাবে না। আপনারা কি তাই চান গ'

একজন তাড়াতাড়ি বলিয়া উঠিলেন—'না, না, সে কি কথা ?

আমরাও ছেলেপিলে নিয়ে ঘব করি, আপনাকে কণ্ট দেওয়া আমাদের উদ্দেশ্য নয়। কিন্তু—'

দেবী বলিল—'তবে আমাকে এই অনুগ্রহটুকু করুন। শ্রামি আমার এই নাতির মাথায় হাত দিয়ে দিবিা করছি, আপনাদের টাকা আমি শোধ দেব, আমার স্বামীর ঋণ আমি রাথব না। আমাকে দয়া করে এক বছর সময় দিন।'

দেবীর কথা মহাজনদের মর্মপ্রশ করিল, তাঁহারা এক বছর অপেক্ষা করিতে সম্মত হুইলেন।

প্রদিন হইতে দেবী কাজে লাগিয়া গেল। লজ্জা-সঙ্কোচ ত্যাগ করিয়া রীতিমত অফিস যাইতে লাগিল। চন্দ্রকান্ত সঙ্গে থাকিত, দেবী স্বামীর আসনে বসিয়া কাজ-কর্ম প্রিচালনা করিও। পুরনো বিশ্বাসা কর্মচারীরা একে একে ফিরিয়া আসিল, সম্ব্যবসায়ী ক্ষেক্জন বন্ধু বিধবাকে সাহায্য করিবার জন্ম অগ্রসর হইয়া আসিলেন। প্রাধাকান্তদের বিলাত হইতে অনেক কাগজ আমদানী হইত্ মানে বন্ধ হইয়া গিয়াছিল, বিলাতী কাগজপ্রালাদের সঙ্গে আবাব সম্বন্ধ স্থাপিত হইল। দেখিয়া-শুনিয়া পুরাতন গ্রাহকরাও ফিনিয়া আসিতে লাগিলেন।

একবংসর হাড়ভাঙা খাটুনির পর ব্যবসা আবার দাঁড়াইয়া গেল: চক্রকান্ত ইতিনধ্যে কাজকন শিখিয়া লইয়াছিল। তাহাকে অফিসে বসাইয়া দেবা বলিল,—'এবার ডুই চালা। কাল থেকে আমি আর আসব না।'

প্রদিন পাওনাদারদের ডাকিয়া দেবী তাঁহাদের টাকা চুকাইয়া দিল: তাঁহারা ধ্যা ধ্যা করিতে করিতে টাকা লইয়া প্রস্থান করিলেন।

্দবী কিন্তু ভিতরে ভিতরে \জীবনে বীতস্পৃহ হইয়াছিল;

ভাহার কাজ শেষ হইয়াছে, আর বাঁচিয়া থাকিবার প্রয়োজন নাই।
নাভিটি ইভিমধ্যে দেড় বছরের হইয়াছে। দেবা তাহার নাম
রাথিয়াছে উষাকান্ত। তাহার এখন পা হইয়াছে, সে সারাক্ষণ
ঠাকুরমার আঁচল-চাপা থাকিতে রাজী নয়। খেলা করিতে করিছে
সিঁড়ি দিয়া নীচে নামিয়া যায়, উঠানে ছটাছটি করিয়া খেলা করে।

একদিন এক কাপ্ত হইল। বাড়ীর নীচের তলায় কাগঞ্জের গুদাম; উষাকাস্ত গুদামের দ্বার খোলা পাইয়া ভিতরে প্রবেশ করিয়াছিল। তারপর কেমন করিয়া কাগজের গুদামে আগুন লাগিয়া গেল। শিশুকে কেহ গুদামে প্রবেশ করিতে দেখে নাই, অথচ বাহিরেও তাহাকে পাওয়া যাইতেছে না।

দেবা তথন সেই জ্বন্ত অগ্নিকুণ্ডে প্রবেশ করিয়া শিশুকে উদ্ধার করিয়া আনিল। তাহার নিজের দেহ পুড়িয়া ক্ষতবিক্ষত হইয়া গেল, কিন্তু উষাকান্তের গায়ে আচ লাগিল না।

ভারপর দমকল মাসিয়। আগুন নিভাইল। আথিক ক্ষতি বেশী ইটল না বটে, কিন্তু দেবী স্বাক্তে দহনকত লইয়া শ্যাগ্রহণ ক্রিল।

ডাক্তার পরীক্ষা করিয়া বিশেষ ভরসা দিতে পাতিলেন না; জাবনের আশা খুবই কম। তিনি যন্ত্রণা লাঘণের প্রলেপ দিয়া চলিয়া গেলেন।

রাত্রে দেবা অমিয়ার আঁচলে নিজের চাবির গোছা বাঁধিয়া দিয়া বলিল,—'আমি চললুম। আজ থেকে তুনি এ বাড়ির গিন্না।' চক্ষকান্তও উপাস্থিত ছিল, তুইজনে অঝোরে কাঁদিতে লাগিল।

পোরার শ্বশুরবাড়াতে বিলম্বে খবর পৌছিয়াছিল। ছুপুর রাজে গৌরা আদিল, মায়ের বুকের উপর মাথা রাথিয়া কাঁদিতে লাগিল। দেবা কিন্তু চোধ খুলিয়া মেয়ের ্পানে চাহিল না। গৌরী কাঁদিতে কাঁদিতে বলিল,—'মা, একবার কথা বল। বল আমাদের ক্ষমা করেছ।'

মানবী

দেবী কিন্তু কথা কহিল না, চোখ মেলিয়া চাহিলও না। ভার-পর ভাহার ডান হাতথানা ধীরে ধীরে উঠিয়া গৌরীর মাথাব উপর স্থাপিত হইল; আঙুলগুলি গৌরীর চুলের মধ্যে একটু থেলা করিল।

তারপর তাহার অবশ হাত গৌরীর মাথ। হইতে ধসিয়া পড়িল : দেবীর জীবনলীলা শেষ হইয়াছে।

## স্থত-মিত-রমণী

গায়ে গায়ে ত্'টি বাড়ী। একটিতে আমি বাস করি, অক্সটিতে গুরুচরণ। প্রায় কুড়ি বছর এইভাবে বাস করিয়াছি; প্রথম যথম-ডাক্তারি পাস করিয়া প্র্যাকটিস আরম্ভ করি তখন হইতে। তখন আমার বয়স ছিল ছাব্বিশ, গুরুচরণের হয়তো ত্'এক বছর বেশী। গুরুচরণ সম্প্রতি বিবাহ করিয়াছিল, আমি তখনও অবিবাহিত। এই জেলা শহরটি বাছিয়া লইয়া ব্যবসা আরম্ভ করিয়াছিলাম, সংকল্প ছিল প্র্যাকটিস্ না জমাইয়া বিবাহ করিব না।

আজ কয়েদিন হইল গুরুচরণের মৃত্যু হইয়াছে। তাহার ফলে কিছু দায় আমার ঘাড়ে পড়িয়াছে; এই কাহিনী লিপিবদ্ধ করাও হয়তো তাহারই একটা অংশ। বন্ধুকুত্য নয়, কারণ এত বছর ধরিয়া পাশাপাশি বাস করার ফলে যে ঘনিষ্ঠতা জনিয়াছিল তাহাকে বন্ধু বলিতে পারি না। কিন্তু মাঝে মাঝে সত্য কথা বলারও একটা দায় আছে, নহিলে আত্মসন্মান থাকে না।

গুরুচরণের সঙ্গে আমার বন্ধুষের প্রধান অস্তরায় ছিল আমাদের প্রকৃতিগত বৈষম্য। চেহারা এবং চরিত্র, কোনও দিক দিয়াই আমাদের মধ্যে মিল ছিল না। তাহার চেহারা ছিল ঝড়ে পালক-ছেঁড়া ছাতারে পাথির মত; রোগা ম্যুক্ত শরীর, অন্থিসার মুখ, পুরু কাঁচের চশমার ভিতর দিয়া চোখছটি মাছের চোথের মত দেখাইত। তাহার সরু পা' ছটি অত্যস্ত ক্ষিপ্রভাবে চলিত; মুখ দিয়া অত্যস্ত তাড়াতাড়ি কথা বাহির হইত। মোটের উপর তাহাকে দেখিয়া মনে হইত, সে সর্বদাই উত্তেজিত ইইয়া আছে। আমি ডাক্টার তাই

জানিতাম, তাহার শরীরে মারাত্মক রোগ না থাকিলেও স্নায়্ সুস্থ ছিল না।

প্রথম যেদিন বাসা ভাড়া লইয়া সদর দরজাব পাশে মিজের নামযুক্ত ধাতৃফলক লটকাইয়া দিলাম সেইদিন বৈকালে গুরুচরণের সঙ্গে সাক্ষাং হইল। আমি আসর সাজাইয়া প্রথম রোগীর প্রতীক্ষা করিতেছি, সে ক্ষিপ্রপদে প্রবেশ করিয়া বলিল,—'আপনি ডাজার অবনী রায় ? নতুন প্রাকটিস আরম্ভ করেছেন ? বেশ বেশ. পাড়ায় একজন ডাক্তার পাওয়া গেল। নতুন এসেছেন, যদি কিছু দরকার হয় বললেন। আমি পাশের বাড়িতে থাকি।' বলিয়া দ্রুত প্রস্থান করিল।

প্রথম দর্শনে তাহাকে রোগী তাবিয়া মনে যে আশ্বাস জাগিয়াছিল তাহা রহিল না বটে, কিন্তু একটি সজ্জন প্রতিবেশী পাওয়া গিয়াছে দেখিয়া কতকটা নিরুৎকণ্ঠ হইলাম। নবাগত অপবিচিত ডাক্তারকে প্রতিবেশীরা উপেক্ষাই করিয়া থাকে, অ্যাচিতভাবে সাদর সম্ভাষণ করে না।

ক্রমে পরিচয় হইল। গুরুচরণ স্থানীয় ম্যুনিসিপাল অফিসে চাকরি করে। উপরস্তু অবসরকালে বীমার দালালি করে। মন্দ রোজগার করে না। বছর দেড়েক আগে বিবাহ করিয়াছে। বৌএর নাম সুরমা। আকৃতি প্রকৃতিতে গুরুচরণের ঠিক বিপরীত। দেহে যৌবনশ্রী আছে, মুখে শাস্ত মত্তর নিরুদ্বেগ ভাব। বয়স বোধকরি কুড়ি-একুশ, এখনও সম্ভানাদি হয় নাই।

গুরুচরণ রোজই আমার ডিসপেন্সারিতে আসে, তড়বড় করিয়া ত্ব'চার কথা বলিয়া চলিয়া যায়। একদিন সে একজন লোককে হাত ধরিয়া টানিতে টানিতে লইয়া আসিয়া বলিল,—'ডাক্তারবাবু, একে দেখুন তো, এর অসুখ করেন্ছ।'

লোকটিকে পরীক্ষা করিলাম, ঔষধ দিলাম। ছু'তিন দিনের মধ্যে রোগ সারিয়া গেল। পয়সা অবশ্য বেশী পাইলাম না, শুধ্ ঔষধের দাম। কিন্তু আমার প্র্যাকটিস আরম্ভ হইয়া গেল। ক্রমেছটি একটি রোগী স্বতঃপ্রবৃত্ত হইয়া আসিতে লাগিল।

তিন চার মাদ পরে গুরুচরণ আমাকে তাহার বীমা কোম্পানীর ডাক্তনর করিয়া লইল। আমার কিছু আয় বাড়িল, গুরুচরণের সঙ্গে বিষষ্ঠতা বাড়িল। সে সামাক্ত লোক ছিল, শহরে তাহার প্রভাব প্রতিপত্তি কিছুই ছিল না। লোকে তাহাকে অবজ্ঞা মিশ্রিত কৌত্তকের চক্ষে দেখিত; আড়ালে গুরুচরণ না বলিয়া সরুচরণ বলিত। কিন্তু ঐহিক ব্যাপারে আমি তাহার কাছে ঋণী ছিলাম। একখা ভূলিতে পারি না। আর ভূলিতে পারি না একটা উন্মত্ত বাত্রেণ কিন্তু বড়ের রাত্রিণ কথা পরে বলিব।

দিন কাটিতেছে, পদার বাড়িতেছে। আগে নিজেই ঔষধ প্রস্তুত করিতান, এখন একজন কম্পাটগুরে রাখিয়াছি। আমার বাদাটি একতলা, পাঁচটি ঘর আছে; দামনের ছটি ঘর লইয়া ডাক্তাবধানা, পিছনের তিনটি ঘর বাদস্থান। একজন পাচক ভৃত্য গোড়া হইতেই ছিল।

একদিন সকালবেলা গুরুচরণ হস্তদস্ত হইয়া আসিল—'ডাক্তার-বাবু, কাল রাত্রির থেকে স্থরমার গা গরম হয়েছে, গায়ে ভীষণ বাথা। একবার দেখবেন ?'

তৎক্ষণাৎ দেখিতে গেলাম। গুরুচরণের জ্রীকে পূর্বে বছবার দেখিয়াছি। গুরুচরণের অফিস যাওয়ার সময় সে দারের কাছে আসিয়া দাঁড়াইত; সেই সময় আমার সঙ্গে কদাচ চোঝোচোখি হুইয়া গেলে তাহার চোথ সম্ভ্রমে নত হুইত, থোঁপায় আটকানো মাথার আঁচলটা সিঁথি পর্যস্ত অ্থাসর হুইয়া আসিত। কথা বলিবার

উপলক্ষ্য কখনও হয় নাই। তখনকার দিনে মফঃস্বলে প্রতিবেশিনীর সঙ্গে সহজভাবে মেলামেশার রেওয়াজ ছিল না, একটু আড়স্টতার ব্যবধান থাকিত।

স্থরমা চাদর গায়ে দিয়া মুদিতচক্ষে শুইয়া ছিল, গুরুচরণ বলিল,
— 'স্থরমা, ডাক্তারবাবু এসেছেন।'

সুরমা চোথ মেলিল, তারপর আবার চোখ বুজিয়া জড়সড় হইয়া শুইল।

পরীক্ষা শেষ করিয়া জিজ্ঞাসা করিলাম,—'শরীরে কষ্ট কিছু আছে ?'

একটু নীরব থাকিয়া স্থরমা বলিল,—'গায়ে ব্যথা।'

'আচ্ছা, আমি ওষুধ পাঠিয়ে দিচ্ছি।'

রাস্তায় নামিয়া গুরুচরণ ব্যগ্রস্বরে বলিল,—'ভয়ের কিছু নেই তো ?'

বলিলাম,—'ইনফ্লুয়েঞ্জা হয়েছে, ভয়ের কি থাকতে পারে ! ভবে দেখাশুনো করা দরকার। আপনি আজ আর অফিস যাবেন না।'

সে বলিল,—'অফিসে একবারটি যাব, ছুটি নিয়ে চলে আসব। রান্নাবান্নাও তো আজ আমাকেই করতে হবে।'

বলিলাম,—'তার দরকার নেই। আমার পদ্মলোচন আছে, সে তু'জনের রান্না রাঁধবে। রোগীর সাবু বার্লির ব্যবস্থা হবে। এখন আম্ন, আপনাকে একটা গুলী খাইয়ে দিই। ইনকুয়েজা রোগটা ছোঁয়াচে।'

ডিসপেন্সারিতে গিয়া গুরুচরণকে একটি প্রতিষেধক বজ়ি ধাওয়াইলাম। সে বলিল,—'আপনি স্থরমার জন্মে ওষুধ তৈরি করে রাখুন, আমি দশ মিনিটের মধ্যে হুফিস থেকে ফিবব। বিয়ে হয়ে

পর্যস্ত ওর একদিনের জন্মেও শরীর খারাপ হয়নি, এই প্রথম। তাই একট্—' বলিতে বলিতে সে তাহার কাঠির মত পদযুগল অফিসের দিকে চালিত করিয়া দিল।

গুরুচরণ স্ত্রীকে ভালবাসিত, তাহার পরিচয় বহুবার বহুভাবে পাইয়াছি। কিন্তু ইহাতে বৈচিত্রা কিছু নেই; যৌবনকালে নিজের স্ত্রীন্তক কে না ভালবাসে। তাহার পদ্মীপ্রেম যৌবনের অবসানেও টি কিয়াছিল ইহাও বোধকরি খুব বড় কথা নয়। বরং ভাহাব পদ্মীপ্রেম আমার কাছে তুচ্ছ হইয়া যায় যখন ভাবি তাহার পুত্র-স্পেহের কথা। কিন্তু পুত্র এখনও আসে নাই; রাম না জন্মিতে রামায়ণ কথা আরম্ভ করিব না।

স্থরমা কয়েকদিনের মধ্যে সারিয়া উঠিল। কিন্তু গুরুচরণের আশঙ্কা যায় না, সে বলিল,—'ডাক্তার, ওকে একটা টনিক লিখে দিন, যাতে শিগ্রির চাঙ্গা হয়ে ওঠে।'

আমি হাসিয়া বলিলাম,—'ওর টনিকের দরকার নেই। স্বাস্থ্য খুব ভাল, আপনিই চাঙ্গা হয়ে উঠবে। বরং আপনি যদি টনিক চান তো দিতে পারি।'

সে ব্যস্ত হইয়া উঠিল,—'না না, আমার টনিক কি হবে।
আমি দেখতে একটু রোগা বটে, কিন্তু রোগ নেই। মাঝে মাঝে
ইাপানিতে কট্ট পাই, কিন্তু সে কিছু নয়। আমার পনরো হাজার
ইবিপত্তর আছে, যদিই ভালমন্দ কিছু হয় সুরমাকে রাস্তায় দাঁড়াতে
হবে না ।—যাই, অফিসের বেলা হল। আপনি কিন্তু ওকে একটা
ভাল টনিক লিখে দেবেন।'

তারপর স্থরমা মাঝে মাঝে মাছ তরকারি রাঁধিয়া আমার জক্ত পাঠাইয়া দেয়, কখনও নিজের হাতে মিষ্টান্ন তৈরি করিয়া পাঠায়। সে ভারি স্থন্দর দরবেশ তৈরি কুরিতে পারে— বিবাহ করিবার ইচ্ছা হইয়াছে। কিন্তু এখনও অবস্থা অনুকৃল নয়। শহরে বাঁহাদের সহিত পরিচয় হইয়াছে তাঁহাদের মধ্যে কেহ কেহ ঘটকালি আরম্ভ করিয়াছেন। কিন্তু আমি এড়াইয়া যাইতেছি। আগে অর্থনৈতিক অবস্থার ভিং পাকা হোক, তারপর বিবাহ—

আমি প্র্যাকটিস্ আরম্ভ করার পর দেড় বছর কোন দিক্
দিয়া চলিয়া গেল। তারপর একদা রাত্রিকালে আদিল ত্রস্ত ঝড়।
ইহার উল্লেখ আগে করিয়াছি। মানুষের মনে ত্রাস জাগাইয়া,
অনেক পুরানো বাড়ী ভূমিসাং করিয়া দিয়া চলিয়া গেল। আমার
বাসাটা অক্ষত ছিল বটে কিন্তু গুরুচরণের রান্নাঘরের মটকা উড়িয়া
গিয়াছিল।

ইহার পর বছর ঘুরিবার আগে গুরুচরণের জাবনে অসরপের আবির্ভাব ঘটিল। স্থরমা একটি পুত্রসন্তান প্রসব করিল।

ছেলে পাইয়া গুরুচরণ পাগল হইয়া গেল। আনন্দে দিশাহারা হইয়া সে বত্রতা নাচিয়া বেড়াইতে লাগিল; তাহার জিহ্বা এবং পদবয় আয়ও জেত হইয়া উঠিল। রাস্তায় চেনা পরিচিত কাহারও সহিত দেখা হললে পুত্রজন্মের সংবাদ তৎক্ষণাৎ দেওয়া চাই। ছেলে আঁতুড়বর হইতে বাহির হইতে না হইতে তাহাকে কোলে লইয়া আমার কাছে উপস্থিত—'ভাখো ডাক্তার, কা ছেলে! কা স্বাস্থ্য আট পাউও ওজন। ওর নাম রেখেছি পক্ষজ। কেমন নাম গ

'খাসা নাম।'

'গণৎকারকে দিয়ে কুটি করিয়েছি। লেখাপড়ার ভাল হবে, দীর্ঘজীবী হবে, হাকিম হবে।'

'বেশ বেশ।'

ছেলের বয়স ছয় মাস, অর্থাৎ ঘাড় শক্ত হওয়ার সঙ্গে সঙ্গে ১ গুরুচরণ তাহাকে ট্রাকে লইয়া সর্বত্ত ঘুরিয়া বেড়াইতে লাগিল।
একদণ্ড ছেলেকে ছাড়িয়া থাকিতে পারে না। যদি চাকরি যাইবার
ভয় না থাকিত বোধকরি ছেলেকে লইয়া অফিস যাইত। সুরমার
কিন্তু আবাহন বিসর্জন নাই, সুস্থ দেহ ও শান্ত নিরুদ্বেগ মন লইয়া
সে যেমন ছিল তেমনিই রহিয়া গেল।

্মনে আছে এই সময়, অর্থাৎ গুরুচরণের ছেলের বয়স যখন ছয়-সাত মাস তথন আমি বিবাহ করিয়াছিলাম। তার বছর শানিক পরে আমারও একটি পুত্রসন্তান জন্মিলাছিল। বলা বাহুল্য, ছেলে লইয়া আমি মাতামাতি করি নাই। কিন্তু এটা আমার গার্হস্য ইতিবৃত্ত নশ্ন, গুরুচরণের কাহিনী, তাই নিজের কথা যথাসম্ভব বাদ দিয়া যাইব।

গুরুচরণের মনে অন্য চিন্তা নাই, মুখে অন্য কথা নাই, শুধু পদ্ধ পদ্ধ । পদ্ধ একটু ইাচিলে কি কাশিলে অমনি ডাকুার। ছেলের আস্থা ভাল, বেশ গোলগাল নধর, তাই ঔষধপত্র বেশী দিতে হয় না। গুরুচরণ আহ্লাদে আটখানা হইয়া ছেলেকে কখনও পিঠে কখনও কাঁধে লইয়া ঘুরিয়া বেড়ায়। দেখিয়া আমারই যেন লজ্জা করে।

কিন্তু গুরুচরণের বাৎসল্য রসের ইতিহাস আগাগোড়া লিপিবদ্ধ করিতে গেলে মহাভারত হইয়া দাঁড়াইবে, তাহাতে কাজ নাই। পঙ্কজের যথন পাঁচ বছর বয়স তথন গুরুচরণ তাহাকে স্কুলে ভর্তি করিয়া দিল। ছেলে হাকিম-হইবে, স্ত্রাং হাকিমকে গোড়াপত্তন একটু তাড়াতাড়ি করাই ভাল। ছেলেটা লেখাপড়ায় ভাল দাঁড়াইয়া গেল। তাহার স্বভাব কতকটা মায়ের মত; পড়াশুনায় অথশু মনোনিবেশ; খেলা করে, তাও ধীর শাস্তভাবে।

এই সময় গুরুচরণের কিছু ভাবাস্তর লক্ষ্য করিয়াছিলাম। মনে

হইয়াছিল, পুত্রকে স্কুলে পাঠাইবার পর পুত্রের প্রতি তাহার বাংদল্যের উপ্রতা প্রশমিত হইয়াছে। দে তড়বড়ে ছিল বটে, কিন্তু থিটখিটে ছিল না; এই সময় তার মেজাজ থিটথিটে হইয়া উঠিয়াছিল। একদিন আমার সামনেই পঙ্কজের কান মলিয়া দিয়া গালে একটা চড় মারিল। তাছাড়া আমার সঙ্গেও যেন একটা দূরহ আসিয়া পড়িয়াছিল। আগে প্রত্যহ কারণে অকারণে আমার কাছে আসিত, এখন কাজ না থাজিলে আসে না। সম্প্রতি তাহার কাজের চাপ বাড়িয়াছিল; অফিসের কাজ তো ছিলই, বীমার কাজেও পুব বাড়িয়া গিয়াছিল, তাই সকলের সহিত তাহার ব্যবহার থিটখিটে ও অসামাজিক হইয়া উঠিয়াছিল। অন্তত তখন আমার এইরপই ধারণা হইয়াছিল।

কিন্ত এ ভাব ভাষার বেশী দিন বহিল না। ছুই তিন মাস বরেই দেখিলাম, সে ছেলেকে হাত ধরিয়া স্কুলে লইয়া যাইতেছে। একবার খেলা করিতে করিতে পদ্ধজের আঙুল কাটিয়া গিয়াছিল, গুরুচরণ উদ্বেগ ও উদ্ভেজনায় দিশাহারা হইয়া গেল। তাহার ব্যাকৃষতা দেখিয়া হাসি পায় অথচ উপেক্ষা করা যায় না। শেষ প্রস্তু হেলেটাকে একটি এ. টি. এস. ইঞ্জেকশন পর্যস্তু দিতে হইল।

যেদিন প্রক্ত স্কুলে প্রাইজ পাইল সেদিন গুরুচরণ পাড়ায় নিষ্টার বিতরণ করিল। প্রায় নাচিতে নাচিতে আমার কাছে আসিয়া বলিল, —'দেখেছ ডাতোর, কাঁছেলে! একেবারে হারের টুকরো। এ ছেলে বাঁচবে তো?'

চাসিয়া বলিলাম,—'তুমি যে রকর্ম আদর দিচ্ছ, বাচা শক্ত।'
সে হঠাৎ লজ্জিত হইয়া পড়িল—'না না, আদর কোথায় দিই।
এই তো সেদিন খুব ব'কেছি। স্থরমাও খুব শাসন করে।—তা
তুমি তোমার ছেলেকে স্কুলে দিচ্ছ কবে ?'

'এবার দেব।'

অতঃপর দিন কাটিতেছে। পদার বাড়িয়াছে, সংসারও বাজ়িয়াছে; ছটি ছেলে, একটি মেয়ে। গুরুচরণের কিন্তু সংসার বাড়ে নাই, ঐ এক ছেলে পঙ্কজ। পঙ্কজ কিগুারগার্টেন উত্তীর্ণ হইয়া বড় স্কুলে চুকিয়াছে। আমার বড় ছেলে কিগুারগার্টেনে চুকিয়াছে। আমরা যৌবনের সীমান্ত ছাড়াইয়া এখন প্র্যৌচ্ত্রের দিকে অগ্রসর হইতেছি।

এইবার গুরুচরণের পুত্রপ্রীতির শেষ দৃষ্টান্ত লিপিবদ্ধ করিয়া এই প্রসঙ্গের উপসংহার করিব।

পক্ষজের বয়স তথন বারো-তেবো বছর। পর ক্ষার দিন আগত। পরাক্ষায় সে প্রতি বছর প্রথম স্থান অধিকার করে, এবারও না করিবার কারণ নাই। আমার ছেলে কান্তুও বড় স্কুলে ভর্তি হইয়াছে, সেও পরীক্ষা দিবে। কান্তু একটু ভীরু প্রকৃতিব ছেলে, তাই পরীক্ষার প্রথম দিন নোটরে করিয়া তাহাকে স্কুলে পৌছাইয়া দিতে গিয়াছিলাম।

স্কুলের প্রাঙ্গণে ছেলেদের ভিড়, দশ হইতে কুড়ি বছর বয়স পর্যন্ত নানা বয়সের ছাত্র চারিদিকে কিলবিল করিতেছে। তথনও ঘন্টা বাজে নাই, কিন্তু বাজিতে বেশী দেরিও নাই।

স্কুলের ফটকের মধ্যে প্রবেশ করিয়াই কান্থু বলিল,—'বাবা, এবার তুমি যাও।'

তাহাকে সাহস দিবার জন্ম পিঠ চাপড়াইয়া দিয়া বলিলাম,— 'আচ্ছা। কোথায় সীট পড়েছে খুঁজে পাবি তো ?'

'পাব।' সে ছুটিয়া চলিয়া গিয়া অন্ত ছেলেদের মধ্যে মিশিয়া গেল। আমি কিছুক্ষণ তাহাকে লক্ষ্য করিবার ব্যর্থ চেষ্টা করিয়া 'ফিরিয়া চলিলাম। এই সময় ফটকের পাশের দিক হটতে চাপা তর্জন শুনিয়া চমকিয়া ঘাড় ফিরাইয়া দেখি, গুরুচরণ আর পঙ্কজ। গুরুচরণও পঙ্কজকে স্কুলে পৌছাইতে আসিয়াছে। সে বাঁ হতে পঙ্কজের একটা হাত ধরিয়াছে এবং ডান হাতের তর্জনী তুলিয়া বলিতেছে,—'ভোকে ফার্স্ট হতে হবে মনে রাখিস। ফার্স্ট হতে হবে—ফার্স্ট হতে হবে—

পক্ষজ লজায় লাল হইয়া দাড়াইয়া আছে: কয়েকটা স্কুলের ছেলে তাহাদের ঘিরিয়া দস্তবিকাশ পূর্বক পক্ষজের তুর্গতি দেখিতেছে।

গুরুচরণ বলিল,— 'ঘণ্টা বাজতে দেরি নেই। শিগ্গির আমার পায়ের ধুলো নে, তাহলে নিশ্চয় ফাস্ট হবি। ফাস্ট হওয়া চাই---'

পঙ্কজ নত হইরা তাহার পদধূলি গ্রহণ করিল। অমনি গুরুচরণ তাহার মাথায় হাত রাখিয়া বোধকরি ইষ্টমন্ত্র জপ করিতে লাগিল। ছেলেরা অট্টহাস্থ করিয়া উঠিল।

এই সময় পশ্বজ আমাকে দেখিতে পাইয়া করুণ মিনতিভরা চক্ষে আবেদন জানাইল। আমার আর সহ্য হইল না; আমি গিয়া গুরুচরণের হাত ধরিয়া টানিলাম, প্রায় রুচ্সবে বলিলাম,—'এস এস, কা পাগলামি করছ!'

অতঃপর স্কুলে পরীক্ষারস্তের ঘন্টা বাজিল, পঞ্চল দড়ি-ছেঁড়া বাছুরের মত পালাইল। আমি গুরুচরণকে লইয়া রাস্তায় বাহির হইলাম, তাঁহাকে আমাব গাড়িতে তুলিয়া লইয়া গাড়ি চালাইয়া বাড়ার দিকে চলিলাম। গুরুচরণ তথমও উত্তেজনার হাপাইতেছে। আমি বেশ বিরক্তভাবেই বলিলাম,—'ছেলেটাকে সহপাঠীদের কাছে অপদস্থ করার দরকার আছে কি ?'

গুরুচরণ ব্যাকুল স্বরে বলিল,—'অপদস্থ! তুমি ব্ঝছ না , ভাক্তার, ওকে ফার্স্ট হওয়াই চাই; নইলে সব গণ্ডগোল হয়ে

যাবে। আমি ওর নামে দশ হাজার টাকার ইন্সিওর করেছি, ধোল বছর বয়স থেকে মাসে মাসে টাকা পাবে। নিজে না খেয়ে প্রিমিয়ামের টাকা দিয়েছি। আমি যদি মরে ঘাই, তবু ওর কলেজে পড়া আটকাবে না।' এই পর্যন্ত বলিয়া সে হঠাৎ কাঁদিয়া ফেলিল।

ু তাহার কথা ও আচরণের মাথামুগু নাই। কিন্তু ভালবাস। বস্তুটা চিরদিনই মাথামুগুহীন।

মৃত্যু চিন্তা গুরুচরণের মনে লাগিয়া আছে। নিজের স্বাস্থ্যের উপর তাহার ভরসা ছিল না; বয়স যত বাড়িতেছিল ভরসা ততই কমিতেছিল। তাই সে স্ত্রীপুত্র সম্বয়ে যথাশক্তি ব্যবস্থা করিয়াছিল।

তাহার মৃত্যুচিন্ত। যে ভিত্তিহাঁন নয় তাহার প্রমাণ হইল উপরের ঘটনার বছর তিনেক পরে। পঙ্কজ তথন ম্যাট্রিক পরীক্ষা দিয়া মামার বাড়ী বেড়াইতে গিয়াছে। গুরুচরণের হাঁপানিং গাত, জীবনশক্তিও হ্রাস পাইয়াছিল। একদিন বৃষ্টিতে ভিজিয়া সে সম্প্রথ বাধাইয়া বসিল; হাঁপানি নিউমোনিয়া ব্রস্ককাইটিস মিশিটা এক বিশ্রী ব্যাপার।

কয়েকদিন চিকিৎসা করিয়া দেখিলাম গতিক ভাল নয়। আমি প্রতাহ অবসর পাইলেই তাহাকে দেখিয়া আসি: একদিন সকালে তাহাকে দেখিয়া ফিরিতেছি, স্থরমা সদর দরজা পর্যন্ত আমার সঙ্গে আমি রাস্তায় নামিয়া ফিরিয়া দেখিলাম, তাহার নিরুদ্ধে চোখে প্রশ্ন রহিয়াছে। আমি একটু ইতন্ততঃ করিয়া বলিলাম,—প্রক্লকে আনিয়ে নিলে ভাল হয়।

সে আরও কিছুক্ষণ প্রশ্নভরা চোথে চাহিয়া রহিল, ভারপর আমার কথার মর্মার্থ যেন বুঝিয়াছে এমনিভাবে একটু ঘাড় নাড়িল। চলিয়া আদিলাম। জ্বমার সঠিত আমি কতবার কথা বলিয়াছি—হিসাব করিলে বোধহয় আঙ্গুলে গোনা যায়। আন্দান্ধ কৃতি বছর পাশাপাশি বাড়ীতে বাস করিছেটি। আমার বয়স এখন পঁয়তাল্লিশ, সুর্মার বোধহয় চল্লিশের কাছাকাছি।

প্রদিন গুরুতরণের অবস্থা একটু ভাল মনে চইল। শাসকর আছে, কিন্তু অপেকাকৃত কম। পিঠের নীচে বালিশ নিয়া বিছানায় অর্থায়ান ছিল: আমাকে দেখিয়া বালিশের পাশ চইতে চশমা লইয়া পরিধান করিল, তারপর বিছানায় হাত চাপড়াইয়া আমাকে মিতে ইঞ্জিত কবিল। আমি বিদিলাম। সুরুমা দাবের কাছে কপাট ধবিয়া দাঁড়াইয়া রহিল। আমি এবং ওরুচবণ যখন একত্র থাকি তখন সে কাছে আসে না, কথাও বলে না।

গুরুচবণ ছ্'চাববার দার্ঘ নিশ্বাস টানিলা ধীবে ধারে কথা বলিল। কথা বলিলার তত্ত্বড়ে ভঙ্গা আর নাই, কণ্ঠহর বসিলা গিয়াছে; কশ্বালসার মূথে হাসি আনিবার বার্থ চেষ্টা করিয়া সে বলিল,—
'ভাক্তার, এ যাত্রা আর রক্ষে পাব না মনে হচ্ছে—'

আমি মাধাস দিতে গেলাম, সে হাত নাজ্যা আমাকে নিধারণ করিল—'যদি আমার ভালমন্দ কিছু হয় তুমি থোক। মার এরমাকে দেখো; ওরা যেন কট না পায়। তোমাকেই ওদের গার্জেন করে গেলাম।

আমার বুকের ভিতরটা চমকিয়া উঠিল ৷ সামলাইয়া লইয়া বলিলাম,—'কি মুশকিল, এখন ওসব কথা কেন : আগে ভূমি দেৱে ওঠো—'

সে বলিল,—'এখনি এসব কথা বলা দরকার। থদি না বাঁচি।
টাকার জন্মে ভাবনা নেই, সে ব্যবস্থা আমি করেছি। তৃমি শুধু
ওদের অভিভাবক থাকবে।'

আমি অসহিফু হটয়া বলিলাম,—'কিন্তু আমাকে কেন ? প্রজের মামারা রয়েছেন—'

দে বলিল,—'মামাদের অনেক ছেলেপিলে, সেথানে খোকা
 আদর পাবে না। ওরা এই বাড়ীতে থাকবে, তুমি ওদের দেখবে।'

'কিন্তু—' আমি তাহার মুখের পানে চোখ তুলিলাম। পুরু চশমার ভিতর দিয়া সে একদৃষ্টে আমার পানে চাহিয়া আছে। চোখা-চোথি হইলে সে আস্তে আস্তে বলিল,—'ডাক্তোর, আমি জানি।'

তাহার অপলক চোথের সামনে আমাকে ৪ক্সুনত কবিতে হইল। দারের দিকে চাহিলাম। স্থ্যমা শাস্ত অবিচলিত মুখে দাঁড়াইয়া আছে, কেবল তাহার গণ্ড বহিয়া নিঃশন্দ অশ্রুর ধারা ঝরিয়া প্ডিতেছে।

ষোল বছর পূর্বের একটা রাত্রির দৃশ্য চোথের সামনে ভাসিয়া উঠিল। সেই অন্ধ বড়ের রাত্রি। সে রাত্রিতে স্তর্মার সহজসিদ্ধ শাস্ত সংযমের বাঁধ হঠাৎ ভাঙিয়া গিয়াছিল।

সারাদিন তুঃসহ গরম গিয়াছে। আশা করিয়াছিলাম অপরাহে কালবৈশাখী উঠিবে, কিন্তু উঠিল না। কাজকর্ম বিশেষ কিছু ছিল না, কম্পাউশুর সন্ধ্যার পর চলিয়া গেল।

সাড়ে সাতটার সময় ভূত্য পদ্মলোচন বলিল, সে সিনেমা দেখিতে যাইবৈ, ছুটি চাই। ছুটি দিলাম। আমার সংসারে পদ্মলোচন ছাড়া আর কেহ ছিল না, তখন আমি অবিবাহিত। পদ্মলোচন সাঙ্ আটটার সময় আমার খাবার ঢাকা দিয়া রাখিয়া চলিয়া গেল।

বাড়ীতে আমি একা। ন'টার সময় সদর দরজা বন্ধ করিয়া দিয়া আমি আহারে বসিলাম।

আহার করিতে করিতে শুনিতে পাইলাম, এক পাল পাগলা হাতীর মত মড়মড় শব্দ করিয়া ঝড় আসিতেছে। আমি আহার শেষ করিয়া উঠিতে উঠিতে ঝড় আসিয়া আমার বাড়ীর উপর ঝাঁপাইয়া পড়িল, বাড়ীর থোলা জানালাগুলো দড়াম দড়াম শকে আছাড় খাইতে লাগিল। ছুটিয়া গিয়া জানালাগুলো বন্ধ করিলাম।

ঝড়ের মাতন ক্রমশ বাজিয়া চলিয়াছে। চারিদিকে রৈ-রৈ মচ্মচ্
মড়মড় শব্দ। 'ভূতনাথ ভূতসাথ দক্ষযজ্ঞ নাশিছে।' আমার বাড়ীটা
থাকিয়া থাকিয়া ভিৎ পর্যস্ত ছলিয়া উঠিতেছে। বিছাতের আলো
কাঁচের গোলকের মধ্যে শিহরিতে লাগিল।

তারপর আদিল বৃষ্টি বজ্র বিদ্যুৎ। বজ্রের কড়কড় মট্টগসি, বৃষ্টির ঝরঝর কান্না। আমি বাড়ীর এঘর-ওঘর ঘুরিয়া বেড়াইতেছি; ভয় হইতেছে, বাড়ীটা মাথার উপর ভাঙিয়া পড়িবে নাকি গ্

পরে আবহ মন্দিরের বিবরণে জানা গিয়াছিল. এমন হুরস্ত সাইক্রোন চল্লিশ বছরেল মধ্যে আসে নাই। নক্ষই মাইল বেগে বায়্ বহিয়াছিল, শহরের টিনের এবং খোলার চাল সমস্ত উড়াইয়া লইয়া গিয়াছিল, দশ-বারোজন লোক মার। পড়িয়াছিল। বার্তি সাড়ে ন'টা হইতে সাড়ে তিনটা পর্যস্ত ঝড়ের এই প্রলয়স্কর মাতামাতি চলিয়াছিল।

দশটা বাজিয়া গিয়াছে। দরজা জানালা সব বন্ধ, তবু খড়খড়ির ফাঁকে বাহিরের বাতাস আসিয়া বাড়ীটাকে ঠাণ্ডা করিয়া দিয়াছে। আমি বিছানায় শুইয়া একটা ডাক্তারি বইএর পাতা উপ্টাইতেছি, কিন্তু মন এবং কান বাহিবের দিকে পড়িয়া আছে।

এক ঝলক বিত্যুৎ, সঙ্গে সঞ্চো বিকট বাজ পড়ার শব্দ। খুব কাছে কোথাও বাজ পড়িয়াছে। বিছানায় উঠিয়া বসিলাম।

বাজ পড়ার পর কিছুক্ষণ ঝড়ের শব্দ যেন নিস্তেজ হইয়া গেল। এই সময়—ঠক্ ঠক্ ঠক্। কে যেন আমার সদর দরজায় ধারু। দিতেছে।

এই ঝড়ের রাত্রে কে আসিল! রোগী কিংবা পাড়াব কেহ

**এম**न पिटन >৫६

জ্বম হইয়াছে ! কান পাতিয়া রহিলাম। পদ্মলোচন কি ফিরিয়া আসিল ং না, ঝড না থামিলে সে ফিরিবে না—

মাবার ঠক্ ঠক্ শব্দ। উঠিয়া গিয়া সম্ভর্পণে হুড়কা খুলিলাম। কিন্তু বাতাসের ঠেলায় দরজা আমার হাত ছিনাইয়া সম্পূর্ণ উদ্ঘাটিত হইয়া গেল। সেই সঙ্গে বরে প্রবেশ করিল স্বরমা।

'মামি প্রাণপণ শক্তিতে দরজা আবাব বন্ধ করিয়া দিলাম। স্থরমার দিকে ফিরিয়া দেখিলাম সে ভিজা কাপড়ে অসম্বৃত অবস্থায় দাঁড়াইয়া কাঁদিতেছে; চোখে ভয়ার্ভ বিক্ষারিত দৃষ্টি। আমি স্তম্ভিভ হইয়া চাহিয়া রহিলাম, মুখ দিয়া বাহির হটল,—'এ কি! ব্যাপাব কি গ'

তাহার ঠোঁট খুলিয়া গিয়া কাঁপিতে লাগিল। সে বলিল,—
'রান্নাঘরের চালা উড়ে গেছে। তারপর দক্ষিণ দিকের নারকেল
গাঁছে বাজ পড়ল। বাড়িতে আমি একা—'

'গুরুচরণ কোথায় ?'

'সন্ধ্যের ট্রেনে কলকাতা গিয়েছে—'

এই সময় বজ্র আর একবার হুস্কার দিয়ে উঠল। স্থরমা ত'হাতে কান ঢাকা দিল, তারপর বলিল,—'পৃথিবী কি উল্টে বাবে ?'

বলি নাম,—'তুমি বড় ভয় পেয়েছ। এস, ওষুধ দিচ্ছি।'

ঢাক্তারখানায় লইয়া গিয়া তাহাকে এক আউন্স ব্যাণ্ডি খাওয়াইয়া দিলাম। তারপর তাহাকে শ্রনকক্ষে লইয়া গিয়া বলিলাম,—'তুমি কিছুক্ষণ শুয়ে থাক, ভয় কেটে যাবে। আমি বাইরের ঘরে আছি!'

এই সময় হঠাৎ দপ করিয়া আলো নিভিয়া গেল। স্থরমা আর্ত কাতরোক্তি কবিয়া অন্ধকারে ছুটিয়া আসিয়া আমাকে খামচাইয়া ধরিল। ভগবান জানেন, ছ্রভিপ্রায় আমাদের কাহারও মনে ছিল না। যোগাযোগ দেখিয়া মনে হয় যেন ছুইজন ছতি সামাল নরনারীর অযাচিত মিলন ঘটাইবার জল্ম সে রাত্রে নিয়তি এমন বিপুল ষড়যন্ত্র করিয়াছিল। কিন্তু সে যাক। নিয়তি অভিপ্রায় বৃঝিবার চেষ্টা করিব না। এবং নিজের ছ্র্বলভার দায় নিয়তির ঘাড়ে চাপাইয়া সাধু সাজিবাবও ইচ্ছা নাই।

সুরমাকেও আমি বিচাব করিব না! চিরদিন তাহার যে গুদ্ধ-শাস্ত রূপ দেখিয়াছি তাহা তাহার ছন্ধবেশ, একথা স্বীকাব করি না। ইহাই তাহার প্রকৃত স্বরূপ। কিন্তু প্রকৃতির শাস্ত নিক্দ্বেগ অস্তুরে অলক্ষিতে যেমন ঝড়ের বাপা জমিয়া জমিয়া একদিন বিক্লোরণের আকারে ফাটিয়া পড়ে, কেমনি মান্তুষেব অস্তুরেও যে অস্তুরূপ ব্যাপার ঘটে না তাহা কে বলিতে পারে।

সে রাত্রে ঝড় থামিবার পর রাত্রি সাড়ে তিন্টাল সময় স্বরমাণ গুহে ফিরিয়া গিয়াছিল। তারপর---তারপব---

পঙ্কজ আমার ছেলে। যেদিন তাহাকে প্রথম দেখিয়াভি সেইদিন হুইতে জানি সে আমার ছেলে।

মৃত্যুশয্যায় শুইয়া গুরুচরণ হাঁপাইয়া হাঁপাইয়া কথা বলিতেছে। আমি শ্যার পাশে বসিয়া শুনিতেছি। সুর্মা দারের কাছে দাঁড়াইয়া নিঃশব্দে কাঁদিতেছে।

'—খোকার বয়স যথন পাঁচ বছর তথন আমি ব্রতে পেরে-ছিলাম স্ব্রমাও অস্বীকার করেনি স্ক্রেক মাস বড় অশাস্তিতে কেটেছিল তেবেছিলাম ওদের ত্যাগ করব করে ত্যাগ করছে গিয়ে দেখলাম থোকাকে ছেড়ে আমি মরে যাব।—স্ব্রমা খোকাকে, আসতে লিখেছ গুমরার আগে তাকে দেখতে পাব তো গু

এ কাহিনী কোথায় শেষ করিলে ভাল হয় জ্বানি না। ইহার কি শেষ আছে ? আমি যথন থাকিব না, সুরমা যথন থাকিবে না, হয়ভো তথনও এ কাহিনীর রেশ চলিতে থাকিবে। সুতরাং এখানেই ছেদ টানা ভাল।

## আদিম

এই কাহিনীতে আদে স্থান কাল পাত্র-পাত্রীর প্রকৃত নাম বদল করিয়া লিখিতেছি।—

মহারাজ সূর্যশেখন শক্ত জয় করিয়া স্বরাজ্যে ফিরিয়ার্ট্ছন।
মরুভূমির পরপারে নির্জিত শক্ত মাথা নত করিয়াছে। মহারাজ
সূর্যশেখর সহস্র বন্দী ও সহস্র বন্দিনী সঙ্গে করিয়া আনিয়াছেন।
তাহাদের মধ্যে সাধারণ মান্ত্র্যও আছে, আবার অভিজাত বংশের
যুবক-যুবতীও আছে। বড় সুন্দর আকৃতি এই বন্দী-বন্দিনীদের;
রজতশুত্র দেহবর্ণ, স্বর্ণাভ কেশ। যুবতীদের দিকে একবার চাহিলে
চোথ ফেরানো যায় না।

মহারাজ ঘোষণা করিয়াছেন, একশত বন্দী ও একশত বন্দিনী তিনি স্বয়ং বাছিয়া লইবেন; বাকি যাহা থাকিবে, প্রধান সেনাপতি হইতে নিমৃত্য নায়ক পর্যন্ত সকলে পদমর্যাদা অনুযায়ী ভাগ করিয়া লইবে। উপরন্ত লুষ্ঠিত ধনরত্ব যাহা সঙ্গে আসিয়াছে ভাহাও ভাগ-বাঁটোয়ারা হইবে।

একদিন অপরাহে উত্তরায়ণের সূর্য মরুপ্রাস্তর প্রজ্জলিত করিয়া অস্তোমুধ হইয়াছে এমন সময় বিজয় বাহিনী রাজধানীর উপকঠে উপস্থিত হইল। পুরোভাগে মহারাজ সূর্যশেশরের চিত্রবিচিত্র শোনলাঞ্ছন চতুর্দোলা, তাহার পশ্চাতে শিবিকা ও দোলিকায় সেনাপতির দল, তারপর বন্দী-বন্দিনীর শ্রেণী এবং লুষ্ঠিত ধনরত্ববাহী যানবাহন। সর্বশেষে বিপুল সৈম্ববাহিনী।

কিন্তু আজ আর সদলবলে পুরপ্রবেশের সময় নাই; মহারাজ স্বনির্বাচিত বন্দী-বন্দিনীদের লইয়া ডক্কা বাজাইয়া নগরে প্রবেশ

করিলেন। সেনাপতিরাও নগরে যাইতেছেন; উঁহোরা কাল প্রাতে আসিয়া বন্দা-বন্দিনী বাছাই করিয়া লইয়া যাইবেন। কেবল সৈন্দদল ধনরত্ব ও বন্দী-বন্দিনীদের রক্ষকরূপে রহিল। কাল প্রাতে ধনরত্ব ভাগ হইবে, সৈনিকেরা যে-যার অংশ লইয়া যথাস্তানে প্রস্তান করিবে।

একজন কনিষ্ঠ সেনানীর নাম সোমভন্ত! বয়স একুশ বাইশ, বলিষ্ঠ দেহ, তাম্রুলকের স্থায় দেহবর্ণ; স্থুদর আকৃতি। রাজধানীতেই তাহার গৃহ, তাহার পিতা একজন মধাশ্রেণীর ভক্ত গৃহস্থ। সোমভক্ত এই প্রথম যুদ্ধযাত্রা করিয়াছিল; যুদ্ধে সে মস্ট্রম পরাক্রম দেখাইয়াছে, প্রধান সেনানায়কদের প্রশংসা আর্জন করিয়াছে, মহারাজের ভীমকান্ত মুখেব প্রসন্ধ হাস্থ তাহাকে পুরস্কৃত করিয়াছে। তাহার ভবিশ্বৎ উজ্জল। কিন্তু আজ গৃহের দ্বারপ্রান্তে আসিয়া যখন সকলের মন গৃহের জন্ম ব্যপ্র হইয়া উঠিয়াছে তখনও তাহার প্রাণে শান্তি, নাই। গৃহেব কথা স্মরণ হইলেই তাহার মন শক্ষিত হইয়া উঠিতেছে। গৃহে পিতামাতা আছেন, কনিষ্ঠা ভগিনী শক্রী এবং বালক-আতা শ্যেনভক্ত আছে; কুক্ত সংসার। কিন্তু সোমভক্তের স্বচেয়ে ভয় শক্রীকে: শক্রী শুধুই তাহার অন্ধুজা নয়—

উদ্প্রাপ্তভাবে দৈল সমাবেশের প্রাপ্তভূমিতে বিচরণ করিতে কবিতে সোমভদ্র গভীর দার্ঘ্যাস মোচন করিল। সৈলদল শক্ত বিজয় করিয়া ফিরিয়াছে, তাহাদের মনে চিস্তা নাই; তাহারা ক্রকপ্তে গান গাহিতেছে, নিজেদের মধ্যে হুড়াহুড়ি করিতেছে। কাল প্রাতে তাহারা বেতন পাইবে, লুক্তি দ্বব্যের অংশ পাইবে; হয়তো হুই একটি দাসদাসা পাইবে, তারপর মহানন্দে গৃহে ফিরিয়া ধাইবে। কিন্তু সোমভদ্রের অবস্থা অন্তর্গ ; তাহার মন হুইদিকে

টানিতেছে। সম্মুখে নীয়মান পতাকার স্থায় তাহাব মন পিছনদিকে তাকাইয়া আছে।

শক্ত বিজয় করিয়া ফিরিবার পথে সহস্র বন্দিনীর মধ্যে একটি বন্দিনীর কাছে সোমভন্ত হৃদয় হারাইয়াছে। ইহা কেবলমাত্র দৈহিক আকর্ষণ নয়, গভারতর বস্তু। বন্দিনীর নাম মেরুকা; শুল্রশিখা দাপবর্তিকার আয় তার রূপ, বন্দিনীর ছিল্ল গলিত বস্ত্রাবরণ ভেদ কলিয়া রূপনিখা ক্ষুরিত হইতেছে। নীল চোখে কঠিন সহিষ্ণুতা। সে উচ্চবংশের কল্যা, দৈবনিগ্রহে বিজ্ঞাতীয় শক্তর কবলিত হইয়া স্কলন হইতে বতদুরে নিশ্বিস্থ, পৃথিবীতে আপন বলিতে তাহার কেহ নাই, সে এখন নির্মন শক্তর পণ্যবস্তু। কিন্তু এই মহা বিপর্যয়ের মধ্যে পভিয়্লাও মেরুক্ত মনেত্র শুহু হারায় নাই।

বন্দিনীদের মধ্যে সুন্দরী অনেক আছে, দুক্লেই সুন্দ্রী ও যুব্তী; কারণ বাছিয়া বাছিয়া স্থন্দরী যুব্তীদেবই হরণ করিয়া আনা চইয়াছে। কিন্তু সোমভজ একমাত্র মেককাকে দেখিয়াই যুগ্ধ হইয়াছে। প্রত্যাবর্তনের দার্ঘ পথ অভিক্রম করিতে করিতে ত্জনে পরস্পারের দারিধ্যে আদিয়াছে; চেনাশোনা চইয়াছে, তুই চারিটি সংক্রিপ্ত কথার বিনিময় হইয়াছে, তুজনে পরস্পারের নাম জানিয়াছে, অতীত জীবনের ইতিবৃত্ত জানিয়াছে। সোমভজ কিন্তু নিজের মনের কথা মেককাকে বলে নাই; বলিবার প্রায়োজন হয় নাই, দোমভজের চোথের ভাষা মেককা বুঝিয়াছে।

কিন্তু আজ যাত্রাপথের প্রান্তে পৌছিয়া আর নীরব থাকা। চলে না, মনের কথা মুখের ভাষায় প্রকাশ করা প্রয়োজন। তাই সোমভজের মন এত বিজ্ঞান্ত। হৃদয়ে আবেগ আছে, শান্তি নাই। পথের প্রান্তে নয়, সে যেন দ্বিভূজ পথের কোণবিন্দৃতে আসিয়া। পৌছিয়াছে।

সেনাপতিরা সকলে চলিয়া গিয়াছেন। সূর্য অস্তগামী ।
সৈনিকেরা অপেক্ষাকৃত শাস্ত হইয়া রাত্রির আহারের উত্তোগ
আয়োজন করিতেছে। সোমভদ্রের প্রতি কাহারও লক্ষ্য নাই।
সে সহসা মনস্থির করিয়া বন্দিনীদের সাময়িক উপনিবেশের দিকে
চলিল।

বৈন্দী ও বন্দিনীদের পৃথক অবরোধ। সৈত্যযুথের বিশ্রাম কালে
দোলা-শকটাদি বাহনগুলিকে পর পর সাজাইয়া ছুইটি পরিবেষ্টন
নিমিত হয়, একটিতে বন্দিগণ ও অপরটিকে বন্দিনীগণ থাকে। এই
শক্ট-ব্যুহের মধ্যে রাজা ও ছুই তিনজন প্রধান সেনাপতি ভিন্ন
অক্ত কাহারও প্রবেশাধিকার নাই। সোমভদ্র শক্ট-ব্যুহের বহির্দেশ
বিরিয়া ধীর পদে পরিক্রমণ আরম্ভ করিল।

আবেষ্টনীর মধ্যে বন্দিনী মেয়েরা দাঁড়াইয়া আছে; তাহাদের দৃষ্টি বাহিরের দিকে। কাহারও চোথে আতঙ্ক, কাহারও চোথে নীরব অঞ্চর ধারা। কেহ বা নিয়তির ক্রোড়ে আত্মসমর্পণ করিয়া উদাসীন হইয়া পড়িয়াছে। কাহারও দৃষ্টি সম্মুথে ভীম নগর-তোরণের উপর নিবদ্ধ, কাহাবও চক্ষু পশ্চাতে অদৃশ্য মাতৃভূমির দিকে প্রসারিত। তাহাদের সম্মিলিত মনের নিপীড়িত আকাজ্জা কে নির্ণয় করিবে ?

আবেষ্টনার পশ্চান্তাগে মেরুকা দাঁড়াইয়া ছিল। তাহার চোখের দৃষ্টি সম্মুখেও নয়, পশ্চাতেও নয়; মনে হয় আপন মনের গহন জটিলতার মধ্যে তাহার চকু হুটি পথ হারাইয়া ফেলিয়াছে।

সোমভন্ত তাহার কাছে গিয়া দাঁড়াইল; মাঝখানে একটি শকটের ব্যবধান। কিন্তু মেরুকা তাহাকে দেখিতে পাইল না। সোমভন্ত কিয়ৎকাল একাগ্র চক্ষে তাহার পানে চাহিয়া থাকিয়া অবক্ষম স্বরে ডাকিল—"মেরুকা!"

চকিতে মেরুকার চক্ষু বহিমুখী হইল। সেক্ষণকাল স্থিমিত নেত্রে সোমভদ্রকে নিরীক্ষণ করিয়া অক্ষৃট সরে বলিল, 'সেনানা সোমভন্ত!'

শকটের উপর ঝুঁকিয়া সোমভদ্র প্রশ্ন করিল—'মরুকা, তুমি কি ভাবছিলে প

মেরুকা আকাশের পানে চাহিল। এক ঝাঁক পাথি কল্কুজন করিয়া বাদায় ফিরিতেছে। মেরুকা ধারে ধারে বলিল—'কি ভাবছিলাম জানি না। বোধ হয় নিজের নিয়তির কথা ভাবছিলাম।'

উদগত আবেগ দমন করিয়া দোমভন্ত কহিল, 'মেরুকা, ভূমি আশা হারিও না।'

মেরুকা বলিল—'যেদিন বন্দিনা হয়েছি সেদিন থেকে আশা আশঞ্জ হুই-ই ত্যাগ করেছি। শুশু তাবি, আমার নিয়তি আমাকে কোথায় নিয়ে যাচ্ছে, ঝড়ের মুথে মরুভূমির বালুকণা কোন্সমুদ্রের জলে ড়বে যাবে।'

তাহার নিজ্তাপ কণ্ঠহরে যে অপরিসীম হতাশ। প্রচ্ছের ছিল তাহা সোমভদ্রের হৃদয়কে আলোড়িত করিয়া তুলিল: সে মেরুকার পানে ছই বাহু প্রসারিত করিয়া আবেগ খলিত ধরে বলিল— 'মেরুকা, তুমি আমার ভগিনা! আমি তোমাকে বিয়ে কবতে চাহ।'

দীর্ঘকাল নারব থাকিয়া মেরুকা বলিল-—'ভগিনী! তোনাদের দেশে ভাতা-ভগিনীর বিবাহ হয়! আমাদের দেগে হয় না। কিঃ তুমি আমার ভাতা নও, তুমি যদি আমাকে বিবাহ কর, আনি স্বর্গ হাতে পাব।'

মেরুকার শুষ্ক চল্ফু সহসা বাজ্পাকুল হইয়া উঠিল, সে সোমভজেব দিকে হাত বাড়াইয়া দিল। শকটের ছই পার হইতে আঙুলে আঙুলে ছোঁয়াছুঁয়ি হইল।

সোমভদ্র বলিল—'আমি কাল প্রত্যুবে আসব। একটি বন্দিনী আমার প্রাপ্য। আমি তোমাকে বেছে নেব, তারপরে বাড়ী নিয়ে গিয়ে তোমাকে বিয়ে করব।'

মেরুকার অধর থর থর করিয়া কাঁপিতে লাগিল। সে কথা বলিতে পারিল না, কেবল তুর্দম আকাজ্জা ভবা চোখে সোমভজ্জের পানে চাহিয়া রহিল।

সোমভজ যথন নিজ গৃহের সম্মুখীন হইল সূর্য অন্ত গিয়াছে, আদূরস্থ নদীর নিস্তরক নীল জলে অস্তরাগের খেলা চলিতেছে। গৃহ-প্রাঙ্গণের দারে তাহার পিতা মাতা. ভগিনী শফরী ও বালক লাতা শ্যেনভজ দাঁড়াইয়া। সকলের দৃষ্টি একসঙ্গে সোমভজের উপর পড়িল। মায়ের মুখে হাসি, চোখে জল; পিতার মুখ ভৃপ্তি-গন্তীর। শ্যেনভজ ছুটিয়া দাদার কাছে যাইবার উপক্রম করিলে পিতা তাহার হাত ধ্রিয়া তাহাকে আটকাইয়া রাখিলেন। কেবল শফরীকে কেহ আটকাইল না। সোমভজকে স্থাগত সন্তাষণ করিবার অগ্রাধিকার তাহারই।

শফরীর বয়স সতরো। রূপ ও যৌবন মিলিয়া সাবলীল স্বর্ণাভ শফ্রীর মতই তাহার দেহ। সে লঘুপদে ছুটিয়া গিয়া সোমভদ্রের বুকের উপর ঝাঁপাইয়া পড়িল, গ্রীবার মধ্যে মুখ গুঁজিয়া গদগদ স্বরে ডাকিল—'ভাই!'

ক্ষণকালের জন্ম সোমভজের মনে হইল, তাহার সন্তাপ শাস্ত হুইয়াছে, অঙ্গ জুড়াইয়া গিয়াছে, দেহমন ভরিয়া একটি পরিতৃপ্ত আনন্দ পুগন্ধি ফুলের মত ফুটিয়া উঠিয়াছে। সে শফরীর ক্ষম জড়াইয়া লইল। শফরী মুথ তুলিল। ছই চক্ষে আনন্দ বিকীর্ণ করিয়া সোম-ভদ্রের অধরের কাছে অধর ধরিল। বলিল—'চুমু খাও।'

সোমভদ্রের মন আবার অশাস্ত হইয়া উঠিল। শফরীকে বলিতে হইবে, মেরুকার কথা বলিতে হইবে। সে শফরীর অধরে অধর স্পর্শ করিয়া বলিল—'শফরি, তুমি ভাল আছ গ'

শফরা বলিল—'উঃ, কভদিন পরে তুমি ফিরে এলে!' .

সোমভজ লঘু হাসিয়া বলিল—'যদি না ফিরে আসভাম যদি যুদ্ধে মরে যেভাম !'

শফরার মুখের হাসি মিলাইয়া গৈল, সে বুভুক্ষু চক্ষে কিছুক্ষণ সোম হজের পানে চাহিয়া থাকিয়া বলিল,—'তাহলে—ভাহলে আমিও মরে যেতাম।'

না, আর নয়, এ প্রসঙ্গ আব বাড়িতে দেওয়া উচিত নয়।
সোমভন্ত নিজেকে শফরীয় বাজমুক্ত করিয়া বলিল— 'না, তুমি মরে '
যেতে েন ্ কিছুদিন হয়তে। আমার জন্ম ছঃখ করতে, তারপর
অন্য কারুর সঙ্গে ভোমার বিয়ে হত। শফরী—'

ভারের কথা শেষ হলল না, গোনভজ পিতার হাত ছাড়াইয়া ছুটিয়া অংশিয়া বনবিড়ালের মত তাহার পুর্ফে লাফাইয়া পড়িল, হাচোড় পালোড় করিয়া ভাহার ক্ষে ইঠিয়া বসিল। শেনভজেব ব্যস্কাশ হচর।

তিনজনে হাসিতে হাসিতে মাতাপিতার কাছে গিয়া দাঁড়াইল।
সোমভন্ত নতজারু হইয়া মাতাপিতাকে অভিবাদন করিল। শফ্রীর
চক্ষু সারাক্ষণ সোমভন্তের মুখের উপর নিবদ্ধ হইয়া রহিল। সোমভন্তের আচরণে কোথায় যেন বিকলতা বহিয়াছে, সে তাহাকে
ভগিনী বলিয়া ডাকে নাই, শফ্রী বলিয়া ডাকিয়াছে। কেন !—— ,

বাড়াতে অনাভ্যর উৎসবের হাওয়া। প্রাঙ্গনে বাঁধা খেত

**এমন क्रि.न** ১৬৪

গর্দভটি ঘন ঘন কর্ণ আন্দোলিত করিয়া কোমল চক্ষে চাহিয়া সোমভত্তকে সম্ভাষণ জানাইয়াছে, গরু ছাগল ও মেষ নিজ নিজ ভাষায় সংবর্ধনা করিয়াছে। মা রন্ধনশালাতে গিয়াছেন, শকরী ভাঁহার সক্ষে গিয়াছে। পিতা প্রীতিবিশ্বিত মুথে প্রাঙ্গণ-বেদীর উপব স্থির হইয়া বসিয়া আছেন। কেবল শ্যেনভত্ত জ্যেষ্ঠ ভাতার সঙ্গ ছাড়ে নাই, ছায়ার মত ভাহার সঙ্গে সঙ্গে ঘুরিভেছে এবং নানা প্রশ্ন করিয়া ভাহার মন আরও উদ্ভান্ত করিয়া তুলিয়াছে।

সন্ধ্যার পর আহারের সময় সকলে সমবেত হইলে সোমভজ্ঞ তাহার যুদ্ধযাতার অনেক বিচিত্র কাহিনা বলিল সকলে মন্ত্র-মুগ্ধের স্থায় শুনিল। তারপর মাতা ক্লান্ত সোমভজ্ঞকে শয়ন করিতে পাঠাইলেন। শুেনভজ্ঞ শফবীর কোলে মাথা রাখিয়া নিজালু হইয়াছিল, সে তাহাকে শোয়াইয়া দিয়া আসিল। ফিরিয়া আসিয়া দেখিল মাতাপিতা ঘনিষ্ঠ হইয়া বসিয়া বিবাহের আলোচনা করিতেছেন। সোমভজ্ঞ ও শফরী বড় হইয়াছে: সোমভজ্ঞ যুদ্ধে কাতি অর্জন করিয়া ফিরিয়াছে, এখন আহ বিলম্ব করিয়া লাভ নাই, যত শীল্প সম্ভব বিবাহ দেওয়া প্রয়োজন। কালই পিতা মন্দিরে গিয়া পুরোহিতের সহিত দিন কণ স্থির করিয়া আসিবেন।

শফরী দারের কাছে দাঁড়াইয়া তাহাদের কথাবার্তা শুনিল। তাঁহাদের স্বর ক্রমশ গাঁচ ও স্মৃতিমধুর হইয়া আসিল; তখন শফরা শয়ন করিতে গেল। নিজের শয়নকক্ষে যাইবার আগে একবার সোমভদ্রের কক্ষে উকি মারিল।

ঘরের কোণে প্রদাপের নিক্ষপ শিখা মৃত্ আলোক বিভরণ করিতেছে। সোমভজ শয্যায় শুইয়া আছে। তাহার একটি বাহু চোখের উপর শুস্ত; নিশ্চয় ঘুমাইয়া পড়িয়াছে। শফরী চাহিয়া চাহিয়া একটি কুজ নিশাস ফেলিল। তাহার হৃদয়ে একটি প্রশ্ন বারংবার কাঁটার মত ফুটিতে লাগিল। কেন কেন সোমভজ ভাগাকে ভগিনী বলিয়া ডাকিল না গ তবে কি সে আর তাহাকে ভালবাসে না গ তবে কি ।

শফরী নিজ ককে গিয়া শয়ন করিল, কিন্তু তাহার ঘুম আসিল না। গৃহ নিঃশব্দ হইয়া গিয়াছে, বাহিরে নদীতীরে কচিৎ হংস বা সারসের উচ্চকিত ধ্বনি শুনা যাইতেছে। নগর স্থা, গৃহ স্থাও; কেবল শফরী জাগিয়া আছে।

বাত্তি দ্বিপ্রহরে শফরী উঠিল। অন্ধকাবে ধীবে ধীরে দোমভাজের কক্ষের দিকে চলিল। ঘরের কোণে দীপশিখাটি ক্ষুত্ত
হুইয়া আদিয়াছে, দোমভত্ত পূর্ববং চক্ষের উপর বাজ রাথিয়া
ভুইয়া আছে। শফরী নিঃশব্দে তাহার শ্যাপার্দে গিয়া দাঁড়াইল।
ভাহার বুকে হুরস্ত ব্যাকুলতা আলোড়িত হুইয়া উঠিল। আমার
প্রিয়তম! আমার ভাই! এক রক্ত, এক দেহ; আমরা
পরস্পরের হয়ে জন্মেছি, প্রস্পরের জন্মে বড় হুয়েছি, আমাদের
মাঝখানে ব্যবধান নেই। আম্বা কি ক্থনো আলাদা হতে

শ্য্যাপার্শে নতজাতু হইয়া শফরী সোমদ্যানে বৃকের মাঝখানে অতি সম্ভর্পণে চুম্বন করিল।

সোমভজ ভক্তাচ্ছন্নভাবে শয্যায় পড়িয়া ছিল, চমকিয়া জাগিয়া উঠিল।

আজ গৃহে কিরিবার পর হইতে দে সকলের কাছে মেরুকার কথা ালিবার চেষ্টা করিয়াছে, কিন্তু বলি-বলি কবিয়াও বলিতে পারে নাই; মেরুকার নাম কণ্ঠ পর্যস্ত আসিয়া ফিরিয়া গিয়াছে। মনে হইয়াছে, মেরুকার নাম ইচ্চারণ করিলেই গৃহের এই শাস্ত জানন্দময় পরিমণ্ডল চুর্ণ হইয়া যাইবে। সতরো বছর পূর্বে শফরী

বেদিন জন্মগ্রহণ করে সেইদিন হইতে স্থির হইয়া আছে তাহার। ত্'জনে স্বামী-স্ত্রী। ত্'জনে একসঙ্গে বড় হইয়াছে, কেহ অন্ত কথা ভাবিতেও পারে নাই। তারপর যুদ্ধযাত্রা। কোথা হইতে বন্দিনী মেরুকা আসিয়া তাহার হৃদয় হরণ করিয়া লইল। সোমভজ্ব প্রাণমন দিয়া মেরুকাকে ভালবাসিয়াছে, তাহাকে বিবাহ করিতে চায় দ কিন্তু গৃহে ফিরিবার পর পিতামাতার মুখের পানে চাহিয়া, শফরীর মুখের পানে চাহিয়া তাহার মনে অপরাধের গ্লানি আসিয়াছে, মুখ ফুটিয়া মনের কথা বলিতে পারে নাই। গৃহে ফিরিয়াই সকলের মনে আঘাত দিতে তাহার মন সবে নাই।

কিন্তু একথা বেশীক্ষণ লুকাইয়া রাখা চলিবে না কাল প্রাতেই সে মেরুকাকে আনিতে যাইবে; মেরুকাকে লইয়া গৃহে ফিরিবার পর কিছুই আর অজ্ঞাত থাকিবে না। পিতামাতা তথন কি করিবেন, শফরী কি করিবে কিছুই অনুমান করা যায় না। তার চেয়ে আগেই কথাটা জানাইয়া রাখা ভাল। পিতামাতা যদি অমত করেন তথন মেরুকাকে লইয়া সে অন্যত্র ঘর বাঁধিবে। তাহার অর্থের অভাব নাই; সে যোদ্ধা, যুদ্ধে কৃতিৰ অর্জন করিয়াছে, অর্থও প্রচুর অর্জন করিবে—

তবু সে বলিতে পারে নাই। বিক্লুক মন লইয়া সে শয়ন করিতে গিয়াছিল। তারপর তদ্রার ঘোরে সে পিতামাতা ও শফরীর সঙ্গে তর্ক করিয়াছে, স্বপ্নে মেরুকাকে ভগিনী বলিয়া চুম্বন করিয়া জাগিয়া উঠিয়াছে, আবার তন্ত্রাচ্ছন হইয়া পড়িয়াছে—এইভাবে অর্ধেক রাত্রি কাটিয়াছে।

শফরীর চুম্বনে ঘুম ভাঙিয়া সে উঠিয়া বসিল। চোথের জড়িমা দূর হইলে দেখিল, মেরুকা নয়, শফরী। তাহার মন অপ্রত্যাশিত-ভাবে স্বস্থ ও নিরুদ্বেগ হইল। শফরী একাকিনী, তাহাকে সে সব কথা বলিতে পারিবে! শফরীর সহিত তাহার মনের একটি সংযোগ আছে, নাড়ীর যোগ, শফরী তাহার মনের কথা ব্রিতে পারে। তাহাকে মেরুকার কথা বলিলে সে ব্রিবে।

সোমভজ শফরীর হাত ধরিয়া তাহাকে শয্যার পাশে বদাইল, চুপি চুপি বলিল,—'শফরী, তোর সঙ্গে কথা আছে।'

শকরী তাহার কাছে সরিয়া আসিয়া বলিল,—'কি কথা ?'

প্রায় আলিস্থনবদ্ধভাবে বসিয়া ত্র'জনের মধ্যে হ্রস্কর্চে কথা হইতে লাগিল ে জোবে কথা বলিলে মা-বাবার ঘুম ভাঙিয়া যাইতে পারে।

সোমভন্ত বলিল,—'আমি একটা নেয়েকে ভালবেসে কেলেছি। কী স্থান্য মেয়ে, একবার দেখলে তুইও ভালবেসে ফেলবি।'

সোনভজেৰ বাহুবেউনের মধ্যে শফরীর দেহ শক্ত হইয়া উঠিল, —'কে সে :'

সোমভন্দ বলিল,—'তার নাম মেরুকা, যাদের আমরা বুদ্ধে বন্দিনী করে এনেছি তাদেরই একজন। বান্দিনী হলেও উঁচু ঘরের মেয়ে। আমি তাকে বোন বলে ডেকেছি, তাকেই বিয়ে করব।'

শক্রার মেরুয় ষ্টিলোহশস্কুর জায় ঋজু হইয়া রহিল, সে ধারে ধারে বলিল,—'ভাকে বিয়ে করবে। কিন্তু সে তো ভোমার সভ্যিকার বোন নয়।'

সোমভজ বলিল,—'নাই বা হল সত্যিক।র বোন । যার সঙ্গে ভালবাসা হয় সেই তো বোন । ভেবে ছাখ, যার সত্যিকার বোন নেই তার কী হয় ? সে তো বাইরের মেয়েকে বিয়ে করে । আমিও তেমনি বাইরের মেয়েকে বিয়ে করব।'

শকরার জিহনা শুক্ষ হটয়া গিয়াছিল। অনেকক্ষণ পরে সে বিলেল,—'কিস্তু ওর তো ঘর নেই। ওকে নিয়ে তুমি যাবে কোথায় ?'' 'অবগ্য স্ত্রীর ঘরেই স্বামীকে যেতে হয়। কিন্তু ওর যখন ঘর নেই তথন বাবাকে বলব এই বাড়ীতেই আমাদের স্থান দিতে। তা যদি তিনি না দেন তথন আলাদা ঘর বাঁধব।'

'আর আমি ? আমার কি হবে ?' কথাগুলি শফরী অতিকণ্টে কণ্ঠ হইতে বাহির করিল।

দ্যোমভজ তাহার কণ্ঠস্বরের মর্মান্তিক শুক্তা লক্ষ্য করিল না, সাগ্রহে বলিল,—'তুইও আমার মতন বাইরে বিয়ে করবি। শাস্তে বলেছে মাঝে মাঝে বাইরে বিয়ে করতে হয়, নইলে বংশের অধােগভি হয়। কিন্তু তুই ঘদি নিতান্তই বাইরের মানুষকে ঘরে না আনতে চাস—ভাহলে শ্রেনভজ তো রয়েছে। ছ'চার বছরের মধ্যে ও জায়ান হয়ে উঠবে—'

শফ্রী সহসা উঠিয়া দাড়াহল—'আমি যদি বিয়ে না করি জাতেই বা ক্ষতি কিঃ তোমার যা ইচ্ছা তুমি তাই কর দ—আচ্ছা, এবার মুমোও।'

সোমভদ্র তাহার হাত টানিয়া বলিল,—'আমি ভোর ন৷ হতেই চলে যাব ফেঞকাকে আনতেঃ মা-বাবাকে তুই কথাটা শুনিয়ে রাথিস '

'আচ্ছা—' শফরী তাহার হাত ছাড়াইয়া চলিয়া গেল। সোমভজ্ঞ অনেকটা নিশ্চিস্ত মনে আবাব শয়ন করিল। এ ভালই হইল। পিতামাতাকে নিজের মুখে কিছু বলিতে হইবে না

শফরী নিজের কক্ষে ফিরিয়া গেল, অনেকক্ষণ শয্যায় মুখ গুঁজিয়া পড়িয়া রহিল। মন বৃদ্ধি অবশ হইয়া গিয়াছিল, আবার শ্লীরে শীরে ফিরিয়া আসিল; তখন সে শ্যায় উঠিয়া বসিল।

ভাষার হাদয় হিংসায় পূর্ণ হইয়া উঠিল ৷ কোথাকার একটা ঘৃণ্য

বিজ্ঞানো বন্দিনী রূপের লোভ দেখাইয়া তাহার ভাইকে ভুলাইয়া লইবে। নানা, আমি দিব না। আমার ধন দিব না, তার চেয়ে—

শয্যা হইতে উঠিয়া শফরী দেওয়ালের কুলঙ্গী হইতে একটি শল্য তুলিয়া লইল। পিতাল নির্মিত তীক্ষ্ণধার শল্য। শফরীর পিতা একজন অতি নিপুণ ধাতুশিল্পী, তিনি এই শল্যটি সহস্তে নির্মাণ ক<sup>রি</sup>য়া কন্থাকে উপহার দিয়াছিলেন। শফরী শল্যটির সুস্তা অণি নিজের বুকের নাঝখানে ফুটাইয়া প্রথ করিল, ভাবপর আবার শ্যায় আসিয়া বসিল।

সোমভন্ত নিজ শ্যায় ঘুমাইতেছে। তাহার মন ওই মায়াবিনী রাক্টার রূপে নিমজ্জিত হইয়া আছে; হয়তো ঘুমাইয়া তাহাকে স্থা দেখিতেছে। কাল সকালেই সে রাক্ষ্মীকে আনিতে যাইবে। না না, তার পূর্বেই—। সোমভন্তের বৃকের মাঝখানে, যেখানে সে চুস্বন করিয়াছিল, ঠিক সেইখানে এই শল্য বসাইয়া দিবে—
ভারপর শল্য নিজের বৃকে বিঁধিয়া দিয়া ছ'জনে একসঙ্গে পরলোকে যাইবে। জন্মাবিধি যে বন্ধন আরম্ভ হইয়াছিল, মৃত্যুর পর্বভ তাহা ছিল্ল হইবে না। একই তর্ণীতে হাত ধরাধিব ক্ষিয়া ভাহারা মৃত্যু-নদীর ধরস্রোভ পার হইবে।

শক্রী দৃঢ়মুষ্টিতে শলা ধরিয়া সোমভজের শ্ব্যাপাশে গিয়া দাঁড়াইল, তাহার নিশ্চিন্ত নিজিত মুখের পানে চাহিল। সংসা অদম্য রোদনের বেগ তাহার বক্ষ হইতে কণ্ঠ পর্যন্ত ঠেলিয়া উঠিল। অভি কণ্ঠে বাম্পোচ্ছাদ সংবরণ করিয়া সে ফিরিয়া গেল, নিজের শ্ব্যায় পড়িয়া অঞ্চর উৎস মুক্ত করিয়া দিল। না সোমভজের ব্বেক সে শল্য বিধিতে পারিবে না।

শুইয়া শুইয়া অসহায়ভাবে সে মেরুকাকে গালি দিতে লাগিল—, রাক্ষনী! প্রশাচী! ডাকিনী!

এমন দিনে ১৭-

নদীতীর হইতে একটা সারসের কেংকার ভাসিয়া আসিল। শফরীর মনে হইল, সারস বলিল—ডাকিনী।

ডাকিনা। এতক্ষণ শফরীর স্মরণ ছিল না, নদীতীরে শর-কান্ডের কুটারে এক ডাকিনা বাদ করে। ডাকিনী তন্ত্রমন্ত্র জানে, মারণ বশীকরণ জানে। শফরী নদাতীরে তাহাকে অনেকবার দেখিয়াহে, ছ'একবার কথাও বলিয়াছে, শীর্ণ কৃষ্ণকায়া বিকঢ-দশনা বৃদ্ধা, প্রায় উলঙ্গ অবস্থায় বাদ করে। কিন্তু রাত্রে তাহার কাছে লোক আদে, যাহারা মন্ত্রৌষধির বলে গোপন অভিসন্ধি সিদ্ধ করিতে চায় ভাহারা অন্ধকারে গা ঢাকিয়া চুপি চুপি ডাকিনার কাছে আদে।

শফরী ক্ষণকাল নিশ্চল বাসয়া রহিল। তারপর উঠিয়া নিংশব্দে গৃহের বাহির হইল। তাঁক্ষ্ণ শল্যাট বস্ত্রের মধ্যে লুকাইয়া লইল। না ডাকিনার কাছে যাইবে, ডাকিনার মন্ত্রবলে শক্ত নিপাত করিবে।

গৃহ হইতে অল্প দূরে শরবনের মধ্যে ডাকিনীর কুটীর কুটীরের মাঝ্যানে মাটির উপর অঙ্গার কুগু। কিন্তু স্পারের বক্তাভ আলোকে কুটীরের মধ্যে মানুষ দেখা যাইতেছে না।

শফরী শঙ্কিত বক্ষে দ্বারের বাহিরে কিয়দ্ধুরে আসিয়া দাঁড়াইল : বেশী কাছে যাইতে ভয় করে। সে কম্পিত কণ্ঠে ডাকিল,— 'ডাকিনি।'

যেন মন্ত্রবলে ডাকিনী তাহার সম্মুখে আবিভূতি হইল; বিকট হাসিয়া বলিল,—'বিদেশিনী তোর ভাই-এর মন কেড়ে নিয়েছে, তাই এসেছিস ?'

 শক্রী ভয় ভুলিয়। গেল, ডাকিনীর হাত ধরিয়। আবেগভরের বলিল,—'হাা ডাকিনি, তুই আমার ভাইকে ফিরিয়ে দে।' ডাকিনীর আঙুলে দীর্ঘ নথ, সে নথযুক্ত আঙুল শকরীর মুখে ব্লাইয়া বলিল,—'ভাই ওমনি পাওয়া যায় না। কি দিবি ৮'

শফরী বলিল,—'ভুই যা বলবি ভাই দেব।' 'বুকের রক্ত দিতে পারবি ং' 'পাবব।'

'তবে তাই দে .` বলিয়া ডাকিনী শফরীর বুকেও সামনে নিজ করতল গণ্ড্য করিয়া ধরিল।

শকরী শল্য বাহির করিয়া নিজের বুকে আঁচড় কাটিল, দরদর করিয়া রক্ত ডাকিনীর গণ্ডবে পড়িতে লাগিল। গণ্ড্য পূর্ণ হইলে ডাকিনী বলিল,—'এতেই হবে। তুই দাঁড়া, আমি আসছি।'

দৈ কুটীরে প্রবেশ করিল। শফরী রক্তক্রিত বক্ষে বাহিরে দাঁড়াইয়া দেখিতে লাগিল, অফার-কুণ্ডের সম্মুখে নতজাত্ত হার্কী— ডাকিনা পূর্ণ করতল আওনের উপর উপুড় করিয়া দিল। অগ্নি ক্লকাল স্তিমিত হইয়া হহিল, তারপর দপ্ করিয়া শিখা তুলিয়া জ্লিয়া উঠিল। ডাকিনা তখন মন্ত্র পড়িতে পড়িতে বামাবর্তে অগ্নি পরিক্রমণ করিতে লাগিল।

অন্ধকারে দাঁড়াইয়া শফ্বী কম্প্রফে বিক্ষারিত নেত্রে চাহিয়া রহিল।

অগ্নিশিখা প্রশমিত হইলে ডাকিনী ধুনী হইতে এক টিপ ভস্ম লইয়া শফরীর কাছে ফিরিয়া আসিল, বলিল,—'ভয় নেই, ভাইকে ফিরে পাবি। বিদেশিনী ভোর ভাইকে কেড়ে নিতে পারবে না।'

ক্ষমাসে শফরী বলিল,—'পারবে না গু

'না, আমার মস্তর মিথ্যে হয় না!—এই ভস্ম বুকের কাটার লাগিয়ে দে, কাটা জুড়ে যাবে।' এমন দিনে ১৭২

ভশ্ম লইয়া শফরী বুকে মাথিল; মনে হইল ভশ্ম নয়, চন্দন। ডাকিনী তখন হলিল,—'এবার আমায় কি দিবি বল।'

'তোমায় কী দেব ?' ডাকিনীকে শফরীর অদেয় কিছুই ছিল না, কিন্তু সঙ্গে যে কিছুই নাই! সে অমূল্য শল্যটি ডাকিনীর হাতে দিয়া বলিল,—'এই নাও। আমার বাবা আমার জ্ঞানেজের হাতে গড়ে দিয়েছেন, সারা দেশে এর জোডা নেই।'

'দে দে—' শল্য লইয়া ডাকিনী কুটীরে ফিরিয়া গেল। শফরী দেখিল, সে শল্যটি আগুনের কাছে ধরিয়া লোলুপ চক্ষে দেখিতেছে এবং শিশুর মত খিলখিল করিয়া হাসিতেছে।

টলমল উদ্বেল হাদয়ে শফরী গৃহে ফিরিয়া গেল। আশার উৎ-কণ্ঠায় সারা রাত্তি শয্যায় পড়িয়া জাগিয়া রহিল।

বন্দিনীদের অবরোধে মেরুকাও সারা রাত্রি ঘুমায় নাই। উষার উদয়ে সোমভজ আসিবে, তাহার প্রতীক্ষায় জাগিয়া আছে। গৃহ-হীনা বন্দিনী গৃহ পাইবে, স্বামী পাইবে, মেষ-ছাগের মত দাসীহাটে বিক্রীত হইতে হইবে না। তাই আশার উৎকণ্ঠায় তাহার চোথে ঘুম নাই।

উধ্বে নক্ষত্ত গলি ধারে ধারে শ্লান হইয়া আসিল, আকাশের আগ্নিকোণে যে উজ্জ্বল নক্ষত্তি সুযোদয়ের পূর্বে উদিত হইলে নদীতে জ্বল বাড়ে, সেই নক্ষত্তি দপদপ করিতে লাগিল। ক্রেমে সে নক্ষত্তিও নিপ্তাভ হইয়া পড়িল: প্রত্যুষের ধুসর আলো অলক্ষিতে পরিকৃট হইতে লাগিল।

 সোমভন্ত কিন্ত আসিল ন। মেরুকার ব্যাকুল চক্ষু নগর-দ্বারের দিকে চাহিয়া আছে—ঐ বৃঝি দে আসিতেছে! ঐ বৃঝি সোমভল্র! কিন্তু না, যাহারা আসিতেছে তাহাদের মধ্যে সোমভজ নাই। অত্যাত্ত সেনাপতিরা আসিতেছেন, তাঁহারা স্বচক্ষে দেখিয়া বাছাই করিয়া নির্ধারিত সংখ্যক বন্দি-বন্দিনী লইয়া যাইবেন সকলের সঙ্গে বহু সশস্ত্র রক্ষী।

সূর্যোদয় হইলে সেনাপতির। বন্দিনীদের অবরোধে প্রবেশ করিলেন। আর আশা নাই। নেরুকার বৃক কাটিয়। নিঃশ্বাস বাহির হইল। যুদ্ধে বন্দিনী ক্রীতলাদীর ভাগ্য এত শীঘ্র পুপ্রসন্ন হইবে, ইহা সে কেমন করিয়। আশা করিয়াছিল । ভিন্নমূল লতায় কি ফুল ফোটে!

মেরুকা মনে মনে নিজের ভবিয়ৎ জীবন কল্পনা করিল।
একজন মাংসলোলুপ সেনাপতি তাহাকে লইয়া যাইবেন: কিছুদিন
পরে তাহার ভোগতৃঞ্চা চরিতার্থ হুইলো তিনি তাহাকে দাসংহাটে
বিক্রেয় করিবেন। কোনও মধ্যবিত্ত ব্যক্তি তাহায় ক্লায়ে-যৌব্দু
দেহটা ক্রেয় করিবে। আবার কিছুকাল পরে সেও ভাহাকে
কোনও দরিজ ক্ষকের কাছে বিক্রেয় করিবে। ভারপত একদিন
তাহার ভগ্নজার দেহটা নদীর গর্ভে সমাধি লাভ করিবে। ইহাই
তাহার জীবনের স্থনিশ্চিত পরিণাম।

অমোঘভল্ল নামক এক সেনাপতি মেরুকার সম্পুথে বীর্নিয়া দাঁড়াইলেন। বয়স অনুমান চল্লিশ, দৃঢ় গঠন, মাংসল দেহ, সভাটে নিভাঁৱ অন্ত্ৰক্ষত চিহ্ন, চল্লে কতৃছের অভিমান। আঠারো বছর হইতে চল্লিশ বছর বয়স পর্যন্ত ক্রেমান্থয়ে যুদ্ধ করিয়া তিনি বৃঝিয়া-ছিলেন, জীবনে সারবস্ত কেবল হুইটি আছে: শক্রর শোণিত এবং নারীর যৌবন। মেরুকার দেহ নিরাবরণ করিয়া তিনি ভোগপ্রাণ দৃষ্টিতে নিরীক্ষণ করিলেন, চিবুক ধরিয়া তাহার মুখ তুলিয়া চোধেশু উপর চোধ রাথিয়া সহজ গন্তীর হুরে বলিলেন, 'নাম কি হু'

थमन मिटन ५१८

ভূষারশীতল কণ্ঠে মেরুকা নাম বলিল। অমোঘভল্ল প্রশ্ন করিলেন, 'হাসতে জানো প্'

ক্ষন্তরে বিদ্বেষর তুষানল জ্বালিয়া মেরুকা দশনপ্রাপ্ত উল্মোচিত
 করিয়া মুখে হাসির ভক্তিমা করিল।

সেনাপতি অমোঘভল্ল সম্ভষ্ট হইলেন। মেরুকার কণ্ঠস্বর মিষ্ট, দস্তপংক্রি স্থানর। তিনি ছইজন ভ্তাকে ডাকিয়া বলিলেন—
'একে সানার প্রমোদ-বাটিকায় নিয়ে যাও।'

মেরুকা একবার চোথ তুলিয়া মহানায়ক অমোঘভল্লের পানে চাহিল, ভারপর নিঃশব্দে ছুই ভৃত্যের মধ্যবতিনী হইয়া দাঁড়াইল। ভুত্যের তাহার দেহে একখণ্ড লঘু উত্তরীয় জুড়াইয়া দিল।

## ্সামভজ মুমাখ্যা পড়িয়াছিল।

লকরার সহিত কথা বলিবার পর তাহার মন নিরুদ্বেগ হইয়া-ছিল, সে গভীর নিজায় অভিভূত হইয়া পড়িয়াছিল। একেবাকে বুম ভাঙ্গিল যথন সূর্যোদয় হইতেছে। সে কিছুক্ষণ জড়বং বসিয়া রহিল, তারপ্র স্মৃতিশক্তি ফিরিয়া আসিলে মুখে অব্যক্ত শক্ষ কিন্যা দৌডাইতে আহন্ত করিল।

সেনাপতি অমোঘভল্লের ভৃতাদ্বয় নেরুকাকে দোলায় ভুলিবার উল্লোগ করিতেছিল, এমন সম্য সোমভজ সৈলগুহের সম্মুখে উপস্তিত হইল।

## 'মেক্লকা।'

মেরুকা উচ্চকিত হইয়া দেখিল সোমভন্ত ছুটিতে ছুটিতে আসিতেছে। তাহার অন্তরের সমস্ত হতাশা কঠিন-তিক্ত বিদ্বেষে পরিণত হইল, চক্ষু হিমশীতল উপলখণ্ডের স্থায় নিষ্প্রাণ হইয়া গেল। সে সোমভজেৰ দিকে পিছন ফিরিয়া দো্লায় আরো**হণের** উপক্রম করিল।

সোমভজ ঘন ঘন নিঃশ্বাদ ফেলিতে ফেলিতে তাহার কাছে আদিয়া দাঁড়াইল, 'মেরুকা! তুমি কোথায় যাচ্ছ?'

সেনাপতি অমোঘভল্লেব ভূত্যেরা সোমভজ্তকে চিনিত না, এক-জন রাচ্চত্তে তাহাকে সরাইয়া দিয়া বজিল—'সাবধান! দুৱে : থাকো :

সোনভজ ক্রোধ-দীপু চক্ষে তাহাব পানে চাহিয়া বলিল—'**আমি** সেনানায়ক সোনভজ। তোমরা কে গ একে কোথায় নিয়ে যা**ছ**ে?'

নাম শুনিয়া ভৃত্যের নরম হইল, বিলি আমিরা মহানায়ক মমোঘভল মহাশয়ের ভৃত্য। মহানায়ক এই বন্দিনীকে নির্বাচন করেছেন। তাই ওকে তাঁর প্রমোদ-বাচিকায় নিয়ে যাচ্ছি।

মেরুকা তথন দোলায় উঠিয়া বসিয়াছে, দারুগঠিত মুন্তির আয় দেহ কঠিন কণিয়া বসিয়া অবহন নামভন্ত একবাৰ ভালৰে পানে চাহিল, একবাৰ ভূতাদেৰ পানে চাহিল। জীৱপার দৃঢ় আদেশেই স্থায়ে বলিল,—'ভোমরা দাঁড়াও, চনে যেও নান জ্বানি মহানায়ৰ অমোঘভাল্লের সঙ্গে কথা বলভে যাচ্ছি।'

সোমভজ জেত বৃত্তিমধ্যে প্রবেশ করিল। ভৃত্যদম্ফাপরে পড়ি কিছুক্ষণ নিজেদের মধ্যে মস্ত্রণা কবিল, ভারপর দোলা ভূলিয়ে জট্ট প্রস্থান করিল। তাহাদের কাভে প্রভুর আদেশই গরিষ্ঠ।

দোলার মধ্যে মেরুক। দারু-পুত্তলীর স্থায় বসিয়া রহিল্প।
নিয়তির বিরুদ্ধে যুদ্ধ করিতে নাই, তাহাতে নিয়তি আরও নিষ্ঠুর
হইয়া ওঠে। হয়তো এই বৃষস্কর প্রবীণ যোদ্ধার অস্তরে দহীন-মান্য
আছে, হয়তো দে চিরদিনের জন্ম তাঁহার গৃহে আশ্রয় পাই
হয়তো—হয়তো—

তুর্বাঘাসের মৃত আশা মরিয়াও মরে না। বৃদ্ধির দর্পণে অনিবার্গ ভবিয়াৎ দেখিয়াও মরিতে চায় না—

সোমভজ বন্দিনীদের আবেষ্টনীর মধ্যে প্রবেশ করিয়া দেখিল, মহানায়ক আমোদভল্ল একটি বন্দিনীর বস্ত্র মোচন করিয়া পরীক্ষা নিরীক্ষা করিভেছেন। তিনি পাঁচটি বন্দিনী পাইবেন, এটি দ্বিতীয়। সোমভজকে আসিতে দেখিয়া আমোঘভল্ল পরম সমাদরের সভিত তাছাকে সম্বোধন করিলেন.—'দেখ তো সোমভজ, এই বন্দিনীটাকে বেশ শক্ত-সমর্থ মনে হচ্ছে। আমাব বিহার-নিকাব দাঁড় টানছে পারবে গ'

সোমভক্ত একবাল বন্দিনার প্রতি কটাক্ষপাত করিয়া নিরুৎসূক ক:ঠ বলিল, 'পারবে।' তারপর ব্যগ্রস্থরে কহিল, 'মহানায়ক. আপনার সঙ্গে আমার আভালে একটা কথা আছে।'

- ∸ ি মহানায়ক অনোঘভল্ল ঈষৎ বিশ্বয়ে একটু সরিয়া আসিয়া বলিলেন, 'কি কথা গ'
- ি সোমভ**জ** অধর লেইন করিয়া বলিল, 'মহানায়ক, যে বন্দিনীকে <sup>ব্</sup>যাপনার ভল্লোরা নিয়ে যাচ্ছে, সে—সে—'
- র "জেশেনাঘভল্ল বলিলেন, 'যে বনিদনীটার নাম নেরুকা ভার কথা বিলছে গু
- ্, 'হাঁ। মহানায়ক। নেরুকা—আমি—আমি তাকে নিতে চাং : · ভাকে—'

্র আমোর ভল্ল উচ্চকণ্ঠে হাসিয়া বলিলেন, 'এখন আর হয় না বন্ধু। আমি তাকে হস্তগত করেছি। জানো তো, যে আগে আদে সে আগে পায়।'

শা সোমভজ বলিল, 'কিন্ত—আপনি আমাকে এই অনুগ্রহ করন পঞ্জি। আমি মেরুকাকে বিবাহ করতে চাই।'

**অন্ত্রীর উল্লে**র হাস্তমুখ সহসা গঙীর হইল। তিনি বলিলেন,